


8.56, A. 14



8.56.A.14
~~Massif Central~~
etc





THEOLOGIA S C O T I

Perhm A prolixitate, & subtilitas eius ab
obscuritate libera & vindicata: *ad Com*

OPVS THEOLOGICVM
STVDENTIBVS

Sic attemperatum, vt in illo habeant ad manus
Theologiæ Scholasticæ integritatem breuem,
profunditatem planam. *Marq*

St. Roman A V T H O R E *Wally*
V. P. IOANNE GABRIELE BOYVIN

In Prouincia Franco-Parisiua strictioris Obseruantia
Lectore Theologiæ Iubilato.

Est apud FF. Minores Virienses a merito Professore;
ex eadem Vrbe oriundo.

IN QVATVOR PARTES DIVISA.


TERTIA PARS.

Sexta Editio correctior.



VENETIIS, M. DC. XC.

Apud Gasparem de Stortis.
Superiorum Permissu, & Priuilegio.



INDEX DISPUTATIONVM.

Capitulum, & Quaestionum.

TERTIAE PARTIS.

TRACTATUS DE SACRAMENTIS.

Disputatio I. De Sacramentis in genere. fol. 1.
CAP. I. De Natura & Numero
SACRAMENTORVM.

Quaest. I. Quid sit Sacramentum? 1

II. Quot sint Sacramenta nouae legis? 3

III. An Sacramenta sint aequalia in dignitate? 5

IV. An Sacramenta consistant rebus tanquam materia, & verbis tanquam forma? 7

V. An materia & forma Sacramentorum sint determinatae? 9

VI. Vtrum nostra Sacramenta sint necessaria? 10

VII. An in statu innocentiae fuerint Sacramenta? 12

VIII. An fuerint Sacramenta in lege naturae? 15

IX. An fuerint aliqua Sacramenta in lege scripta? 16

Cap. II. De causa Sacramentorum.

Quaest. I. Quid sit Auctor Sacramentorum? 18

II. Quis sit minister Sacramentorum? 20

III. An requiratur intentio ministri? 22

IV. Qualis debeat esse intentio ministri? 24

V. An requiratur fides in ministro? 26

VI. An probitas requiratur in ministro? 27

VII. Quenam dispositio requiratur in suscipiente Sacramentum? 29

Cap. VI. De effectu Sacramentorum.

Quaest. I. An Sacramenta conferant Gratiam habitua-lem? 30

II. Vtrum Sacramenta conferant habitus supernaturales cum Gratia? 31

III. An Sacramenta conferant Gratias actuales? 33

V. An Sacramenta conferant Gratiam de opere operato? 34

VI. An Sacramenta legis antiquae contulerint Gratiam ex opere operato? 37

VII. An Circumcisio contulerit Gratiam ex opere operato? 39


VIII. An Sacram. conferant Gratiam vel moraliter vel physice? 41

VIII. An Sacramenta imprimant caracterem? 45

Disp. II. De Sacramentis in specie.

Cap. I. De Baptismo.

Quaest. I. Quid sit Baptismus? quando fiat institutus & quotuplex sit? 47



INDEX DISPUTATIONVM,

Capitum, & Quæstionum.

TERTIÆ PARTIS.

TRACTATVS DE SACRAMENTIS.

Disputatio I. De Sacramentis in genere. fol. 1.
CAP. I. De Natura & Numero
SACRAMENTORVM.

Quæst. I. Quid sit Sacramentum? 1

II. Quot sint Sacramenta nouæ legis? 3

III. An Sacramenta sint aequalia in dignitate? 5

IV. An Sacramenta consent rebus tanquam materia, & verbis tanquam forma? 7

V. An materia & forma Sacramentorum sint determinata? 9

VI. Verum nostra Sacramenta sint necessaria? 10

VII. An in statu innocentia fuerint Sacramenta? 12

VIII. An fuerint Sacramenta in lege natura? 15

IX. An fuerint aliqua Sacramenta in lege scripta? 16

Cap. II. De causa Sacramentorum.

Quæst. I. Quid sit Auctor Sacramentorum? 18

II. Quis sit minister Sacramentorum? 20

III. An requiratur intentio ministri? 22

IV. Qualis debeat esse intentio ministri? 24

V. An requiratur fides in ministro? 26

VI. An probitas requiratur in ministro? 27

VII. Quanam dispositio requiratur in suscipiente Sacramentum? 29

Cap. VI. De effectu Sacramentorum.

Quæst. I. An Sacramenta conferant Gratiâ habitua-lem? 30

II. Vtrum Sacramenta conferant habitus supernaturales cum Gratiâ? 31

III. An Sacramenta conferant Gratiâs actuales? 33

IV. An Sacramenta conferant Gratiâ de opere operato? 34

V. An Sacramenta legis antiqua contulerint Gratiâ ex opere operato? 37

VI. An Circumcisio contulerit Gratiâ ex opere operato? 39

VII. An Sacram. conferat Gratiâ vel moraliter vel physice? 41

VIII. An Sacramenta imprimant caracterem? 45

Disp. II. De Sacramentis in specie.

Cap. I. De Baptismo.

Quæst. I. Quid sit Baptismus? quando sit institutus & quodplex sit? 47

I N D E X

II. <i>Quenam sit materia Baptismi ?</i>	50
III. <i>Quanam sit forma Baptismi ?</i>	54
IV. <i>De ministro Baptismi ?</i>	58
V. <i>Quinam sint effectus Baptismi & qua dispositio ?</i>	60
VI. <i>Quomodo Baptismus sit necessarius ?</i>	65
VII. <i>Qua sint ceremonia adhibende.</i>	69

Cap. II. De Confirmatione .

Quæst. I. Q <i>Vid sit Confirmatio ?</i>	71
II. <i>An Confirmatio sit Sacramentum ?</i>	72
III. <i>Quando instituta fuerit Confirmatio.</i>	74
IV. <i>Quenam sit materia remota Confirmationis ?</i>	75
V. <i>Quenam sit materia proxima Confirmationis ?</i>	76
VI. <i>Quanam sit forma Confirmationis ?</i>	78
VII. <i>Quis sit minister huius Sacramenti ?</i>	79
VIII. <i>Qui possint Confirmari ?</i>	81
IX. <i>Quosnam effectus producat Confirmatio ?</i>	82
X. <i>Quid requiratur in Confirmando ?</i>	83
XI. <i>Quinam sint ritus huius Sacramenti ?</i>	84

Cap. III. De Sacramento Eucharistiæ .

Quæst. I. Q <i>Vid sit Eucharistia, quotuplex sit & quando instituta fuerit ?</i>	86
II. <i>Ex quibus constet Sacramentum Eucharistiæ ?</i>	88
III. <i>Vtrum Sacramentum Eucharistiæ sit necessarium ?</i>	89
IV. <i>Quanam sit materia Eucharistiæ ?</i>	92
V. <i>Vtrum materia consecranda debeat esse præsens, sensibilis & determinata ?</i>	94
VI. <i>Vtrum necessario debeant simul consecrari panis & vinum ?</i>	97
VII. <i>An aqua admixta vino conuertatur immediate in sanguinem ?</i>	99
VIII. <i>Quanam sit forma Eucharistiæ ?</i>	100
IX. <i>An corpus Christi sit in Eucharistiæ ?</i>	103
X. <i>An corpus Christi sit in Sacramento per impanationem, annihilationem, aut transubstantiationem ?</i>	108
XI. <i>Qua sint in Eucharistiæ vi verborum, & qua per concomitantiam ?</i>	110
XII. <i>An Christus sit in singulis partibus hostiæ ante diuisionem ?</i>	112
XIII. <i>Vtrum corpus Christi habeat suam quantitatem in Eucharistiæ ?</i>	113
XIV. <i>Quanam prædicata verificentur de Christo in Eucharistiæ ?</i>	115
XV. <i>Vtrum corpus Christi dicatur agere, pati & moueri ?</i>	116
XVI. <i>An accidentia sint sine subiecto in Eucharistiæ ?</i>	118
XVII.	

I N D E X /

XVII. <i>Quandiu maneat corpus Christi sub speciebus?</i>	119
XVIII. <i>Quomodo ex speciebus generetur aliquid?</i>	121
XIX. <i>Quosnam effectus producat Eucharistia?</i>	122
XX. <i>Quandonam Eucharistia producat suos effectus?</i>	124
XXI. <i>Quenam dispositio requiratur in suscipiente Eucharistiam?</i>	125
XXII. <i>Quis sit minister Eucharistia?</i>	126
XXIII. <i>An sumenda sit Eucharistia necessario sub utraque specie?</i>	128

Cap. IV. De Sacrificio Missæ.

Quæst. I. <i>Quid sit sacrificium Missæ, & à quo fuerit institutum?</i>	132
II. <i>Quid offeratur in Missa, & à quo?</i>	134
III. <i>In qua actione consistat essentia huius sacrificij?</i>	136
IV. <i>An sacrificij Missa sit propitiatorij, & impetratorij?</i>	138
V. <i>Quid sit effectus sacrificij Missæ?</i>	139
VI. <i>An valor sacrificij Missæ sit finitus, vel infinitus?</i>	140
VII. <i>Pro quibus possit celebrari sacrificium Missæ?</i>	143
VIII. <i>De quibusdam circumstantijs ad Missam requisitis?</i>	144

Cap. V. De Pœnitentia.

Quæst. I. <i>Quid sit Pœnitentia, quando fuerit instituta, & an necessaria fuerit?</i>	148
II. <i>Quanam sit materia Pœnitentia?</i>	152
III. <i>Quanam sit forma Pœnitentia.</i>	154
IV. <i>An per Pœnitentiam omnia peccata remittantur.</i>	156
V. <i>An peccata possint remitti sine Pœnitentia?</i>	158
VI. <i>An peccatum possit remitti sine infusione gratia?</i>	159
VII. <i>An unum peccatum possit remitti sine alio?</i>	161
VIII. <i>An peccatum tollatur per solam non imputationem.</i>	162
IX. <i>An per Pœnitentiam remittantur peccata venialia.</i>	164
X. <i>Utrum Sacramentalia possint peccata venialia remittere?</i>	165
XI. <i>An remissa culpa tollatur reatus ad pœnam?</i>	168
XII. <i>Utrum merita mortificata redeant per pœnitentiam?</i>	

169

Cap. VI. De partibus Pœnitentia.

Quæst. I. <i>Quid sit Contritio proprie sumpta?</i>	173
II. <i>Quid sit Attritio, & quomodo à contritione differat?</i>	176
III. <i>An Attritio sufficiat ad remissionem peccati?</i>	177
IV. <i>An Contritio sit necessaria?</i>	181
V. <i>Qualis debeat esse Contritio.</i>	183

Cap. VII. De Confessione.

Quæst. I. <i>Quid iure necessaria sit Confessio?</i>	184
II. <i>Quos obliget præceptum Confessionis?</i>	187
III. <i>Quo</i>	

I N D E X

II. <i>Quanam sit materia Baptismi?</i>	50
III. <i>Quanam sit forma Baptismi?</i>	54
IV. <i>De ministro Baptismi?</i>	58
V. <i>Quanam sint effectus Baptismi & qua dispositio?</i>	60
VI. <i>Quomodo Baptismus sit necessarius?</i>	65
VII. <i>Qua sint ceremonia adhibenda.</i>	69
Cap. II. De Confirmatione.	
Quaest. I. <i>Q</i> uid sit Confirmatio?	71
II. <i>An Confirmatio sit Sacramentum?</i>	72
III. <i>Quando instituta fuerit Confirmatio.</i>	74
IV. <i>Quanam sit materia remota Confirmationis?</i>	75
V. <i>Quanam sit materia proxima Confirmationis?</i>	76
VI. <i>Quanam sit forma Confirmationis?</i>	78
VII. <i>Quis sit minister huius Sacramenti?</i>	79
VIII. <i>Qui possint Confirmari?</i>	81
IX. <i>Quosnam effectus producat Confirmatio?</i>	82
X. <i>Quid requiratur in Confirmando?</i>	83
XI. <i>Quanam sint ritus huius Sacramenti?</i>	84
Cap. III. De Sacramento Eucharistiae.	
Quaest. I. <i>Q</i> uid sit Eucharistia, quotuplex sit & quando instituta fuerit?	86
II. <i>Ex quibus constet Sacramentum Eucharistiae?</i>	88
III. <i>Verum Sacramentum Eucharistiae sit necessarium?</i>	89
IV. <i>Quanam sit materia Eucharistiae?</i>	92
V. <i>Vtrum materia consecranda debeat esse praesens, sensibilis & determinata?</i>	94
VI. <i>Verum necessario debeant simul consecrari panis & vinum?</i>	97
VII. <i>An aqua admixta vino conuertatur immediate in sanguinem?</i>	99
VIII. <i>Quanam sit forma Eucharistiae?</i>	100
IX. <i>An corpus Christi sit in Eucharistia?</i>	103
X. <i>An corpus Christi sit in Sacramento per impanationem, annihilationem, aut transubstantiationem?</i>	108
XI. <i>Qua sint in Eucharistia vi verborum, & quae per concomitantiam?</i>	110
XII. <i>An Christus sit in singulis partibus hostiae ante diuisionem?</i>	112
XIII. <i>Vtrum corpus Christi habeat suam quantitatem in Eucharistia?</i>	113
XIV. <i>Quanam praedicata verificentur de Christo in Eucharistia?</i>	115
XV. <i>Vtrum corpus Christi dicatur agere, pati & moveri?</i>	116
XVI. <i>An accidentia sint sine subiecto in Eucharistia?</i>	118
XVII.	

I N D E X /

XVII. <i>Quandiu maneat corpus Christi sub speciebus?</i>	119
XVIII. <i>Quomodo ex speciebus generetur aliquid?</i>	121
XIX. <i>Quosnam effectus producat Eucharistia?</i>	122
XX. <i>Quandonam Eucharistia producat suos effectus?</i>	124
XXI. <i>Quanam dispositio requiratur in suscipiente Eucharistiam?</i>	125
XXII. <i>Quis sit minister Eucharistia?</i>	126
XXIII. <i>An sumenda sit Eucharistia necessario sub utraque specie?</i>	128

Cap. IV. De Sacrificio Missæ.

Quæst. I. <i>Q</i> uid sit sacrificium Missæ, & à quo fuerit institutum?	132
II. <i>Quid offeratur in Missa, & à quo?</i>	134
III. <i>In qua actione consistat essentia huius sacrificij?</i>	136
IV. <i>An sacrificiū Missæ sit propitiatoriū, & impetratoriū?</i>	138
V. <i>Quid sit effectus sacrificij Missæ?</i>	139
VI. <i>An valor sacrificij Missæ sit finitus, vel infinitus?</i>	140
VII. <i>Pro quibus possit celebrari sacrificium Missæ?</i>	143
VIII. <i>De quibusdam circumstantijs ad Missā requisitis?</i>	144

Cap. V. De Pœnitentia.

Quæst. I. <i>Q</i> uid sit Pœnitentia, quando fuerit instituta, & an necessaria fuerit?	148
II. <i>Quanam sit materia Pœnitentia?</i>	152
III. <i>Quanam sit forma Pœnitentia.</i>	154
IV. <i>An per Pœnitentiam omnia peccata remittantur.</i>	156
V. <i>An peccata possint remitti sine Pœnitentia?</i>	158
VI. <i>An peccatum possit remitti sine infusione gratia?</i>	159
VII. <i>An unum peccatum possit remitti sine alio?</i>	161
VIII. <i>An peccatum tollatur per solā non imputationem.</i>	162
IX. <i>An per Pœnitentiam remittantur peccata venialia.</i>	164
X. <i>Utrū Sacramentalia possint peccata venialia remittere?</i>	165
XI. <i>An remissa culpa tollatur reatus ad pœnam?</i>	168
XII. <i>Utrum merita mortificata redeant per pœnitentiam?</i>	

169

Cap. VI. De partibus Pœnitentia.

Quæst. I. <i>Q</i> uid sit Contritio propriè sumpta?	173
II. <i>Quid sit. Attritio, & quomodo à contritione differat?</i>	176
III. <i>An Attritio sufficiat ad remissionem peccati?</i>	177
IV. <i>An Contritio sit necessaria?</i>	181
V. <i>Qualis debeat esse Contritio.</i>	183

Cap. VII. De Confessione.

Quæst. I. <i>Q</i> uo iure necessaria sit Confessio?	184
II. <i>Quos obliget præceptum Confessionis?</i>	187

III. Quo

I N D E X.

III. <i>Quo tempore obliget praeceptum Confessionis?</i>	188
IV. <i>Quanam sint conditiones Confessionis?</i>	193
V. <i>An Confessio debeat esse integra?</i>	196
VI. <i>An quibus casibus possit non esse integra Confessio?</i>	199
VII. <i>An solus Sacerdos sit minister Confessionis?</i>	202
VIII. <i>An omnis Sacerdos sit minister Confessionis?</i>	204
IX. <i>An quilibet Sacerdos possit absolvere à venialibus peccatis.</i>	206
X. <i>An quilibet Sacerdos possit absolvere in articulo mortis.</i>	207
XI. <i>Quis sit minister ordinarius Confessionis?</i>	208
XII. <i>Utrum quis possit dare delegatam Iurisdictionem?</i>	209
XIII. <i>An habes potestatem audiendi Confessiones à Papa vel Episc. possit illas audire sine licetia Episc. aut Parochi?</i>	210
XIV. <i>Quis sit minister vagorum & itinerantium?</i>	213
XV. <i>Quanam conditiones requirantur in Confessario?</i>	214
XVI. <i>Quid dicendum sit de casibus reservatis?</i>	215
XVII. <i>Quo iure & in quibus servari debeat sigillum Confessionis?</i>	218

Cap. VIII. De Satisfactione.

Quaest. Vnica. <i>Quid sit dicendum de Satisfactione?</i>	220
--	-----

Cap. IX. De Indulgentijs.

Quaest. I. <i>Quid sint Indulgentiae, & in quae consistant?</i>	223
II. <i>Quotuplex sit Indulgentia, & quomodo Indulgentia ad tempus intelligi debeant?</i>	225
III. <i>Quid sit Iubilans?</i>	227
IV. <i>Quis possit Indulgentias concedere?</i>	229
V. <i>Quanam requirantur ut quis possit Indulgentias consequi?</i>	238

Cap. X. De Extrema Unctione.

Quaest. Vnica. <i>Quid sit Extrema Unctio? An sit Sacramentum? A quo instituta? quae sint materia, forma, minister, subiectum & fructus eius.</i>	235
--	-----

Cap. XI. De Ordine.

Quaest. I. <i>Quid sit Ordo, & quando fuerit institutus?</i>	240
II. <i>Quot sint Ordines, & qui sint maiores vel minores.</i>	241
III. <i>An quilibet Ordo sit Sacramentum?</i>	250
IV. <i>Quanam sit materia & forma Sacramenti Ordinis?</i>	253
V. <i>Quis sit minister Ordinis, & qui sint Ordinandi?</i>	255
VI. <i>Quinam sint effectus Ordinis? ubi de gratia, carattere & celibatu.</i>	258

Cap. VI. De Sacramento Matrimonij.

Q. I. <i>Quid sit Matrimonium, & quando fuerit institutum?</i>	258
---	-----

I N D E X

II. <i>Utrum Matrimonium sit, & fuerit in precepto?</i>	259
III. <i>An Matrimonium sit Sacramentum?</i>	260
IV. <i>Quid sint materia, forma, & minister huius Sacramenti?</i>	261
V. <i>Qualis requiratur consensus ad Matrimonium?</i>	262
VI. <i>An Matrimonium possit contrahi per procuratores?</i>	266
VII. <i>An Matrimonium clandestinum sit inualidum?</i>	268
VIII. <i>Quales debeant esse Parochus & Testes?</i>	269
IX. <i>An Matrimonium sit indissolubile?</i>	270
X. <i>An Matrimonium sit necessario unius cum una?</i>	273
XI. <i>Quanam sint bona Matrimonij?</i>	274
XII. <i>Quanam sint impedimenta Matrimonij?</i>	276
XIII. <i>Quid sit dicendum de Sponsalibus?</i>	287

DE ACTIBVS HVMANIS

Compendiosa Tractatio.

TRACTATUS DE LEGIBVS & POENIS ECCLESIAST. CONTRA
INFRACTORES LEGVM, seu de CENSURIS.
Disputatio I. DE LEGIBVS.

Quaest. I. <i>Quid sit Lex?</i>	309
II. <i>Quotuplex sit Lex?</i>	311
III. <i>De materia, proprietatibus, fine & affectibus?</i>	312
IV. <i>Quis Leges condere valeat?</i>	314
V. <i>Qui Legibus subiecti possint?</i>	317

Disput. II. DE Qualibet Lege in Particulari.

Quaest. I. <i>DE Lege naturali.</i>	323
II. <i>De Lege humana, ubi de iure Canonico & Ciuili, de tribunali diuisione & iurisdictione qualibet in hocce regno usitata.</i>	327
III. <i>Utrum lex humana obliget in conscientia?</i>	337
IV. <i>An leges humanae obligent cum periculo uitae?</i>	347
V. <i>An leges humanae obligent cum periculo uitae?</i>	353
Quaest. I. <i>An aliquando liceat legem interpretari?</i>	356
2. <i>In quibus effectus obligatio legis.</i>	357

Disput. III. DE CENSURIS.

Quaest. I. <i>DE Censuris in genere.</i>	368
Quaest. I. <i>Quid sit Censura secundum nomen?</i>	369
2. <i>An sit in Ecclesia potestas ferendi Censuras?</i>	ibid.
3. <i>Quid sit Censura?</i>	ibid.
4. <i>Quotuplex sit Censura?</i>	371
5. <i>Quis possit ferre Censuras?</i>	ibid.
6. <i>Quis possit Censuris ligari.</i>	373
7. <i>Quanam sit materia ob quam Censura possit ferri?</i>	374
8. <i>Quana forma observari debeat, dum Censura fertur?</i>	376
9. <i>Quaerant rationes impediunt validitatem Censurae?</i>	378

I N D E X.

10. An ignorantia excuset, ne aliquis Censuram contrahat?	ibid.
11. Vtrum impotentia, metus & consensus partis impediant Censuras?	
Quaest. II. De Excommunicatione?	380
Quaeres 1. Quid sit Excommunicatio?	382
2. Quotuplex sit Excommunicatio?	ibid.
3. An sit in Ecclesia excommunicandi potestas, quis possit excommunicationem ferre, quis excommunicari queat, & quid in Concilijs & iuris intelligatur nomine Anathematis?	ibid.
4. Quotuplex sit Excommunicatio maior?	383
5. Quosnam effectus producat Excommunicatio?	384
6. An Excommunicatio maior cœmunionem fidelium priuet?	ibid.
7. An Excommunicatus priuetur suffragijs Ecclesiae?	388
8. An Excommunicatus priuetur receptione Sacramentorum?	389
9. Vtrum Excommunicato prohibeatur administratio Sacramentorum?	390
10. Vtrum Excommunicatus priuetur divinis officijs.	391
11. An Excommunicatio priuet sepultura Ecclesiastica?	393
12. An Excommunicati iurisdictione priuentur?	394
13. Vtrum Excommunicatio priuet beneficijs & eorum usu?	ibid.
14. Quid sit Excommunicatio minor, & quos effectus producat?	396
15. Quid dicendum sit de precipuis Excommunicationibus maioribus, & primo de excommunicatione qua contrahitur ob percussione Clerici?	397
16. Quid dicendum sit de Excommunicatione, qua contrahitur ex omissa revelatione in Monitorijs?	399
17. Qui sint casus in quibus aliquis dispensari potest à revelatione?	401
18. Quis possit ab Excommunicatione absolvere?	405
Quaest. III. De Suspensione?	445
Quaest. IV. De Interdicto,	446
Quaest. V. Quid sit Irregularitas?	447
Quaeres 1. Quid sit Irregularitas procedens ex defectu Sacramenti?	ibid.
2. Quando contrahitur Irregularitas ex defectu corporis.	ibid.
3. In quibus casibus contrahatur Irregularitas defectu animae.	448
4. Quid sit Irregularitas ex defectu homicidij?	449
5. Quid sit Irregularitas ex delicto?	454



TRACTATUS

D E

SACRAMENTIS.

Cum Deus suam gratiam , maximè habitua-
lem , Sacramentis alligauerit , tan-
quam certis quibusdam canalibus , per
quos in animam transfunditur superna-
turalis illa qualitas ; ideò congruum mihi
visum est , vt postquam de Gratia egimus , sub-
iungatur Tractatus de Sacramentis , in duas disputa-
tiones diuidendus , quarum prior erit de illis in ge-
nere , posterior de ipsdem in specie .

DISPUTATIO PRIMA.

De Sacramentis in genere .

In hac disputatione tria maximè nobis examinanda sunt ; scilicet natura & multiplicitas Sacramentorum , deinde ipsorum causa , denique eorum effectus .

CAPVT PRIMVM.

De natura & numero Sacramentorum .

QVÆSTIO PRIMA.

Quid sit Sacramentum ?

Sacramenti vocabulum diuersimodè usurpat^r
v.g. pro Mysterio , vel pro secreto ; sed proprie
Bayn in Theolog. Pars III. A & se-

2 DE SACRAMENTIS.

& secundum nostrum propositum sumitur pro Signo rei sacræ; quam definitionem affert D. Augustinus: illa tamen descriptio non est accurata; in sacris enim Scripturis, multa sunt signa rei sacræ, quibus tamen ratio sacramenti non competit propriè, v. g. Transitus maris rubri significabat gratiam per pœnitentiam conferendam, Manna gratiam per Eucharistiam communicandam, Serpens æneus gratiam per Christum in cruce pendentem nobis dandam; hæc autem omnia non sunt propriè sacramenta; & sic August. descriptio minus correctæ est; quam si saluare velimus, ob reuerentiam tanti Doctoris, addendum est signum efficax rei sacræ, idest, gratiæ: ad Sacramenti enim rationem, non sufficit quod gratiam significet, vt Manna. Serpens æneus, & Transitus maris rubri significabāt; sed requiritur insuper, quod ipsamet gratiam producant & effundant, Hæc omnia explicabit.

CONCLUSIO.

Sacramentum est Signum sensibile & externum, diuinitus institutum, gratiam Dei efficaciter significans. Dicitur primò, *Signum sensibile*, seu *externum*; quia instituta sunt Sacramenta sub rebus sensibilibus, vt sunt aqua in Baptismo, oleum in Confirmatione, Extrema-unctione, & Ordine; panis in Eucharistia, verba absolutionis in Pœnitentia, & nutus externus partium in Matrimonio. Ratio autem cur Sacramenta sunt sensibilia, est quia Ecclesia est sensibilis, & proinde sensibiles debet habere ceremonias. Dicitur secundo, *diuinitus institutum*; quia solus Christus Deus & homo instituit Sacramenta. Dicitur tertio *gratiam significans*; quia omnia Sacramenta gratiam nobis collatam significant: alia gratiam substantialem & subsistentem significant, scilicet Eucharistia, quæ significat Christum quem continet, qui quidem Christus vocatur gratia subsistēs, & substantialis, in quantum est principium omnis gratiæ; alia verò significant gratiam inhaerentem & habitualement; quæ inhæret animabus Fidelium qui Sacramenta recipiunt. Subiungitur tandem, *efficaciter*; quia est hæc differentia inter Sacramenta nouæ legis, & Sacramenta veteris, quod Sacramenta veteris legis significabant tantum gratiam non verò conferebant;

bant; nostra verò illam significant & conferunt. Porro, quando diximus Sacramentum esse signum, hoc intelligitur multis modis; scilicet, quòd sit signum rememoratiuum Passionis Christi, demonstratiuum gratiæ præsentis, & prognosticum gloriæ futuræ.

Obijc. Si Sacramentum esset signum gratiæ quam confert, non posset recipi Sacramentum, nisi simul reciperetur gratia; sed aliquando recipitur Sacramentum, & non gratia, vt patet in indignè communicantibus, qui corpus Christi reuerà sumunt & nullam accipiunt gratiam. Resp. Sacramenta esse reuerà effectiua & productiua gratiæ, dummodò non ponatur obex, vt faciunt illi qui communicant indignè; hoc tamen non impedit efficaciam Sacramentorum, quia si aliquando illam non conferant, hoc prouenit, non ex defectu Sacramenti, sed ex defectu recipientis, qui interponit obicem gratiæ. Exemplificari potest de sole, qui habet virtutem illuminatiuam omnium corporum, si quis tamen clauderet oculos, non illuminaretur; sed talis defectus procederet, non ex parte solis, qui non minùs diceretur illuminatiuus, sed ex parte illius qui oculos clauderet. Nec quis dicat, aquam benedictam conferre gratiam, quoniam tollit peccata venialia; hoc enim falsum est: nam licèt tollat peccata venialia, saltem remorè; non tamen gratiam confert, quia peccata venialia illam non tollunt. Nec etiam quis obijciat, Sacramentum non posse definiri, quia est ens per accidens, compositum ex rebus & verbis: licèt enim Sacramenta sint entia per accidens in genere naturæ, tamen sunt vnum per se in genere moris; ex institutione enim Christi forma Sacramentorum habet necessariam habitudinem ad Sacramentorum materiã,

Q V Æ S T I O II.

Quot sint Sacramenta nouæ legis?

Controuertuntur inter se Catholici & Hæretici super numerum Sacramentorum nouæ legis, hæretici enim communiter duo tantum volunt, Baptismum & Panem, seu Cœnam, quam nos Eucharistiam vocamus; Catholici verò septem assignant, quæ sunt Baptismus, Confirmatio, Eucharistia, Pœnitentia, Extrema-unctio, Ordo & Matrimonium.

CONCLUSIO.

Septem sunt legis nouæ Sacramenta supra enumerata : qui quidem numerus , licet non habeatur expresse ex sacra Scriptura , colligitur tamen ex traditione Ecclesiæ & Concilijs , maximè Florentino & Tridentino , quod vltimum sess. 7. de Sacramentis in genere can. 1. habet , *Si quis dixerit, Sacramenta nouæ legis esse plura aut pauciora, quàm septem, Anathema sit.* Porro, quia talis numerus est contingens, quandoquidem Christus plura aut pauciora instituere potuit , ideò non possunt assignari rationes necessariae , quæ probent talem numerum ; sed tantum afferuntur rationes conuenientiae, quæ suadent illum esse ita congruum , vt non debuerit esse maior vel minor .

Prima ratio conuenientiae petitur ex proportionem & comparationem vitæ spiritualis cum corporali ; homo enim potest concipi dupliciter, vel in ordine ad se, vel in ordine ad rem publicam ; cuius est membrum : si in ordine ad se , indiget generatione , per quam existere incipit , & huic respondet Baptismus , quo spiritualiter nascimur . Secundò , indiget augmentatione , cui respondet Confirmatio , qua , veluti infirmi & modò geniti infantes , in gratia accrescimus , roburque accipimus ad protestandam fidem . Tertiò , indiget nutritione , cui respondet Eucharistia , qua tanquam spiritali cibo reficimur . Quartò , indiget medicina , qua recuperatur pristina sanitas , & huic respondet Pœnitentia . Quintò , eget remedio contra reliquias morbi , ad refocillationem virium debilitatarum , & huic respondet Extrema-unctio , Si autem consideretur , vt est membrum reipublicæ , respublica indiget potestate & magistratu ad regendum alios , & huic respondet Ordo , ad populi Christiani gubernationem & functiones Ecclesiasticas obeundas . Septimò tandem, eadem respublica indiget propagatione indiuiduorum , qua conseruetur , & huic respondet Matrimonium , ad procreandam sobolem , quæ in Dei cultu instruatur .

Secunda ratio conuenientiae desumitur ex Doctore seraphico D. Bonauentura , & hæc est ; Deus per Sacramenta voluit tollere tum culpam , tum pœnam ; est autem triplex culpa , & quadruplex pœna ; ergo de-

debent esse septem Sacramenta, Probatum minor ; Culpa vel est originalis, contra quam instituitur Baptismus ; vel mortalis, contra quam datur Poenitentia ; vel venialis, quam tollit Extrema-unctio . Poena etiam peccati est quadruplex ; prima est ignorantia , contra quam est Ordo , in quo traditur clavis scientiæ & potestas discernendi inter lepram & lepram ; secunda est infirmitas naturæ , contra quam est Confirmatio , quæ novas vires addit ad protestationem fidei ; tertia est malitia , contra quam Eucharistia instituitur ; quarta tandem est concupiscentia , contra quam est Matrimonium .

Obijc. Hic septenarius Sacramentorum numerus in Scriptura non reperitur : ergo fingitur gratis . Respondendum est sicut antea , talem non assignari numerum , quasi habeatur expressè in Scripturis ; sed quia habetur ex traditione Apostolica , quæ non est minoris auctoritatis : Habetur etiam ex Concilijs , maximè ex præcatis ; si enim requireretur expressa Scriptura , nec Baptismus, nec Coena deberent teneri ab aduersarijs . Quod si aliquando Paulus & D. Augustinus loquantur tantum de duobus Sacramentis ; hoc non est, excludendo alia , sed tantum , quia illa sunt præcipua . Si etiam ex latere Christi morientis fluxerint tantum aqua & sanguis, quæ sunt symbola Baptismi & Eucharistiæ ; non minus per tales liquores figurata fuerunt cætera , quæ in illis duobus virtualiter continentur ; Baptismus enim est ianua , & Eucharistia finis omnium Sacramentorum .

Q V Æ S T I O III.

An Sacramenta sint aequalia in dignitate ?

Scribens Lutherus ad Pragenses , de instituendis ministris, asserit vnum Sacramentum dignius altero esse non posse ; quia , inquebat , omnia Sacramenta constant verbo Dei , quod æqualis dignitatis est in omnibus . Hæreticus tamen ille damnatus fuit in Concilio Tridentino , sessionis 7. can. 3. *Si quis dixerit , septem Sacramenta ita esse inter se paria , ut nullatione aliud sit alio dignius , Anathema sit.*

CONCLUSIO.

EVcharistia; absolutè loquendo, est nobilior aliis; cætera verò excedunt & exceduntur.

Probat^{ur} prima pars; Primò, quia Eucharistia continet gratiam substantialem, nempe Christum, alia tantum gratiam accidentalem. Secundò, quia Eucharistia nunquam caret suo significato, semper enim continet corpus & sanguinem Christi; alia autem carent aliquando (gratia scilicet) ob suscipientis indispositionem. Tertiò, quia Eucharistia consistit in esse permanente; post prolationem enim verborum, Sacramentum Eucharistiæ remanet, quamdiù remanet Hostia incorrupta; alia autem Sacramenta consistunt in actione transeunte; post prolationem enim verborum, non amplius existunt. Quartò, quia qui conficit Sacramentum Eucharistiæ, potest illud recipere; nullus autem se baptizare, nec confirmare, nec absoluerè, nec ungere, nec ordinare potest; licet partes, quæ conficiunt Matrimonium, illud recipiant. Quintò, quia Eucharistia habet rationem tum Sacramenti, tum Sacrificij, ut aliquando dicemus. Sextò; quia Eucharistia est finis aliorum Sacramentorum; alia enim Sacramenta ad istud ordinantur, v.g. Ordo ad eius consecrationem, Baptismus ad eius receptionem, Confirmatio ad eius publicam frequentationem, Pœnitentia ad dignam perceptionem, Extremaunctio ad digniorem, Matrimonium ad eius significationem: Matrimonium enim significat coniunctionem Christi cum Ecclesia, & talem coniunctionem reale Eucharistia efficit.

Probat^{ur} secunda pars; quòd cætera Sacramenta sese inuicem excedant & excedantur; & hoc patet inductione. Baptismus primò excedit alia Sacramenta quantum ad remissionem peccati, remittit enim tum peccatum originale, tum actuale, & insuper tollit pœnas peccati. Secundò, Confirmatio excedit, quoad gratiam actualem, quam fortius confert, quàm alia Sacramenta, ad protestandam fidem; Apostoli enim ante receptionem Confirmationis, etiamsi baptizati fuissent & recepissent Eucharistiam, timidi erant; post Confirmationem verò intrepidi prædicabant Euangelium. Tertiò, Pœnitentia excedit alia Sacramenta

menta à Baptismo, necessitate; quia præter Baptismum nullum Sacramentum ita necessarium est, sicut Pœnitentia; excedit etiam Baptismus in multiplici-
tate, quia iterari potest Pœnitentia, non Baptismus. Quartò, Extrema-unctio excedit Pœnitentiam in perfectione, quia illam præsupponit, & tollit peccati reliquias. Quintò, Ordo excellit in dignitate sui ministri, quia alia Sacramenta possunt conferri à non Episcopis, etiam confirmatio, ex dispensatione summi Pontificis, quæ à simplici Sacerdote conferri potest; non sic autem Ordo, maximè Presbyteratus; deinde, Ordo habet potestatem supra corpus Christi reale, quandoquidem illud consecrare potest; alia autem Sacramenta habent tantum auctoritatem supra corpus Christi mysticum, nempe super Fideles. Matrimonium tandem excedit alia in significatione, quia significat vnionem Verbi cum natura humana; vnde vocatur ab Apostolo *magnum Sacramentum*.

Q V Æ S T I O I V.

Virum Sacramenta consistant rebus tanquam materia, & verbis tanquam forma?

Res & verba non sumuntur semper formaliter, sed aliquando analogicè; pro eo scilicet, quod rebus aut verbis respōdet; sic in Matrimonio nutus partium contrahentium tenet locum Verborum, & in Pœnitentia actiones sensibiles pœnitentis, vt Confessio, Contritio, &c. tenent vicem rei; super hæc enim Sacerdos absolutionem, quæ est forma Sacramenti Pœnitentiæ, applicat: Quærimus ergo hic, vtrum Sacramenta consistant rebus & verbis, siue formaliter, siue analogicè spectatis.

C O N C L V S I O.

Sacramenta verbis & rebus constant, tanquam materia & forma. Sic Concilium Florentinum in doctrina de Sacramentis in genere, vbi ait, omnia Sacramenta constare rebus, tanquam materia, verbis tanquam forma, & intentione ministri conferentis Sacramentum & intendentis, facere quod facit Ecclesia; res autem, qua Sacramentum constat, vocatur elemen-

mentum ab Augustino, dicente, *Accedit verbum ad elementum, & fit Sacramentum*;

Probatur conclusio inductione. In Baptismo v. g. aqua est res; in Confirmatione, impositio manuum; in Eucharistia, panis & vinum; in Pœnitentia, actus sensibiles pœnitentis; in Extrema-unctione, unctio facta cum oleo; in Ordine, impositio manuum & porrectio vasorum; in Matrimonio tandem, traditio corporum explicata per verba: & sic omnia Sacramenta constant rebus tanquam materia, & verbis tanquam forma, quæ proferuntur à ministro in omnibus Sacramentis, excepto Matrimonio, vbi verba ad nutus partium contrahentium sunt forma.

Obiic. Vna & eadem res non potest habere plures formas; sed significatio gratiæ est forma cuiuslibet Sacramenti, forma enim signi est significatio, Sacramenta autem sunt signa, vt diximus: ergo significatio est eorum forma: ergo Sacramenta non constant verbis tanquam forma. Resp. Sacramentum posse sumi materialiter, vel formaliter; materialiter est aliquod ens morale constans rebus & verbis, formaliter verò sumitur pro signo: quo posito, distinguo minorem; significatio est forma Sacramenti formaliter sumpti, & vt signum est, concedo: materialiter considerati, nego. Si quis dicat, Materia est permanens & actus autem pœnitentis non sunt permanentes: ergo non sunt materia pœnitentiæ: Resp. maiorem esse veram in naturalibus, non verò in moralibus, vbi sufficit quòd materia sit res sensibilis, ad quam forma subsequatur.

Obiic. vt materia & forma componant essentiam alicuius entis, debent adhiberi & esse simul; sed verba & res aliquando non existunt simul quando efficitur Sacramentum; aliqui enim infundunt aquam super baptizatum paulo ante, vel post prolationem verborum: ergo illa Sacramenta non constant rebus tanquàm materia & forma. Resp. quòd ad cõponenda entia naturalia requiratur vnio naturalis & mathematica inter materiã & formã, ad componenda autem entia moralia, qualia sunt Sacramenta, sufficit vnio moralis quæ modò maior esse debet, modò minor pro diuersitate Sacramentorum: minor v. g. requiritur vnio in Matrimonio, cū possit cõtrahi per litteras inter absētes, licet hoc prohibeatur vsu Ecclesiæ, in Eucharistia

DE SACRAMENTIS.

ristia requiritur vnio maior, quia pronomen demonstratiuum *hec*, denotat rem ita debere esse presentem, vt possit quasi digito demonstrari; non tanta requiritur in Baptismo, qui potest fieri per asperisionem, & asperio in distantem; minor adhuc requiritur in poenitentia, potest enim Sacerdos audire hodie peccata, & cras absolueret.

QVÆSTIO V.

An materia & forma Sacramentorum sint determinatae?

LVtherus negatiuè respondet, & cum eo plurimi hæretici, qui irrident eos, qui in collatione Sacramentorum certis & determinatis vtuntur verbis; quia, inquit, Sacramenta instituta sunt ad excitandam & alendam fidem in mente recipientium; vnde, modò excitetur fides Christi, non curant de verbis quibus ipsa excitetur. Quoad Caluinum autem, asserit pertinaciter, quòd in necessitate, v. g. deficiente aqua, possit fieri Baptismus in lacte, vino, ceruisia, aut quocumque alio liquore, quo posset fieri balneum ad abluendum baptizandum infantem. Hos hæresarchas refutabit.

CONCLUSIO.

Materia & forma Sacramentorum ita determinatae sunt, vt in ipsis nulla essentialis fieri possit mutatio, Habetur enim Deuteronom. 12. quòd in caeremonijs veteris Testamenti nulla licebat fieri mutatio, iuxta hæc verba, *Quòd præcipio tibi, facies; nec addes quicquam, aut minues;* à fortiori in nouo Testamento hæc determinatio requiritur, quoniam Sacramenta nouæ legis sunt maioris momenti quàm veteris.

Probatur conclusio; Sacramenta sunt causæ instrumentales gratiæ conferendæ, quæ institutæ & determinatæ fuerunt à Christo, qui est causa principalis: ergo debent conferri per ea verba, & per easdem res quas instituit Christus; causa enim principalis determinat instrumentalem, vnde si assumerentur alia instrumenta, non haberent vim conferen-

di gratiam. Hoc confirmatur à Concil. Florent. & Trident. cap. de Sacramentis. Non debet ergo mutari materia aut forma, neque substantialiter, neque accidentaliter; si enim fieret mutatio essentialis, inualidum esset Sacramentum; si verò esset mutatio accidentalis, minister Sacramentorum, qui talem faceret mutationem, peccaret. Superest sciendum, quænam mutatio sit essentialis & quænam accidentalis; ad quod Resp. quod mutatio essentialis in materia, est illa quæ talis est, vt iuxta communem vsu loquendi & iudicium hominum discrepet à materia visitata, & non amplius vocetur eius nomine: Mutatio autem essentialis in verbis, est quando non manet idē sensus verborum. Ratione primi, non potest v. g. Baptismus fieri in lixiuio consummato, nec in ceruicio, aut iure nimis alteratis; secus autem, si parua fieret mutatio. Ratione secundi, inualidus esset Baptismus collatus in his verbis, *In te ego Baptizo nomine*, &c. variaretur enim pro tunc sensus verborum; qui autem diceret, *te ego Baptizo*, aut omitteret pronomen, *Ego*, valeret Baptismus quia esset tantum mutatio accidentalis.

Obijc. Zachariam summum Pontificem approbavit formam baptizandi, qua vsus fuit quidam aliàs ignarus linguæ latinæ, qui sub his verbis baptizauit; dicendo; *Ego te Baptizo in nomine Patris, Filii & Spiritus Sancti*; quæ voces includunt mutationem essentialē, quandoquidem sunt alterius significationis à verbis Sacramenti. Respondet Doctor Angelicus & nos cum illo; vbi corruptio fit ex ignorantia, vel lapsu linguæ, retinendo intentionem Ecclesiæ, vbi etiam corruptio non fit in principio aut medio dictionis, pro tunc validum esse Sacramentum; quando verò fit in principio, vel medio, esse inualidum; quia finis & terminatio non est ita essentialis, ac principium.

Q V Æ S T I O VI.

Vtrum nostra Sacramenta sint necessaria?

A Liquid potest esse necessariū in Morali Christiana duplici necessitate; quarum prima vocatur necessitas mediij, secunda est necessitas præcepti. Necessitas

cessitas mediij est ea, qua aliquid est ita necessarium, vt sine ipso finis haberi non possit, etiam ablata ratione præcepti. Necessitas præcepti est ea qua aliquid necessarium est ex sola ratione præcipientis. Necessitas mediij in se duplex est, scilicet intrinseca & extrinseca intrinseca petitur ex conditione extremorum; sic v.g. vt ignis calefaciat, necessarium est, quòd habeat calorem. extrinseca autem oritur, non ex natura rei, sed ex institutione diuina.

CONCLUSIO PRIMA.

Sacramenta non sunt necessaria necessitate intrinseca, sed necessitate extrinseca, orta videlicet ex institutione Dei. Primū patet, quia nulla est ratio intrinseca & essentialis cur aqua baptismi habeat potestatem abluendi peccatum originale, vel Pœnitentia peccatum actuale, vel alia Sacramenta virtutem habeant gratiam conferendi: imò Deus qui est liber *ad extra*, loco horum Sacramentorum potuit alia instituire; & etiam sine Sacramentis potuit conferre gratiam: ergo non sunt necessaria necessitate intrinseca. Veritas secundi habetur ex Conc. Trid. Can. 4. sess. 7. contra Zuinglianos, vbi sic habetur; *Si quis dixerit, Sacramenta noua legis non esse necessaria, sed superflua; & sine eorum voto, per solam fidem, homines posse gratiam iustificationis adipisci, Anathema sit.* Si autem non sint necessaria intrinsecè, remanet quòd saltem extrinsecè necessaria sint.

CONCLUSIO SECUNDA.

Duplici necessitate extrinseca Sacramenta videntur esse necessaria; Baptismus enim, Pœnitentia & Ordo necessaria sunt necessitate mediij, vel in re vel in voto; Baptismus enim necessarius est omnibus sine exceptione, quia omnes in Adam peccauerunt, dempta Virgine Maria: Pœnitentia est necessaria illis qui peccauerunt actualiter: Ordo autem est necessarius necessitate mediij, non omnibus, sed pro omnibus; quia omnes indigent ministris ordinatis ab Ecclesia, qui possint absolvere reos. Quoad alia autem sacramenta, sunt tantum necessaria necessitate præcepti, vt determinauit Cōc. Flor. in decreto vnionis; nam suas

charistia, Extrema-unctione & Confirmatione, aliquis saluus euadere potest.

Obijc. Quod est necessarium necessitate præcepti, est etiam necessarium necessitate mediij; quia ex institutione Dei & Christi observatio mandatorum est ita necessaria, vt sine ipsa beatitudo obtineri non possit. Resp. necessitatem præcepti reuera includere necessitatem mediij, quando datur facultas & locus observandi præceptum, concedo; absolute & quando non datur locus, nego. Sic v. g. si quis habeat locum sumendi Eucharistiam, debet reuera sumere tempore Paschali; necessitas tamen dispensat de observantia talis præcepti: quod non videtur idem in Sacramentis quæ sunt necessaria necessitate mediij, vbi necessitas non excusat, quin infans moribundus baptizetur.

Q V Æ S T I O VII.

*An in statu Innocentia fuerint
Sacramenta?*

TRiplex est naturæ humanæ status: primus est naturæ perfectissimæ, in beatitudine scilicet existentis: de quo non est controuersia, an in illo Sacramento reperiantur: secundus est naturæ integræ, quatenus consideratur in innocentia: tertius est naturæ corruptæ per peccatum. Hic tertius vltimè potest diuidi in tres alios; nam alius est status hominis lapsi sub lege naturæ, qui durauit ab Adamo ad Moysen; alius est sub lege scripta, in qua mandata legis data fuerunt Moysi, & toti populo Iudaico in monte Sinai, & durauit à Moise ad Christum, tertius est sub lege gratiæ, à Christo scilicet ad finem mundi perseueraturus. Hæc tempora vocantur ab August. ante legem, sub lege, & sub gratia; & communiter appellantur lex Naturæ, lex Mosaica, & lex Gratiae. De triplici illo statu loquendum est in hac quæstione, & duabus sequentibus.

CONCLUSIO PRIMA.

IN statu innocentie nulla de facto extiterunt Sacramenta. Rationes huius veritatis sunt; prima, quia
Sacra-

Sacramenta sunt medicinæ quædam spirituales, vel quædam media supernaturalia, quæ gratiam per modum medicinæ conferuntur; sed ante peccatum non erat morbus: ergo talis status non indiguit medicina, nec proinde Sacramentis. Secunda ratio est, quia Sacramenta debent lege stabili durare & non ad breue tempus, exiguo verò tempore durauit status innocentia: ergo non fuit conueniens vt Deus, qui talem breuitatem temporis præuidebat, institueret Sacramenta pro tam exiguo durationis intervallo. Tertia ratio est, quia Sacramenta pertinent ad constitutionem Ecclesiæ, sunt enim publici & solemnes ritus religionis; in illo autem statu innocentia non erat Ecclesia perfectè composita, erant enim tantum duæ personæ, & ad congregationem propriè dictam tres ad minus requiruntur. Quarta tandem ratio est, quia non habemus ex scriptura, aut traditione, aut Patribus, vel Concilijs, quòd vllum pro tunc fuerit Sacramentum.

Obijc. Matrimonium, quod est Sacramentum, fuisse in lege innocentia. Resp. pro tunc Matrimonium fuisse tantum in officium naturæ, non in signum collationis naturæ; & sic non fuit Sacramentum. Quòd si ab aliquibus Sacramentum dicatur; hoc est, quia fuit signum futuræ Incarnationis, non verò quòd fuerit signum efficax gratiæ; vel fuit signum vnionis Christi cum Ecclesia; vnde Paulus vocans Matrimonium *magnum Sacramentum*; subiungit *in Christo & Ecclesia*.

Obijc. ex August. Lignum vitæ erat Sacramentum; sed lignum vitæ fuit in statu Innocentia: ergo, &c. Resp. vocari ab Aug. Sacramentum, latè, non propriè; latè, quatenus aliquid reconditum significabat, nempe virtutem conseruandi corpora, repatando scilicet humidum radicale dissipatum per actiones caloris natiui.

CONCLUSIO SECUNDA.

SI longius durasset ille status, non constat satis. An fuissent in illo Sacramenta, potuissent tamen institui; imò, probabile est, quòd futura fuissent. Hæc conclusio tres partes habet.

Probatur prima pars, quia diximus antea, quòd in-

Institutio Sacramentorum fuit libera : ergo pendet ex sola diuina voluntate quæ potuit illa instituere, vel non ; diuina autem voluntas non innotescit, nisi per reuelationem ; at nulla habetur reuelatio, an Deus institueret Sacramenta, si status innocentie perseverasset ; ergo iure dicimus, hoc nobis non constare.

Probatur secunda pars ; quia Deus, si status innocentie durasset, potuisset instituere Sacramenta in remedium peccatorum, si postea peccassent filij Adæ ; non fuissent enim impeccabiles ; potuisset etiam instituere illa ad conferendam augmentationem gratiæ, vel ad Dei cultum, vel ad gratiarum actiones ; quia homines pro tunc fuissent viatores : ergo potuissent mereri augmentationem gratiæ per frequentationem talium Sacramentorum.

Probatur tertia pars, quod scilicet probabiliter fuissent aliqua Sacramenta, & præsertim Eucharistia Ordo, Matrimonium & Pœnitentia. Eucharistia fuisset ob tanti Sacramenti excellentiam & peculiarem unionem cum Christo, qui venisset vt glorificator : Ordo extitisset, quo deputati fuissent aliqui ad offerenda Deo Sacrificia in protestationem sui summi dominij, & in gratiarum actionem beneficiorum in tali statu recipiendorum ; si enim in lege Naturæ & Mosaica fuit Sacerdotium, in lege Innocentiæ debuisset Sacerdotium esse perfectius, & proinde Sacramentum. Probabile est tertio, fuisse futurum Matrimonium, ad gratiam conferendam coniugibus, qua excitarentur ad mutuum amorem. Probabile est denique, futuram fuisse Pœnitentiam : licet enim omnes fuissent nati in iustitia originali, non fuissent tamen confirmati in gratia ; imò potuissent ab illa recedere ; Deus autem non reliquisset eos sine remedio, sicut nec nos reliquit : ergo credibile est, quod pro tunc institueret Pœnitentiam ; quibus autem ritibus & ceremonijs conferenda & recipienda fuissent illa Sacramenta, non constat.

Obijcitur secundam & tertiam partem Sacramenta sunt tanquam medicinæ contra morbum lethalem peccati ; sed in statu innocentie non fuisset morbus peccati : ergo nec debuisset parari medicina. Resp. primò, quod si Sacramenta dicantur medicinæ peccati, hoc est, prout sunt instituta, in lege scilicet corrupta, in qua, cum peccata vigeant, debent

Sacramenta dari, tanquam medicinæ; in illo autem statu innocentie non fuissent medicinæ, sed quædam instrumenta, quibus gratia habita augeretur. Resp. secundò, quòd sit duplex medicina, præseruatiua scilicet, & sanatiua; si autem homines perseuerassent longius in statu innocentie, pro tunc Sacramenta tenuissent locum medicinæ præseruatiuæ; augendo enim gratiam in quolibet homine, quo maior fuisset gratia hominis, eo firmitus adhæsisset Deo, & consequenter difficilius in peccatum incidisset. Resp. tertio, quòd etiam pro tunc Sacramenta potuissent tenere locum medicinæ sanatiuæ; in quantum, ut diximus, descendentes ab Adamo, non erant perfectiores Patre, & sic potuissent peccare; si autem peccassent, pro tunc Sacramentum fuisset illis in medicinam, nedum præseruatiuam, sed etiam sanatiuam & curatiuam,

QVÆSTIO VIII.

An fuerint aliqua Sacramenta in lege naturæ?

LEx, quæ antecessit legem scriptam, non ideo dicitur lex naturæ, quia pro tunc vigeat tantum cognitio naturalis Dei, & sola præcepta naturalia, existerent, vel quòd pro tunc homines solis naturæ viribus possent consequi salutem; sed dicitur lex naturæ, in quantum distinguitur à lege scripta; tunc enim nulla erat lex scripta, nisi interius in mente hominum, & si fuerint aliqua præcepta positiua, ut de fabricanda arca, respectu Noemi, de sacrificando in pane & vino respectu Melchisedech, & de Circumcisione respectu Abraham pro se & sua familia; talia præcepta non habebant vim & rationem legis propriæ, quia non erant publica, nec data omnibus, sed priuatis quibusdam personis & familijs. In ea lege, quæ vocatur lex naturæ, fides Christi mediatoris venturi debuit esse in quolibet, vel explicita vel implicita; debuit esse explicita in capitibus familiarum, quæ scilicet crederent, Deum in carne venturum; debuit verò esse implicita in alijs, qui tenebantur credere in communi, Deum conuenienti modo reconciliaturum sibi humanum genus. Illa autem fides ortum potuit habere ab Adamo, cui Deus indicauit, ipsum postea

rosque: posse liberare suos paruulos à peccato originali per fidem in Christum venturum applicatam ipsis paruulis à parentibus. An autem illa fides debuerit exprimi aliquo actu expresse & signo externo, quod habeat rationem Sacramenti, hoc quaeritur.

CONCLUSIO.

IN lege naturæ fuit aliquod Sacramentum pro paruulis. Sic Aug. l. 5. contra Iulianum c. 9. *Non est credendum ante datam Circumcisionem, famulos Dei, quandoquidem his inerat mediatoris fides in carne venturi, nullo Sacramento opitulatos fuisse paruulis suis; quamvis quid illud esset, scriptura voluerit nos latere necessaria aliqua ex causa.* Ex quo passu Aug. nedum patet in lege naturæ fuisse aliquod remedium pro peccato originali, quod omnes vltro fatentur; sed illud constituisse in aliquo signo externo, contra illos qui dicunt, quod solus actus internus fidei applicatus paruulis sufficeret; si hoc enim esset, nulla esset causa, cur istud remedium internum non posset applicari paruulis post ipsorum animationem, & antequam egredierentur ex utero materno. Quinam autem esset ille actus externus, quo scilicet parentes liberabant suos paruulos à peccato originali; an scilicet esset oratio, vel oblatio, vel aliquid simile, non constat, vt dicit Aug. loco citato; sed constat tantum, quod ille actus deberet fieri in protestationem Christi venturi: Vnde Doctores dicunt, quod liberum erat parentibus vti eorum quo vellent, & quo mouebantur communiter à Spiritu sancto; modò, vt diximus, esset professio exterior fidei in Christum venturum, siue explicita, siue implicita. Tale autem remedium, quod vigeat in lege naturæ, perseverauit in lege scripta pro foeminis, quibus non poterat aptari Circumcisio.

QVÆSTIO VLTIMA.

An fuerint aliqua Sacramenta in lege scripta?

PER veterem & scriptam legem intelligimus tempus à Moïse ad Christum; licet alii ponant illud ad Abraham, in quantum iste Patriarcha habuit præceptum Circumcisionis pro sua familia: propriè tamen
ita.

status legis scriptæ est à tempore quo Deus dedit legem Moysi in monte Sinai, illa verò lex erat tantum respectu populi Iudaici, non pro Gentilibus, pro quibus vigeat lex naturæ, quæ pro illis perseverauit vsque ad Christum: Quod autem in tali lege scripta Sacramenti extiterint, asseuerabit:

CONCLUSIO.

IN lege scripta fuit Circumcisio, tanquam Sacramentum institutum ad remedium peccati originalis, & alia Sacramenta quæ legalem conferebant sanctificationem, & veram gratiam significabant dandam per nostra Sacramenta.

Probatur prima pars ex Genes. 17. *Masculus, cuius praputij caro non circumcisa fuerit, delebitur anima illius de populo suo.* Ratio nostra conuenientiæ est, quod sicut in lege naturæ erat aliquod remedium pro peccato originali, quod consistebat in aliquo signo externo non tamen determinato & expresso ex institutione Dei; fuit conueniens, vt in lege scripta, quæ erat perfectior, determinatum fuerit à Deo: quod quidem signum externum, quod habebat rationem Sacramenti, aliud non fuit quam Circumcisio, quæ applicata paruulis tollet peccatum originale, & consequenter conferret gratiam, quæ omnia faciunt verum Sacramentum, ad quod tantum tria requiruntur; nempe promissio Dei de conferenda gratia, signum externum & sensibile, & tandem quod à Deo præcipiatur.

Probatur secunda pars; quod scilicet præter Circumcisionem fuerint alia Sacramenta quæ sanctificationem legalem conferebant, & veram significabant gratiam per nostra Sacramenta conferendam: in veteri enim lege qui tetigerant cadauer, qui erant sanguiniflui, & similes, censebantur veluti polluti, & à communicatione aliorum separati; per sacrificia verò reddebantur habiles ad frequentandum cum alijs, & veluti sancti & immaculati efficiebantur (sanctitate scilicet legali) per quædam sacrificia, quæ proinde erant Sacramenta saltem imperfecta. Deinde, talia Sacramenta erant veluti figura nostrorum, vt pater; nam Circumcisio figurabat Baptismum, Panis propositionis, Agnus Paschalis, & Manna signifi-
ca-

cabant Eucharistiam; Consecrationes Pontificum & Levitarum erant figura Ordinis; Purificationes figurabant Poenitentiam; Matrimonium tandem legis veteris, quod in statu innocentie erat in officium naturæ, & in legibus non scripta & scripta in remedium concupiscentiæ, figurabat Matrimonium legis novæ, quod est, nedum in officium naturæ & in remedium concupiscentiæ, sed in Sacramentum. verè & propriè sumptum. Quoad Extremam Vnctionem, non habebat suam figuram in lege veteri, sicut nec Confirmatio; quia Extrema Vnctio est quædam præparatio immediata ad gloriam & ingressum Cœli, quod nondum erat apertum: Confirmatio verò est Sacramentum plenitudinis & perfectionis gratiæ, quod quidem tempus perfectionis non erat in veteri Testamento, sed reservabatur ad nostrum.

C A P V T S E C V N D V M.

De causa Sacramentorum.

Quadruplex est genus causarum ex Philosophis: alia enim est materialis, ex qua res fit; alia formalis, quæ dat esse completum rei: alia finalis, propter quam res est; & efficiens, à qua res accipit esse. Non loquimur de causa materiali Sacramentorum; diximus enim res sumptas vel formaliter, vel analogicè, esse ipsorum materiam; diximus etiam verba esse formam ipsorum, sanctificatio pariter hominis est causa finalis cur instituta fuerunt Sacramenta: ergo tantum nobis remanet loquendum de causa efficiente, à qua Sacramenta fiunt; & hoc discutietur in præsentì capite.

Q V Æ S T I O P R I M A.

Quis sit Author Sacramentorum?

IN sequenti quæstione dicturi sumus de causa ministeriali Sacramentorum, à quo scilicet ministrari debeant: nunc prius agemus de causa principali illorum; quæ quidem causa principalis duplex est: una quæ vocatur principalis simpliciter, alia verò quæ vocatur causa principalis meritoria. Causa principalis

cipalis simpliciter est ea quæ propria autoritate facit, ut Sacramenta habeant efficaciam conferendi gratiam infallibiliter, causa verò principalis meritoria, est ea quæ meruit ut gratia conferretur per talia signa exteriora.

CONCLUSIO.

Sacramentorum causa principalis est solus Deus; causa autem principalis meritoria est Christus. Probatur prima pars; Ille est causa principalis Sacramentorum, qui solus, & propria autoritate habet virtutem conferendi gratiam mediante applicatione alicuius signi externi, quod vocatur Sacramentum; sed gratia à solo Deo dependet, & solus Deus habet virtutem alligandi communicationem gratiæ illis signis quæ vocamus Sacramenta: ergo solus Deus est causa principalis simpliciter Sacramentorum; & hoc est quod omnes dicunt, solum Deum esse causam gratiæ.

Probatur secunda pars ex Conc. Trid. Sess. 7. *Can. Si quis dixerit, omnia & singula Sacramenta nova legis non fuisse à Domino nostro Iesu Christo instituta; Anathema sit.* Ratio huius est, quia Sacramenta sunt quædam partes pertinentes ad legem Evangelicam; sed lex Evangelica est à Christo; ergo & Sacramenta ab eo debuerunt esse. Fuerunt inquam ab illo, tanquam à causa meritoria, in quantum per suam Passionem meruit, ut Deus suam gratiam alligaret his signis, quæ ipsemet Christus eligit.

Obijc. Causa principalis Sacramentorum est Deus; ergo Christus non potest dici etiam causa principalis. Resp. esse causam simul principalem, seu primam; & etiam minùs principalem, seu secundam; sed hoc, diuerso respectu: respectu enim Dei, Christus est veluti causa secunda & minùs principalis Sacramentorum; respectu verò ministrorum, quæ faciunt & applicant illa Sacramenta, est causa principalis: non quidem efficiens, quasi ipsemet Christus gratiam producat & conferat, sed est causa meritoria, in quantum principaliter meruit à Deo, quòd Sacramenta gratiam conferrent. Et hoc est quod Doctores dicunt communiter, triplicem esse causam Sacramentorum: quarum prima vocatur auctori-

ritatiua, & hæc competit soli Deo; secunda vocatur excellentiæ, quæ propria est Christo, in quantum est instrumentum coniunctum cum diuinitate; ubi nos, qui aliquando sumus instrumenta meritoria gratiæ, non habemus potestatem excellentiæ, quia non sumus vniti hypostaticè cum Deo; tertia tandem dicitur ministerialis causa Sacramentorum, quia competit illis qui Sacramenta ministrant.

Obijc. Confirmationem fuisse institutam in Concilio Meldensi secundum Alexandrum Alensem, & Extremam-unctionem ortam esse à Diuo Iacobo, vt vult Magister sententiarum: ergo Christus non fuit causa omnium Sacramentorum. Resp. illos fuisse locutos tantum de promulgatione horum Sacramentorum, non verò de illorum institutione; contrarium enim habetur in Concil. Trid. loco citato. Dices, Aliqua Sacramenta fuerunt instituta ante passionem Christi: ergo Christus per passionem suam non fuit causa meritoria Sacramentorum. Resp. quòd talia Sacramenta habuerunt suam efficaciam à passione Christi; non præsentem, nec præteritam, sed futuram. Instabis: Quando effectus est in actu, causa debet esse in actu, sed sacramenta erant in actu, instituta, quando nondum erat passio Christi: ergo passio futura non sufficiebat. Resp. quando instituta fuerunt Sacramenta, passionem fuisse in actu, sed distinguo; fuit in actu respectu acceptationis Dei, quia etiam antequam Christus pateretur, acceptauit illius mortem, tanquam meritoriam omnium gratiarum quas Deus contulit intuitu eius, etiam in ipsa creatione mundi; non tamen Passio Christi erat in actu proprio & formali, quando Sacramenta instituta sunt.

Q V Æ S T I O II.

Quis sit minister Sacramentorum?

Caluinus putat, tum bonos tum malos Angelos in corporibus assumptis posse ministrare Sacramenta: Lutherus vult quidem, solos homines hoc posse facere, sed credit omnes posse Sacramenta ministrare, dummodo sint baptizati; omnes enim Christianos dicit esse Sacerdotes; & fundatur dictis Petri,

vocantis eos qui sunt Christiani, *Regale Sacerdotium*, non aduertens, quòd Petrus loquatur de Sacerdotio spirituali, quo Christiani offerunt Deo hostias spirituales, nempe affectiones cordis.

CONCLUSIO.

Soli homines sunt ministri Sacramentorum; non tamen omnes. Primum est contra Calvinum, secundum contra Lutherum.

Probatur prima pars: illi enim soli sunt ministri Sacramentorum, quos Deus destinavit ad tale ministerium; sed hi fuerunt soli homines quibus dixit pro Baptismo conferendo, Matth. 28. *Euntes, docete omnes gentes, baptizantes eos in nomine Patris, &c.* Pro Sacramento Eucharistiæ, Lucæ 12. *Hoc facite in meam commemorationem.* Pro Pœnitentia Ioan. 29. *Quorum remisistis peccata, remittuntur eis.* Pro Extrema vñctione, Iacobi 5. *Infirmatur quis ex vobis? inducat Presbyteros.*

Confirmatur; sicut ad confessionem Sacramenti requiritur verum & naturale elementum, v. g. vera & naturalis aqua, verus panis & verum oleum; sic etiam requiritur verum & naturale verbum; sed competit solis hominibus loqui propriè, loqui enim est actio vitalis, quæ est à principio coniuncto, non vero à principio separato, ut sunt Angeli, vel demones respectu corporum assumptorum; ergo ad solos homines spectat, non vero ad Angelos confessio & administratio Sacramentorum.

Probatur secunda pars: illi qui non habent intentionem conficiendi & ministrandi Sacramenta, non possunt illa ministrare, aut conficere; sed amentes, fatui & furiosi, qui non habent rationem, intentionem habere non possunt; quia intentio est actus rationis: ergo non sunt ministri Sacramentorum; & sic tale ministerium non competit omnibus hominibus. Deinde, illi qui non habent characterem ordinis, non possunt esse ministri Confirmationis, Eucharistiæ, Absolutionis, Ordinis, & Extremæ Vñctionis: sic Concil. Trid. sess. 7. can. 18.

Obijc. in primam partem, Patres qui asserunt Angelos posse conficere Sacramentum baptismi: ergo non solis hominibus competit ministrare Sacramenta.

Resp.



Resp. Angelos, tum bonos, tum malos, posse reuerà de potentia Dei absoluta baptizare, & alia Sacramenta conficere; hoc tamen non fit de potentia ordinaria: vnde mens Canonistarum est, quod si Angelus bonus videretur in corpore assumpto aliquem baptizasse, credendum esset quod Baptismus esse validus, & quod Deus dispensasset in tali occasione, Angelo scilicet proferente voces percepta sub hominibus & nostris similes: si verò dæmon in carne assumpta videretur baptizare, inualidus censeretur Baptismus; non est enim credibile, Deum talem potentiam dedisse diabolo, qui tantum nostram perditionem intendit; vnde verisimilius esset, quod pro tunc dæmon sic baptizare simulans, vellet in perditionem tradere infantem sic baptizatum.

Obijc. in secundam partem; Omnes homines sunt fratres Christi per incarnationem; sed inter fratres omnia sunt communia: ergo si Christus, qui est frater Christianorum, Sacramenta ministrare potuit & ea conficere, idem possunt facere Christiani, qui sunt Christi fratres. Resp. Christianos esse fratres Christi adoptiuos, concedo: mediante gratia quam illis meruit Christus: naturales, nego: quando autem dicitur, inter fratres omnia sunt communia; distinguo etiam, inter fratres naturales, concedo: inter fratres adoptiuos, nego.

Q V Æ S T I O III.

An requiratur intentio ministri?

Intentio ministri triplex esse potest; prima est materialis, qua minister intendit proferre verba & facere externam actionem: secunda est formalis implicita, faciendi in confuso quod facit Ecclesia; tertia tandem est formalis explicita, conferendi effectum Sacramenti. Lutherus, qui vult Sacramenta esse tantum ad excitandam fidem in mente astantium, vel recipientium, dicit primam intentionem sufficere, quia potest excitare fidem; nos verò aliter sentimus.

CONCLUSIO.

Licet non requiratur intentio formalis explicita, requiritur tamen implicita. Non requiritur inquam, quod minister intendat actu baptizare, vel conferre gratiam, aut delere peccatum originale; requiritur tamen quod intendat facere, quod facit Ecclesia, quod fecit Christus, quod faciunt alij Sacerdotes; vel saltem intendat fungi suo officio; hæc enim omnia æquipollent intentione actuali, & illam includunt.

Probatur hæc conclusio ex Conc. Florent. in decreto vnionis Sess. 7. de Sacramentis in genere Can. 11. *Si quis dixerit, in ministro, dum Sacramentum conficit, non requiri intentionem faciendi quod facit Ecclesia. Anathema sit.* Sic etiam Concil. Trident. Sess. 14. Can. 6. *Si Sacerdoti desit animus verè absoluendi, nihil fit.* Ratio est, quia absolutio non est nedom ministerium, sed actus iudicialis, quo sententia proferitur: ergo debet proferri cum intentione. Deinde, si intentio materialis sufficeret, & non requireretur formalis, saltem implicita, lector mensæ, qui inter legendum recitaret hæc verba, *Hoc est corpus meum*, consecraret panem appositum quod falsum est.

Obijc. quod Patriarcha Alexandrinus approbaucrit Baptismum Gregorij Nazianzeni, qui adhuc puer alios pueros baptizauit ludendo: ergo non est necessaria formalis intentio. Resp. hoc approbatum fuisse; quia interrogatus Gregorius confessus est se intendisse facere quod intendebat Patriarcha Alexandrinus, licet ioco; vnde dicendum est, quod qui haberet tantum intentionem iocandi, non baptizaret; qui haberet verò intentionem iocandi & baptizandi, vel faciendi quod facit Ecclesia Christiana, verè baptizaret.

Obijc. secundo quod famulus qui transigit contra-ctum pro domino, non indigeat intentione; si enim v. g. det equum vice domini sui, sufficit quod illum porrigat, licet non intendat dare: ergo à pari dicendum est de ministro; qui vice Christi gratiam confert per Sacramenta. Resp. distinguendo antecedens; si famulus ille habeat tantum rationem nuntij, con,

concedo: si habeat potestatem à domino tractandi negotium pro sua voluntate, nego: sed Sacerdotes habent talem potestatem, ut patet ex dictis Christi, *Quorum remiseritis peccata; remittuntur eis*: ergo indigent intentione; Sacerdotes enim vocantur à Paulo Dispensatores Misteriorum Dei, dispensatio autem fit cum intentione.

Obiic. tertio, nullum ergo esse certum, an sit baptizatus, nec-nè; quia potest semper dubitare de intentione ministri. Resp. nullum esse certum certitudine fidei; tamen est certus certitudine morali: non debet enim credere de proximo, quod voluerit perpetrare sacrilegium, non intendendo effectum Sacramenti conferre. Nec quis dicat, ergo Baptismus Hæreticorum periculosus est; quia non intendunt facere quod facit Ecclesia Romana, sed quod facit Geneuensis. Respondeo enim, quod intendere facere quod facit Ecclesia Geneuensis, hoc est intendere virtualiter quod fecit Christus, & quod iussit facere.

Q V Æ S T I O IV.

Qualis debeat esse intentio ministri;

Quia intentio ministri debet esse formalis, siue sit implicita, siue explicita; potest ulterius quæri, an illa intentio formalis debeat esse actualis, vel virtualis, vel habitualis; Sed ante responsionem, sciendum est, quod intentio actualis est, quando minister actu conficiens Sacramentum intendit facere, quod fecit Christus, vel Ecclesia: Intentio virtualis est, quando propter distractionem minister non intendit actu facere quod fecit Christus, sed antea intendit; nec illa intentio, quam vocamus actualem, fuit interrupta per contrarium actum: Habitualis tandem est quædam promptitudo, qua Sacerdos, v. g. est expeditus ad baptizandum; quæ quidem promptitudo oriri potest ex habitu infuso vel acquisito.

CONCLUSIO;

Intentio habitualis non sufficit; actualis non requiritur absolute, sed virtualis dumtaxat necessaria est. Primum patet, quia talis habitus qui est v. g. in Sacerdote ad consecrandum, & in Episcopo ad confirmandum, non est deliberatus; imò potest esse in dormiente & in hominibus mente captis; unde patet talem intentionem non sufficere. Quod si D. Thomas videatur hoc asseuerare; hoc est, quia confundit intentionem virtualement cum habituali. Secundum manifestum est, quia intentio actualis non est in potestate nostra semper; non possumus enim quin aliquando distrahamur, & nimis durum esset hoc exigere à ministro; tamen cauendum est, ut quisque hanc intentionem habeat. Tertium ergo liquet ex duobus primis; cum enim intentio ministri necessaria sit, ut probauit præcedens conclusio per Concilia; intentio verò habitualis non sufficiat; nec actualis absolute exigatur: ergo concludendum est, quod minister saltem virtualement debeat habere: ad intentionem autem virtualement requiritur, quod paulò antea fuerit actualis; & non sufficit, quod v. g. suscipiendo Sacerdotium, quis habeat intentionem semper consecrandi.

Obijc. Sacramenta non habent vim operatiuam à ministro, sed à solo Christo: ergo nullo modo intentio ministri requiritur. Resp. non esse nobis questionem de effectu Sacramentorum; gratia enim quæ est effectus Sacramenti, nullomodo dependet à ministro, nec ab intentione ministri, sed loquimur de esse & consecratione Sacramentorum, quæ dependent à ministri intentione; unde v. g. si homo intenderet aliquem baptizare, & non intenderet illi conferre gratiam; gratia ipsa non suspenderetur ob defectum intentionis; quia ut optimè dicit responsio, vis operatiua Sacramentorum à solo Christo dependet: hoc non impedit tamen, quin dicamus quod si minister non intenderet Sacramentum facere, reuera nec Sacramentum faceret, nec produceret gratiam.

Obijc. secundò, Intentio virtualis non sufficit; quia intentio virtualis nihil aliud est, quàm actus præteritus; sed quod est præteritum, non potest pro-

ducere gratiam præsentem: ergo ad effectum Sacramenti virtualis intentio non sufficit. Resp. negando antecedens, ad probationem distingo minorem; quod est præteritum non potest influere in præsens, nec producere gratiam præsentem, physice, concedo: effectus enim physicus in actu exigit causam physicam in actu; moraliter, nego. Habemus exemplum de passione Christi, quæ antequam existeret, fuit principium gratiarum quæ communicatæ fuerunt in veteri Testamento, & nunc etiam, ubi iam peracta est, est adhuc fons & origo omnium gratiarum nobis collatarum. Nil ergo mirum, si dicamus intentionem virtuale influere in gratiam saltem moraliter; nam ex vi primæ intentionis quæ actualis fuit, incipit homo applicare se ad Sacramentum, vel ad præparationem Sacramenti.

Q U Æ S T I O V.

An requiratur Fides in ministro?

Multi hoc olim putauerunt, inter quos videtur fuisse Cyprianus, & illi qui hanc tenebant opinionem, rebaptizabant eos qui antea baptizati fuerant ab hæreticis. In hoc errore fuerunt Donatistæ; contra quos Augustinus septem libros ex professo scripsit, & ipsemet Augustinus Cyprianum excusat, dicens quod tempore Cypriani nondum erat Concilium plenarium per quod rei veritas haberetur.

C O N C L U S I O.

Non requiritur Fides ad valorem Sacramenti. Hæc propositio est de fide, saltem post tempus Cypriani, quippe quæ fuit definita in Concilio Carthaginensi Prouinciali, Canone 1. post mortem Cypriani eiusdem vrbs antea Episcopi; in Arelatensi primo & secundo, in Laodicæno Canone 8. in Nicæno primo Canon. 17. ubi iubet, hæreticos Paulianistas ad Ecclesiam redeuntes rebaptizari, quia peccabant in forma Baptismi; alios verò hæreticos debitam materiam & formam adhibentes, minime: sic etiam Concilium Tridentinum Sess. 7. Canon. 4. de Baptismo, Hæc quæstio intelligitur de solo Baptismo, non verò

verò de alijs Sacramentis, quia supponunt Baptismum; hæretici tamen, si antequam à nobis recedant sint Præsbyteri, possunt absolutionem conferre; & si sint Episcopi, possunt ordinare; talis enim potestas pertinet ad spirituales characterem qui est indelebilis; vnde cum fiunt hæretici, amittunt solam licentiam, non verò potestatem: quod intelligitur tamen de potestate ordinis, non iurisdictionis; licet enim possint consecrare v.g. non possunt tamen excommunicare. Porro, idem dicendum est de paganis respectu Baptismi, ac de hæreticis, quod scilicet baptizare possint.

Obijc. Baptismus confertur in nomine Trinitatis; ergo non potest conferri ab illis qui fide Trinitatis carent. Negatur consequentia: non baptizant enim autoritate propria, sed Christi, qui sic disposuit, ut infidelis possit ministrare Baptismum. Nec dicas, extra Ecclesiam non est salus: ergo nec potest recipere infans salutem per baptismum à pagano collatum. Distinguitur enim: extra Ecclesiam non est salus: formaliter, concedo: ministerialiter, nego: licet ergo pagani non pertineant ad Ecclesiam quoad fidem; pertinent tamen quoad ministerium. Si quis dicat, caput naturale non influit mediantibus venis aridis: ergo nec mysticum mediantibus infidelibus: negabitur consequentia; primum enim procedit ex defectu virtutis capitis naturalis, quod cum sit finitum in sua efficacia, non potest per tales venas influere; Christus autem est infinitæ virtutis, vnde sicut potest sine ministris iustificare, potest etiam per ministros infideles.

QVÆSTIO VI.

An probitas requiratur in Ministro?

Hoc potest duplicem sensum pati; primò an probitas requiratur in Ministro, ut validum sit Sacramentum; secundò, ut licitum sit. Valdenses, seu Pauperes de Lugduno, & Donatistarum plurimi, primum asseverauerunt.

CONCLUSIO:

AD valorem Sacramenti non requiritur probitas Ministri; qui ministrat tamen Sacramentum ex officio; peccat, si sit in peccato mortali: si autem ministret per accidens, non peccat: sic omnes Canonistæ.

Probatur prima pars, quia Minister agit autoritate, non propria, sed sibi concessa à Deo, quam Deus non aufert propter peccatum. Sic impius Iudas baptizabat validè, ait Augustinus. Deinde, potestas conficiendi Sacramentum non est gratia sanctificans, sed gratis data: ergo composibilis est cum peccato. Tandem, quia potestas conficiendi Sacramentum non datur communiter in utilitatem ministri: ergo nec debet auferri per peccatum ministri. Porro, sicut propter peccatum non auferitur potestas iurisdictionis; secundum dictum Petri 1.2. *Subditi estote dominis, non tantum bonis, sed & dyscolis*; ergo nec auferitur potestas Ordinis.

Probantur aliæ partes, quòd scilicet primò ministrans ex officio peccet, si sit in peccato mortali, dum ministrat; quia si in veteri lege ad ministranda legalia, quæ erant Sacramenta imperfecta requirebatur sanctitas legalis, ut habetur Levit. 23. *Sancti erunt Deo suo, qui incensum & panes Deo suo offerunt*: ergo à fortiori in lege gratiæ ministri ex officio peccant, si in peccato ministrent. Hinc tenentur ministri, si non confiteri, habere contritionem, saltem existimatam. Ratio quare ministrans per accidens, & non ex officio, non peccet, ut v.g. Laicus, vel Ecclesiasticus non pastor, qui requiritur baptizare infantem moribundum, est quia sanctitas non alligatur puro ministerio, sed ministranti ex officio.

Obijc. in primam partem: Nemo dat quod non habet. Ecclesiast. 14. *Ab immundo quis mundabitur? & postea; Qui baptizatur à mortuo, quid proficit lavatio eius?* Cum ergo minister improbus non habeat gratiam, non potest illam conferre per Sacramenta. Resp. quòd mali ministri habeant gratiam ministerialiter, non verò formaliter, & quod non possint mundare propria virtute, benè autem virtute Christi. Quod si Ecclesiastic. 34. habeatur, quod baptismus à mor-

mortuo non proficiat, idest, qui lauatur à mortuo, hoc est à tactu mortui, & iterum tangit illum, talis lauatio non prodest; hoc est in textu. Quod si dicatur communiter quod arbor mala non possit bonos fructus facere: tanquam causa principalis concedo; tanquam ministerialis, nego. Si etiam Malachias asserat, Deum maledicere benedictionibus peccatorum; loquitur de actionibus quæ vim habebant ex opere operantis; tales enim non recipit Deus à peccatore. Si aliquod Concilium dicat, Baptismum infirmorum non sanare: loquitur de Baptismo Arianorum, qui baptizabant in nomine Patris maioris, Filij minoris, & Spiritus sancti.

QVÆSTIO VLTIMA.

*Quanam dispositio requiratur in suscipiente
Sacramentum?*

Sicut in ministro aliquid requiritur, vt validè conferat Sacramenta, aliquid etiam vt licitè conferat; sic etiam aliud requiritur in suscipiente Sacramentum vt validè Baptismum suscipiat, & aliud vt meritorie.

CONCLUSIO VLTIMA.

VT validum sit Sacramentum, requiritur in adultis voluntas suscipiendi; vt verò Sacramentum conferat gratiam, aliquando requiritur sanctitas in suscipiente, aliquando non. Primum patet ex Innocentio 3. cap. *maiores*, de Baptismo; vbi ait, *Qui nunquam consentit, nec rem, nec caraxerem Sacramenti suscipit*. Illa autem intentio sufficit quæ est virtualis; si enim aliquis hodie perat Baptismum, & postea cadat in dementiam, potest baptizari; non verò, si nunquam intentionem habuerit; pro pueris autem qui intentione carent, sufficit intentio Christi & Ecclesiæ.

Probatur secundum; vt enim quis recipiat gratiam, seu augmentum gratiæ, quod confertur per Confirmationem, Eucharistiam, Extremam-unctionem, Ordinem & Matrimonium, debet in gratia præexistere; ynde hæc Sacramenta vocantur Sacramenta

30 DE SACRAMENTIS.
viorum, quia dantur illis qui habent iam vitam spiritualem.

Probatur tertium, respectu Pœnitentiæ & Baptismi; si enim requireretur gratia in illo qui baptizatur, vel qui absoluitur; talia Sacramenta non tollerent peccatum, quod tamen falsum est; quia Baptismus tollit peccatum originale, & Pœnitentia peccatum actuale; & hæc duo Sacramenta dicuntur ob hoc, Sacramenta mortuorum; quia sunt pro illis qui vita spirituali carent.

C A P V T V L T I M V M .

De effectu Sacramentorum.

Quandoquidem ad causam sequitur effectus: ideo, postquam egimus de causa Sacramentorum, nunc ad ipsorum effectum transeundum est. Effectus autem Sacramentorum sunt duo, quorum unus est gratia, siue habitualis, siue actualis; alius verò est caracter, qui si non per omnia Sacramenta conferatur, per tria tamen communicari solet, nimirum per Baptismum, Confirmationem & Ordinem; de his omnibus dicitur suo loco in presenti capite.

Q V Æ S T I O P R I M A :

*An Sacramenta conferant gratiam
habitualement*

Hæretici huius temporis volunt Sacramenta non producere gratiam efficienter, sed tantum obiectivè, in ratione scilicet signi, excitando in nobis fidem passionis Christi, & mediante fide gratiam, sicut imagines rerum sacrarum solent in nobis excitare devotionem: sed si hoc verum esset, non deberent necessariò Sacramenta accipi à quolibet; sufficeret enim, si viderentur illi qui talia Sacramenta conferunt; nam per hoc fides æqualiter in illis excitari posset, ac si actualiter ea reciperent: Nos autem qui dicimus quòd Sacramenta conferant gratiam efficienter, non ut causa principalis, quia solus Deus illam sic confert; nec ut causa principalis

lis meritoria, quia solus Christus est talis causa, sed vt causa instrumentalis, aliter habemus concludere.

CONCLUSIO.

Sacramenta gratiam habitualement conferunt; & per gratiam habitualement intelligimus aliquam qualitatem inhærentem animæ & diuinitus infusam, qua homo iustificatur, vnde vocatur gratia iustificans, qua etiam sanctificatur, vnde vocatur sanctificans, vel gratus Deo efficitur, vnde vocatur tandem gratum faciens. Hæc conclusio habetur ex Concilijs Florentino, Arausicano, & Trid. quod quidem vltimum sess. 7. de Sacramentis can. 6. habet; *Si quis dixerit, Sacramenta nouæ legis non continere gratiam quam significant, aut gratiam ipsam, sublato obice, non conferre, Anathema sit.*

Confirmatur nostra conclusio ex Scriptura, quæ ostendit, loquendo de quolibet Sacramento, omnia gratiam conferre: de Baptismo enim habetur Act. 2. *Baptizetur unusquisque vestrum in remissionem peccatorum;* non tollitur verò peccatum, nisi per gratiam habitualement: De Confirmatione habetur Act. 8. quod per manuum impositionem dabatur Spiritus sanctus. De Eucharistia habetur Ioann. 6. *Qui manducato meam carnem, habet vitam æternam.* De Pœnitentia fertur Ioann. 20. *Quorum remisistis peccata, remittuntur eis.* De Matrimonio habetur ad Ephes. 5. *Quod sit magnum Sacramentum: non esset autem magnum inter Sacramenta, si non conferret gratiam, sicut alia conferunt.* De Ordine tandem habetur 2. ad Timoth. 1. *Vt resuscites gratiam quæ in te est per manuum impositionem.* De Extrema-vnctione, Iacobi 5. *Infirmatur quis in vobis? inducat Presbytero & Ecclesia.*

QVÆSTIO II.

Verum Sacramenta conferant habitus supernaturales cum gratia?

In hominē iusto, præter gratiam habitualement reperiuntur habitus supernaturales, vt Fides, Spes, Cha-

ritas, Temperantia, Iustitia, Fortitudo, Prudentia; qui faciunt hominem ad bene agendum, & bene utendum creaturis. Hic ergo quaeritur, utrum Sacramenta infundant hos supernaturales habitus cum gratia habituali.

CONCLUSIO.

Sacramenta cum gratia habituali conferunt gratiam donorum & virtutum; id est, habitus supernaturales, tum Theologicos, ut sunt Fides, Spes & Charitas; tum Cardinales, ut sunt Iustitia, Temperantia, Fortitudo & Prudentia; tum Morales ut sunt Humilitas, &c. Sic Conc. Trident. sess. 6. cap. 6. Cuius ratio est, quia sicut in vita corporali Deus conferendo animam, quae est principium vitae, potentias superaddit, ut anima producat actiones vitales; sic etiam Deus datus gratiam, dat etiam habitus supernaturales, quibus homo possit in genere gratiae actiones vitales producere; & hoc fit tum respectu adultorum, tum respectu infantium.

Obijc. Omnia Sacramenta non conferunt gratiam, sed tantum duo, nimirum Baptismus & Poenitentia; alia enim quae dicuntur Sacramenta viutorum, illam praesupponunt: ergo male dicitur in praecedenti conclusione, quod Sacramenta conferant gratiam habitualementem, & minus recte in ista, quod conferant cum gratia habituali habitus supernaturales; quia tales habitus non infunduntur nisi cum gratia: cum ergo in Sacramentis viutorum gratia non infundatur, propterea non infunduntur in illis habitus supernaturales. Resp. quod quando diximus in praesenti conclusione Sacramenta conferre gratiam; hoc est, vel in se, vel in augmento; id est, vel producant gratiam ut sic, vel producant augmentationem gratiae: sic etiam, quando dicimus in praesenti conclusione, quod Sacramenta conferunt habitus supernaturales, hoc est, vel in se, vel in augmento; v.g. ille qui recipiens Eucharistiam habet gratiam, habet etiam Fidem, Spem & Charitatem, & alios habitus supernaturales; augentur tamen, sicut & gratia, per assumptionem Eucharistiae.

Obijc. secundo, habitus dantur propter actus; sed infantes non sunt capaces actuum supernaturalium:

lium: ergo nec illis infunduntur habitus supernaturales. Pro adultis etiam videtur, quod habeant æqualem difficultatem operandi post Baptismum, ac ante; quod est signum, ipsos per Baptismum non recepisse habitus supernaturales, quibus promptiores fierent ad bene agendum. Respondeo tales habitus infundi infantibus, ut illis possint bene uti, cum adoleuerint. Quoad adultos verò, si sentiant difficultatem bene agendi post Baptismum; hoc non prouenit ex defectu habituum; sed ob inordinatos concupiscentiæ motus, quæ per Baptismum non tollitur.

Q V Æ S T I O III.

An Sacramenta conferant gratias actuales?

EX dictis & ex dicendis in hac quæstione, patet triplicem esse gratiam: prima vocatur gratia habitualis, & est ea, ut diximus, qua homo gratus est Deo; alia est gratia virtutum coinfusarum cum gratia habituali, quæ datur ut homo iustus facilius prorumpat in actus supernaturales, v.g. Fidei, Temperantiæ, aut Humilitatis: alia tandem est gratia actualis, qua excitatur homo ad hoc, ut operetur bene. De duabus primis egimus; superest ergo loquendum de tertia.

C O N C L U S I O.

Præter gratiam habitualement, quam Sacramenta conferunt, præter etiam habitus supernaturales, qui coinfunduntur cum gratia habituali, Sacramenta conferunt gratias speciales, quæ Sacramentalis dicuntur, & quæ sunt auxilia quædam actualia ad rectè fungendum muneribus, ad quæ destinamur per ipsa Sacramenta: & sic Sacramenta habent duos effectus; vnum communem, nempe gratiam sanctificantem & habitualement, quæ ab omnibus Sacramentis confertur, siue in se, siue in augmento, & alium particularem, nempe gratiam actualement, quæ Sacramentalis vocatur, & quæ est necessaria ad ritè obeunda munera, quibus per Sacramenta destinamur. Baptismus v.g. nedum confert gratiã habitualement, qua

regeneramur, sed & gratiam actualem, siue excitantem, siue adiuuantem, vt dignè suscipiamus alia Sacramenta cùm opus fuerit. Confirmatio non solum confert augmentum gratiæ habitualis, sed etiam auxilium actuale, ad profitendam publicè fidem, cùm opus fuerit. Poenitentia præter gratiam habitualementem infundit ad tollendum peccatum actuale, confert pro occasione gratias actuales ad vitanda peccata; Eucharistia dat gratiam actualem ad nutriendam & exercendam charitatem; Extrema-unctio dat gratias actuales necessarias ad vincendas tentationes, quæ in articulo mortis oriri solent. Ordo nedùm dat gratiam habitualementem Ordinato, sed & specialementem, & actualem qua ritè exerceat actus sui Ordinis. Matrimonium tandem præter gratiam habitualementem quam auget in contrahentibus, dat illis specialia auxilia ad onera coniugij faciliùs toleranda. Ex qua inductione patet, quòd singula Sacramenta gratiam habitualementem habeant pro effectu communi; & Sacramentalem pro effectu singulari. Superest tantùm quòd notetur, gratiam habitualementem conferri, cùm applicatur Sacramentum; gratiam verò Sacramentalem, quæ actualis est, dari tantùm quando occasio se præbet vel malum vitandi, vel bonum faciendi, vel munus suum obeundi.

QVÆSTIO IV.

An Sacramenta conferant gratiam ex opere operato.

Theologi dicunt duplicem esse modum quo gratia ordinariè obtinetur; ex opere operantis, & ex opere operato. Sacramentum autem conferre gratiam ex opere operantis, est illam causare intuitu boni operis interni coniuncti cum receptione Sacramenti, cui debetur gratia, v.g. intuitu Fidei, Deuotionis aut Charitatis suscipientis Sacramentum: Sacramentum verò conferre gratiam ex opere operato, est eam causare in virtute ipsius operis externi quod Deus instituit, & non intuitu meriti vel dispositionis illius qui Sacramentum recipit: vnde licet fides & deuotio requirantur in suscipiente, nullam tamen efficaciam habent circa gratiam, sed sunt tantùm dispo-

dispositiones praeuia, quae requiruntur, non ex parte agentis, sed ex parte subiecti; non requiruntur, inquam, ut agens possit agere, sed ut subiectum possit recipere formam; v.g. ignis ex sua ratione propria, & si sic fari liceat, ex opere operato est calefactiuus; ut tamen calefaciat actu, requiritur expulsio humiditatis; talis autem expulsio requiritur tanquam dispositio praeuia ex parte subiecti, non verò ex parte agentis.

CONCLUSIO.

Sacramenta nouae legis causant gratiam ex opere operato, non ex opere operantis, nisi tantum dispositiue; sic Conc. Trid. sess. 7. can. 8. *Si quis dixerit; noua legis Sacramenta ex opere operato non conferre gratiam, Anathema sit;* sic antea Concil. Araus. 1. can. 11. sic etiam Carth. 4. canon. 7. Idem sentiunt communiter Doctores Catholici: Augustinus praeter ceteris, qui lib. 4. contra Cresconium cap. 61. ait; *Non horum meritis à quibus ministratur Sacramentum, nec horum quibus ministratur, constat Baptismus, sed propria constat sanctitate & virtute, propter eum à quo institutus est;* hoc est ergo, quasi Augustinus diceret, Sacramenta non conferre gratiam ex meritis illius qui ministrat, nec illius qui suscipit, sed sua propria virtute; ergo ex opere operato.

Confirmatur ratione; quia si vetera Sacramenta conferebant gratiam legalem ex opere operato quam significabant primario: ergo nostra causant gratiam habitualement ex opere operato; aliam non essent nobiliora veteribus, quae gratiam habitualement & sanctificantem causabant ex opere operantis. Secundo, Sacramenta nostra se habent ut medicinae quaedam supernaturales à Christo institutae; quibus curatur anima à morbis spiritualibus; sed medicinae non habent quod sanent à bonitate medici, nec aegroti, sed à seipsis & ex virtute ipsius medicinae: ergo Sacramenta virtute propria & ex opere operato habent virtutem producendi gratiam. Tandem ex ipsismet haereticis, Baptismus prodest tum infantibus, tum amentibus, in quibus non est opus operans; opus enim operans est opus aliquod meritorium, cuius non sunt capaces illi qui non habent usum rationis; ergo inferendum est.

quod Baptismus gratiam conferat ex se, seu ex opere operato.

Quòd si Sacramenta causent gratiam ex opere operantis, hoc est tantum dispositiue, vt scilicet tollatur obex, qui impedit introductionem formæ ex parte subiecti, vr diximus de expulsiōe humiditatis in ligno, quæ est requisita dispositio ex parte subiecti, ad hoc vt recipiat calorem; non verò requiritur ex parte ignis, qui semper ex sua virtute propria est calefactiuus. Sic ergo vt Baptismus v. g. conferat gratiam adulto, requiritur intentio in ipso, & aliquis dolor de peccatis suis; sed hoc est ex parte subiecti, non verò ex parte causæ: quòd si dolor requiratur in adulto, talis dolor non pertinet ad Pœnitentiam, vt est Sacramentum, sed ad Pœnitentiam quæ est virtus; quid sit autem Pœnitentia virtus, & Pœnitentia Sacramentum, dicetur agendo de Sacramento Pœnitentiæ. Quod si quaratur, cur debeat præexistere dolor de peccatis antea commissis in adulto baptizando; est quia iustum videtur, quod ille qui voluntariè à Deo auersus est per peccatum, voluntariè ad Deum reuertatur per resipiscentiam, seu dolorem de peccato, & ille dolor in adultis supponit fidem & spem, non quidem infusam, quia per Baptismum datur, sed acquisitam: Pro paruulis autem non sic dicendum est; quia cum aliena voluntate peccauerint, per solum Baptismum sine proprio actu sanctificantur.

Obijc. D. Petrus cap. 3. 1. Epistol. dicit Baptismum esse similem Arce Noè, quæ nihil produxit conseruando ipsum Noè. Resp. talem similitudinem non esse omnimodam; sed in hoc tantum stare; quòd sicut nullus eorū qui fuerunt in Arca, periit per aquas diluuij, sic nullus eorum qui baptizati fuerunt, peribit per peccatum originale. Quòd si Marc. 16. habeatur, *Qui crediderit & baptizatus fuerit, saluus erit*; ex hoc non est inferendum, Baptismum non iustificare, sed solam fidem; imò, ex hoc potest tantum inferri quòd fides requiratur in adulto baptizando, non, tanquam aliquid complens efficacitatem Baptismi, quia pro tunc non conferret gratiam ex opere operato; sed tanquam aliquid remouens impedimentum à subiecto; & sic fides non iustificat, vt volunt hæretici: sed est conditio sine qua esset obex insusci-

fulcipiente: vnde, si dicatur quòd *Iustus ex fide viuit*; hoc est, non fide sola, sed fide quæ est à Sacramentis, vel quæ præsupponit Sacramenta. Si etiam Petrus loco præcitato dicat, quòd ablutio non soluat, sed bonæ conscientiæ interrogatio; loquitur de adultis, vbi ablutio sine intentione, sine fide acquisita, & sine dolore de peccato non producit gratiam; licet producat characterem & rem Sacramenti; non verò effectum eius primarium.

Q V Æ S T I O V.

An Sacramenta legis antiquæ contulerint gratiam, ex opere operato?

Non dubitatur, quin illa Sacramenta sanctitatem legalem ex opere operato contulerint; in veteri enim lege contrahebatur immunditia per partum, per tactum mortui, & per alios modos, ita quòd qui contraxerant talem immunditiam, erant aliquo modo irregulares; & ob hoc arcebantur ab ingressu templi, & conuictu cum alijs fidelibus; Sacramenta autem tollebant talem immunditiam ex opere operato, quatenus talem virtutem habebant ex institutione diuina; & talis emundatio dicebatur collatio sanctitatis legalis. Quoad gratiam iustificantem constat, eam Sacramenta veteris legis aliquando contulisse, non ex opere operato, sed ex opere operantis; hoc est in virtute amoris Dei, vel contritionis eorum qui talia Sacramenta recipiebant; an autem gratiam contulerint ex opere operato, hoc quaerimus. Sed notandum est, quòd sermo noster sit de Sacramentis purè Mosaicis, & quæ præcisè ad veterem legem pertinebant; vnde non loquimur de Circumcisione quæ instituta erat in lege naturæ, tempore scilicet Abrahæ; de illa enim dicetur in quæstione sequenti.

C O N C L U S I O.

Legis antiquæ Sacramenta non conferebant gratiam ex opere operato; primò, quia Paulus vocat Sacramenta vetera, *Elementa vacua, egena, & infirma*; vnde ad Galatas 3, dicebat; *In lege nemo*

*iustificatur apud Deum; unde etiam Ioann. 1. ait quodd, Lex per Moysen data est, gratia verò per Iesum Christum. Secundò, quia potissima ratio distinctionis per quam lex nostra differt à Mosaica, est quia nostra habet vim iustificandi, unde aptè vocatur lex gratiæ; vetus autem non sic; per legem enim nemo iustificabatur, nisi ex opere operantis. Tertiò, quia ut Sacramentum ex se & ex opere operato conferat gratiam, debet habere annexam Dei promissionem; talis autem promissio non habetur neque ex Scriptura, neque ex traditione, neque ex Concilijs aut Patribus: imò Paulus loquens de Christo, dicit, *Melius sortitus est ministerium, quando & melioris testamenti mediator est, quod in melioribus promissionibus sancitum est; Et postea explicans tales promissiones, addit ipse, Propitius ero iniquitatibus eorum; quod reuera non promisit Testamentum vetus.**

Obijc. Vetera Sacramenta promittebant remissionem peccatorum, Leuitici 4. 5. & 6. sed non possant remitti peccata, saltem mortalia, sine infusione gratiæ: ergo gratiam ipsam promittebant: ergo conferebant ex se & ex opere operato. Resp. quòd duo sint in peccato; scilicet macula peccati quam contrahit anima per actum peccaminosum, & quæ in ipsa remanet post actum peccati; & est pœna peccati; eo enim instanti quo quis in peccatum incidit, pœnam peccati meretur; Sacramenta autem vetera promittebant remissionem peccati, quantum ad pœnam temporalem, concedo: quantum ad culpam & pœnam gehennæ, nego. Quod patet per hoc, quòd sacrificia veteris legis remittebant tantum aliqua peccata in particulari; si verò remisissent culpam peccati, omnia simul remisissent, non remittitur enim vnum sine alio. Quòd si quis dicat, immolationem arietis omnia peccata remisisse; hoc verum est de omnibus peccatis commissis in ablatione rei alienæ, non verò de omnibus peccatis simpliciter.

QVÆSTIO VI.

An Circumcisio contulerit gratiam ex opere operato?

Circumcisio præcipuum erat legis antiquæ Sacramentum, constans amputatione præputij ex institutione diuina. Data fuit à Deo ad designandam familiam Abrabæ & discernendos Iudæos ab alijs gentibus, ex qua familia oriundus erat Christus. Data etiam fuit ad deletionem peccati originalis. In ea Circumcisione plura sunt notatu digna; primò minister, de quo tenent communiter Doctores, quemlibet, etiam foeminam, in necessarijs saltem, potuisse circumcidere. Secundò instrumentum, quod erat culter lapideus, vt habetur Exodi 4. & Iosue 5. Tertiò tempus, quod erat octauus dies à natiuitate, iuxta illud Leuitici, *Die octauo circumcidetur puer*; & hoc tempus non poterat anticipari; vnde imminente periculo, si infantes essent moribundi ante octauum diem, vrebantur parentes remedio legis naturæ sicut vrebantur pro foeminis; quòd si postea conualuissent paruuli; debebant circumcidi, non quidem in deletionem peccati, quia iam sublatum erat; sed in obseruationem præcepti, & vt infantes in populo Dei annumerarentur. Licet tamen Circumcisio nō posset anticipari, poterat tamen differri occurrentibus legitimis causis, v.g. morbo, aut alio mortis periculo: Sic pueri Hebræorum in deserto nati, ob iter continuum, & nouas quotidie castrametationes, manserunt incircumcisi spatio quadraginta annorum, quibus fuerunt in deserto; sic Iosue 5. & pro tunc probabile est, quòd vsi fuerint remedio legis naturæ contra originale peccatum. Vbi sciendum, quòd si octauus dies in Sabbatum incideret, in eo non minùs fiebat Circumcisio. Quartum tandem quod est notatu dignum in Circumcisione, erat nominis impositio; Deus enim Circumcisionem instituens, mutauit nomen Abram in Abraham, & Sarai in Sara; hinc Iudæi soliti erant dare nomina pueris in Circumcisione.

CONCLUSIO.

Circumcisio conferebat gratiam ex opere operato. Sic Scotus in 4. dist. 1. quæst. 6. Sic etiam Augustinus l. 2. de nuptijs & concupiscentia; *Ex qua inquit, instituta est Circumcisio in populo Dei in purgationem huius peccati veteris, valebat magnis & parvulis, sicut Baptismus cœpit valere ex quo institutus est: ergo sicut Baptismus confert gratiam ex opere operato, sic & Circumcisio.* Idem etiam habet lib. 4. de Baptismo cap. 24. *Præceptum est Abraha, ut circumcideret parvulos, quia ipsum Sacramentum multum per se valet; quæ particula, per se denotat collationem gratiæ ex opere operato.*

Probatur ratione nostra conclusio; quia, si Circumcisio conferret gratiam tantum ex opere operantis: vel esset respectu operis operantis eorum, qui Circumcisionem recipiebant; vel respectu operis operantis ministri: sed hoc non potest dici respectu operantis ministri; Circumcisio enim erat valida, etiam si per infideles & Samaritanos conferretur, ut notat Augustinus lib. 1. contra Greseonium: Non producebat etiam gratiam ex opere operantis recipientium, quia erant communiter parvuli qui non poterant mereri nec demereri: ergo nec producere opus operans, cuius intuitu reciperent gratiam; unde superest quod asseramus circumcisionem produxisse gratiam ex opere operato.

Obijc. Circumcisio ex Apostolo non est reputata *Abraha in iustitiam*; ergo non contulit illi gratiam. **Resp.** Circumcisionem dupliciter spectari posse; Primo, ut est quædam externa ceremonia, qua fiebat scissio præputij, & tunc non erat destinata ad conferendam iustitiam, sed distinguebat tantum posteros Abraham, scilicet Iudæos, à Gentilibus: Secundo, sumitur quatenus illa ceremonia coniungebatur cum protestatione fidei in Christum venturum, & tunc delebat peccatum originale, & gratiam conferebat ex opere operato. In prima acceptione intelligendi sunt Patres. dicentes Circumcisionem nihil profuisse, & esse tantum infirmum, & egenum elementum.

Obijc. secundo: Infantes post Circumcisionem de-

decedentes cælum non ingrediebantur, quod signum est non contulisse gratiam. Resp. quòd si non intrarent cælum, non erat ex defectu Circumcisionis, sed quia nondum pretium solutum erat; & ob hoc non poterat cælum aperiri. Si dicas, ergo Circumcisio non differt à Baptismo. Resp. idèò differre, quia maiorem confert Baptismus gratiam; sic intellige Patres dicentes eam non conferre gratiam; id est comparatè ad Baptismum, quatenus non tantam conferebat gratiam, quantam Baptismus confert. Si inferatur, ergo lex vetus non differt à noua, si Sacramenta veteris legis conferebant gratiam ex opere operato; Resp. differre in Sacramentis purè Moisaicis; Circumcisio autem pertinet tum ad legem naturæ, quoniam data est tempore Abrahæ, tum ad legem scriptam, quia in ea perseverauit. Porro, idem dicendum est de remedio legis naturæ ac de Circumcisione, quòd scilicet tale remedium gratiam contulerit ex opere operato.

Q V Æ S T I O VII.

*An Sacramenta conferant gratiam vel moraliter;
vel physicè?*

Diuus Thomas Sacramenta vocat causas instrumentales physicas gratiæ, in quantum vult ipsa gratiam physicè producere per modum instrumenti physici; antequam verò detur nostra opinio, sciendum est, quòd Sacramenta possint intelligi quadrupliciter conferre gratiam. Primò ad modum causæ sine qua non, ita ut dicantur signa externa, quibus positis, Deus dicatur conferre gratiam, sicut v. g. sigillum repræsentatum eleemosynatio esset signum ad recipiendam eleemosynam. Secundò, possunt dici causæ mediatae gratiæ, ita quòd non attingat gratiam, sed vel producant characterem in anima, vel ornatum aut dispositionem in ea, ad cuius positionem gratia producitur. Tertiò, possunt intelligi gratiam producere physicè, ita quòd reali & physico influxu gratiam producant. Quartò tandem, intelligi potest quòd moraliter gratiam conferant, quatenus scilicet mouent causam physicam, nempe Deum, ut gratiam producat in anima illius qui Sacramen-

mentum suscipit. Si Sacramenta producerent gratiam primo modo, ut denarius plumbeus, quo exhibito datur aliqua merces pro labore, propriè Sacramenta non producerent gratiam, sicut nec denarius exhibitus producit mercedem; quòd est contra Concilia, præsertim Tridentinum, dicens: *Si quis dixerit Sacramenta noua legis non conferre gratiam, Anathema sit.* Asserere etiam Sacramenta esse causas mediatas gratiæ, in quantum producant caracterem vel dispositionem in anima, quibus positis, Deus infunderet gratiam, hoc æquè esset contra Concilia determinantia Sacramenta gratiam conferre. licet enim homo generans producat ultimam organizationem corporis, qua posita, anima rationalis infunditur, non propterea dicitur animam producere. Tota ergo difficultas consistit, an Sacramenta conferant gratiam physicè, ut vult D. Thomas; vel moraliter, ut sentit Scotus; producere autem moraliter, est mouere causam physicam, vel iussu, vel prece, vel consilio, vel merito, ad aliquid producendum.

CONCLUSIO.

Sacramenta non producant gratiam ut causæ physicae, sed ut causæ morales; quatenus impetrant à Deo gratiam, quam ipsemet Deus statuit dare infallibiliter, quotiescumque hæ actiones, religiosæ exercerentur.

Probatur conclusio; primò, quia ex D. Thoma 1. parte quæstio. 45. artic. 5. creatura non potest creare, neque principaliter, neque instrumentaliter, saltem physicè; quia creare est potentia infinitæ; sed Sacramenta sunt creaturæ: ergo non possunt producere gratiam, ut causæ physicae; quoniam gratia habet esse per creationem. Secundò, quia causæ physicae non producant gratiam; nisi quando actu existunt; sed Sacramenta conferunt gratiam aliquando pro eo tempore quo non amplius existunt; Augustinus enim & D. Thomas quæst. 69. artic. 10. aiunt, si quis hodie fictè reciperet Baptismum, idest, non attritus, nec volens atteri, reciperet rem & caracterem Baptismi, & si cras deponeret fictionem, idest, attereretur, reciperet cras gratiam virtute Baptismi hodie suscepti. Tertiò, quia Sacramenta non sunt nobilio-
ria

ris conditionis quàm Christus; sed Christus non causauit gratiam per veram & physicam efficientiam, sed tantum per influxum morale, in quantum meruit à Patre, vt daret gratias hominibus intuitu suæ mortis: ergo nil mirum est, si dicamus Sacramenta conferre tantum gratiam moraliter. Huius sententiæ sunt Hieronymus in cap. 4. Esaiæ, August. in Epist. 13. & Bernardus qui serm. de Coena, Domini habet; *Sicut inuestitur Canonicus per librum, Abbas per baculum, Episcopus per annulum, ita gratiarum diuisiones tradite sunt per Sacramenta*; hæc autem non agunt physicè: ergo nec Sacramenta. Quod si autem Sacramenta non producant gratiam physicè; remanet, vt illam moraliter producant.

Obijc. Si Sacramenta producant gratiam tantum moraliter; maximè quia mouent voluntatem Dei ad eam producendam; sed voluntas diuina, cum sit Deus ipse, non potest moueri à creatura: ergo Sacramenta non producant gratiam moraliter. Resp. quod reuerà creatura non potest esse causa volitionis diuinæ, qua velit gratiam creare ad receptionem Sacramenti, quia talis volitio est ab æterno, & nihil temporaneum potest esse causa actionis æternæ, sed creatura per receptionem Sacramenti potest esse causa actus, quo gratiam producat in tempore; & talis actus est tantum respectus rationis, sicut creatio mundi, prædestinatio Petri, reprobatio Iudæ & providentia circa omnes creaturas.

Instabis; quando v. g. amicus regis mouet ipsum regem precibus, vt parcat alicui reo; preces illius amici non tantum mouent regem ad actum, quo veniam indulget, sed etiam ad volitionem, qua rex vult dare veniam: ergo à pari, quando Sacramenta, vt causæ morales, impetrant gratiam à Deo, non tantum mouent Deum ad actum externum quo dat gratiam, sed etiam mouent ad actum internum quo Deus vult dare illam gratiam; & sic volitio diuina est causata à Creatura. Resp. concedendo comparationem, sed valet tantum respectu agentium creatorum, non verò respectu Dei; causa enim moralis aliter operatur respectu creaturæ, & respectu Dei; respectu enim Dei est tantum causa actus externi, non verò interni, quia increatus est; respectu verò creaturæ, causa moralis quæ mouet, est causa, tum
actus

actus interni, quo voluntas se determinat ad volendum; tum actus externi, quo causa principalis aliquid operatur.

Obijc. Si Sacramenta producant tantum moraliter gratiam; est potius Deus qui ad praesentiam Sacramentorum gratiam producit, quam ipsa Sacramenta: & sic nostra Sacramenta sunt tantum signa vacua, quae nullam habent excellentiam supra Sacramenta legis Mosaicæ. Resp. negando consequentiam, quia Sacramenta nostra reuera sunt plena gratiae, quatenus illam impetrant; sicut v.g. Passio Christi dicitur proprie causa gratiae, quia per Passionem Christus nobis gratias meruit; non est ergo par ratio de denario plumbeo, quo exhibito datur merces; quia talis denarius non est impetratorius, nullum enim habet meritum: Sacramenta autem sunt meritoria & impetratoria, quia continent ipsum Christum vel realiter, ut in Eucharistia; vel virtualiter, ut in alijs Sacramentis, quae fundantur in virtute sanguinis Christi, ut constat ex 6. ad Rom. *Quicumque baptizati sumus in Christo Iesu, in morte ipsius baptizati sumus.*

Obijc. Si Sacramenta non producant gratiam physicè, sed potius Deus ad receptionem Sacramenti; ergo sacerdos non potest dicere, Ego te absolvo, sed potius Deus est qui te absoluit ad praesentiam sacerdotis & Sacramenti. Resp. negando consequentiam, quia minister non profert verba absolutionis tantum concionatorie & declaratorie; sed ea profert efficaciter & iuridicè per potestatem sibi traditam, licet non physicè attingat effectum: quia tamen necessitat Deum conferre gratiam ex pacto, debet dicere, Ego te absolvo; sicut is qui cogit custodem carceris ad aperiendam ianuam, dicitur incarcerationem liberare; sicut etiam rex dicitur reum absolvere, qui iubet eum absolui.

Obijc. vltimò, Si Sacramenta conferrent gratiam tantum moraliter, talis modus producendi gratiam esset similis illi modo, quo maleficus arte demonis operatur maleficia; non sunt enim verba quae efficiunt maleficium, sed ipse daemon ad prolationem verborum. Resp. quòd per exempla turpia non debeant explicari mysteria divina: est tamen aliqua similitudo, ex qua colligitur iniquitas & superbia da-

mo-

monis ; videns enim diabolus Deum instituisse aliqua signa quibus pollicitus est gratiam ad sanctificationem animarum ; sic etiam dæmon , ad instar Dei , voluit instituere signa sensibilia , quibus promisit assistere suis Magis ad maleficia facienda in ruinam animarum ; hoc autem agit dæmon , vt sicut Deus per Sacramenta honoratur , ita & ipse diabolus colatur per maleficia ; licet tamen inter vtrumque modum producendi sit aliqua similitudo , est tamen disparitas ; quia signa diaboli non sunt signa infallibilia , sunt enim aliquando falsa & illusoria . Adde quod illa signa diaboli non sunt impetratoria , sicut Sacramenta , quæ infallibiliter gratiam impetrant , ratione contenti , scilicet Christi ; quem continent vel realiter , vel virtualiter , vt diximus in secunda obiectione .

QVÆSTIO VLTIMA.

An Sacramenta imprimant caracterem?

Postquam egimus de gratia , quæ est primarius Sacramentorum effectus , de caractere superest agendum , qui est secundarius effectus aliquorum . Character autem græcè idem est ac signum latine , quo vna res distinguitur ab alia . Definitur autem character , signum spirituale indelebile , quo Fideles Christo consignantur , & ad ipsius cultum destinantur ; qui enim tali caractere sunt insigniti , sunt quasi ipsius gregis , & ab alijs distinguntur .

CONCLUSIO.

Non omnia Sacramenta conferunt caracterem , sed tria tantum : Baptismus nempe , Confirmatio , & Ordo ; sic Concil. Trid. sess. 2. can. 9. de Sacramentis in genere . Quia Christianus tripliciter distinguitur ab alio ; primo , vt Christianus simpliciter à non Christiano , & hoc habet per caracterem Baptismi ; secundo , vt fortis miles ab infirmo , quod habetur per Confirmationem ; tertio , vt perfectus à non perfecto , & tales designantur per caracterem Ordinis . Ratione talis characteris , qui est indelebilis , & nullo peccato obliterari potest , Sacramenta quæ

con-

conferunt tales characteres, non possunt iterari. Quia etiam tales characteres sunt indelebiles, non solum manent in hac vita, sed perseverant in animabus beatorum & damnatorum, in illis ad maiorem ornatum & splendorem, in his verò ad maiorem ignominiam. Quoad effectus characteris, tres sunt quos producit in anima; primò enim per characterem conferitur quædam potestas spiritualis ad ea peragenda quæ spectant ad cultum diuinum, quæ quidem potestas vel est passiva vt in Baptismo, quo homo redditur idoneus ad alia Sacramenta licitè vel validè suscipienda, vel est actiua, vt in Ordine, quo homo fit idoneus ad Sacramenta alijs ministranda, & in Confirmatione, qua est idoneus ad fidem profitendam. Secundò, character configurat hominem Christo, à quo, tanquam à summo sacerdote, deriuatur omnis potestas spiritualis; & sic, qui aliquo Sacramentali characterè insigniti sunt, efficiuntur Christo similiores quàm alijs. Tertiò, tandem character discernit eos, qui ipsum receperunt ab alijs; vnde per totam æternitatem distinguetur Baptizatus à non Baptizato, Confirmatus à non Confirmato, & Ordinatus à non Ordinato.

DISPUTATIO SECVNDA.

De Sacramento in specie.

AD disputationem de Sacramentis in communi, ordo doctrinæ postulat, vt adiungamus examinationem eorum, quæ dici possunt de Sacramentis sigillatim sumptis.

CAPUT PRIMVM.

De Baptismo.

AGentes de multiplicitate Sacramentorum, probauimus ea esse septem numero, & talem numerum collegimus ex comparatione hominis naturaliter sumpti ad comparationem Christiani; vbi facientes analogiam vitæ corporalis ad spiritualem; diximus quòd sicut in homine generatio est primum quod considerari debet, sic etiam in vita spirituali Baptismus,

ptismus, qui generationi correspondet, est primum Sacramentorum, cuius naturam explicare debemus. Ut omnia, quæ de hoc Sacramento scitu sunt necessaria, innotescant; septem quæstiones proponemus; quarum prima erit de natura, institutione, & multiplicitate Baptismi; secunda de materia tum remota, tum proxima eius, tertia erit; de forma; quarta de ministro; quinta de effectu & dispositione ad illum; sexta de suscipientibus; septima denique de ritu & de cæremoniis illius.

QVÆSTIO PRIMÆ.

*Quid sit Baptismus? Quando fuit institutus?
& quæ duplex sit.*

Non loquimur hic de baptismo Ioannis, qui habebat tantum vim iustificandi ex opere operantis, quatenus scilicet ex signo humilitatis iunctæ cum quadam peccatorum confessione generali, seu in communi facta, poterat excitare contritionem, & sic iustificare, & erat tantum præparatio ad Baptismum Christi; unde ipsemet Ioannes dicebat, *Ego vos baptizo in aqua, ille vos baptizabit in spiritu*; & ipse Ioannes baptizans baptizabat in nomine venturi, id est Christi: sermo ergo noster est tantum de Baptismo Christi.

CONCLUSIO PRIMÆ.

Baptismus, qui secundum Ethymologiam nominis, nihil aliud est, quam ablutio; siue tollat tantum maculas corporis, siue abluat etiam animam, in quantum est sacramentum, potest definiri physice, & metaphysice: physice, est ablutio corporis sub præscripta verborum forma; metaphysice vero, est primum legis nouæ Sacramentum, diuinitus à Christo institutum, ad significandam & conferendam gratiam originalem. Hoc ex se satis constat; notandum tamen est quod gratia illa, quæ est effectus Baptismi, vocatur improprie originalis; quia per gratiam originalem intelligitur ea, quæ habetur in ipsamet conceptione, quam nullus hominum, dempta Virgine Maria, habuit, sed vocatur ori-

originalis improprie, quia tenet locum gratiae illius, quam habuissimus ab origine, si Adamus non peccasset.

CONCLUSIO SECUNDA.

Baptismus secundum communio rem sententiam fuit institutus, non quando Christus post resurrectionem dixit Apostolis, *Ite, predicate Evangelium omni creatura, baptizantes eos, &c.* sed quando Christus baptizatus fuit à Ioanne in Iordane; tunc enim indicata fuit materia baptismi, nempe aqua; quæ per Christi baptismum fuit tactu eius mundata, ut esset materia huiusce Sacramenti. Forma etiam, quæ est inuocatio Trinitatis, fuit indicata, quia persona Patris innotuit per hanc vocem dicentem, *Hic est filius meus*; persona Filij designata fuit per eadem verba, quæ significabant illum qui baptizabatur, esse Filium Dei; tandem personam Spiritus sancti designavit species columbæ. Licet autem Baptismus fuerit eo tempore institutus, præceptum tamen Baptismi fuit tantum generale, quando Christus post resurrectionem dixit, *Ite, predicate, baptizantes*. Dixi, quod præceptum fuerit tantum generale post mortem Christi; sed hoc non impedit quin esset præceptum aliquod speciale baptizandi, datum Apostolis ante Passionem: Augustinus enim Epistol. 108. dicit, quod Iudas proditor baptizauerit; & Ioannis 3. habetur, quod Christus demorabatur in Iudæa cum discipulis, ubi & baptizabat, idest, per Apostolos; non quidem baptismo Ioannis, qui enim tali Baptismo baptizabantur, recipiebant iterum Baptismum Christi, Act. 19. quod confirmat reuera Baptismum institutum fuisse ante mortem Christi.

Obijc. Forma Baptismi data tantum fuit, quando Christus dixit, *Euntes predicate, Baptizantes*. Resp. pro tunc reuera datam fuisse ritu solemniori & publico; sed hoc non impedit quin antea data fuerit Apostolis, saltem ritu priuato. Quod si Ioannes cap. 7. dicat, *Spiritus sanctus nondum erat datus, quia Christus nondum erat glorificatus*: Verum est, quod Spiritus sanctus nondum erat datus visibiliter, nisi in die
Pen-

Pentecosten; hoc non impedit tamen, quin ante mortem ipsam Christi, Spiritus sanctus, seu gratia eius fuerit data inuisibiliter per Baptismum, Nec quis etiam instet, dicens, Sacramenta habere tantum vim à Passione Christi; hoc enim verum est de Passione Christi vel inchoata, vel consummata; inchoata autem fuit, quando in conceptione sua mortem acceptavit pro salute hominum.

CONCLUSIO TERTIA.

Baptismus strictè sumptus est vnicus; latè autem vsurpatus, triplex dici potest, nimirum Baptismus fluminis, flaminis, & sanguinis. Primum patet ex 4. ad Ephes, vbi habetur; quod *singulus Deus, una fides, & unum baptisma*. Quòd tamen baptismus triplex sit, quando latè scilicet sumitur, patet ex sacra Scriptura: Marci enim 10. mors Christi appellatur Baptismus: nam dixit Christus; *Potestis bibere calicem, quem ego bibiturus sum; aut baptismo, quo ego baptizor, baptizari?* Vnde Doctores vocant martyrium, Baptismum sanguinis, quoad poenitentiam perfectam, vocatur etiam Baptismus; Marci enim 1. & Lucæ 3, *Erat Ioannes prædicans baptismum poenitentia*; & sic adest alius Baptismus, nempe flaminis, quo scilicet gratia Spiritus sancti, qui vocatur flamen, confertur. Insuper est tertius Baptismus, qui dicitur fluminis; & est ille de quo loquimur in præsentì Disputatione. Baptismus Sanguinis iterari potest, si scilicet Martyr in vita rediret, Baptismus Flaminis reiteratur ordinariè, sed nunquam Baptismus Fluminis, Baptismus Fluminis confert gratiam ex opere operato, quia Sacramentum est: Baptismus Flaminis confert gratiam ex opere operantis: Baptismus sanguinis confert gratiam ex opere operato, non quidem vi Sacramenti, quia non est Sacramentum; sed ex priuilegio speciali, cuius meminit Matth, cap. 10. *Qui perdidit animam suam propter me, inueniet eam*. Baptismus Fluminis habet rationem Sacramenti, Baptismus tamen Sanguinis aut Flaminis non sunt, propriè Sacramenta, licet conferant effectum Sacramenti, nempe gratiam. Ratio autem quare hi Baptismi non sunt Sacramenta, est, quia Sacramenta constant verbis & signis sensibilibus, sed in Martyrio

non sunt verba, & in Pœnitentia non est signum sensibile, quia potest consistere in dolore interno. Quoad effectus tamen, habent eosdem quos Baptismus habet, quia Pœnitentia & Martyrium delent peccata, tum originale, tum actuale, tollunt etiam pœnam peccati, ut patet de Latrone cum Christo moriente, qui ita intensum elicit actum contritionis, ut reuera dispensatus fuerit ab omni pœna Purgatorii; ipso enim die quo mortuus est, fuit cum Christo in Paradiso: Martyrium etiam habet eundem effectum; Ecclesia enim nunquam orat pro martyre; imò, inquit Augustinus, qui pro martyre orat, iniuriam facit martyri. Porro, per martyrium intelligitur actus religionis imperatus à charitate & elicitus à fortitudine, quo aliquis mortem patitur ob honestam causam, qualis est conseruatio fidei, religionis, castitatis, immunitatis Ecclesiæ, vel ob aliam virtutem. Per Baptismum autem Fluminis non intelligitur quælibet conuersio, sed perfecta, quæ includit contritionem veram & charitatem cū desiderio Baptismi; votū enim Baptismi Fluminis requiritur, vel implicite, vel explicitè, tum in pœnitentia, tum in martyrio: Imò martyrium ipsum, ut gratiam conferat, exigit actum attritionis, seu displicentiam de peccato; & pro tunc martyr mediante martyrio, de attrito fit contritus: quod intelligitur tamen de adultis; Innocentes enim ab Herode mactati, ut sancti reputantur ab Ecclesia, licet dolorem de peccato, nec voluntatem Martyrii habuerint. Tandem, quia diximus votum Baptismi esse necessarium; ideo si quis posset baptizari, & ex negligentia sua non baptizaretur, non haberet gratiam per Pœnitentiam aut Martyrium, nisi ipsum in fine pœniteret de sua negligentia.

QVÆSTIO II.

Quanam sit materia Baptismi?

Hermiani & Celeucitæ excludebant aquam à materia Sacramenti, quia affirmabant Ioannem baptizasse in aqua, & Christum baptizaturum in Spiritu sancto & igne; sed non attendebant sensum Scripturæ, quæ innuere volebat, Ioannem baptizasse in sola aqua, & non in spiritu & gratia; Christum

stum verò baptizaturum in aqua & Spiritu. Iacobite loco aquæ utebantur ferro candenti, quod imprimebant fronti, quia inquiebant, Ioannes promisit quòd Christus esset baptizaturus in Spiritu S. & in igne. Quod non debet tamen intelligi de igne elementari, sed de igne spirituali, nempe de Spiritu sancto, qui in die Pentecostes descendit super Apostolos in forma ignis. Lutherus tandem, qui aliquando interrogatus, vtrum in necessitate Baptismus posset fieri in vino, vel lacte, respondit hoc esse dimittendum iusto Dei iudicio; postea tamen asseueravit omnem liquorem, ex quo balneum fieri potest, posse esse materiam Baptismi. Quæ sit mens nostra, tum de materia proxima, tum de remota, aperiet

CONCLUSIO PRIMA.

Materia remota Baptismi est aqua naturalis. Sic Concilium Tridentinum conformiter Ioannis 3. *Nisi quis renatus fuerit ex aqua, & Act 8, Ecce aqua, quis prohibet me baptizari?* Conuenienter autem aqua est assumpta ad Baptismum, quia cum Baptismus sit necessarius singulis, bonitas diuina illum conferri voluit in re communissima. Deinde est quædam conuenientia inter aquam & Baptismum; sicut enim aqua extinguit ignem & leuat sordes corporis, sic Baptismus extinguit peccatum, & maculam animæ abluit. Illa autem aqua, quæ est materia Baptismi, debet esse pura & elementaris; & sic excluduntur aquæ distillatæ, salina, sudor, lachrymæ, & vrina. Debet etiam esse vsualis; & sic nix, grando, & glacies non possunt esse materia Baptismi, nisi resoluantur in aquam, ad minus dum proferuntur verba. Debet etiam esse simplex, & sic aqua ita permixta cum alio corpore, vt perdat denominationem aquæ, est inepta; sic non potest fieri Baptismus vbi caro & succus admixtus ita densarent aquam, vt non amplius esset aqua, sicut nec in luto. Quoad lixiuim, transit communiter pro materia dubia, sicut sal etiam resolutum. Quoad ceruissiam verò, secundum communem vsum transit in tertiam entitatem, & sic non est materia propria Baptismi; potest verò Baptismus fieri in aqua calida, salsa, lutosa & transeunte per meatus sulphureos. Quòd si Papa Stephanus

dicatur approbasse Baptismum factum in vino ex necessitate; hoc fecit ut persona particularis; quod tamen multi de eo non credunt.

CONCLUSIO SECUNDA.

Materia proxima Baptismi est ablutio, & sic aqua debet lauare aliquo modo & abluere; illa autem ablutio consistit in contactu physico; unde si paruulus inclusus in corio, utero, vel secundinis, abluatur secundum id tantum in quo inclusus est, non erit Baptizatus; sicut nec ille cuius vestes tantum abluerentur: si verò aqua caderet super capillos tantum, hoc sufficeret ad Baptismum. Contactus etiam aquæ debet esse successiuus; & sic puer inclusus in dolio aquæ etiam si proferrentur verba, non esset baptizatus. Quoad partes quæ debent abluí, dicendum est, nec totum corpus debere necessariò abluí, nec minimam partem sufficere extra necessitatem; licet enim ablueretur digitus, non propter hoc ablutus diceretur homo; sed debet communiter fieri ablutio in capite, ubi vigent tum interiores, tum exteriores sensus. Si puer emittat tantum pedem vel manum ex utero matris, potest in ea parte baptizari; quia anima, ad cuius salutem Baptismus instituitur, viget in illa; si tamen viuus egredietur, debet iterari Baptismus sub conditione. Quoad quantitatem aquæ, dico illam sufficere, quæ potest contingere corpus, & successiuè fluere per partem corporis sufficientem; siue fluat proprio pondere, siue per actionem externam; unde iudicatum est, Baptismum fuisse validum factum à muliere, quæ digito tantum madefacto, impressit signum crucis super frontem pueri moribundi.

CONCLUSIO TERTIA.

TRiplex est ablutio, nimirum per immersionem, per infusionem, & per aspersionem; & altera quæque harum sufficit, siue fiat semel, ad significandam unitatem essentiae, siue fiat ter, ad denotandam personarum Trinitatem. Si Diuus Thomas dicat, non valere baptismum, nisi post tertiam immersionem; hoc est, quia non perficitur communiter prolatio

Iatio Verborum , nisi cum tertia ablutione . Si Ecclesia dederit præceptum de tribus ablutionibus; hoc est præceptum decentiæ & congruitatis , non verò necessitatis . Quòd ablutio facta per infusionem sufficiat , patet ex primitiua Ecclesia ; & ex præsentivfu Ecclesiæ Græcæ , quæ per trinam immersionem baptizat . Quod denique sufficiat aspersio copiosa , constat , quia fertur beatum Laurentium sola aspersione baptizasse hominem paulò ante mortem . Diuus Thomas etiam existimat sic baptizasse Apostolos , quando erat multitudo copiosa baptizandorum , vt in Actibus , vbi tria hominum millia in vno die sunt baptizata : sed notandum quòd copiosa debet esse aspersio , & sic minima gutta non sufficeret .

CONCLVSIO QVARTA.

Immersio sine emersione sufficit; quando enim baptizans immergit puerum in flumen , etiam si è manibus cadens paruulus non emergat , in tali actione est vera & propria ablutio: ergo validus est Baptismus , dummodo habeatur intentio , & proferantur verba : Imò , si aliquis carens aqua projiceret infantem in puteum , modo proferret verba , dum illum tangit aqua , vel paulò ante , vel paulò post , & modo hoc fiat ante mortem pueri , valet Baptismus . Nec quis dicat , quòd non sit ablutio , sed proiectio ordinata communiter ad suffocationem ; quia præcedit aliquo tempore ablutio , & suffocatio sequens non tollit rationem ablutionis . Nec obstat , quòd minister non tangat baptizatum ; tangit enim mediatè , in quantum proijciendo est causa cur abluatur , sicut aspergens est vera causa vt aqua tangat baptizatum : in illo tamen casu quo deesset aqua , non est proijciendus puer in puteum ; esset enim peccatum mortale , & incurreretur irregularitas , & suæ salutis magis consulendum est , quàm alienæ : Vnde in hoc casu idem esset , ac si deesset aqua ; imò quia hæc opinio est in praxi dubia , & multi Doctores tenent , puerum sic proiectum non baptizari , si postea emergeret puer , deberet iterari Baptismus sub conditione .

QVÆSTIO III.

Quanam sit forma Baptismi.

MULTI in forma Baptismi errauerunt. Gnostici, teste Irenæo, baptizabant in nomine ignoti Patris, in veritate matris omnium, & in nomine Iesu descendentis. Paulianistæ non baptizabant in nomine Patris, & Filij, & Spiritus sancti, vt testatur Innocentius primus Epistola 22. cap. 5. Vnde Concilium Nicænum iubet ipsos rebaptizari. Aliqui Arianorum baptizabant in nomine Patris per Filium in Spiritu sancto; vnde Nicephorus lib. 15. cap. 35. refert quemdam Deuterium Arianum Episcopum voluisse sic baptizare, & subito euanuisse aquam. Alij alio modo baptizabant, non seruata forma præscripta, vt in nomine Patris maioris, Filij minoris, & Spiritus sancti. Alij tandem baptizabant sicut Catholicis; Vnde in Concilio primo Arlatensi canon. 8. iubetur interrogari Arianos sub qua forma baptizati sint. Eunomiani baptizabant in mortem Domini. Græci, qui baptizabant sub hac forma, *Baptizetur talis seruus Christi in nomine Patris, & Filij, & Spiritus sancti*, validè quidem baptizabant, quia utebantur tali modo, vt vitarent occasionem schismatis orti inter primos Christianos, quorum alij dicebant, *Ego sum Pauli, ego Cepha*, qui a baptizati erant vel à Paulo, vel à Cepha, vt habetur 1. Corinth. 3. sed errabant in hoc, quod auderent rebaptizare illos qui erant baptizati more latino, & hic error damnatus fuit in Concil. Later. sub Innocentio III. Lutherus tandem baptizabat sub nostro ritu; at volebat hoc non esse necessarium ad substantiam Baptismi, sed dicebat esse validum, dummodo esset datus in nomine non hominis, sed Domini; imò, volebat Baptismum quocumque nomine datum valere, dummodo suscipiens illum reciperet in nomine Domini. Superest nobis explicare mentem Catholicam, quod fiet in conclusionibus sequentibus.

CONCLUSIO PRIMA.

Forma Baptismi est hæc, *Ego te baptizo in nomine Patris, & Filij, & Spiritus sancti*; Sic Concilia Florentinum & Tridentinum, hoc etiam habetur ex Scriptura, Christo scilicet dicente Apostolis, *Euntes docete omnes gentes, baptizantes eos in nomine Patris & Filij, & Spiritus sancti*; ex hoc tamen textu non ita clarè extrahitur forma Baptismi, ut non recurrendum sit ad traditionem & declarationem Ecclesiæ; quia licet Euangelium præcipiat baptizare in nomine Patris, & Filij & Spiritus sancti non iubet tamen dicere, *Ego te baptizo in nomine Patris, &c.* sicut ex eo quòd Christus præcepit prædicare vel dare eleemosynam, non tenemur dicere, ego vos doceo, nec ego vobis eleemosynam do in nomine Christi; sed sufficit, quòd illam demus ob Christum; sic etiam, quando Christus iubet baptizare in nomine, &c. satisfiat præcepto, quando aliquis infundit aquam ob nomen Patris, & Filij, & Spiritus sancti, & non est necessarium, quòd hoc exprimat, dummodo habeat in mente. Forma ergo Baptismi habetur tum ex sacra Scriptura, quæ docet Baptismum debere fieri in nomine Patris, & Filij, & Spiritus sancti; tum ex traditione Ecclesiæ, quæ declarat quòd debeamus dicere expressè & vocaliter, *Ego te baptizo*.

CONCLUSIO SECUNDA.

IN forma Baptismi debet necessariò exprimi actio baptizantis, non verò necessariò exprimitur persona ministri. Prima pars huius conclusionis patet ex Concilio Florentino cap. 1. de Bap. ubi habetur, *si quis puerum ter in aquam immerferit in nomine Patris, & Filij, & Spiritus sancti, & non dixerit, ego te baptizo, puer non est baptizatus*. Illa autem actio potest exprimi verbo actiuo; dicendo, *Ego te baptizo*; vel verbo passiuo; ut, *baptizaris à me in nomine Patris, &c.* vel imperatiuo, ut, *baptizetur seruus Christi*, sicut aiunt Græci; vel *baptizaris à me*; imò sufficit, ut quis utatur nomine synonimo, dicendo, *Ego te lavo, abluo, intinguo, margo, mundo, &c.* hoc tamen non licet. Valet etiam si repetatur ter, *baptizo*,

dicendo nimirum, *Ego te baptizo in nomine Patris, ego te baptizo in nomine Filij, ego te baptizo in nomine Spiritus sancti*, modò eodem tempore morali proferantur verba. Secunda pars conclusionis patet ex forma Græcorum, quæ suppressit expressionem personæ ministri, ministri enim apud Græcos non dicunt, *Ego te baptizo*, sed *baptizetur servus Christi*, vbi talis forma ministrum suppressit; & ipsa est legitima, vt docet Concilium Florentinum. Quòd etiam apud Latinos pronomen, ego, possit omitti, patet; quia intelligitur sub verbo, *baptizo*: ob præceptum tamen Ecclesiæ omittendum non est, & qui scienter omitteret, peccaret?

CONCLUSIO TERTIA.

Persona baptizanda debet necessariò exprimi; sicut enim materia proxima seu ablutio debet versari circa determinatam personam quæ abluatur, sic & verba debent talem personam exprimere. Persona autem baptizanda potest exprimi vel per pro nomen, *te*, aut, *vos*, dignitatis causa, modo baptizans velit semper significare singularem personam; hoc tamen faciens peccaret, non verò si essent plures personæ quæ baptizarentur; pro tunc enim minister posset dicere, *Ego baptizo vos*, idest, *te & te*; & hoc etiam non debet fieri nisi in necessitate; licet enim teneret Baptismus, peccaret tamen baptizans in plurali. Potest etiam exprimi persona baptizanda per verbum passivum secundæ personæ; vt, *baptizeris à me*, aut, per nomen proprium; dicendo, *Ego baptizo Petrum*, aut per appellativum, *Ego baptizo dominationem*; in Ecclesia etiam Græca exprimi debet persona baptizanda, saltem sub his verbis, *Baptizetur hic servus Christi, &c.* nō tollitur autem Baptismus, si sit error in nomine, aut persona: vt si quis diceret, *baptizo te Petro*, cum sit Ioannes, aut crederet baptizare puerum, & baptizaret puellam, valeret Sacramentum, nisi restringeret suam intentionem ad talem personam; tamen qui sic ageret, graviter, peccaret.

CONCLUSIO QVARTA.

Necessaria est expressa inuocatio Trinitatis ex Matth. ultim. *Baptizantes eos in nomine Patris, & Filij, &c.* ibi tamen recurrendum est ad traditionem, quæ hoc declarauit, vt diximus in conclusione prima. Si quæzatur ratio à priori, quare talis expressio fieri debeat, petitur ex sola institutione Christi; ratio verò à posteriori est, quia Baptismus est Sacramentum fidei, quo per fidem iungimur Ecclesie, vnde necessarium est in illo profiteri Mysterium Trinitatis quod est primum; ex quo patet, Baptismum collatum in nomine Christi esse inualidum: sic Pelagius, Zacharias, & alij Pontifices; vnde in canon. 49. Apostol. improbatur baptismus datus in morte Christi, cuius ratio redditur, quòd Christus non dixerit, in mea morte baptizate eos; sed, *euntes, docete omnes gentes, baptizantes eos in nomine Patris, &c.* vbi expressè Apostoli damnant Baptismum datum in nomine solius Christi, siue in morte Christi, hæc enim sunt vnum & idem. Non est ergo verisimile, quòd Apostoli baptizauerint in nomine Christi: vnde quando Act. 8. dicitur, quòd baptizabant in nomine Christi; hoc est, in fide & autoritate Christi à quo habebant potentiam baptizandi. Quòd si etiam Nicolaus primus dicat, Baptismum valere in nomine Christi; hoc non est, quasi excluderentur alie personæ; sed quia nominabant Christum loco Filij, dicentes scilicet, *Ego te baptizo in nomine Patris, & Christi, & Spiritus sancti*, vt maiori scilicet honore Christus haberetur.

CONCLUSIO VLTIMA.

Inuocatio trium personarum Trinitatis debet esse expressa; vnde qui diceret, *Ego te baptizo in nomine Deitatis, vel Trinitatis, vel trium personarum*, non baptizaret; quia non seruaret formam præscriptam à Christo, qui voluit tres personas exprimi. Si fieret autem Baptismus in nomine Genitoris, Geniti & procedenti ab utroque, negant veteres esse validum; vt D. Thomas, Bonauentura, Scotus, &c. quia, inquiunt, Baptismus debet dari cum expressione per-

sonarum sub nominibus, quæ significant proprietates personales, quæ sunt Pater, Filius, & Spiritus sanctus; non verò quæ significant proprietates rationales, ut sunt genitor, genitus, & procedens; contrarium tamen tenent alij, unde Baptismus deberet iterari in hoc casu, saltem sub conditione, quoniam ad significationem Trinitatis debet fieri Baptismus cum inuocatione trium personarum, & ad denotandam Essentiæ unitatem, debet dari in nomine, & non in nominibus; pro tunc enim non valeret; nam ita necessaria est professio unitatis Essentiæ, quàm Trinitatis personarum; per nomen autem intelligitur essentia & natura. Quod si dicatur, *in nomine Patris, & in nomine Filii, & in nomine Spiritus sancti*; Baptismus est validus, quia est tantum repetitio, non multiplicatio aut diuersitas essentiæ; an autem valeat, dicendo, *Ego te baptizo in nomine Patris, Filij, Spiritus sancti*; negant aliqui, quia inquit, sublata coniunctione, videntur confundi personæ & distingui solis nominibus, quod esset Sabellianum: alij contrarium sentiunt, & sic in hoc dubio deberet iterari Baptismus sub conditione. Porro, *Amen*, non est de essentia Baptismi, sed tantum præceptum Ecclesiæ; unde peccaret qui hanc omitteret particulam.

Q V Æ S T I O I V.

De Ministro Baptismi.

ALIAS dubitatum fuit an Baptismus esset validè collatus à non baptizato; unde Augustinus in hac difficultate dubius hæret, dicens, se non audere super id determinare quidquam, lib. scilicet 2. contra Epistolam Parmeniani cap. 13. sed hoc determinauit Concilium Florentinum, ut Augustinus cūpgebatur; scilicet licere in casu necessitatis, siue laico, siue viro, siue foemina, siue Christiano, siue pagano, baptizare, modo adsit materia, forma & intentio. Quæ sit mens nostra super diuersitatem ministrorum, aperietur; si prius notauerimus, nullum posse se baptizare Baptismo Fluminis; licet possit se baptizare Baptismo Fluminis, eliciendo scilicet actum contritionis perfecte cum voto Baptismi Fluminis.

CONCLUSIO PRIMA.

Quilibet homo, dummodo possit loqui & abla-
 re, siue sit homo, siue mulier, siue Catholicus,
 siue hæreticus, siue fidelis, siue infidelis & pa-
 ganus, potest esse minister Baptismi. Sic Concilium
 Florentinum decreto de Armenis, vbi dicitur, *in*
causa necessitatis non solum Sacerdos, vel Diaconus, sed
etiam Laicus & mulier, imò & paganus & hæreticus ba-
ptizare potest, modò Ecclesia formam seruet, & facere in-
tendat quod illa facit. De hac re iam nulla superest
 difficultas inter Catholicos, licèt fuerit maxima tem-
 pore Cypriani & Augustini, vt diximus. Hæc con-
 clusio intelligi debet conformiter Concilio citato,
 in necessitate; extra enim necessitatem licèt validus
 esset Baptismus, tamen committeretur peccatum,
 si aliquis non Pastor, non Sacerdos, non fidelis ba-
 ptizaret. Sacerdos, qui extra necessitatem sine so-
 lemnitate baptizaret, peccaret mortaliter, sicut &
 ille qui baptizaret in domo priuata, nisi filium prin-
 cipis. Porro, ratio conclusionis nostræ petitur ex
 institutione Christi, quæ nobis innotescit ex tradi-
 tione Apostolica. Ratio verò congruentiæ defumitur
 ex hoc, quòd sicut hoc Sacramentum est omnibus ne-
 cessarium, ideo Christus congruenter voluit ipsum
 instituere in materia communi & à ministro commu-
 nissimo, saltem in necessitate. Nec eiusdem ratio-
 nis est Pœnitentia, quia pendet à iurisdictione. Si
 quis autem quærat, quinquam ordo debeat seruari in-
 ter hos ministros necessitatis; respondetur, quòd
 cæteris paribus, Sacerdoti debeat cedere Diaconus,
 isti Subdiaconus, Laicus Clerico, Infidelis Fideli,
 & Fœmina viro; omnes enim isti ministri, sunt mi-
 nistri necessitatis; vbi autem est vir, non est necessa-
 ria mulier. Dixi, cæteris paribus; nam si Sacerdos
 non posset ritè Baptismum ministrare, aut non vel-
 let, nisi daretur pecunia; quilibet alius baptizare
 posset, seruato semper ordine.

CONCLUSIO SECVNDA.

Solus Sacerdos, iisque Parochus, est minister ex officio; quatenus enim Presbyter, habet potestatem ordinis ex iure diuino; & quatenus Parochus habet potestatem iurisdictionis in suos subditos, ex concessione Episcopi; unde in Canone *interdicimus*, prohibetur diutissime, nè Sacerdos extra casum necessitatis baptizet non sibi subditum. Licet autem solus Sacerdos sit minister in officio; Diaconus tamen est capax huius ministerij ex concessione, vel iussu Sacerdotis, vt patet ex Pontificali Romano dicente, *Diaconum debere baptizare*, ex commissione scilicet, & absente Presbytero; non verò ex officio, vt determinauit in iure Canonico Clemens Romanus lib. 8. Constit. Apostolic. 46. Ratione talis commissionis olim Diaconi baptizabant cum solemnitate, ob penuriam Sacerdotum; Subdiaconi autem & alij clerici non possunt baptizare extra necessitatem, nisi ex commissione summi Pontificis. Quod si quis quærat vtrum ministri vnitas requiratur in Baptismo; respondetur affirmatiue, unde si vnus ablueret & alter proferret verba Baptismi, non esset Baptismus: ille enim qui non ablueret, & diceret, *Ego te baptizo*, mentiretur, plures tamen possunt vnum baptizare, quatenus scilicet quilibet infunderet aquam & proferret verba; & pro tunc, si simul infunderent & verba, proferrent, omnes baptizarent; si verò vnus prius alio aquam infunderet & verba proferret, ille solus baptizaret. In prima suppositione erit tantum vnicum Sacramentum; pro tunc enim illi duo ministri haberentur vt vnicus moraliter, forma Baptismi vt vnica, & ablutio vna tantum.

QVÆSTIO V.

Quinam sint effectus Baptismi & qua dispositio?

Hæretici huius temporis docent, peccata per Baptismum non tolli, sed tantum tegi, aut non imputari; & fundantur in dicto Davidis: *Beatus vir cui non imputauit Dominus peccatum, & cuius reuera sunt peccata*; sed hic error repugnat Paulo ad

ad Ephes. 5. dicenti, *Christus dilexit Ecclesiam, mundans eam lauacro aquæ*; aduersatur etiam toti Ecclesiæ dicenti, *Confiteor unum Baptisma in remissionem peccatorum*, & Concilio Tridentino sess. 5. can. 5. Ad solutionem ergo Psalmistæ, dicendum est; peccata tegi & non imputari, quia auferuntur ita planè, ut videri & imputari non possint.

CONCLUSIO PRIMA;

Baptismus verè & propriè tollit omne peccatum, omnem poenam peccatis debitam, gratiam habitualement confert, & cum habitus supernaturales coinfusos & gratia Sacramentalem.

Primæ partes habentur in Concilio Florent, in decreto de Armenis, ubi dicit, *Huius Sacramenti effectus est remissio omnis culpæ originalis & actualis & omnis poenæ quæ pro ipsa culpa debetur*. Quod Baptismus tollat culpam originalem, constat apud omnes; quia ad hoc est institutus. Quod tollat omne peccatum tum actuale, tum morale, tum veniale, patet; quia per Baptismum datur gratia sanctificans, cuius effectus est delere peccatum. Quod tandem remittat omnem poenam peccati, petitur ex Conc. Trid. sess. 14. c. 8. & ex communi traditione Ecclesiæ, quæ nunquam baptizatis imponit poenam satisfactoriam. Vbi notandum tandem, quod licet Baptismus tollat poenam inflictam à Dep, non tamen ab homine; unde puniuntur illi post Baptismum, qui ante Baptismum fuerunt homicidæ; sicut in homines scandalizati sunt per culpam publicam, sic debent reparari per poenam publicam; in foro tamen interiori possunt iudices parcere, in fauorem Baptismi.

Quod alias partes, probatæ sunt in primis quæstionibus capituli vltimi de Sacramentis in genere, ubi probauimus Sacramenta conferre primò gratiam habitualement, secundò habitus supernaturales coinfusos, seu gratiam virtutum, & tandem gratiam Sacramentales; sed his addimus aliqua, quod scilicet Baptismus pro secundarijs effectibus conferat primò Caractere: secundò apertionem ianue cælestis, quia confert gratiam, & gratia tollit peccatum, remouetque omnia impedimenta ad ingressum cæli: tertio confert coniunctionem hominis cum Christo, Baptismus enim

enim confert fidem, & per fidem homo est membrum corporis Ecclesiæ cuius caput est Christus: quarto tandem Baptismus facit hominem subditum iurisdictioni Ecclesiæ; quilibet enim per Baptismum fit membrum Ecclesiæ, & membrum subditur voluntati capitis.

CONCLUSIO SECUNDA.

IN paruulis nulla requiritur dispositio personalis, quia non sunt illius capaces; unde super fidem alienam, nempe patrinorum, baptizantur: in adultis verò requiritur aliquid ex parte intellectus, & aliquid ex parte voluntatis; fides nimirum in intellectu, *sine fide enim impossibile est placere Deo*, quæ quidem fides non est habitualis; habitus enim fidei datur per Baptismum, sed est actualis procedens ex speciali & supernaturali auxilio Dei. Ex parte voluntatis aliud requiritur; sed distinguendum est inter illos qui baptizantur cum solo peccato originali, & alios qui baptizantur habentes tum peccatum originale, tum peccatum actuale; si enim baptizandi adulti habeant tantum peccatum originale, sufficit voluntas recipiendi baptismum cum proposito seruandi legem Christi, & hoc requiritur, quia Deus non iustificat adultum, nisi consentientem & volentem obseruare ea, ad quæ destinatur per Baptismum. Si verò adultus cum peccato originali habet peccatum actuale, requiritur detestatio peccati, & conuersio ad Deum; non remittitur enim peccatum actuale, nisi retrahatur à peccante: sicut ergo peccatum consistit in auersione Dei & conuersione ad creaturam, seu ad actum peccati; sic non potest remitti, nisi peccator per Pœnitentiam præcedentem Baptismum, se conuertat ad Deum, & se auertat à peccato; unde Act. 2. habetur, *Pœnitentiam agite, & baptizetur unusquisque vestrum*; unde etiam Concilium Tridentinum sess. 6. cap. 5. & 6. docet ad iustificationem, quæ fit in adultis per Baptismum in re vel in voto, requiri detestationem peccatorum & conuersionem ad Deum; illa autem detestatio, si habeatur per attritionem supernaturalem sufficit.

Obijc. in primam conclusionem D. Paulus vocat concupiscentiam peccatum; sed baptismus non tollit

tollit concupiscentiam, etiam in his qui habent omnes dispositiones requisitas ad baptismum. Resp. Paulum appellare concupiscentiam peccatum per metonymiam, quia scilicet est causa peccati, nos enim allicit ad peccandum; non debet autem vocari propriè peccatum, sed potius poena peccati.

Instabis, ergo saltem falsum est quòd dicimus, baptismum tollere omnem poenam peccati, quando quidem non tollit concupiscentiam, nec malitiam, nec ignorantiam, nec infirmitatem, quæ sunt peccati poenæ. Resp. duplicem esse poenam peccati, prima dicitur poena directa peccati, quæ est damnatio, vel aliquod opus satisfactorium, quod de lege communi debemus elicere, quando culpa peccati deleta est; secunda dicitur poena indirecta peccati, quæ consistit in quibusdam inordinatis motibus, qui in nobis insurgere solent, quia per peccatum perdidimus iustitiam originalem, quæ nos liberasset à talibus motibus. A poena directa nos liberat Baptismus, non verò liberat à poenis indirectis, quæ à Theologis communiter potius vocantur poenalitates peccati, quàm poenæ.

CONCLUSIO TERTIA.

Ille qui sistè Baptismum recipit, non recipit effectum Baptismi, sublata tamen fictione; effectus Baptismi redit, fictio autem non intelligitur de simulatione quam aliquis adhibet, cum sine vlla voluntate Baptismum recipit, quia pro tunc non est Sacramentum; sed ille intelligitur sistè Baptismum recipere, qui habens voluntatem recipiendi Baptismum, retinet affectionem ad peccatum mortale, nec vult elicere actum contritionis, aut saltem attritionis. Primum patet ex iam dictis in conclusione precedenti; ubi asseruimus, detestationem peccati requiri saltem in adultis, ut possint gratiam Baptismatis recipere. Quoad secundum, petitur ex Augustino, & post eum ex omnibus Theologis docentibus, recedente fictione per detestationem peccati redire effectum Baptismi, seu gratiam habitualement, quæ antea data fuisset, si non fuisset appositae fictionis. Exemplificatur, aliquis adultus vult hodie Baptismum recipere; non vult tamen deserere suum peccatum mor-

mortale, ipsum detestando ; fìctè recipit baptismum & tantum accipit rem , non verò effectum eius , scilicet gratiam ; crastina verò die deponit suam fìctionem , idest , attrìtur vel conteritur de peccatis suis , & pro tunc gratia , quam recepisset in acceptione Baptismi , redit . Ratio huius est , quia solus Baptismus potest remittere peccatum originale : debet ergo ablata fìctione , Baptismus suum habere effectum , vel iterari ; secundum non potest fieri : ergo primum debet admitti ; & sic recedente fìctione , redit gratia delens tum peccatum originale , tum peccatum actuale . Hæc est , inquam , mens Augustini lib. 1. contra Donatistas cap. 12. Vbi notandum , quòd recedente fìctione , omnia peccata , tum originale , tum mortale , tum veniale , ante Baptismum commissa remittantur , & poena etiam ipsorum , & hoc per solam attritionem , quia illa sufficit cum Baptismo . Quoad peccata verò mortalia post Baptismum & in illo Baptismo commissa , non tolluntur nisi per contritionem , quia talia peccata non habent fauorem Baptismi , qui datus est ante illa . Dicendum ergo est , quòd ille qui fìctè Baptismum recipit , committat sacrilegium , & illud sacrilegium non potest tolli , nisi tollatur fìctio per contritionem . Sciendum etiam est , quòd sublata fìctione per contritionem , non tollitur poena peccatis post Baptismum commissis debita , sed tantum de æterna fit temporalis , vt in poenitentia . Porro , non est idem dicendum de Confirmatione , ac de Baptismo ; licet enim Confirmatio non possit iterari , si quis Confirmationem fìctè recipiat , recipit quidem characterem , non verò gratiam ; recedente tamen fìctione , non recipitur gratia habitualis , licet possit recipi gratia quædam actualis ad fidem profitendam . Ratio autem est , quia non sunt multiplicanda entia sine necessitate , cum autem augmentum gratiæ habitualis possit accipi cum attritione iuncta Eucharistiæ , non est dicendum quòd debeat redire Confirmationis effectus .

Q V Æ S T I O VI

Quomodo Baptismus sit necessarius & qui sine baptizandi?

REuocandum est in mentem, quòd duplex sit necessitas, nempe mediij & præcepti de quibus antea. Sciendum est etiam quod Anabaptistæ dicant non licere tradere Baptismum, nisi adultis, qui illum per se expetunt. Hæc hæresis orta est ann. D. 1528, & author illius fuit quidam Baltasar Pacimontanus, qui postea crematus fuit Viennæ. Eamdem hæresim susceperunt paulò post ministri Transylviani: contrarium docet Ecclesiæ traditio, vt dicet.

CONCLUSIO PRIMA.

Baptismus est necessarius tum necessitate mediij, quod colligitur ex Ioan. 3. *Nisi quis renatus fuerit ex aqua & Spiritu sancto, non intrabit in regnum cælorum*: tum necessitate præcepti, quod desumitur ex eodem loco; quod enim est necessarium necessitate mediij, est etiam necessarium necessitate præcepti; illud autem præceptum obligat etiam iustos, vnde Apostoli & B. Virgo debuerunt baptizari; non quidem necessitate mediij, quia iam antea erant iusti, sed necessitate præcepti. Hoc præceptum obligat etiam infideles, Christus enim habet potestatem excellentiæ super omnes, non obligat autem paruulos ante vsum rationis; non sunt enim capaces præcepti, sed obligat parentes in casu saltem necessitatis baptizare pueros; imò, Concilium Prouinciale Rothomagi celebratum constituit sub excommunicatione parentibus, vt infans baptizetur ante nonum diem. Quoad tempus autem quo præceptum Baptismi obligauit, fuit illud (saltem quoad omnes) quo Euangelium fuit sufficienter promulgatum; in die autem Pentecostes videtur facta fuisse sollemnis promulgatio Euangelij, postquam enim Petrus confutauit Iudæos, qui credebant Apostolos madere musto, compunctione tacti Iudæi scire voluerunt, quomodo saluari possent, hinc cœpit occasionem Petrus promulgan-

gandi Euangelium, Baptismum, & alia præcepta legis nouæ; & in hoc sermone tria millia Iudæorum sunt conuersa & baptizata; quia autem in illo confesso fuerunt populi ex omni gente, & regione populorum, vt habetur Act. 1. sic fuit promulgatum Euangelium, saltem in vniuersum; hoc tamen non prohibet, quin respectu alicuius prouinciæ vel ciuitatis, promulgatio talis fuerit insufficiens: vnde postea, *In omnem terram exiit sonus eorum*; & Euangelij & Apostolorum clamor ad ampliorem legis nouæ publicationem.

CONCLUSIO SECVNDA.

Infantēs legitimè baptizari possunt; quidquid dicant Anabatistæ contra traditionem Ecclesiæ; Origenes enim lib. 5. in cap. 6. ad Rom. ait. *Ecclesia ab Apostolis traditionem accepit, etiam paruulis dare baptismum.* Ratio conclusionis est, quia infantes sunt capaces gratiæ & gloriæ: ergo potest illis conferri Baptismus, qui est medium ad vtramque; sunt inquam, capaces gratiæ, vt patet ex Ioanne Baptista & Ieremia, qui sanctificati fuerunt in vtero materno; sunt etiam capaces gloriæ, vt liquet ex Innocentibus. Deinde, Christus dixit, *Sinite paruulos venire ad me, talium enim est regnum cælorum*; non possunt autem venire ad Christum nec possidere regnum cælorum, nisi tracti sint per Baptismum: ergo sunt capaces Baptismi. Tertio, veritas nostræ conclusionis probatur ex praxi Ecclesiæ, quæ semper sollicita est baptizare tum paruulos, tum adultos. Quarto, infantes legis gratiæ non sunt deterioris conditionis, quàm infantes legis scriptæ, qui octauo die circumcidebantur. Quinto tandem, Act. 16. baptizata est Lydia & domus eius, custos carceris & domus eius; & 1. Cor. 1. Baptizata est Stephana & domus eius; nõ est autem credibile, quòd in tribus integris familijs non essent aliqui paruuli.

Obijc. Fides necessaria est ad receptionem baptismi; infantes autem non sunt capaces fidei: ergo nec baptismi. Resp. necessaria est fides propria in adultis; aliena in infantibus; & hæc est fides, vel parentum, vel Ecclesiæ, fides autem aliena idèò sufficit in baptismo, quia baptismus tollit peccatum commissum

sum per voluntatem alienam. Super hanc difficultatem dicit optimè Aug. serm. 10, de verbis Apost. *Accommodat mater Ecclesia aliorum pedes, ut veniant; aliorum cor, ut credant; aliorum linguam, ut confiteantur*; Si Christus mittens Apostolos, ad baptizandum dixit; *Euntes docete, baptizantes eos*, &c. *docentes seruare omnia quacumque precepi vobis*; ibi Christus ponit ordinem, quem seruare debebant Apostoli respectu Gentilium adultorum. Si dicant Anabaptistæ, hoc non haberi ex Scriptura; Resp. haberi ex traditione Apostolica, quæ non est minoris authoritatis. Si insistent, ergo Eucharistia est infantibus necessaria: Negatur, quia Eucharistia non est necessaria necessitate medijs, sed tantum præcepti; præceptum autem non obligat vsu rationis carentes.

CONCLUSIO TERTIA.

Baptismus collatus filiis hæreticorum, Iudæorum & paganorum est validus; non semper tamen licet omnes istos baptizare: licet, inquam, ut filij hæreticorum, & paganorum, qui fidem alias receperunt & ab ea recesserunt, baptizentur, inuitis parentibus, quia Ecclesia habet ius cogendi parentes ad seruandam fidem, & illos afficiendi poena mortis, si sint pertinaces: ergo multò magis poterit illos priuare potestate quam habent in filios, & sic baptizare illos, inuitis parentibus, & illos retinere.

Filij infidelium non baptizantur, etiamsi subditi sint Ecclesiæ quoad bonum temporale non possunt licite baptizari, quia post baptismum vel relinquerentur curæ parentum, & tunc esset euident periculum subuersionis, quod cederet in iniuriam baptismi & fidei; vel subtraherentur parentibus, quod non debet fieri: licet enim in hoc casu Ecclesia haberet dominium in bonâ infidelium, non tamen haberet dominium super personas; & sic non posset priuare parentes iure naturali quod habent in filios. Quod si Deus velit ut omnes baptizentur, hoc non vult nisi seruata iustitia.

Filij infidelium possunt baptizari, inuitis parentibus, si sint adulti & petant baptismum; quia ius habent petendi quod sibi necessarium est: imò, si sint etiam paruuli, possunt baptizari inuitis parentibus, dum-

dammodo sint in articulo mortis, quia pro tunc non est subuersionis periculum. Quod si infideles sint serui principum Christianorum, eorum filij possunt baptizari inuitis parentibus; pro tunc enim tales infideles possunt vendi & priuari bonis à domino: ergo ipsemet dominus potest illorum filios substrahere & baptizare, inuitis parentibus; non verò debet filios baptizatos reddere parentibus non baptizatis, nè sit subuersionis periculum. Non est eadem ratio de subditis qui non sunt serui.

Filius natus ex vno parente fideli & alio infideli, baptizari potest; imò, etiamsi vterque sit infidelis, modò vnus consentiat, licèt dissentiat alter, potest baptizari; quia fides est fauorabilis. Filius etiam natus ex vtroque parente infideli; si postea vnus parens conuertatur, & alter in infidelitate maneat, potest baptizari; nam proles sequitur innocentem.

Infantes existentes in vtero materno non possunt solo signo crucis impresso super vterum maternum, cum fide parentum & inuocatione Trinitatis baptizari, Pius enim V. hanc opinionem, quæ erat Caietani, condemnauit: si tamen posset infundi aqua super pueri membra, ille baptizaretur; vt quis enim renascatur per baptismum, sufficit quod præcedat illa natiuitas, qua quis de homine non homine fit homo.

Nulla modo licet matrem occidere, etiamsi sit ad hoc parata, vt baptizetur puer, qui alio modo non potest baptizari; licèt ante partum morte naturali deberent mori & mater & infans: quia sicut homicidium prohibetur, & est intrinsecè malum, sic etiam interdicitur acceleratio mortis. Nec est dicendum, quòd ista mater cesserit ius suum; quia nullum habemus ius supra vitam, nec mortem; si tamen mulier illa propter crimen aliquod perpetratum damnata esset ad mortem, posset accelerari mors ipsius, vt infans baptizaretur; in tali enim suppositione hæc mulier per crimen proprium amisit dominium quod habere poterat supra vitam.

QVÆSTIO VLTIMA.

*Quanam sint cœrmoniæ in Sacramento Baptismi
adhibendæ?*

DE Baptismi cœrmonijs consulendum est quodlibet Rituale, vbi docentur tum illæ quæ præcedunt, tum ea quæ comitantur, tum denique illæ quæ subsequuntur in administratione solemni huius Sacramenti. Dixi, solemni, quando enim priuatim confertur baptismus, tales cœrmoniæ non sunt necessariæ, nec de præcepto: cùm ergo illi Ritus possunt haberi ex rituali, illas prætermittere possumus, nè tamen aliquid non dictum remaneat, pauca dicemus de illis.

CONCLUSIO.

Cœrmoniæ quæ baptismum antecedunt, sunt hæc præsertim. Primò, præparatur aqua, & consecratur fons baptismalis destinatus ad collationem baptismi, quod fit in vigilijs Paschæ & Pentecostes. Secundò, afferuntur infantes ad Ecclesiam, qui hærent in introitu eius, tanquam indigni accessu Ecclesiæ, quia sunt adhuc in potestate dæmonis. Tertio, Sacerdos triplicem facit insufflationem & varios exorcismos, vt expellatur dæmon; postea signum crucis in fronte & alijs partibus baptizandi efformatur, vt impetus diaboli cessent, & in eundem finem sit impositio manus à Sacerdote, & plures proferuntur orationes. Quarto, imponit in os baptizandi salem prius à se benedictum, ad gratiam baptismi significandam, qua homo liberatur à peccatû putredine; & speciali prudentia dotatur, cuius sal est symbolum. Quintò, minister tingit sua salua aures baptizandi, vt aperiantur ad audiendos Christi sermones; & nares eius, vt hauriant bonum odorem virtutis ac pietatis. Sextò, ad interrogationes Sacerdotis sequuntur abrenuntiationes baptizandi, quibus renuntiat diabolo, siue per se, siue per patrinos. Septimò, in scapulis & in pectore vngitur, quasi athleta Christi, lactaturus contra dæmonem, cui paulò antea renuntiavit. Octauò, post illam vunctionem

ba-

baptizandus interrogatur super articulos fidei , & publicam professionem illius emittit . Nonò tandem , elicit liberum & publicum consensum quo significat se velle baptizari .

Quoad conditiones quæ baptismum comitantur , pauca sunt numero ; infunditur enim tantum aqua cum debita prolatione verborum , vel mergitur baptizandus , vel tandem aspergitur copiose , secundum consuetudinem Ecclesiæ , vel temporis .

Quantum verò ad ceremonias subsequentes baptismum , hæ sunt . Primò , Baptizatus vngitur sacro Chrismate in vertice capitis ; quod quidem Chrisma debet esse recens ; consecratum scilicet eodem anno , in die cœnæ Domini , & hoc ab Episcopo ; vnde derogatum est consuetudini Ecclesiæ , quæ in primis sæculis volebat ut vntiones Chrysmales fierent à solis Episcopis ; sed postea concessum fuit ut vntio baptismalis posset fieri à simplici sacerdote , ut constat ex Concilijs Carthagen. & Tolet. hæc autem vntio denotat baptizatum in vertice vntum , ab eo die esse coniunctum Christo tanquam capiti . Secundò , Baptizatus induitur veste candida , in signum innocentiae restitutæ . Tertiò , traditur baptizato cereus accensus , ad denotandum ipsum esse translatum à potestate tenebrarum in sanctorum lucem & in feruorem charitatis , quam per baptismum accepit . Quartò , requiruntur sponsores , seu patrini , vel patres lustrici , qui baptizandum leuent de fonte , & nomen imponant ; in quibus patrinis plures conditiones requiruntur ; debent enim esse baptizati , sic Concilium Moguntinum ; non debent esse hæretici , sic Concilium Tridentinum ; non sunt enim apti ad instruendum in fide , quod tamen patrinis incumbit : non debent esse Monachi , Moniales , aut Religiosi , sic Concilium Colonienſe parte ult. cap. 16. Ratio in promptu datur , quia illorum est colere solitudinem ; & sic non possunt curam aliorum suscipere : Non debent patrini esse pater aut mater carnalis , nisi in necessitate , ex tali enim officio coniux coniugis esset cognatus , nec maneret liber vsus matrimonij inter illos , nisi post dispensationem saltem Episcopi ; tandem sponsores debent scire rudimenta fidei , ut leuatos possint docere . Illi sponsores requiruntur nedum pro paruulis , sed etiam pro adultis ; hi enim sunt

sunt neophyti in fide, & quasi modogeniti infantes; unde Tertullianus notat etiam adultis dari olim lac mel. Porro, ex baptismo resurgit quædam cognatio spiritualis videlicet, inter suscipientes & susceptum, & patrem & matrem baptizati. Quod si Pater baptizaret in necessitate filium, non contraheret cum uxore cognationem; secus, si extra necessitatem. Olim erat cognatio inter virum & foeminam, qui simul suscipiebant infantem leuandum; erat etiam inter ministrum, & ipsos suscipientes, sed hoc ablatum est per Concilium Tridintinum, de reformatione Matrimonij.

DISPUTATIO SECVNDA.

De Confirmatione.

Quandoquidem Confirmatio est veluti perfectio & consummatio baptismi, quoniam per Baptismum acquiritur fides, & per Confirmationem dantur vires ad profitendam fidem, ideò, explicato Sacramento Baptismi, ad Confirmationem deuenire oportet.

QVÆSTIO PRIMA.

Quid sit Confirmatio.

Pluribus nominibus insignitur Confirmatio; primò enim dicitur baptismus, Act. 1. *Vos autem baptizabamini Spiritu sancto*; quia scilicet est ipsius cõplementum, vt diximus. Secundò, dicitur manus impositio, ratione scilicet ritus quo confertur. Tertiò, dicitur Sacramentum Chrismatis, sine quo non sumus perfectè Christiani; Christianus enim & Christus dicuntur à Chrismate. Dicitur quartò Confirmatio, quia roborat & confirmat hominem ad fidem profitendam.

CONCLUSIO.

Confirmatio, sicut baptismus & quodlibet aliud Sacramentum, potest definiri vel physicè; vel metaphysicè; physicè, est unctio Chrismatis facta

& eritis mihi testes usque ad ultimum terra : & sic promittitur Apostolis per Confirmationem amplior gratia, qua essent fortes in confessione fidei. Secundò, Confirmatio habet signum sensibile, quod est impositio manuum, Actor, 8. Oraverunt pro ipsis, ut acciperent Spiritum sanctum : & paulo post, Tunc imponebant manus super illos, & accipiebant Spiritum Sanctum. Quod si in die Pentecostes Apostoli non receperint Spiritum sanctum per impositionem manuum; hoc factum est ex speciali privilegio, sic enim dabatur cæteris. Quod tertio Confirmatio habuerit præceptum, patet ex executione mandati; si enim Apostoli sua sponte, & sine Christi institutione & præcepto adhibuissent talem impositionem manuum, non infallibiliter descendisset Spiritus sanctus; descendebat tamen quotiescumque manus imponebant.

Obijc. Si manuum impositio erat signum sensibile, quo gratia Confirmationis conferebatur, non potuit illa manuum impositio mutari; materia enim Sacramenti mutari non potest substantialiter; videtur autem mutata illa impositio in vñctionem; per vñctionem enim Chrismatis tribuitur Confirmatio. Resp. nos uti eadem materia, qua vñsi fuerunt Apostoli, & Apostoli eadem materia vñsi fuisse, qua nos actu utimur; quando enim Apostoli Confirmationem conferebant, non faciebant impositionem manuum sine vñctione & consignatione crucis, aliàs D. Augustinus non vocaret Confirmationem Sacramentum Chrismatis, nec D. Dionysius Sacramentum vnguenti; quando etiam in præsentem tribuitur Confirmatio, non fit vñctio sine impositione manuum. Quòd si Augustinus dicat; manuum impositionem non esse ut baptismum, quasi non posset repeti, quia, inquit, nihil est aliud quam oratio super hominem; ibi Augustinus non loquitur de Confirmatione, sed de quadam impositione manuum, qua suo tempore exterius reconciliabantur hæretici Ecclesiæ.

QVÆSTIO III.

Quando instituta fuerit Confirmatio?

EX antecedenti conclusione patet, Confirmatio-
nem esse Sacramentum; patet etiam ex dictis
omnia Sacramenta esse instituta à Christo, confor-
miter Concilio Trid. Sess. 7. can. 10. ubi habetur, *Si
quis dixerit omnia & singula Sacramenta nouæ legis non
fuisse à Domino nostro Iesu Christo instituta, Anathema
sit*: ergo colligitur ex his, Christum instituisse
Confirmationem; sed quo tempore instituta fuerit,
queritur.

CONCLUSIO.

Christus Sacramentum Confirmationis instituit
in nocte coenæ, secundum probabiliorem sen-
tentiam; omnes enim Theologi dicunt; quod in tali
nocte, in sermone habito ad discipulos, nouum Te-
stamentum instituerit; & sic verisimile est, quod
materiam & formam & præceptum huius Sacramen-
ti pro tunc assignauerit. Fundatur autem hæc opinio
in traditione Apostolica; vt habet Fabianus Papa
Epist. 2. ad Orientales cap. 1. quæ scripta est ante mil-
le quadringentos annos, in qua sic habet, *In illa
die Dominus Iesus postquam cœnauit cum discipulis suis,
& lauit pedes eorum, Chrisma consecrare docuit, sicut à
sanctis Apostolis predecessores nostri acceperunt, nobis-
que reliquerunt*. Ob hanc causam quotannis Ecclesia
nouum Chrisma consecrat feria quinta in coena Do-
mini.

Obijc. Hoc Sacramentum non fuit in usu, nisi post
descensum Spiritus sancti in die Pentecostes, neque
à Christo, neque ab Apostolis: ergo signum est non
fuisse antea institutum. Resp. negando consequen-
tiam: & ratio cur non fuit in usu ante Pentecostem,
quia in hoc Sacramento datur plenitudo Spiritus
sancti, quam dari non expediebat, donec Iesus esset
glorificatus, secundum illud Ioannis 7. *Nondum erat
Spiritus datus, quia Iesus nondum erat glorificatus*.

QVÆSTIO IV.

Quanam sit materia remota Confirmationis?

CAietanus, Soto & Nauarrus putant, solum oleum oliuarum esse materiam remotam huius Sacramenti, credentes quod si cum oleo admisceatur Balsamum, hoc est tantum ex præcepto Ecclesiæ. D. Thomas & alij sentiunt Chrisma confectum ex Oleo & Balsamo esse materiam essentialem.

CONCLUSIO.

Materia remota essentialis huius Sacramenti est Chrisma confectum ex Oleo & Balsamo. Sic Concilium Florentinum decreto de Armenis sic loquens; *Secundum Sacramentum est Confirmatio, cuius materia est Chrisma confectum ex Oleo, quod nitorem significat conscientia; & Balsamo quod odorem significat bona fama.* Quod autem Concilium loquatur de materia essentiali patet; quia ibidem recensens in particulari materias Sacramentorum, in omnibus alijs nihil ponit, quod non sit materia essentialis cuiuslibet; ergo à pari in isto, vbi dicit Chrisma confectum ex Balsamo esse materiam Confirmationis, loquitur de materia essentiali. Si dicant aduersarij, admixtionem Olei esse in Confirmatione, sicut est admixtio aquæ in Eucharistia, quæ est tantum de præcepto; hoc negatur, & colligitur ex Concilio Florentino; quando enim loquitur de materia calicis, non dicit esse quid mixtum ex vino & aqua, sed esse vinum simpliciter: quandoquidem ergo, loquens de materia Confirmationis, dicit esse Chrisma confectum ex Oleo & Balsamo, non putat admixtionem Balsami esse tantum ex præcepto; aliàs mentionem non fecisset talis vntionis, sicut nec in Eucharistia commemorat mixtionem aquæ.

Obijc. Innocentius tertius, aliàs consultus, an vntus solo oleo deberet iterum confirmari, respondit, nihil iterandum esse, sed quod omissum est cautè supplendum: ergo Confirmatio erat valida sine mixtione Balsami. Resp. negando consequentiam; hoc enim confirmat nostram conclusionem; quia

si mixtio Balsami sit tantum necessaria ex præcepto , sicut aqua in calice , sequeretur non esse postea supplendum necessario Balsamum : si quis enim oblitus fuisset admiscere aquam vino , nullus diceret quod talis mixtio debeat suppleri post consecrationem ; cum ergo Innocentius determinauerit supplendum esse cautè Balsamum ; per hoc voluit quod Balsamum esset necessarium ad validitatem Confirmationis . Difficultas ergo tota superest , quod dixerit nihil esse iterandum ; sed loquitur tantum de iteratione ceremoniarum , quæ non debent iterari , sed tantum unctio cum Oleo & Balsamo .

Obijc. Balsamum esse rarissimum : ergo non congruit diuinæ bonitati , quod assignauerit pro materia Sacramenti aliquid quod vix reperiri potest . Resp. hanc rationem fore validam , si Confirmatio esset absolutè necessaria , tanquam medium ad salutem . Deinde , ex ipsis aduersarijs constat , quod admixtio Balsami sit necessaria ex præcepto , & consequenter sub pœna peccati mortalis : ergo pari iure posset dici , quod non congruat diuinæ bonitati aliquid præcepisse sub peccato mortali , quod sine difficultate non potest obtineri . Tandem dicendum est , quod hæc ratio non obstat ; quia modicum Balsami requiritur : vnde Fabianus Papa reprehendit Episcopos Orientales , quod defectu Balsami renouarent tantum Chrisma singulis triennijs , quasi esset excusatio ficta ; ad essentiam enim Chrismatis non requiritur , vt singulæ partes eius contineant formaliter aliquid Balsami , sed sufficit quod toti mixto saltem insit tantum Balsami , vt omnes Chrismatis partes alterentur recipiendo in se eius odorem .

Q V Æ S T I O V.

Quanam sit materia proxima Confirmationis ?

Materia remota , vt diximus , est Chrisma , quod debet esse consecratum ab Episcopo sicut voluit traditio Ecclesiastica , & Concilium Romanum , sub Syluestro Primo , statuens nullum Presbyterum posse Chrisma conficere , non quidem inducendo nouam prohibitionem ; sed declarando quæ iure
di-

diuino erant prohibita. Ratio quare Chrisma debet esse consecratum, est, quia materia externa Sacramentorum, qua Christus usus fuit, consecrata est antequam ad usum Sacramenti applicetur; ideo nec Aqua in Baptismo, nec Panis in Eucharistia consecranda sunt, quia talia consecrauit Christus usu suo; in Ordine autem, materia, quæ sunt vasa sacra, consecratur, & Oleum in Sacramento Extremæ-unctionis: in Pœnitentia verò & Matrimonio materia non consecratur, quia non est quid extrinsecum, sed sunt ipsi Pœnitentes aut Contrahentes. An autem potestas consecrandi Chrisma possit delegari simplici Sacerdoti ex dispensatione, aliqui credunt, alij probabilius negant; Concilium enim Florentinum postquam docuit Ministrum huius Sacramenti esse Episcopum, docet simplicem Sacerdotem ex concessione posse illud ministrare, sed cum Chrimate per Episcopum benedicto. Ex quo patet, Ecclesiam nunquam dispensasse, quod posset simplex Sacerdos Chrisma consecrare. Ex his ergo habetur, Chrisma compositum ex Balsamo & Oleo, & benedictum ab Episcopo, esse materiam remotam essentiali huius Sacramenti; vnde superest tantum quod assignetur materia proxima eius.

CONCLUSIO.

Materia proxima huius Sacramenti est vntio seu applicatio Chrimatis in fronte Baptizati: debet, inquam, illa vntio fieri in fronte, & in forma crucis, & hoc ex necessitate Sacramenti, quod probatur ex communi usu & praxi Ecclesiæ; quæ verè confirmatum non censet illum, qui non fuerit taliter vntus Chrimate. Ratio quam allegat Concilium Florentinum; est, quia hoc Sacramentum datur ad fidem Christi audacter & sine verecundia profitemdam; frons autem est veluti sedes verecundiæ: ergo illa pars debet consignari, & in ea fieri vntio cum signo crucis, vt scilicet confirmatus sine metu fidem, seu crucem Christi fateatur, quæ est Iudæis scandalum, gentibus autem stultitia.

Obije. Apostoli confirmabant primos Christianos per impositionem manuum, vt habetur pluribus in locis sacræ Scripturæ; ergo non vngebant; &

proinde vnctio Chrismatis non est materia proxima huius Sacramenti. Resp. Apostolos dupliciter manus imposuisse; primò, quando dabatur Spiritus sanctus visibiliter cum dono linguarum, & hoc faciebant per solam manuum impositionem, quod non habebat rationem Sacramenti; non enim erat ceremonia permanens; & hanc potestatem dandi Spiritum sanctum visibiliter, voluit emere Simon Magus. Secundò Apostoli manus imponebant, quando volebant conferre Sacramentum Confirmationis; & pro tunc cum impositione manuum ungebant frontem recipientium, vt habetur ex traditione Apostolica & ex antiquis Patribus, qui vocabant hoc Sacramentum, Sacramentum vnguenti, & Sacramentum Chrismatis.

QVÆSTIO VI.

Quanam sit forma Confirmationis?

EX antecedentibus liquet de necessitate Sacramenti huius esse, quòd adsit Chrisma confectum ex Oleo & Balsamo, quod quidem debeat necessariò eadem necessitate Sacramenti esse consecratum ab Episcopo; ita quòd benedictio Episcopi non sit minus de essentia Sacramenti, quàm Balsamum cum Oleo: Quanam autem forma debeat coniungi cum illa vnctione quæ sit ex Chrismate, asseret

CONCLUSIO.

Forma Sacramenti Confirmationis sunt hæc verba, *Consigno te signo Crucis, & confirmo te Chrismate salutis, in nomine Patris, & Filij, & Spiritus sancti.* Hoc patet ex Concilio Florentino in decreto vnionis, ex Pontificali Romano, & ex praxi Ecclesiæ. Quòd autem hæc forma legitima sit, patet, quia ibi significatur causa principalis, scilicet Trinitas, cum dicitur, *in nomine Patris, & Filij, & Spiritus sancti.* Secundò, indicatur causa ministerialis, nimirum ille qui confert, per hæc verba, *consigno, & confirmo.* Tertiò, denotatur persona quæ confirmatur, per pronomen, *te.* Quartò tandem innotescit effectus duplex huius Sacramenti, quorum vnus est facere aliquem Christi militem, ipsum insigniendo crucis signo, vnde di-

dicitur, *consigno te signo crucis* : alius verò est dare robur ad sustinendos impetus aduersariorum, confirmando scilicet; vnde additur, *confirmo te Chrismate salutis*. Porro, hæc verba sunt de essentia Sacramenti; vnde qui diceret tantum *signo te*, non addendo, *signo crucis*, aut *confirmo te*, non specificando *Chrismate salutis* : aut qui diceret tantum *signo te signo crucis*, tacendo, & *Confirmo te Chrismate salutis*, aut vice versa, non faceret Sacramentum. Non esset etiam validum, si supprimerentur verba, *in nomine Patris, & Filij, & Spiritus sancti*.

QVÆSTIO VII.

Quis sit Minister huius Sacramenti?

Vicleffus impropere Ecclesiæ Romanæ, quæ vult solum Episcopum esse ministrum ordinarium huius Sacramenti arguens Romanos, quod sint in errore Donatistarum, qui dicebant valorem Sacramenti pendere à dignitate Ministri : sed maximè fallitur; Donatistæ enim idèò damnati sunt, quod dicerent valorem Sacramenti procedere à bonitate Ministri, & Sacramenta non valide conferri ab improbis; quod nos ipsi damnamus, licet asseramus Ministrum huiusce Sacramenti debere esse ad Episcopatus dignitatem euectum.

CONCLUSIO PRIMA.

Solus Episcopus est ordinarius Minister huius Sacramenti. Sic Concilium Florentinum in decreto de Armenis, & Tridentinum Sessionis 7. can. 3. de Confirmatione, vbi dicitur; *Si quis dixerit, sancta Confirmationis ordinarium Minister non esse solum Episcopum, sed quemvis simplicem Sacerdotem, Anathema sit*. Ius etiam Canonicum capite manus, de consecratione, distinct. 5. hoc habet, *Manus quoque impositionis Sacramentum ab alijs perfici non potest, quam à summis Sacerdotibus; nec tempore Apostolorum ab alijs quam ab ipsis Apostolis legitur aut scribitur peractum esse*. Ratio congruentiæ, est D. Bonauenturæ, quia Episcopus in Ecclesia est veluti dux in exercitu: sicut ergo ducis est consignare suos milites; sic etiam ad Episco-

pum pertinet consignare Christianos, quia per Confirmationem sunt veluti milites Christi.

Obijc. Actuum 9. Ananias qui erat tantum Sacerdos (vt ait Augustinus) imposuit manus super Paulum, ergo hoc non spectat tantum ad Episcopos. Respondeo, Ananiam imposuisse manus super Paulum, non vt ipsum confirmaret, quia nondum Paulus erat baptizatus, sed vt illi visum restitueret, & sic pertinet tantum ad Episcopum confirmare: hoc autem facere potest, modò sit consecratus, etiamsi sit excommunicatus, suspensus & hæreticus; caracter enim Episcopalis semper remanet, & administratio Confirmationis est actus solius Ordinis Episcopalis.

CONCLUSIO SECVNDA.

Quilibet Sacerdos potest ex commissione Summi Pontificis hoc Sacramentum conferre. Nec est quòd Soto imputet Scoto hoc negasse; iste enim in 4. dist. 7. q. 1. in solutione dubij tertij dicit, quod Minister est Episcopus vel alius cui committi poterit; quando defunt autem Episcopi, constat; quia Gregorius Magnus hoc concessit Presbyteris Sardinia. Gregorius etiam 13. refertur dispensasse cum Sacerdote in India: Concil. denique Florent. in decreto Eugenij dicit, aliquando per dispensationem Apostolicæ Sedis id concessum fuisse; propter hoc tamen non mutatur essentia huius Sacramenti, quia essentialis Minister illius, non est solus Episcopus, nisi ordinarius, sed hic & ille Sacerdos habens dispensationem summi Pontificis, qui solus dispensare potest in fauorem Presbyteri solius, non alterius qui sit ipsi inferior,

Obijc. De commissione Episcopi confirmare possunt simplices Sacerdotes ex Concilijs Tolet. & Arausic. & ex Innocentio Papa, dicentibus, quòd nemo audeat Chrismate præsentare Episcopo, nisi ab eo illi fuerit præceptum. Respondeo hæc Concilia & ipsum Innocentium non loqui de Chrismatione Confirmationis; sed Concil. Arausic. loquitur de vntione, qua vngebantur hæretici, dum conuertebantur ad Ecclesiam, quos in istis locis vngebant, vt supplerent ceremonias, quas hæretici omiserant in Baptismo, Concil. Tolet. loquitur de vntione quæ fit in

in baptismo in vertice baptizandorum; aliàs enim non licebat simplici Sacerdoti ungere baptizandum Chrismate, imò nec baptizare, nisi absente Episcopo, vt habet D. Leo Epistol. 8. in fine vbi scribit, *Id neque coram Episcopo licet Presbyteris, in baptisterium introire, nec presente Antistite, infantem tingere, aut signare.* Quoad Innocentium tandem, loquitur de vunctione, qua vngi solebant Energumeni, vt ab illis depelleretur dæmon.

QVÆSTIO VIII.

Qui possint confirmari.

Non quæritur hic, quinam debeant accipere hoc Sacramentum, nullus enim ad hoc tenetur, cum non sit necessarium necessitate mediij; aliàs Ecclesia curaret, vt qui moriuntur, illud reciperent: non est etiam necessarium necessitate præcepti, nisi pro Ordinandis, nullum enim extat præceptum nec diuinum, nec Ecclesiasticum quoad omnes, sed solum pro illis, qui saltem tonsuram clericalem recipere cupiunt; vt habetur ex Concil. Trid. sess. 23. cap. 4. de Reformatione. Quòd si Scotus videatur dicere, hoc Sacramentum esse necessarium sub peccato mortali; hoc debet intelligi, quòd si omitteretur ex contemptu, reuera esset peccatum mortale; imò sentiunt communiter Doctores, quòd in casu necessitatis recipienda sit confirmatio, quando v. g. aliquis versatur inter hæreticos: indiget enim virtute quadam speciali ad protestandam & defendendam fidem, & hoc robur per Confirmationem accipitur: remanet ergo tantum, vt videamus quinam possint confirmari.

CONCLUSIO.

Licet Confirmatio possit dari omnibus baptizatis, tum infantibus, tum adultis; conuenientius tamen est, ipsam differre ad rationis ætatem, sic Catech. Rom. dicens, post Baptismum Sacramentum Confirmationis posse ministrari, sed minùs tamen expeditè hoc fieri, antequàm pueri vsum rationis habuerint; vnde alij asserunt expectandum esse duodecimũ

annum, melius tamen alij septimum. Ex dictis potest colligi, amentes perpetuos posse confirmari; si enim infantes ante usum rationis possint recipere hoc Sacramentum; ergo & amentes perpetui qui sunt veluti infantes: quoad illos qui aliquando rationis usum habuerunt, & in amentiam sunt lapsi postea, si non constet illos in ultimo actu sanitatis fuisse in peccato mortali, possunt confirmari, etiamsi antea non experierint hoc Sacramentum.

Q V Æ S T I O IX.

Quosnam effectus producat Confirmatio?

Hoc iam censetur explicatum ex his quæ diximus agendo de Sacramentis in genere, ubi asseruimus quodlibet Sacramentum producere gratiam habitualement, siue in entitate, siue augmento, & gratiam Sacramentalem, quæ actualis est: insuper etiam asseruimus Baptismum, Confirmationem, & Ordinem conferre characterem in suscipientibus: Quia tamen hic explicare tenemur quæ pertinent ad Confirmationem, nobis explicandum incumbit qui sint ipsius effectus.

C O N C L U S I O.

Confirmatio confert characterem, augmentum, gratiæ habitualis, & gratiam sacramentalem. Primum patet ex iam dictis de Sacramentis in genere: dicam tantum hunc characterem consignare Christianum in militem Christi, & illum deputare partim ad agendum, scilicet ad profitendam fidem; partim ad patiendum, nimirum ad receptionem tonsuræ clericalis & sacrorum Ordinum: hic autem character distinguitur realiter à caractere baptismi, quia sunt duo Sacramenta distincta, quæ debent habere consequenter effectus distinctos. Secundum patet ex se, quia omnia Sacramenta conferunt gratiam suo modo: Sacramenta scilicet mortuorum cōferunt gratiam in se; Sacramenta autem viuorum conferunt gratiam in augmento ordinariè & per se, licet per accidens aliquando possint causare gratiam in se, v. g. quando quis habens solam attritionem, putat se esse debitè

debitè absolutum, licèt non sit reuera defectu intentionis Ministri, & postea vt talis accedit ad Eucharistiam, vel ad Confirmationem, mediante vno horum Sacramentorum, recipit gratiam habitualement in se considerata, non verò augmentum gratiæ, quia illam antea non habebat. Tertium tandem euidentis est; quia cùm quodlibet Sacramentum habeat finem specialem, confert gratiam specialem suo fini accommodatam, & ea quæ confertur per Confirmationem, est protectio Spiritus sancti, qua aliquis conseruat fidem Catholicam & illam intrepidus protestatur publicè.

QVÆSTIO X.

Quid requiratur in Confirmando?

Quoniam diximus duos esse præcipuos effectus Confirmationis, nimirum characterem, & gratiam; nunc loquendum venit de dispositionibus quæ requiruntur, vt vterque effectus producat in illo, qui confirmationem suscipit.

CONCLUSIO.

VT character recipiatur, sufficit voluntas recipientis Sacramentum; vt verò Confirmandus recipiat augmentum gratiæ habitualis, exigitur vt præexistat in gratia. Ratio primi est, quia character est compatibilis cum peccato; & sic ad recipiendum characterem Confirmationis, non requiritur gratia præexistens; sed sufficit voluntas recipiendi illum: sicut, vt baptizatus recipiat characterem baptismi, sufficit quòd voluntatem habeat recipiendi baptismum: hoc etiam debet intelligi tantum de adultis; quandoquidem enim diximus Confirmationem posse conferri infantibus, qui propria intentione carent: in illis ergo non requiritur propria voluntas, sed aliena, saltem sufficit, siue sit Ecclesiæ, siue sit parentum, aut aliorum qui puerum confirmandum exponunt. Quoad secundum, euidentis est, quia Sacramenta viuorum gratiam præsupponunt, & illam augent: ergo requiritur vt ille qui confirmandus est, iam in gratia existat, vt possit recipere augmentum eius: augmentum enim alicuius qualitatis præsupponit illam qualitatem

litatem iam existentem in suo esse. Quoniam ergo ad recipiendam Confirmationem requiritur gratia, idè ille qui confirmandus est, si peccauerit post Baptismum, indiget contritione, aut saltem attritione cum confessione, aliàs poneret obicem; non requiritur autem confessio per se, quia nullum extat præceptum; nisi quando confirmandus est conscius peccati; unde qui sine cōfessione susceperet hoc Sacramentum, putans se esse contritum, cum sit attritus tantum, reciperet gratiam per Confirmationem; quia quodlibet Sacramentum habet vim faciendi ex attrito contritum.

Q V Æ S T I O V L T I M A.

Quinam sint ritus huius Sacramenti?

Sacramentum hoc cum possit tantum conferri à Ministro solemnè, eleuato scilicet ad dignitatem Episcopalem, non potest etiam dari vel saltem non debet, nisi cum certis quibusdam cæremonijs, quarum aliæ præcedunt, aliæ concomitantur, aliæ denique subsequuntur illius administrationem,

C O N C L U S I O.

Ritus antecedens collationem Confirmationis sunt hi. Conficitur Chrisma, ad cuius consecrationem Episcopus primò benedicit oleum & balsamum: Secundò idem Episcopushalat super os ampullæ continentis oleum, & post eum duodecim Sacerdotes, ad denotandam Spiritus sancti plenitudinem olim datam per insufflationem, Ioann. 20, ubi Christus insufflauit, & dixit Apostolis, *Accipite Spiritum sanctum*. Tertiò miscetur balsamum cum oleo, Quartò Episcopus Chrisma confectum salutat, sine mitra dicens ter, *Aue sanctum Chrisma*, submissa voce in primis, deindè paulò altiori. Quintò hoc fit quotannis feria quinta in cœna Domini.

Quoad cæremonias comitantes collationem Confirmationis; primò destinatur tempus, quod communiter erat in vigilia Pentecostes, quia eo tempore Apostoli roborati sunt, & nunc est quodlibet aliud; quolibet enim tempore confirmare solent Episcopi, nimirum.

nimirum temporibus sue visitationis. Secundò debet fieri in loco honesto, licèt extra Ecclesiam. Tertiò Episcopus debet esse in Pontificalibus. Quartò debet esse aliquis qui confirmandum offerat. Quintò ex decencia tam Confirmans, quàm confirmatus debent esse ieiuni ob reuerentiam Sacramenti. Dixi, ex decencia non ex præcepto; mos enim inualuit, vt post prandium confirmet Episcopi.

Quoad sequentes ceremonias. Primò, frons confirmati ligatur vitta, nè Chrisma alijs rebus adhæreat, velut significetur, gratiam Confirmationis esse conseruandam. Secundò, Episcopus leui alapa confirmatum percutit, vt Confirmatus reminiscatur se hoc Sacramētum recepiſſe, nè scilicet iteretur Confirmatio, quæ est Sacramentum irreiterabile; quandoquidem confert indelebilem characterem: percutitur etiam confirmatus, vt discat in posterum forti animo omnes iniurias, imò & mortem, pro Christi fide esse tolerandas. Sunt & aliæ ceremoniæ, de quibus consulendum est Rituale Episcoporum.

CAPVT TERTIVM.

De Sacramento Eucharistiæ.

DOctores, qui communiter tractationem Sacramentorum aggrediuntur, præponunt Eucharistiæ Pœnitentiæ, & hoc iure, quia quandoquidem Eucharistiæ in moralibus, correspondet nutritioni in naturalibus, & ad nutritionem vel in nutritione morbus aliquando accidit: sic etiam Eucharistiæ, quæ est nutritio quædam spiritalis, à nobis præponenda est Pœnitentiæ, quæ est veluti remedium à Christo præparatum ad medendas animas, si fortè in peccatum lapsæ sint. Antequam ergo de Sacramento Pœnitentiæ loquamur, nobis explicandum incumbit augustissimum Eucharistiæ Sacramentum.

QVÆSTIO PRIMA.

*Quid sit Eucharistia, quotuplex & quando
instituta fuerit?*

Sicut natura Dei vno & eodem nomine explicari non potest, sic & mysteria diuina pluribus nominibus indigent, vt perfectè concipiantur: vnde Eucharistia, quæ est mysteriorum nostræ religionis præstantissimum, pluribus insignitur. Dicitur primò Eucharistia, idest gratiarum actio, vel bona gratia; quia Christus hoc Sacramentum instituendo gratias egit; vel quia nos illud recipiendo, gratias agere debemus; vel tandem quia continet Christum gratiarum omnium fontem. Dicitur secundò Synaxis, idest collectio, & latine communio vocatur; non quòd sit necessarium Eucharistiam pluribus simul administrare, vt volunt hæretici, sed quia vnit homines Christo, tanquam capiti, & inter se illos coniungit, vt membra cum membris. Tertiò dicitur Viaticum, quia est viatorum cibus & præsertim infirmorum, qui illo roborantur ex hac vita ad Dei tribunal progredientes. Quartò dicitur Sacrificium & Hostia, quia non solum habet rationem Sacramenti, sed & Sacrificij, vt dicetur suo loco.

CONCLUSIO PRIMA.

Eucharistia est Sacramentum, quod sub speciebus panis & vini continet corpus & sanguinem Christi ad conseruationem vitæ spiritualis. Dicitur Primò *Sacramentum*, & hoc constat tum apud Catholicos, tum apud Hæreticos. Dicitur secundò, *sub speciebus panis & vini*, ad explicandam materiam, quæ est panis & vinum; ponendo etiam, *sub speciebus*, innotescit vis consecrationis, per quam definit esse panis & succedit corpus Christi / Additur tertiò, quòd Eucharistia *coniunctæ contineat corpus & sanguinem Christi*, vt explicetur natura integra huius Sacramenti quoad significationem; significat enim refectionem, quæ integratur ex potu & cibo, licet quantum ad substantiam, Sacramentum integrum sit sub vna tantum specie. Subiungitur tandem, *ad conseruationem vitæ*
spi-

piritalis; & in hoc denotatur effectus & finis huius
sacramenti.

CONCLUSIO SECUNDA.

Sacramentum Eucharistiæ non est vnum, si sumatur materialiter; sed est vnum, si formaliter accipiat. Ratio primi est, quia ibi sunt plura Sacramenta materialiter, ubi sunt plures res sensibiles, quarum vna potest significare & conferre gratiam sine alia; sed in Eucharistia sunt plures materiæ, scilicet panis & vinum, sunt plures formæ etiam, scilicet *Hoc est corpus meum*, *hic est calix sanguinis mei*; & quodlibet horum potest conferre gratiam sine alio, ut patet ex laicis qui recipiunt tantum vnam speciem: ergo sunt plura Sacramenta materialiter. Ratio secundi est, quia Eucharistia significat refectionem spiritualem animæ; sed resectio perfectius denotatur in speciebus panis & vini simul, quam in specie solius panis, vel solius vini, licet Christianus æquè reficiatur ex sumptione vnius speciei tantum, quam duarum, quoniam quælibet carnem & sanguinem Christi continet: ergo Eucharistia formaliter sumpta est tantum vnicum Sacramentum, quoniam significat vnicam refectionem.

CONCLUSIO TERTIA.

Eucharistiæ Sacramentum fuit institutum in nocte cœnæ, post comestionem scilicet Agni Paschalis. Hoc est conforme D. Paulo qui ad Corinth. scribens narrat, quod Christus *in qua nocte tradebatur, accepit panem, & gratias agens benedixit ac fregit, deditque discipulis suis dicens, Accipite & manducate, hoc est corpus meum*. Ratio convenientiæ huius est, quia testamenta solent confirmari imminente morte: cum ergo Christus per suam passionem nobis legare voluerit gloriam cœlestem, tanquam hæreditatem; voluit paulò ante mortem nobis dare suum corpus & sanguinem, tanquam pignus vitæ æternæ. Errant ergo qui dicunt Christum nobis suo testamento reliquisse Corpus; sed dicendum est quod nobis legauit gloriam æternam, faciendum nos suos hæredes & coheredes Christi, in cuius gloriæ pignus & asscuratio-

nem

nem nobis reliquit corpus & sanguinem suum, tanquam viaticum aliquod, quo perducerentur ad illam hereditatem capeffendam. Quoad ordinem autem quem tenuit Christus in institutione huius Sacramenti, hunc affert Maldonatus. Primò facta fuit coena legalis consistens in comestione Agni Paschalis; secundo facta est coena communis; tertio lotio pedum; quarto institutio Eucharistiæ; quinto discessio Iudæ; sexto concio Domini.

Q V Æ S T I O II.

*Ex quibus constet Sacramentum
Eucharistiæ?*

NON loquimur hic de Sacramento Eucharistiæ in fieri, quia constat ipsum, sicut alia Sacramenta fieri per materiam, quæ est panis & vinum; per formam, quæ consistit in verbis, & per ministrum, qui est Sacerdos; sed loquimur de Eucharistiæ in facto esse, & ut est quid permanens; & de ipsa sic sumpra quærimus quænam sint ea, ex quibus constat.

C O N C L U S I O.

Sacramentum Eucharistiæ, tanquam totum aliud quod morale, constituitur ex corpore & sanguine Christi, & speciebus: seu, ut dicit Scotus, ex corpore & sanguine Christi, quatenus dicunt relationem ad species: non consistit enim hoc Sacramentum in materia & forma, scilicet in pane & verbis, quia Eucharistia tamdiu est Sacramentum, quamdiu corpus & sanguis Christi in ea permanent, panis autem & verba non remanent, quando adsunt corpus & sanguis Christi: ergo Eucharistia in facto esse non constituitur ex illis: Non constat etiam hoc Sacramentum ex corpore & sanguine, quia ad Sacramentum requiritur signum visibile: Denique solæ species non faciunt etiam Sacramentum, quia ad rationem Sacramenti requiritur, quod sit signum visibile rem invisibilem continens: ergo remanet, ut constitutatur ex utroque, nimirum ex speciebus, quæ
su nt

sunt signa visibilia, & ex corpore & sanguine Christi, quæ sunt res sacræ.

Obijc. Eucharistia ex Tertulliano est figura corporis Christi; sed figura inuoluit absentiam rei figuratæ: ergo hoc Sacramentum non constat corpore Christi. Respondeo, Tertullianum velle corpus Christi in Eucharistia esse figuram corporis Christi extensi in ara crucis, vnde Eucharistia vocatur memoriale Passionis Christi: non ergo est figura corporis Christi simpliciter, nisi sit figura plena significato, non verò vacua; sicut verbum dicitur figura substantiæ Patris: figura inquam plena, est enim eadem Patris substantia. Nec quis dicat, nihil esse simul Sacramentum, & rem Sacramenti, proindeque corpus Christi non esse Sacramentum, quoniam est res Sacramenti, quia producitur per verba. Resp. enim Sacramentum Eucharistiæ habere hoc speciale, quod sit simul tum Sacramentum, tum res Sacramenti: corpus, inquam, Christi est res Sacramenti, quia producitur per verba Sacramentalia, & est Sacramentum, quia cum speciebus producit gratiam.

QVÆSTIO III.

Utrum Sacramentum Eucharistia sit necessarium?

Quia multoties loquuti fuimus de necessitate tum mediij, tum præcepti, tardiosum esset, hic rursus explicare quid sit vtraque necessitas, sed videndum tantum est, qua necessitate Eucharistia sit necessaria.

CONCLUSIO PRIMA.

Eucharistia non est necessaria absolutè necessitate mediij, est tamen medium ita vtile, vt dicatur quasi moraliter necessarium.

Probatur primum. quia Eucharistia nō est medium institutum ad iustificationem; siue remissionem peccati mortalis; imò receptio Eucharistiæ præsupponit iustificationem vt licitè fiat; & sic non est necessaria, nec in re, nec in voto, quia votum de aliqua re faciendi non est necessarium, nisi ipsa res sit necessaria: vnde cum susceptio Eucharistiæ non sit necessaria-

cessaria, consequenter votum eius non erit necessarium. Quod si dicatur aliquando necessaria necessitate medij; hoc est secundario, ratione scilicet præcepti adiuncti; observatio enim mandatorum Dei & Ecclesiæ est medium necessarium ad salutem, conformiter responsioni Christi, *si vis ad vitam ingredi, serua mandata.*

Probatur secundum, certum enim est ex Concil. Trid. sess. 6. Canone 22. nos non posse diu in gratia perseverare, sine specialibus auxilijs Dei, ad quæ obtinenda Sacramentum hoc est efficacissimum. Deinde, Eucharistia est præcipuus animæ cibus, & non potest diu vita persistere nisi mediante cibo: ergo est medium ita utile, vt sit quasi moraliter necessarium.

Obijc. Pœnitentia, Baptismus & Eucharistia sunt eiusdem necessitatis, vt patet ex Script. quæ iisdem verbis hæc Sacramenta præcipit: de Baptismo enim dicit, *Nisi quis renatus fuerit &c.* de Pœnitentia ait, *Nisi pœnitentiam egeritis, &c.* & de Eucharistia, *Nisi manducaueritis, &c.* ergo sicut Baptismus & Pœnitentia sunt necessaria necessitate medij, sic & Eucharistia. Resp. negando consequentiam; quia necessitas Sacramentorum non pendet tantum ex modo loquendi Scripturæ, sed ex ipsorum natura & institutione; vnde cum Baptismus & Pœnitentia sint instituta ad infusionem gratiæ quæ absolute necessaria est, ideo sunt necessaria necessitate medij; quia verò Eucharistia destinatur tantum ad augmentum gratiæ, non est necessaria medij necessitate.

Instabis, Eucharistia est instituta vt cibus animæ; sed necessarius est absolute cibus pro vita corporali: ergo & Eucharistia pro vita spiritali. Respondeo, cibum animæ non esse ita necessarium, ac cibum corporis; quia cibus animæ potest suppleri per actus amoris, & per bona opera. Quod si aliqui Patres legantur communicasse infantes: ex hoc non potest inferri Eucharistiæ necessitas absoluta, sed hoc tantum fiebat, quia erat vsus huiusce temporis, & hoc ratione præcepti.

CONCLUSIO SECUNDA.

HOc Sacramentum est necessarium necessitate præcepti, tum diuini, tum Ecclesiastici.

Quoad præceptum diuinum, habetur Ioannis 6. *Nisi manducaueritis carnem filij hominis, non habebitis vitam in vobis*. Quoad tempus autem quo obligat hoc præceptum; hoc est quando Eucharistia indicatur necessaria ad conseruandam vitam spiritualem gratiæ contra tentationes: hæc enim est differentia inter præcepta affirmatiua & negatiua, quod prima obligent tantum, quando vrget necessitas finis, propter quem sunt instituta; secunda verò obligent semper & pro semper: præceptum ergo Eucharistiæ obligat primò in articulo mortis, tunc enim tentationes solent esse grauiores; secundò in reliqua vita, quoties opus est remedio ad perseuerandum in gratia, vt in grauioribus tentationibus; tertio, quando quis prudenter putat se non amplius habere occasionem communicandi in tota vita; tunc enim debet se præmunire contra tentationes futuras.

Quoad præceptum Ecclesiasticum, semper existit in Ecclesia. Initio nascentis Ecclesiæ omnes qui intererant sacrificio missæ, tenebantur communicare: cum ille feruor charitatis minueretur, Fabianus Papa iussit ter communicare quolibet anno, in Natiuitate Domini scilicet, in Paschatè & Pentecoste; vbi Soter Papa adiecit feriam quintam in cœna Domini: nunc statutum est, vt omnes saltem in Paschatè communicent. Quod si propter rationabilem causam non possint sumere Eucharistiam in Paschatè, cōtrouertuntur authores, an teneantur communicare in prima occasione; negant enim Soto, Antoninus & Syluester, putantes hoc manere liberum; quia, inquit, communicatio Paschalis est præceptum affirmatiuum, quod obligat tantum pro tempore præscripto; melius tamen alij affirmant.

QVÆSTIO IV.

Quanam sit materia Eucharistia?

CUm locuti fuerimus de materia proxima, interna & permanenti Eucharistia, quæ consistit in speciebus, sub quibus continentur corpus & sanguis Christi; nunc agendum est de materia remota externa & transeunte, quæ desinit esse per verba consecratoria, & ex qua fit hoc Sacramentum.

CONCLUSIO PRIMA.

Materia Eucharistia sunt panis & vinum. Matth. enim 26. Marci 14. Lucæ 22. & ad Corinth. 2. legimus Christum accepisse panem in confectione huius Sacramenti, & calicem in quo erat vinum; ut patet ex verbis sequentibus, *Non bibam amodo de hoc genere vitis*; & iussit facere quod fecit, dicens, *Hoc facite*: ergo tenere debemus materiam huius Sacramenti esse panem & vinum; & hoc est conforme tum Concilijs, tum Patribus, quos superfluum esset recensere. Nulla dari potest ratio convincens de hac veritate, quia Christus in quacunque alia materia potuit instituere Eucharistiam, saltem manducabili & potabili; sed potest assignari ratio congruentia, quia scilicet sicut panis & vinum sunt congrua corporis alimenta, sic Eucharistia sub speciebus panis & vini congruum est alimentum animæ. Quod si canones permittant afferri vuas, oleum & incensum; hoc est tanquam oblationes, & ceremonias ad honorem Dei & Sanctorum, & etiam in Sacerdotum alimenta.

CONCLUSIO SECUNDA.

Panis, quæ est materia huius Sacramenti, debet esse triticeus. Sic Concilium Flo. & Catechismus Concil. Trid. ubi habetur, traditionem Ecclesiæ esse, ut in pane triticeo consecratio fiat; unde non sufficit ut fiat in hordeo, auena, milio, frumento nigro; sed requiritur, quod secundum iudicium peritorum habeat veram rationem tritici, siue ita vocetur, siue
non:

non: & quando dubium erit an sit verè triticum, necne, materia erit dubia, & in ea non debet confici Sacramentum, maximè cum Eucharistia non sit absolute necessaria. Quoad felicam seu secalam, aliqui putant esse materiam propriam Eucharistiae, dicentes non differre specie à tritico, sed esse triticum inferius: melius tamen dicendum est, esse materiam dubiam, in qua non licet fieri consecrationem sine peccato mortali. Porro, panis ille triticeus debet macerari ex aqua pura & elementari, & concoqui ad ignem, massa enim cruda farinae aqua subacta non est cibus vsualis. Tandem panis ille igne coctus non debet iterum oleo vel butyro esse frixus, quia non esset panis vsualis, sed potius placenta, aut aliquid simile.

CONCLUSIO TERTIA.

Panis ille triticeus potest esse vel azymus vel fermentatus: quod habeat enim fermentum, hoc est accidentale pani, & sine fermento, vel cum fermento, non est minus panis: ergo erit semper materia propria Eucharistiae. Hoc confirmat Conc. Flor. in decreto vnionis, vbi Eugenius 4. praecepit tam Graecis, quàm Latinis, vt in hac parte vsus suae Ecclesiae retineant, quod habetur in praxi: Graeci enim fermentato pane vtuntur, & Latini azymo. Licet autem in vtroque consecratio fieri possit, panis tamen azymus magis accedit ad consecrationem quam fecit Christus, qui vsus fuit pane azymo; erat enim primus dies azymorum, scilicet 14. Lunae Martij. & tunc non licebat vti pane fermentato secundum dictum Exodi 2. *Et edent carnes nocte illa, & azymos panes*: Hoc non impedit tamen, quin Ecclesiae cuiuslibet liceat vti consuetudine sua; imò Graeci non debent vti pane azymo, nec Latini fermentato.

CONCLUSIO QUARTA.

Vinum cuiuscumque speciei est materia apta huius Sacramenti, dummodo sit vinum vsuale & potabile, non potest ergo fieri consecratio in vuis non expressis, quia non sunt vinum, nec dicuntur bibi: non potest etiam fieri in liquore deprompto eo vuis agrestibus & alijs non maturis; quia ex illis non fit vinum

potabile, sed Omphacium: non potest etiam fieri consecratio in liquore expresso ex vuis siccis, si possit aliquis exprimi; quia pro tunc sunt corruptæ, & talis liquor non esset vinum: non potest etiam fieri consequenter in aceto, non est enim amplius vinum, sed vinum corruptum; potest tamen fieri in musto, idest, in vino recenter ex vva expresso, licet non debeat fieri, nisi sit depuratum & coctum: potest etiam fieri in vino congelato, quia species congelatæ possunt retinere liquorem qui ante congelationem consecratur: ergo & ipsum sanguinem recipere possunt; & proinde in ijs fieri consecratio; quia sunt acta vinum & de facili potabile; non sic in Baptismo, quia ad Baptismum actualis ablutio requiritur.

CONCLUSIO QUINTA.

P Arum aquæ debet admisceri vino, non quidem de necessitate Sacramenti, sed ex præcepto Ecclesiæ. Sic Conc. Trid. in Catechismo cap. de Eucharistia. Ecclesia autem hoc præcipiens secuta est exemplum Christi, qui consecrauit in vino aqua diluto, vt habet Concil. Carthag. can. 24. vt etiam ait Clemens Rom. lib. 8. Constitutionum Apostolicarum cap. 12. Si tamen hoc fecit Christus, non iussit vt fieret à nobis, vt patet ex Conc. Trid. sess. 22. cap. 1. dicente præceptum fuisse ab Ecclesia Sacerdotibus, vt aquam vino miscerent; & sic talis mixtio non est de necessitate Sacramenti, nec præcepti diuini, sed Ecclesiastici, quod ortum habuit ab Apostolis, vt scilicet repræsentetur sanguis & aqua è latere Christi fluentes, & vnio Ecclesiæ cum Christo, per aquas enim populi significantur.

QVÆSTIO V.

Vtrum materia consecranda debeat esse præsens sensibilis & determinata?

E X dictis in præcedenti quæstione constat, panem triticeum esse materiam Eucharistiæ, nec refert an sit fermentatus aut azymus quoad valorem Sacramenti; licet esset peccatum non seruare morem
suæ

Iuxta Ecclesiæ: quamquam verum sit dicere, quod Græcus apud Latinos existens possit in azymo celebrare, secundum hoc dictum: Cum fueris Roma, Romano vivito more. Constat etiam vinum esse materiam, etiamsi fuerit miraculosè productum: ut vinum nuptiarum Canæ in Galilæa; non tamen vinum nimis coctum erit materia propria, quia mutavit speciem vini. Quoad quantitatem panis & vini consecrandi, neminem latet, quamlibet magnam quantitatem panis & vini posse consecrari; quia non est repugnantia ex parte materiae, cum sit apta ad consecrandū, sicut & quælibet minima pars: non est etiam repugnantia ex parte formæ, quia verba consecrationis possunt proferri super quamlibet quantitatem: nec denique repugnat ex parte Ministri, cum possit habere intentionem consecrandi quamlibet quantitatem. Hoc tamen licitè fieri non potest; qui enim in tanta quantitate consecraret, quæ non posset in tempore opportuno sumi, graviter peccaret, faceret enim iniuriam tanto Sacramento, cum species possent corrumpi, & Sacramentum desinere sine usu, qui est secundarius finis Eucharistiæ; ubi productio corporis Christi est finis primarius. An autem fieri possit talis consecratio in minima parte panis aut vini, resolver

CONCLUSIO PRIMA.

Quæcumque pars quantumvis parva panis, potest esse materia consecrationis, modò sit sensibilis. Ratio primi est, quia quælibet parva quantitas est panis, & panis est materia apta. Ratio secundi est, quia si tam exigua esset, ut non posset videri, aut tangi, non posset designari à Sacerdote, & sic non posset dicere, *Hoc est corpus meum*. Deinde, ex definitione Sacramenti, Sacramentum debet esse signum sensibile: ergo & materia eius sensibilis; si tamen minima pars manet unita toti, etiamsi esset ita exigua, ut non posset tangi & videri, sub ea posset recipi & conservari corpus Christi, quia illa esset semper sensibilis, si non respectu sui, saltem respectu totius. Sic etiam dicendum est de minima guttula vini; Non verò idem est sentiendum de minima gutta aquæ respectu Baptismi, quia Ba-

ptismus

consecratio. Vnde certum est primò, quòd ille qui ex decem hostijs vellet tantum quatuor consecrare, non determinando quas vellet, nullam consecraret. Certum est secundò, quòd qui vellet vnā partem vini aut panis consecrare, non determinando qualem partem, non consecraret, benè autem si determinaret illam aut illam partem; licèt difficile esset partem consecratam à non consecrata discernere, grauitèr tamen peccaret. Certum est tertio quòd qui tres hostias teneret, putans esse tantum vnā, quia simul iunctæ sunt, omnes consecraret; præsумitur enim ex virtuali intentione, quam habet consecrandi quod tenet; deinde habent rationem vnius: si haberet tamen intentionem explicitam consecrandi tantum hostiam quam videt, aliæ duæ non essent consecratæ. Certum est tandem, quòd si Sacerdos multas ad altare tulerit hostias cum animo illas consecrandi, & dùm consecrat, intendit consecrare eam quam habet præs manibus, non cogitando de alijs, omnes consecrat propter virtuales intentiones actu contrario non reuocatam.

QVÆSTIO VI.

Virum necessariò debeant simul consecrari panis & vinum?

HÆc quæstio non intelligitur de necessitate Sacramenti; si quis enim tantum panem consecraret aut vinum, esset verum & perfectum Sacramentum, quia contineret corpus Christi & ipsius sanguinem: esset inquam, perfectum in primaria significatione, quia Christum præsentem significaret; non in secundaria, quoniam significat secundario refectionem quæ in corporalibus fieri solet ex potu & cibo: loquimur ergo de necessitate præcepti.

CONCLUSIO.

DE præcepto, tum diuino, tum etiam Ecclesiastico, debent consecrari simul panis & vinum. Primum conceditur ab omnibus, excepto Nauarro & certis quibusdam. Et ratio nostra est, quia de iure diuino debet fieri sacrificium quotiescumque fit con-

Boquin Theolog. Pars III, E se.

secratio, vt patet ex his verbis, *Hoc facite in meam commemorationem*, vbi Christus ostendit sacerdotem debere consecrare offerendo & consecrando, secundum Conc. Trid. sess. 23. c. 1. sed sacrificium non esset perfectum sine consecratione vtriusque, ad sacrificium enim requiritur mactatio hostiæ, vnde sicut Christus mactatus fuit in morte, & ipsius sanguis à corpore separatus; ita in sacrificio Missæ fieri debet eadem separatio: vnde vi verborum solum corpus est sub specie panis, & solus sanguis sub specie vini, licet per concomitantiam corpus, & sanguis sint sub vtraque specie: ergo non potest fieri consecratio ex solo pane. Secundum verò habetur ex iure Canonico cap. *Comperimus* de Consecratione dist. 2. vbi habetur quòd conficiens sub vna tantum specie, committit sacrilegium graue; non est autem peccatum nisi per violationem præcepti: ergo consecratio in pane & vino est necessaria necessitate præcepti Ecclesiastici.

Obijc. Si Sacerdos non posset consecrare vnā tantum speciem, non posset etiam communicare in vnica specie, sed potest hoc sicut & Laicus: ergo & illud. Respondeo concedendo sequelam maioris, quia sacrificium non perficitur sola oblatione, sed & consumptione; vnde vt perfectum sit sacrificium, debet sumere vtramque speciem: ad minorem verò dico, quòd Sacerdos non celebrans possit communicare sub vna specie sicut Laicus, & pro tunc Eucharistia est tantum Sacramentum, non verò sacrificium. Vnde ex dictis patet, quòd Sacerdos habens tantum panem & non vinum, non debeat consecrare panem ad communicandum infirmum; tale enim præceptum tantum obligat, quando est commoditas sine aliquo peccato. Si quis dicat, Christum consecrasse sub sola specie panis in Castello Emmaus: Respondendum est, quòd hoc potuit facere ex potestate excellentiæ, quæ non competit alteri à Christo. An autem summus Pontifex possit in hoc casu dispensare; alij hoc probabile tenent, sed melius alij negant.

QVÆSTIO VII.

*An aqua admixta vino conuertatur immediatè
in sanguinem?*

Diximus quòd ex præcepto debeat admisceri aqua cum sanguine, saltem necessitate præcepti, an autem illa aqua conuertatur in sanguinem immediatè, vel primò in vinum & postea in sanguinem: aliqui primum tenuerunt, dicentes, quòd si aqua admixta sit in vino in tanta quantitate, vt non sit conuersa in vinum ante verba consecrationis, transubstantietur immediatè in sanguinem per ipsa verba: alij contrarium probabilius tenent.

CONCLUSIO.

Aqua non conuertitur immediatè in sanguinem, quia materia huius Sacramenti non est aqua, sed vinum, vt diximus; & sic aqua non est consecrabilis: vnde debet infundi in calicem in quantitate ita modica, vt faciliè ante consecrationem in vinum mutari possit; quod si non mutetur, vt potest accidere propter vini tenuitatem & nimiam aquam, pro tunc remanet aqua pura in calice. Vbi notandum est, quòd licet aqua non conuertatur in vinum ante consecrationem; possit tamen conuerti in illud post illam, quia species consecratae vini, in quibus admixta est aqua, possunt tam diu remanere sine consumptione, quòd ipsa aqua per virtutem specierum vini destinat esse aqua & fiat vinum, quoniam in illis speciebus consecratis remanet virtus ad generandum vinum, ac si substantia vini adesset, Deo scilicet supplente aliquid ex parte specierum, sicut supplet reuerà, quando ex speciebus corruptis vini acetum generatur, & ex speciebus panis generantur vermes: & sic non est dicendum, quòd post consecrationem aqua, quæ non potuit antea conuerti in vinum, postea conuertatur in sanguinem Christi; quia verba consecratoria iam prolata sunt, & nil manet quòd possit illam aquam transubstantiare in sanguinem.

Obijc. Si aqua quæ ante consecrationem non muta-

tur in vinum, remaneret aqua, totum illud quod est in calice, non posset adorari. Respondeo, quod adoratur tantum illud quod est consecratum; unde nec musca adoraretur si incidisset in calicem. Si dicas, ergo si remaneret aqua, Sacerdos hauriens sanguinem cum illa aqua, non esset ieiunus, & ideo non posset celebrare alias Missas in Natiuitate Domini; Respondebitur, præsumi semper ieiunum, quia aqua præsumitur conuersa in vinum ante consecrationem.

Q V Æ S T I O V I I I.

Quanam sit forma Eucharistia?

Lutherani & Caluinistæ putarunt recitandam esse hystoriam Eucharisticę institutionis, quę sic incipit, *Ego enim accepi à Domino quod & tradidi vobis, &c.* Differunt tamen Caluinistæ in eo quod proferunt ea verba per modum concionis & instructionis, vt audientes habeant in memoria id quod fecit Christus; Lutherani verò proferunt per modum consecrationis, quia efficiunt id quod significant.

C O N C L V S I O P R I M A.

Forma consecrationis panis sunt hæc verba: *Hoc est corpus meum.* Quoad particulam, *enim*, est tantum ex institutione Petri, volentis coniungere hæc verba cum præcedentibus. Ratio est, quia talibus verbis vsus est Christus, & per illa consecrauit. Deinde, illa verba sunt forma Eucharistiæ, quæ faciunt corpus Christi præsens in illa: verba autem allata hoc faciunt; significant enim corpus Christi ibi esse præsens, & verba consecratoria faciunt id quod significant. Quoad ista verba antecedentia, *Qui pridie quam pateretur*, non sunt verba Christi, sed Apostolorum, quæ enuntiant quomodo & quando consecrauerit Christus. Quoad ista, *Accipite & manducate*, non sunt de essentia formæ, quia omittuntur à Luca; qui tamen ea omitteret, peccaret grauiter.

Obijc. Si hæc verba, *Hoc est corpus meum*, efficiunt corpus Christi præsens; vel hoc efficiunt vt sunt vera, vel vt sunt falsa; non vt sunt falsa; aliàs corpus Chri-

Christi non esset præsens; non etiam ut sunt vera; quia sequeretur corpus Christi esse præsens antequam proferrantur verba: propositio enim vera, est ea quæ enuntiat obiectum esse tale quale enuntiat. Respondeo, hanc propositionem operari suum effectum in quantum est vera, non quidem veritate antecedente verborum prolationem, sed veritate concomitante & immediate sequente talem prolationem: est enim hæc differentia inter propositionem speculatiuam & practicam, quod prima supponat obiectum esse tale antequam enuntietur, secunda verò faciat obiectum tale: illa autem propositio, *Hoc est corpus meum*; est effectiua, non speculatiua tantum. Ex dictis patet, verba præallata requiri necessariò, & non debere in illis fieri mutationem substantialem; unde nil fit dicendo, *Hoc est corpus Christi*, quia illa verba non proferuntur in persona Christi, quod requiritur. Nihil fit etiam dicendo, *Accipite hoc corpus meum*, quia hæc verba non denotant productionem corporis Christi; supponitur enim antea productum esse. Nil fit etiam dicendo, *Hoc sit corpus meum*, non denotatur enim productio. Nec valet dicendo, *Hic panis est corpus meum*, vel *hoc sit corpus meum*, vel *consecro corpus meum*; mutatur enim sensus formæ, quæ debet exprimi in facto esse, ut fecit Christus. Isti autem modi loquendi essent validi, *Hic tibi est corpus meum*, *istud est corpus meum*, *hic est corpus meum*; *hic est corpus meus*, *hic est corpus meum*; modò *Hic* non sumatur adverbialiter, sed loco pronominis, modò etiam istæ pronuntiationes incongruæ fiant solum ex imperitia, & non ex prava intentione ministri.

CONCLUSIO SECVNDA.

HÆc sola verba, *Hic est calix sanguinis mei*, vel *hic est sanguis meus*, sunt forma respectu vini; sic Scotus contra D. Thomam & aliquos, qui dicunt verba sequentia usque ad ista, *Hæc quotiescumque feceritis*, esse de essentia Sacramenti. Ratio nostra est, quia per verba sola præallata redditur sanguis præsens; verba enim consecrationis faciunt id quod significant; sed hæc verba, *Hic est calix sanguinis mei*; significant sanguinem Christi esse præsentem: ergo in illis consistit præcisè forma: quia tamen supra

E 3 hoc

hoc est dissentio inter Theologos, ideò quando quis consecrat, non debet habere intentionem cum solis primis verbis, vel cum omnibus necessario, ne se exponat periculo: sed debet intendere consecrationem facere cum illis verbis quæ instituit Christus, siue sint sola prima, siue sint etiam sequentia. Nec dicat D. Thomas hæc verba sequentia, *Novi & æterni testamenti*, esse determinationes prædicati, ac proinde essentielles: licet enim per illas determinationes specificetur quòd sanguis qui est in calice, sit idem ac ille qui effusus est; hoc tamen non est essenziale ad Eucharistiam, & sic cum solis primis potest fieri consecratio. Quòd si, dum proferuntur hæc omnia verba, teneatur calix præ manibus, hoc non importat, quòd sint de essentia Sacramenti; aliàs particula, *enim*, esset etiam de essentia, sed hoc fit ad maiorem explicationem formæ præcedentis. Adde quòd in Ecclesia Græca fuerunt viri pietate insignes, qui talia verba sequentia omiserunt.

Ex dictis constat quòd si quis diceret, *Hic calix est novum testamentum in meo sanguine*, vt Lucas & Paulus dixerunt, fieret consecratio; non enim mutatur sensus substantialis, sed idem est, ac si diceretur, *Hic est calix Christi, quo novum testamentum sancitum est*; qui tamen sic ageret, grauitè peccaret contra vsum Ecclesiæ & determinationes Conciliorum. Porro, quando dicitur, *Hic est calix meus*; hoc est per metonymiam, vbi sumitur continens pro contento, itaut sit sensus; *sanguis meus est in calice*.

CONCLUSIO TERTIA;

Verba quæ profert Sacerdos, proferuntur in persona Christi, non tantum recitatiue, sed effectiue, & per pronomina *Hoc* & *Hic*, non significantur, nec panis, nec vinum, nec corpus, nec sanguis, nec species, sed significatur confusè contentum sub speciebus. Ratio primi est; quia si Sacerdos verba proferret in nomine suo, corpus Christi non esset, sed corpus Sacerdotis dicentis, *Hoc est corpus meum*. Ratio secundi est, quia si verba proferrentur tantum recitatiue, non efficerent corpus Christi esse sub speciebus panis, & sanguinem sub speciebus vini; ergo proferuntur, nedum significatiue, sed insuper effectiue: signifi-
ca-

cativè quidem, ut insinuetur quid fecit Christus; effectivè verò, faciendo scilicet quod Christus ipse fecit & transubstantiando panem & vinum in corpus & sanguinem Christi. Ut autem hæc verba verè significant, sufficit quòd in fine prolationis verborum, corpus & sanguis adsint. Quoad alias partes conclusionis; per *hoc*, non intelligitur panis, quia panis non est Corpus Christi; non intelligitur etiam Corpus Christi, quia hoc faceret hunc sensum, *Hoc corpus meum est corpus meum*; non etiam intelligitur species, quia non est verum dicere quòd species sint corpus Christi; remanet ergo quòd pronomen, *Hoc*, designetur quod est confusè contentum sub speciebus; ita ut sit sensus, *quod continetur sub speciebus est corpus meum*, seu *hoc corpus est corpus meum*, sicut quando dicitur, *hic homo est Petrus*; & tunc non est propositio identica, quia procedit de magis confuso ad minus confusum. Notandum tamen est, quòd si particula, *Hoc*, supponat pro contento sub speciebus, vel pro corpore indeterminato, illud intelligendum est non pro eo tempore quo ipsa particula proferitur, sed pro eo tempore quo omnia verba proferuntur, unde quando pronomen, *Hoc*, profertur, est particula vaga; quæ habet significationem suspensam, donec determinetur à prædicato, nempe *corpus meum*, & pro tunc vera esse incipit hæc propositio, *hoc corpus est corpus meum*; hæc est enim natura propositionum effectuarum.

Q V Æ S T I O IX.

An corpus Christi sit in Eucharistia.

CApharnaitæ concipere non valentes hanc veritatem, dixerunt de Christo promittente se daturum suam carnem manducandam & suum sanguinem potandum, *quomodo potest hic nobis suam carnem dare ad manducandum?* multi hæretici post illos insurrexerunt in Ecclesiam, præsertim Berengarius Archiepiscopus Andegauensis, & nostro penè sæculo Calvinus & Lutherus, cum hoc discrimine; quòd Calvinus credat, Christum esse in Eucharistia figuratum, & Lutherus impanatum; idest, primus asseruit nos habere tantum figuram corporis Christi.

hoc est dissentio inter Theologos, ideò quando quis consecrat, non debet habere intentionem cum solis primis verbis, vel cum omnibus necessario, ne se exponat periculo: sed debet intendere consecrationem facere cum illis verbis quæ instituit Christus, siue sint sola prima, siue sint etiam sequentia. Nec dicat D. Thomas hæc verba sequentia, *Novi & æterni testamenti*, esse determinationes prædicati, ac proinde essentielles: licet enim per illas determinationes specificetur quòd sanguis qui est in calice, sit idem ac ille qui effusus est; hoc tamen non est essenziale ad Eucharistiam, & sic cum solis primis potest fieri consecratio. Quòd si, dum proferuntur hæc omnia verba, teneatur calix præ manibus, hoc non importat, quòd sint de essentia Sacramenti; aliàs particula, *enim*, esset etiam de essentia, sed hoc fit ad maiorem explicationem formæ præcedentis. Adde quòd in Ecclesia Græca fuerunt viri pietate insignes, qui talia verba sequentia omiserunt.

Ex dictis constat quòd si quis diceret, *Hic calix est novum testamentum in meo sanguine*, vt Lucas & Paulus dixerunt, fieret consecratio; non enim mutatur sensus substantialis, sed idem est, ac si diceretur, *Hic est calix Christi, quo novum testamentum sancitum est*; qui tamen sic ageret, graviter peccaret contra vsum Ecclesiæ & determinationes Conciliorum. Porro, quando dicitur, *Hic est calix meus*; hoc est per metonymiam, vbi sumitur continens pro contento, itaut sit sensus; *sanguis meus est in calice*.

CONCLUSIO TERTIA;

Verba quæ profert Sacerdos, proferuntur in persona Christi, non tantum recitativè, sed effectivè, & per pronomina *Hoc* & *Hic*, non significantur, nec panis, nec vinum, nec corpus, nec sanguis, nec species, sed significatur confusè contentum sub speciebus. Ratio primi est, quia si Sacerdos verba proferret in nomine suo, corpus Christi non esset, sed corpus Sacerdotis dicentis, *Hoc est corpus meum*. Ratio secundi est, quia si verba proferrentur tantum recitativè, non efficerent corpus Christi esse sub speciebus panis, & sanguinem sub speciebus vini; ergo proferuntur, nedum significativè, sed insuper effectivè: signifi-
ca-

catiuè quidem, vt insinuetur quid fecit Christus; effectiuè verò, faciendo scilicet quod Christus ipse fecit & transubstantiando panem & vinum in corpus & sanguinem Christi. Vt autem hæc verba verè significant, sufficit quòd in fine prolationis verborum, corpus & sanguis adsint. Quoad alias partes conclusionis; per *hoc*, non intelligitur panis, quia panis non est Corpus Christi; non intelligitur etiam Corpus Christi, quia hoc faceret hunc sensum, *Hoc corpus meum est corpus meum*; non etiam intelligitur species, quia non est verum dicere quòd species sint corpus Christi; remanet ergo quòd pronomen, *Hoc*, designetur quod est confusè contentum sub speciebus; ita vt sit sensus, *quod continetur sub speciebus est corpus meum*, seu *hoc corpus est corpus meum*, sicut quando dicitur, *hic homo est Petrus*; & tunc non est propositio identica, quia procedit de magis confuso ad minus confusum. Notandum tamen est, quòd si particula, *Hoc*, supponat pro contento sub speciebus, vel pro corpore indeterminato, illud intelligendum est non pro eo tempore quo ipsa particula profertur, sed pro eo tempore quo omnia verba profertur, vnde quando pronomen, *Hoc*, profertur, est particula vaga; quæ habet significationem suspensam, donec determinetur à prædicato, nempe *corpus meum*, & pro tunc vera esse incipit hæc propositio, *hoc corpus est corpus meum*; hæc est enim natura propositionum effectiuarum.

Q V Æ S T I O I X.

An corpus Christi sit in Eucharistia.

CApharnaitæ concipere non valentes hanc veritatem, dixerunt de Christo promittente se daturum suam carnem manducandam & suum sanguinem potandum, *quomodo potest hic nobis suam carnem dare ad manducandum?* multi hæretici post illos insurrexerunt in Ecclesiam, præsertim Berengarius Archiepiscopus Andegauensis, & nostro penè sæculo Calvinus & Lutherus, cum hoc discrimine; quòd Calvinus credat, Christum esse in Eucharistia figuratum, & Lutherus impanatum; idest, primus asseruit nos habere tantum figuram corporis Christi.

in Sacramento, non verò realitatem; secundus autem, qui tenet corpus Christi esse realiter in Eucharistia, credit substantiam panis remanere cum substantia corporis Christi: vterque Hæresiarcha refutatur in præsentî quæstione & in sequenti.

CONCLUSIO.

COrpus Christi verè & realiter est in Eucharistia. Ioan. 6. *Panis quem ego dabo caro mea est*; ibidem, *nisi manducaueritis carnem filij hominis, non habebitis vitam in vobis*: non potest autem manducari, nisi sit præsens in Sacramento. Rursus ibidem, *caro mea verè est cibus*; idem habent verba institutionis Eucharistiæ 1. ad Corinth. 11. *Accipite & manducate, hoc est corpus meum*. Nec hoc explicent aduersarij de figura corporis Christi; Primò, quia Calvinus dicit scripturam esse ita intelligibilem, vt explicari non debeat; cum ergo Christus dicat *Hoc est corpus meum*, quomodo hoc explicat Calvinus de figura? Secundò, quia Christus hoc dixit cum esset moriturus: ergo debebat perspicuè loqui, & non vti figuris, vt ipse promissit Ioan. 12. *Venit hora cum iam non in proverbis loquar vobis*. Tertiò, quia Eucharistiæ institutio erat testamentum Christi, vel saltem confirmatio testamenti illius, vt habetur Lucæ 22. *Hic calix est novum testamentum in meo sanguine*, sed testamentum debet fieri verbis perspicuis, & clausulæ eius debent sumi ad litteram, vt habet Paulus ad Galatas dicens, *Nemo superordinet testamento hominis*; id est, glossam non imponat; maxima ergo temeritas est Caluino, dum præsumit explicare testamentum Christi. Quartò, quia si testator legasset alicui amico suam domū, nonne esset ridiculum, si executor testamenti prætenderet testatorem voluisse tantum legare figuram suæ domus? Quintò, quia si Eucharistia esset tantum figura corporis Christi, nihil haberet Eucharistia supra manna, quod fuit certè figura corporis Christi. Sextò, quia si Christus voluisset tantum loqui de figura corporis sui, videns Capharnaitas sese scandalizare ex suis dictis, debuisset ad tollendum scandalum, explicare suam mentem, & dicere se daturum non corpus suum realiter, sed figuram corporis sui: & per talem explicationem, Capharnaitæ rediissent

sent ad Christum, à quo per prima verba recesserant, attamen ex Scriptura patet, quòd Christus non explicuerit suum dictum, imò illud per iuramentum confirmauerit, subiungens; *Amen, amen dico vobis, nisi manducaueritis carnem filij hominis, non habebitis vitam in vobis*. Septimò, quia non est recurrendum ad figuras; vbi nulla est repugnantia; non autem repugnat quòd Christus dederit realiter suum corpus. Octauò, quia leges à prudentibus & sapientibus latae debent ferri per verba clara, nè quis ex verborum ambiguitate legem violet; Christus autem Sacramentum instituens, legem tulit, dicens Apostolis, *hoc facite*. Nonò, quia rex verax & probus, qui seriò promississet pecuniam & daret tantum figuram eius, illuderet. sed Christus, qui est rex regum & veritas ipsamet, seriò promissit carnem suam, Ioann. 6. *Panis, quem ego dabo, caro mea est*; ergo si daret solum panem, qui esset figura carnis suae, illuderet Ecclesiae. Decimò, quia Christus egisset indignè cum Ecclesia, quam vocat suam sponsam, si reliquisset illam in errore per spatium quindecim saeculorum & ultra, vsque scilicet ad tempus Caluini, & hoc ex occasione suorum verborum, quae Ecclesia Romana nudè & litteraliter & sine vlla explicatione voluit credere, tanquam sponsa fidelissima verbis sui sponsi. Vndecimò, quia in nostra mente Catholica fuerunt Patres cuiuscumque saeculi, quos recensere prolixius esset, & eo inutilius quod de facili videri possunt apud Bellarminum tomo 2. fol. 40. Duodecimò tandem, quia veritas nostrae fidei habetur ex liturgiis cuiuscumque Ecclesiae, vt videre est apud eundem Bellarminum praecitatum.

Obijc. 1. ex Matth. 4. *Si quis vobis dixerit, ecce hic est Christus, aut illic, nolite credere*: ergo non sunt credendi illi, qui dicunt Christum esse in Sacramento. Resp. Matthaeum loqui de Pseudochristis, idest, de peruersis hominibus, qui se dicunt Christum; non de Christo in Eucharistia. Dices, ergo sensus nostri falluntur, si non sit panis, sed Christus. Resp. non falli, quia vident accidentia panis; sed falleretur intellectus, si non obstante dicto Christi, crederet sub accidentibus panis non esse corpus eius. Dices, *quod intrat in os, in ventrem vadit, & in secessum emittitur*, quod non est dicendum de corpore Christi. Respon-

ideo, Corpus Christi non eiicitur, quia definit esse eo instanti quo species corruptæ sunt, sed eiicitur id in quod conuersæ sunt species post sui corruptionem. Dices: indignum est, Christi corpus manibus impuri hominis tractari? Respondeo dignum esse charitate illius,

Obijc. 2. hæc verba, *Hoc est corpus meum*, debere intelligi per fidem, & non realiter carnem Christi manducari, Ioann. enim 6. habetur, *Caro non prodest quidquam? spiritus est qui uiuificat: verba, quæ ego loquor uobis, spiritus & uita sunt*. Respondet Chrysostomus Homil. 26. in Ioan. hoc non dici de ipsa carne Christi; aliàs non profuisset in morte, sed de his qui carnaliter accipiunt; quasi sit sensus, cognitio carnalis & habita per sensus, nil prodest ad hoc mysterium capiendum, sed fides requiritur; quando etià dicit Christus, *Verba quæ ego loquor uobis, spiritus & uita sunt*; si per hoc intendisset demonstrare, corpus suum esse in pane per solam fidem, aut figuram; per hanc explicationem placasset animos discipulorum, quod tamen non fecit; quia abierunt; sed hoc dixit, ut refelleret Capharnaitas, qui putabant Christum carnem suam daturum modo cruento & sensibili, sicut carnem communem.

Obijc. 3. Christum in institutione Eucharistiæ loquutum fuisse per figuras, quia quando loquitur de sanguine, loquitur de calice, accipiens continens pro contento: ergo etiam in pane usus fuit figura. Respondeo, quod sit reuera usus figura respectu calicis. sed illa figura omnibus constat, & est modus loquendi usitatus apud homines, qui tradentes lagenam plenam vino, dicunt: accipe vinum. Dices ex 1. ad Corinth. 10. *Patres nostri*, inquit Paulus, *eandem escam manducauerunt*, sed Iudæi habuerunt tantum figuram corporis Christi: ergo & nos habemus tantum figuram. Respondeo manducauerunt eandem escam inter se concedo: ac nos, nego. *Aliud est enim*, inquit Augustinus, *Pascha quod celebrat Iudæus in oue, aliud quod sumimus in corpore & sanguine*:

Obijc. 4. Verbum, est, sumitur in Scriptura pro significat, ut Genes. 41. *Septem spica sunt septem anni*; Lucæ 3. *Semen est uerbum Dei*, id est significat, sicut quando Christus dicit, *Ego sum ostium, uitis, pastor*. Respondeo reuera, quod particula, est, aliquando idem

idem fit ac significat, non quòd Christus in allatis exemplis significet ostium vel vitem, quia figuratum est nobilius figura, sed quia ostium est figura Christi; aliquando tamen non sumitur *est*, pro significat, ut quando Pater dixit, *hic est Filius meus dilectus*; sic etiam in consecratione, hoc verbum substantivum sumitur propriè secundum Concilia, & Patres cuiuscumque sæculi. Porro hæc particula, *est*, sumitur pro significat in parabolis, & Parabolæ scripturæ dignoscuntur per applicationem factam in antecedentibus vel subsequenter verbis: nulla autem sunt verba antecedentia vel subsequenter, quæ indicent Christum loqui parabolicè, quando dixit; *Accipite & manducate*.

Obijc. 5. Christus porrigens calicem dedit tantum vinum potandum: ergo dedit tantum panem manducandum. Antecedens patet ex verbis Christi dicentis, *Non bibam amodò de hoc genimine vitis*: ergo erat vinum. Respondeo 1. Christum accepisse duabus vitibus calicem, secundum dictum Lucæ cap. 22. Primò, accepit calicem in cœna communi, & pro tunc dixit, *non bibam amodò*, &c. secundò, accepit calicem quem consecrauit, & pro tunc non protulit illa verba. Quod si ex Matthæo, Christus dixerit hæc verba, dum protulit calicem quem prætendimus consecratum; hoc est quia iste Evangelista non exprimit diffusè ea quæ fecit Christus. Respondeo secundò; vocare potuit Christus suum sanguinem, genimen vitis seu vinum. Primò, quia ex vino factus est. Secundò, quia accidentia vini in illo remanserunt. Quod si Christus dixerit Lucæ 22. *Hoc facite in meam commemorationem*, hoc non debet intelligi quasi Eucharistia sit memoria Christi absentis, sed quia repetitio eiusdem sacrificij, in cruenti quod fecit Christus.

Obijc. 6. ex Tertull. lib. 1. contra Marcionem, *Christum repræsentare in pane corpus suum*, & alibi, *nobis dedisse figuram Corporis sui*, & alios Patres idem sentientes. Resp. Christum repræsentare corpus, id est, præsens exhibere, sicut dicitur quòd Pater in Thabor filium repræsentauerit; quòd si vocent figuram corporis; hoc est: figuram plenam figurato; nam aliquando stat veritas cum figura, ut ad Hebræos 1. *Christus dicitur figura substantia Patris*, licet Christus

ptissimus consistit in ablutione, quæ non potest fieri ex vna gutta, nisi motu violento, vt diximus. Porro quando dixi, materiam debere videri aut tangi, sufficit ad hoc, quòd ex sua natura sit sensibilis, vt patet quando Sacerdos plures hostias consecrat, quarum aliæ sub alijs delitescunt; vt patet etiam quando calix est coopertus palla aut patena, & quando cæcus consecrat, vt aliquis fecit in Concilio Tridentino ex dispensatione summi Pontificis; in his enim occasionibus materia semper est moraliter sensibilis, & moralia moraliter sunt accipienda.

CONCLUSIO SECVNDA.

Materia consecranda debet esse moraliter præsens, ita quòd designari ac demonstrari possit per particulam, *Hoc*: quanta autem debeat esse illa moralis propinquitas, attendendum est iudicium prudentum; hoc tamen est certum apud omnes, quod debeat esse in conspectu Ministri. Vnde Sacerdos non potest consecrare quæ sunt à tergo, nisi habeat illa præ manibus, & illud æquiualeat conspectui; potestque illa materia designari per pronomen, *Hoc*: Certum est etiam vinum, in dolio præsentis inclusum posse consecrari, dicitur enim de illo vt continetur in dolio, vel amphora, *hoc vinum est bonum*; sicut & de pecunia inclusa in crumena, *hac pecunia est mea*: Certum est tertio, non requiri tactum; sufficit enim præsentia materiæ ad horum verborum veritatem, *Hoc est Corpus meum*: Certum est quarto, non posse consecrari hostiam post parietem existentem, nec in tabernaculo, quia non videtur humano modo præsens: Certum est quinto, hostias contentas in cibario appposito super altari posse consecrari: Certum est denique; non fieri consecrationem, si materia nondum est præsens, quando verba inchoantur; quia non demonstratur per pronomen, *Hoc*.

CONCLUSIO TERTIA.

Materia debet esse determinata, quia intentio requiritur in ministro; & non est intentio sine cognitione, nec cognitio sine determinatione, nisi ergo determinetur materia in particulari, non fiet con-

consecratio. Vnde certum est primò, quòd ille qui ex decem hostijs vellet tantum quatuor consecrare, non determinando quas vellet, nullam consecraret. Certum est secundò, quòd qui vellet vnam partem vini aut panis consecrare, non determinando qualem partem, non consecraret, benè autem si determinaret illam aut illam partem; licèt difficile esset partem consecratam à non consecrata discernere, grauitè tamen peccaret. Certum est tertio quòd qui tres hostias teneret, putans esse tantum vnam, quia simul iunctæ sunt, omnes consecraret; præsumitur enim ex virtuali intentione, quam habet consecrandi quod tenet; deinde habent rationem vnius: si haberet tamen intentionem explicitam consecrandi tantum hostiam quam videt, aliæ duæ non essent consecratæ. Certum est tandem, quòd si Sacerdos multas ad altare tulerit hostias cum animo illas consecrandi, & dùm consecrat, intendit consecrare eam quam habet præ manibus, non cogitando de alijs, omnes consecrat propter virtuales intentiones actu contrario non reuocatam.

QVÆSTIO VI.

Virum necessariò debeant simul consecrari panis & vinum

HÆc quæstio non intelligitur de necessitate Sacramenti; si quis enim tantum panem consecraret aut vinum, esset verum & perfectum Sacramentum, quia contineret corpus Christi & ipsius sanguinem: esset inquam, perfectum in primaria significatione, quia Christum præsentem significaret; non in secundaria, quoniam significat secundario refectionem quæ in corporalibus fieri solet ex potu & cibo: loquimur ergo de necessitate præcepti.

CONCLUSIO.

DE præcepto, tum diuino, tum etiam Ecclesiastico, debent consecrari simul panis & vinum. Primum conceditur ab omnibus, excepto Nauarro & certis quibusdam. Et ratio nostra est, quia de iure diuino debet fieri sacrificium quotiescumque fit con-

secratio, vt patet ex his verbis, *Hoc facite in meam commemorationem*, vbi Christus ostendit sacerdotem debere consecrare offerendo & consecrando, secundum Conc. Trid. sess. 22. c. 1. sed sacrificium non esset perfectum sine consecratione vtriusque, ad sacrificium enim requiritur mactatio hostiæ, vnde sicut Christus mactatus fuit in morte, & ipsius sanguis à corpore separatus; ita in sacrificio Missæ fieri debet eadem separatio: vnde vi verborum solum corpus est sub specie panis, & solus sanguis sub specie vini, licet per concomitantiam corpus, & sanguis sint sub vtraque specie: ergo non potest fieri consecratio ex solo pane. Secundum verò habetur ex iure Canonico cap. *Comperimus* de Consecratione dist. 2. vbi habetur quòd conficiens sub vna tantum specie, committit sacrilegium graue; non est autem peccatum nisi per violationem præcepti: ergo consecratio in pane & vino est necessaria necessitate præcepti Ecclesiastici.

Obijc. Si Sacerdos non posset consecrare vnā tantum speciem, non posset etiam communicare in vnica specie, sed potest hoc sicut & Laicus: ergo & illud. Respondeo concedendo sequelam maioris, quia sacrificium non perficitur sola oblatione, sed & consumptione; vnde vt perfectum sit sacrificium, debet sumere vtramque speciem: ad minorem verò dico, quòd Sacerdos non celebrans possit communicare sub vna specie sicut Laicus, & pro tunc Eucharistia est tantum Sacramentum, non verò sacrificium. Vnde ex dictis patet, quòd Sacerdos habens tantum panem & non vinum, non debeat consecrare panem ad communicandum infirmum; tale enim præceptum tantum obligat, quando est commoditas sine aliquo peccato. Si quis dicat, Christum consecrasse sub sola specie panis in Castello Emmaus: Respondendum est, quòd hoc potuit facere ex potestate excellentiæ, quæ non competit alteri à Christo. An autem summus Pontifex possit in hoc casu dispensare; alij hoc probabile tenent, sed melius alij negant.

Q V Æ S T I O VII.

*An aqua admixta vino conuertatur immediatè
in sanguinem?*

Diximus quòd ex præcepto debeat admisceri aqua cum sanguine, saltem necessitate præcepti, an autem illa aqua conuertatur in sanguinem immediatè, vel primò in vinum & postea in sanguinem: aliqui primum tenuerunt, dicentes, quòd si aqua admixta sit in vino in tanta quantitate, vt non sit conuersa in vinum ante verba consecrationis, transubstantietur immediatè in sanguinem per ipsa verba: alij contrarium probabilius tenent.

C O N C L U S I O,

Aqua non conuertitur immediatè in sanguinem, quia materia huius Sacramenti non est aqua, sed vinum, vt diximus; & sic aqua non est consecrabilis: vnde debet infundi in calicem in quantitate ita modica, vt faciliè ante consecrationem in vinum mutari possit; quod si non mutetur, vt potest accidere propter vini tenuitatem & nimiam aquam, pro tunc remanet aqua pura in calice. Vbi notandum est, quòd licèt aqua non conuertatur in vinum ante consecrationem; possit tamen conuerti in illud post illam, quia species consecratæ vini, in quibus admixta est aqua, possunt tam diu remanere sine consumptione, quòd ipsa aqua per virtutem specierum vini desinat esse aqua & fiat vinum, quoniam in illis speciebus consecratis remanet virtus ad generandum vinum, ac si substantia vini adesset, Deo scilicet supplente aliquid ex parte specierum, sicut supplet reuerà, quando ex speciebus corruptis vini acetum generatur, & ex speciebus panis generantur vermes: & sic non est dicendum, quòd post consecrationem aqua, quæ non potuit antea conuerti in vinum, postea conuertatur in sanguinem Christi; quia verba consecratoria iam prolata sunt, & nil manet quòd possit illam aquam transubstantiare in sanguinem.

Obijc. Si aqua quæ ante consecrationem non muta-

tur in vinum, remaneret aqua, totum illud quod est in calice, non posset adorari. Respondeo, quod adoratur tantum illud quod est consecratum; unde nec musca adoraretur si incidisset in calicem. Si dicas, ergo si remaneret aqua, Sacerdos hauriens sanguinem cum illa aqua, non esset ieiunus, & ideo non posset celebrare alias Missas in Natiuitate Domini; Respondebitur, præsumi semper ieiunum, quia aqua præsumitur conuersa in vinum ante consecrationem.

QVÆSTIO VIII.

Quanam sit forma Eucharistia?

Lutherani & Caluinistæ putarunt recitandum esse hystoriam Eucharisticę institutionis, quę sic incipit, *Ego enim accepi à Domino quod & tradidi vobis, &c.* Differunt tamen Caluinistæ in eo quod proferunt ea verba per modum concionis & instructionis, vt audientes habeant in memoria id quod fecit Christus; Lutherani verò proferunt per modum consecrationis, quia efficiunt id quod significant.

CONCLUSIO PRIMA.

Forma consecrationis panis sunt hæc verba: *Hoc est corpus meum.* Quoad particulam, *enim*, est tantum ex institutione Petri, volentis coniungere hæc verba cum præcedentibus. Ratio est, quia talibus verbis vsus est Christus, & per illa consecrauit. Deinde, illa verba sunt forma Eucharistiæ, quæ faciunt corpus Christi præsens in illa: verba autem allata, hoc faciunt; significant enim corpus Christi ibi esse præsens, & verba consecratoria faciunt id quod significant. Quoad ista verba antecedentia, *Qui pridie quàm pateretur*, non sunt verba Christi, sed Apostolorum, quæ enuntiant quomodo & quando consecrauerit Christus. Quoad ista, *Accipite & manducate*, non sunt de essentia formæ, quia omittuntur à Luca; qui tamen ea omitteret, peccaret grauiter.

Obijc. Si hæc verba, *Hoc est corpus meum*, efficiunt corpus Christi præsens; vel hoc efficiunt vt sunt vera, vel vt sunt falsa; non vt sunt falsa; aliàs corpus Chri-

Christi non esset præsens; non etiam ut sunt vera; quia sequeretur corpus Christi esse præsens antequam proferantur verba: propositio enim vera, est ea quæ enuntiat obiectum esse tale quale enuntiat. Respondeo, hanc propositionem operari suum effectum in quantum est vera, non quidem veritate antecedente verborum prolationem, sed veritate concomitante & immediate sequente talem prolationem: est enim hæc differentia inter propositionem speculatiuam & practicam, quod prima supponat obiectum esse tale antequam enuntietur, secunda verò faciat obiectum tale: illa autem propositio, *Hoc est corpus meum*; est effectiua, non speculatiua tantum. Ex dictis patet, verba præallata requiri necessario, & non debere in illis fieri mutationem substantialem; unde nil fit dicendo, *Hoc est corpus Christi*, quia illa verba non proferuntur in persona Christi, quod requiritur. Nihil fit etiam dicendo, *Accipite hoc corpus meum*, quia hæc verba non denotant productionem corporis Christi; supponitur enim antea productum esse. Nil fit etiam dicendo, *Hoc sit corpus meum*, non denotatur enim productio. Nec valet dicendo, *Hic panis est corpus meum*, vel *hoc sit corpus meum*, vel *consecro corpus meum*; mutatur enim sensus formæ, quæ debet exprimi in facto esse, ut fecit Christus. Isti autem modi loquendi essent validi, *Hic vobis est corpus meum*, *istud est corpus meum*, *hic est corpus meum*; *hic est corpus meus*, *hic est corpus meum*; modo *Hic* non sumatur adverbialiter, sed loco pronominis, modo etiam istæ pronuntiationes incongrue fiant solum ex imperitia, & non ex prava intentione ministri.

CONCLUSIO SECUNDA.

Hæc sola verba, *Hic est calix sanguinis mei*, vel *hic est sanguis meus*, sunt forma respectu vini; sic Scotus contra D. Thomam & aliquos, qui dicunt verba sequentia usque ad ista, *Hæc quotiescumque feceritis*, esse de essentia Sacramenti. Ratio nostra est, quia per verba sola præallata redditur sanguis præsens; verba enim consecrationis faciunt id quod significant; sed hæc verba, *Hic est calix sanguinis mei*, significant sanguinem Christi esse præsentem: ergo in illis consistit præcisè forma: quia tamen supra

E 3 hoc

hoc est dissentio inter Theologos, ideò quando quis consecrat, non debet habere intentionem cum solis primis verbis, vel cum omnibus necessario, ne se exponat periculo: sed debet intendere consecrationem facere cum illis verbis quæ instituit Christus, siue sint sola prima, siue sint etiam sequentia. Nec dicat D. Thomas hæc verba sequentia, *Novi & æterni testamenti*, esse determinationes prædicati, ac proinde essentielles: licet enim per illas determinationes specificetur quòd sanguis qui est in calice, sit idem ac ille qui effusus est; hoc tamen non est essenziale ad Eucharistiam, & sic cum solis primis potest fieri consecratio. Quòd si, dum proferuntur hæc omnia verba, teneatur calix præ manibus, hoc non importat, quòd sint de essentia Sacramenti; aliàs particula, enim, esset etiam de essentia, sed hoc fit ad maiorem explicationem formæ præcedentis. Adde quòd in Ecclesia Græca fuerunt viri pietate insignes, qui talia verba sequentia omiserunt.

Ex dictis constat quòd si quis diceret, *Hic calix est novum testamentum in meo sanguine*, vt Lucas & Paulus dixerunt, fieret consecratio; non enim mutatur sensus substantialis, sed idem est, ac si diceretur, *Hic est calix Christi, quo novum testamentum sancitum est*; qui tamen sic ageret, graviter peccaret contra vsum Ecclesiæ & determinationes Conciliorum. Porro, quando dicitur, *Hic est calix meus*; hoc est per metonymiam, vbi sumitur continens pro contento, itaut sit sensus; *sanguis meus est in calice*.

CONCLUSIO TERTIA;

Verba quæ profert Sacerdos, proferuntur in persona Christi, non tantum recitatiue, sed effectiue, & per pronomina *Hoc* & *Hic*, non significantur, nec panis, nec vinum, nec corpus, nec sanguis, nec species, sed significatur confuse contentum sub speciebus. Ratio primi est, quia si Sacerdos verba proferret in nomine suo, corpus Christi non esset, sed corpus Sacerdotis dicentis, *Hoc est corpus meum*. Ratio secundi est, quia si verba proferrentur tantum recitatiue, non efficerent corpus Christi esse sub speciebus panis, & sanguinem sub speciebus vini; ergo proferuntur, nedum significatiue, sed insuper effectiue: signifi-
ca-

catiuè quidem, vt insinuetur quid fecit Christus; effectiuè verò, faciendo scilicet quod Christus ipse fecit & transubstantiando panem & vinum in corpus & sanguinem Christi. Vt autem hæc verba verè significant, sufficit quòd in fine prolationis verborum, corpus & sanguis adsint. Quoad alias partes conclusionis; per *hoc*, non intelligitur panis, quia panis non est Corpus Christi; non intelligitur etiam Corpus Christi, quia hoc faceret hunc sensum, *Hoc corpus meum, est corpus meum*; non etiam intelligitur species, quia non est verum dicere quòd species sint corpus Christi; remanet ergo quòd pronomen, *Hoc*, designetur quod est confuse contentum sub speciebus; ita vt sit sensus, *quod continetur sub speciebus est corpus meum*, seu *hoc corpus est corpus meum*, sicut quando dicitur, *hic homo est Petrus*; & tunc non est propositio identica, quia procedit de magis confuso ad minus confusum. Notandum tamen est, quòd si particula, *Hoc*, supponat pro contento sub speciebus, vel pro corpore indeterminato, illud intelligendum est non pro eo tempore quo ipsa particula proferatur, sed pro eo tempore quo omnia verba proferuntur, vnde quando pronomen, *Hoc*, profertur, est particula vaga; quæ habet significationem suspensam, donec determinetur à prædicato, nempe *corpus meum*, & pro tunc vera esse incipit hæc propositio, *hoc corpus est corpus meum*; hæc est enim natura propositionum effectiuarum.

Q V Æ S T I O I X.

An corpus Christi sit in Eucharistia.

CApharnaitæ concipere non valentes hanc veritatem, dixerunt de Christo promittente se daturum suam carnem manducandam & suum sanguinem potandum, *quomodo potest hic nobis suam carnem dare ad manducandum?* multi hæretici post illos insurrexerunt in Ecclesiam, præsertim Berengarius Archiepiscopus Andegauensis, & nostro penè sæculo Calvinus & Lutherus, cum hoc discrimine; quòd Calvinus credat, Christum esse in Eucharistia figuratum, & Lutherus impanatum; idest, primus asseruit nos habere tantum figuram corporis Christi.

portabile, sed Omphacium: non potest etiam fieri consecratio in liquore expresso ex vuis siccis, si possit aliquis exprimi; quia pro tunc sunt corruptæ, & talis liquor non esset vinum: non potest etiam fieri consequenter in aceto, non est enim amplius vinum, sed vinum corruptum; potest tamen fieri in musto, idest, in vino recenter ex vua expresso, licet non debeat fieri, nisi sit depuratum & coctum: potest etiam fieri in vino congelato, quia species congelatæ possunt retinere liquorem qui ante congelationem consecratur: ergo & ipsum sanguinem recipere possunt; & proinde in ijs fieri consecratio; quia sunt acta vinum & de facili portabile; non sic in Baptismo, quia ad Baptismum actualis ablutio requiritur.

CONCLUSIO QUINTA.

Parum aquæ debet admisceri vino, non quidem de necessitate Sacramenti, sed ex præcepto Ecclesiæ. Sic Conc. Trid. in Catechismo cap. de Eucharistia. Ecclesia autem hoc præcipiens secuta est exemplum Christi, qui consecrauit in vino aqua diluto, ut habet Concil. Carthag. can. 24. ut etiam ait Clemens Rom. lib. 8. Constitutionum Apostolicarum cap. 12. Si tamen hoc fecit Christus, non iussit ut fieret à nobis, ut patet ex Conc. Trid. sess. 22. cap. 1. dicente præceptum fuisse ab Ecclesia Sacerdotibus, ut aquam vino miscerent; & sic talis mixtio non est de necessitate Sacramenti, nec præcepti diuini, sed Ecclesiastici, quod ortum habuit ab Apostolis, ut scilicet repræsentetur sanguis & aqua è latere Christi fluentes, & unio Ecclesiæ cum Christo, per aquas enim populi significantur.

QVÆSTIO V.

Utrum materia consecranda debeat esse præsens sensibilis & determinata?

EX dictis in præcedenti quæstione constat, panem triticeum esse materiam Eucharistiæ, nec refert an sit fermentatus aut azymus quoad valorem Sacramenti; licet esset peccatum non seruare morem
suum

tuæ Ecclesiæ: quamquam verum sit dicere, quod Græcus apud Latinos existens possit in azymo celebrare, secundum hoc dictum: *Cum fueris Roma, Romano vivito more*. Constat etiam vinum esse materiam, etiamsi fuerit miraculosè productum: ut vinum nuptiarum Canæ in Galilæa; non tamen vinum nimis coctum erit materia propria, quia mutavit speciem vini. Quoad quantitatem panis & vini consecrandi, neminem latet, quamlibet magnam quantitatem panis & vini posse consecrari; quia non est repugnantia ex parte materiæ, cum sit apta ad consecrandū, sicut & quælibet minima pars: non est etiam repugnantia ex parte formæ, quia verba consecrationis possunt proferri super quamlibet quantitatem: nec denique repugnat ex parte Ministri, cum possit habere intentionem consecrandi quamlibet quantitatem. Hoc tamen licitè fieri non potest; qui enim in tanta quantitate consecraret, quæ non posset in tempore opportuno sumi, graviter peccaret, faceret enim iniuriam tanto Sacramento, cum species possent corrumpi, & Sacramentum desinere sine usu, qui est secundarius finis Eucharistiæ; ubi productio corporis Christi est finis primarius. An autem fieri possit talis consecratio in minima parte panis aut vini, resolver

CONCLUSIO PRIMA.

QUæcumque pars quantumvis parva panis, potest esse materia consecrationis, modò sit sensibilis. Ratio primi est, quia quælibet parva quantitas est panis, & panis est materia apta. Ratio secundi est, quia si tam exigua esset, ut non posset videri, aut tangi, non posset designari à Sacerdote, & sic non posset dicere, *Hoc est corpus meum*. Deinde, ex definitione Sacramenti, Sacramentum debet esse signum sensibile: ergo & materia eius sensibilis; si tamen minima pars manet unita toti, etiamsi esset ita exigua, ut non posset tangi & videri, sub ea posset recipi & conseruari corpus Christi, quia illa esset semper sensibilis, si non respectu sui, saltem respectu totius. Sic etiam dicendum est de minima guttula vini; Non verò idem est sentiendum de minima gutta aquæ respectu Baptismi, quia Ba-
ptismus

consecratio. Vnde certum est primò, quòd ille qui ex decem hostijs vellet tantum quatuor consecrare, non determinando quas vellet, nullam consecraret. Certum est secundò, quòd qui vellet vnam partem vini aut panis consecrare, non determinando qualem partem, non consecraret, benè autem si determinaret illam aut illam partem; licèt difficile esset partem consecratam à non consecrata discernere, grauitèr tamen peccaret. Certum est tertio quòd qui tres hostias teneret, putans esse tantum vnam, quia simul iunctæ sunt, omnes consecraret; præsumitur enim ex virtuali intentione, quam habet consecrandi quod tenet; deinde habent rationem vnius: si haberet tamen intentionem explicitam consecrandi tantum hostiam quam videt, aliæ duæ non essent consecratæ. Certum est tandem, quòd si Sacerdos multas ad altare tulerit hostias cum animo illas consecrandi, & dùm consecrat, intendit consecrare eam quam habet præ manibus, non cogitando de alijs, omnes consecrat propter virtuale intentionem actu contrario non reuocatam.

QVÆSTIO VI.

Verum necessariò debeant simul consecrari panis & vinum?

HÆc quæstio non intelligitur de necessitate Sacramenti; si quis enim tantum panem consecraret aut vinum, esset verum & perfectum Sacramentum, quia contineret corpus Christi & ipsius sanguinem: esset inquam, perfectum in primaria significatione, quia Christum præsentem significaret; non in secundaria, quoniam significat secundario refectionem quæ in corporalibus fieri solet ex potu & cibo: loquimur ergo de necessitate præcepti.

CONCLUSIO.

DE præcepto, tum diuino, tum etiam Ecclesiastico, debent consecrati simul panis & vinum. Primum conceditur ab omnibus, excepto Nauarro & certis quibusdam. Et ratio nostra est, quia de iure diuino debet fieri sacrificium quotiescumque fit con-

secratio, vt patet ex his verbis, *Hoc facite in meam commemorationem*, vbi Christus ostendit sacerdotem debere consecrare offerendo & consecrando, secundum Conc. Trid. sess. 22. c. 1. sed sacrificium non esset perfectum sine consecratione vtriusque, ad sacrificium enim requiritur mactatio hostiæ, vnde sicut Christus mactatus fuit in morte, & ipsius sanguis à corpore separatus; ita in sacrificio Missæ fieri debet eadem separatio: vnde vi verborum solum corpus est sub specie panis, & solus sanguis sub specie vini, licet per concomitantiam corpus, & sanguis sint sub vtraque specie: ergo non potest fieri consecratio ex solo pane. Secundum verò habetur ex iure Canonico cap. *Comperimus* de Consecratione dist. 2. vbi habetur quod conficiens sub vna tantum specie, committit sacrilegium graue; non est autem peccatum nisi per violationem præcepti: ergo consecratio in pane & vino est necessaria necessitate præcepti Ecclesiastici.

Obijc. Si Sacerdos non posset consecrare vnam tantum speciem, non posset etiam communicare in vnica specie, sed potest hoc sicut & Laicus: ergo & illud. Respondeo concedendo sequelam maioris, quia sacrificium non perficitur sola oblatione, sed & consumptione; vnde vt perfectum sit sacrificium, debet sumere vtramque speciem: ad minorem verò dico, quod Sacerdos non celebrans possit communicare sub vna specie sicut Laicus, & pro tunc Eucharistia est tantum Sacramentum, non verò sacrificium. Vnde ex dictis patet, quod Sacerdos habens tantum panem & non vinum, non debeat consecrare panem ad communicandum infirmum; tale enim præceptum tantum obligat, quando est commoditas sine aliquo peccato. Si quis dicat, Christum consecrassse sub sola specie panis in Castello Emmaus: Respondendum est, quod hoc potuit facere ex potestate excellentiæ, quæ non competit alteri à Christo. An autem summus Pontifex possit in hoc casu dispensare; alij hoc probabile tenent, sed melius alij negant.

Q V Æ S T I O VII.

*An aqua admixta vino conuertatur immediatè
in sanguinem?*

Diximus quòd ex præcepto debeat admisceri aqua cum sanguine, saltem necessitate præcepti, an autem illa aqua conuertatur in sanguinem immediatè, vel primò in vinum & postea in sanguinem: aliqui primum tenuerunt, dicentes, quòd si aqua admixta sit in vino in tanta quantitate, vt non sit conuersa in vinum ante verba consecrationis, transubstantietur immediatè in sanguinem per ipsa verba: alij contrarium probabilius tenent.

C O N C L U S I O.

Aqua non conuertitur immediatè in sanguinem, quia materia huius Sacramenti non est aqua, sed vinum, vt diximus; & sic aqua non est consecrabilis: vnde debet infundi in calicem in quantitate ita modica, vt faciliè ante consecrationem in vinum mutari possit; quod si non mutetur, vt potest accidere propter vini tenuitatem & nimiam aquam, pro tunc remanet aqua pura in calice. Vbi notandum est, quòd licet aqua non conuertatur in vinum ante consecrationem; possit tamen conuerti in illud post illam, quia species consecratae vini, in quibus admixta est aqua, possunt tam diu remanere sine consumptione, quòd ipsa aqua per virtutem specierum vini desinat esse aqua & fiat vinum, quoniam in illis speciebus consecratis remanet virtus ad generandum vinum, ac si substantia vini adesset, Deo scilicet supplente aliquid ex parte specierum, sicut supplet reuerà, quando ex speciebus corruptis vini acetum generatur, & ex speciebus panis generantur vermes: & sic non est dicendum, quòd post consecrationem aqua, quæ non potuit antea conuerti in vinum, postea conuertatur in sanguinem Christi; quia verba consecratoria iam prolata sunt, & nil manet quòd possit illam aquam transubstantiare in sanguinem.

Obijc. Si aqua quæ ante consecrationem non muta-

tur in vinum, remaneret aqua, totum illud quod est in calice, non posset adorari. Respondeo, quod adoratur tantum illud quod est consecratum; unde nec musca adoraretur si incidisset in calicem. Si dicas, ergo si remaneret aqua, Sacerdos hauriens sanguinem cum illa aqua, non esset ieiunus, & ideo non posset celebrare alias Missas in Natiuitate Domini; Respondebitur, præsumi semper ieiunum, quia aqua præsumitur conuersa in vinum ante consecrationem.

QVÆSTIO VIII.

Quanam sit forma Eucharistiæ?

Lutherani & Caluinistæ putant recitandam esse hystoriam Eucharisticę institutionis, quę sic incipit, *Ego enim accepi à Domino quod & tradidi vobis, &c.* Differunt tamen Caluinistæ in eo quod proferunt ea verba per modum concionis & instructionis, vt audientes habeant in memoria id quod fecit Christus; Lutherani verò proferunt per modum consecrationis, quia efficiunt id quod significant.

CONCLUSIO PRIMA.

Forma consecrationis panis sunt hæc verba: *Hoc est corpus meum.* Quoad particulam, *enim*, est tantum ex institutione Petri, volentis coniungere hæc verba cum præcedentibus. Ratio est, quia talibus verbis vsus est Christus, & per illa consecrauit. Deinde, illa verba sunt forma Eucharistiæ, quæ faciunt corpus Christi præsens in illa: verba autem allata hoc faciunt; significant enim corpus Christi ibi esse præsens, & verba consecratoria faciunt id quod significant. Quoad ista verba antecedentia, *Qui pridie quàm pateretur*, non sunt verba Christi, sed Apostolorum, quæ enuntiant quomodo & quando consecrauerit Christus. Quoad ista, *Accipite & manducate*, non sunt de essentia formæ, quia omittuntur à Luca; qui tamen ea omitteret, peccaret grauiter.

Obijc. Si hæc verba, *Hoc est corpus meum*, efficiunt corpus Christi præsens; vel hoc efficiunt vt sunt vera, vel vt sunt falsa; non vt sunt falsa; aliàs corpus Chri-

Christi non esset præsens; non etiam ut sunt vera; quia sequeretur corpus Christi esse præsens antequam proferrantur verba: propositio enim vera, est ea quæ enuntiat obiectum esse tale quale enuntiat. Respondeo, hanc propositionem operari suum effectum in quantum est vera, non quidem veritate antecedente verborum prolationem, sed veritate concomitante & immediatè sequente talem prolationem: est enim hæc differentia inter propositionem speculatiuam & practicam, quòd prima supponat obiectum esse tale antequam enuntietur, secunda verò faciat obiectum tale: illa autem propositio, *Hoc est corpus meum*; est effectiua, non speculatiua tantum. Ex dictis patet, verba præallata requiri necessariò, & non debere in illis fieri mutationem substantialem; unde nil fit dicendo, *Hoc est corpus Christi*, quia illa verba non proferuntur in persona Christi, quod requiritur. Nihil fit etiam dicendo, *Accipite hoc corpus meum*, quia hæc verba non denotant productionem corporis Christi; supponitur enim antea productum esse. Nil fit etiam dicendo, *Hoc sit corpus meum*, non denotatur enim productio. Nec valet dicendo, *Hic panis est corpus meum*, vel *hoc sit corpus meum*, vel *conficite corpus meum*; mutatur enim sensus formæ, quæ debet exprimi in facto esse, ut fecit Christus. Isti autem modi loquendi essent validi, *Hic cibus est corpus meum*, *idud est corpus meum*, *hic est corpus meum*; *hic est corpus meus*, *hic est corpus meum*: modò *Hic* non sumatur aduerbialiter, sed loco pronominis, modò etiam istæ pronuntiationes incongruæ fiant solum ex imperitia, & non ex praua intentione ministri.

CONCLUSIO SECVNDA.

Hæc sola verba, *Hic est calix sanguinis mei*, vel *hic est sanguis meus*, sunt forma respectu vini; sic Scotus contra D. Thomam & aliquos, qui dicunt verba sequentia vsque ad ista, *Hæc quotiescumque feceritis*, esse de essentia Sacramenti. Ratio nostra est, quia per verba sola præallata redditur sanguis præsens; verba enim consecrationis faciunt id quod significant; sed hæc verba, *Hic est calix sanguinis mei*; significant sanguinem Christi esse præsentem: ergo in illis consistit præcisè forma: quia tamen supra

hoc est dissentio inter Theologos, idè quando quis consecrat, non debet habere intentionem cum solis primis verbis, vel cum omnibus necessario, ne se exponat periculo: sed debet intendere consecrationem facere cum illis verbis quæ instituit Christus, siue sint sola prima, siue sint etiam sequentia. Nec dicat D. Thomas hæc verba sequentia, *Novi & æterni testamenti*, esse determinationes prædicati, ac proinde essentielles: licèt enim per illas determinationes specificetur quòd sanguis qui est in calice, sit idem ac ille qui effusus est; hoc tamen non est essenziale ad Eucharistiam, & sic cum solis primis potest fieri consecratio. Quòd si, dum proferuntur hæc omnia verba, teneatur calix præ manibus, hoc non importat, quòd sint de essentia Sacramenti; aliàs particula, *enim*, esset etiam de essentia, sed hoc fit ad maiorem explicationem formæ præcedentis. Adde quòd in Ecclesia Græca fuerunt viri pietate insignes, qui talia verba sequentia omiserunt.

Ex dictis constat quòd si quis diceret, *Hic calix est novum testamentum in meo sanguine*, vt Lucas & Paulus dixerunt, fieret consecratio; non enim mutatur sensus substantialis, sed idem est, ac si diceretur, *Hic est calix Christi, quo novum testamentum sancitum est*; qui tamen sic ageret, grauitè peccaret contra vsum Ecclesiæ & determinationes Conciliorum. Porro, quando dicitur, *Hic est calix meus*; hoc est per metonymiam, vbi sumitur continens pro contento, itaut sit sensus; *sanguis meus est in calice*.

CONCLUSIO TERTIA.

Verba quæ profert Sacerdos, proferuntur in persona Christi, non tantum recitatiue, sed effectiue, & per pronomina *Hoc* & *Hic*, non significantur, nec panis, nec vinum, nec corpus, nec sanguis, nec species, sed significatur confusè contentum sub speciebus. Ratio primi est, quia si Sacerdos verba proferret in nomine suo, corpus Christi non esset, sed corpus Sacerdotis dicentis, *Hoc est corpus meum*. Ratio secundi est, quia si verba proferrentur tantum recitatiue, non efficerent corpus Christi esse sub speciebus panis, & sanguinem sub speciebus vini; ergo proferuntur, nedum significatiue, sed insuper effectiue: signifi-
ca-

catiue quidem, vt insinuetur quid fecit Christus; effectiue verò, faciendo scilicet quod Christus ipse fecit & transubstantiando panem & vinum in corpus & sanguinem Christi. Vt autem hæc verba verè significant, sufficit quòd in fine prolationis verborum, corpus & sanguis adsint. Quoad alias partes conclusionis; per *hoc*, non intelligitur panis, quia panis non est Corpus Christi; non intelligitur etiam Corpus Christi, quia hoc faceret hunc sensum, *Hoc corpus meum. est corpus meum*; non etiam intelligitur species, quia non est verum dicere quòd species sint corpus Christi; remanet ergo quòd pronomen, *Hoc*, designetur quod est confusè contentum sub speciebus; ita vt sit sensus, *quod continetur sub speciebus est corpus meum*, seu *hoc corpus est corpus meum*, sicut quando dicitur, *hic homo est Petrus*; & tunc non est propositio identica, quia procedit de magis confuso ad minus confusum. Notandum tamen est, quòd si particula, *Hoc*, supponat pro contento sub speciebus, vel pro corpore indeterminato, illud intelligendum est non pro eo tempore quo ipsa particula proferatur, sed pro eo tempore quo omnia verba proferuntur, vnde quando pronomen, *Hoc*, proferitur, est particula vaga; quæ habet significationem suspensam, donec determinetur à prædicato, nempe *corpus meum*, & pro tunc vera esse incipit hæc propositio, *hoc corpus est corpus meum*; hæc est enim natura propositionum effectiuarum.

Q V Æ S T I O I X.

An corpus Christi sit in Eucharistia.

CApharnaitæ concipere non valentes hanc veritatem, dixerunt de Christo promittente se daturum suam carnem manducandam & suum sanguinem potandum, *quomodo potest hic nobis suam carnem dare ad manducandum?* multi hæretici post illos insurrexerunt in Ecclesiam, præsertim Berengarius Archidiaconus Andegauensis, & nostro penè sæculo Calvinus & Lutherus, cum hoc discrimine; quòd Calvinus credat, Christum esse in Eucharistia figuratum, & Lutherus impanatum; idest, primus asseruit nos habere tantum figuram corporis Christi.

in Sacramento, non verò realitatem; secundus autem, qui tenet corpus Christi esse realiter in Eucharistia, credit substantiam panis remanere cum substantia corporis Christi: vterque Hæresiarcha refutatur in præsentî quæstione & in sequenti.

CONCLUSIO.

Corpus Christi verè & realiter est in Eucharistia. Ioan. 6. *Panis quem ego dabo caro mea est; ibidem, nisi manducaueritis carnem filij hominis, non habebitis vitam in vobis*: non potest autem manducari, nisi sit præsens in Sacramento. Rursus ibidem, *caro mea verè est cibus*; idem habent verba institutionis Eucharistiæ 1. ad Corinth. 11. *Accipite & manducate, hoc est corpus meum*. Nec hoc explicent aduersarij de figura corporis Christi; Primò, quia Calvinus dicit scripturam esse ita intelligibilem, vt explicari non debeat; cum ergo Christus dicat *Hoc est corpus meum*, quomodo hoc explicat Calvinus de figura? Secundò, quia Christus hoc dixit cum esset moriturus: ergo debebat perspicuè loqui, & non vti figuris, vt ipse promisit Ioan. 12; *Venit hora cum iam non in proverbijis loquar vobis*. Tertiò, quia Eucharistiæ institutio erat testamentum Christi, vel saltem confirmatio testamenti illius, vt habetur Lucæ 22. *Hic calix est novum testamentum in meo sanguine*, sed testamentum debet fieri verbis perspicuis, & clausulæ eius debent sumi ad litteram, vt habet Paulus ad Galatas dicens, *Nemo superordinet testamento hominis*; id est, glossam non imponat; maxima ergo temeritas est Caluino, dum præsumit explicare testamentum Christi. Quartò, quia si testator legasset alicui amico suam domum, nonne esset ridiculum, si executor testamenti prætenderet testatorem voluisse tantum legare figuram suæ domus? Quintò, quia si Eucharistia esset tantum figura corporis Christi; nihil haberet Eucharistia supra manna, quod fuit certè figura corporis Christi. Sextò, quia si Christus voluisset tantum loqui de figura corporis sui, videns Capharnaitas sese scandalizare ex suis dictis, debuisset ad tollendum scandalum, explicare suam mentem, & dicere se daturum non corpus suum realiter, sed figuram corporis sui: & per talem explicationem, Capharnaitæ rediissent

sent ad Christum, à quo per prima verba recesserant; attamen ex Scriptura patet, quòd Christus non explicuerit suum dictum, imò illud per iuramentum confirmauerit, subiungens; *Amen, amen dico vobis, nisi manducaueritis carnem filij hominis, non habebitis vitam in vobis*. Septimò, quia non est recurrendum ad figuras; vbi nulla est repugnantia; non autem repugnat quòd Christus dederit realiter suum corpus. Octauò, quia leges à prudentibus & sapientibus latae debent ferri per verba clara, nè quis ex verborum ambiguitate legem violet; Christus autem Sacramentum instituens, legem tulit, dicens Apostolis, *hoc facite*. Nonò, quia rex verax & probus, qui seriò promississet pecuniam & daret tantum figuram eius, illuderet, sed Christus, qui est rex regum & veritas ipsamet, seriò promissit carnem suam, Ioann. 6. *Panis, quem ego dabo, caro mea est*: ergo si daret solum panem, qui esset figura carnis suae, illuderet Ecclesiae. Decimò, quia Christus egisset indignè cum Ecclesia, quam vocat suam sponsam, si reliquisset illam in errore per spatium quindecim saeculorum & ultra, vsque scilicet ad tempus Caluini, & hoc ex occasione suorum verborum, quae Ecclesia Romana nudè & literaliter & sine ulla explicatione voluit credere, tanquam sponsa fidelissima verbis sui sponsi. Vndecimò, quia in nostra mente Catholica fuerunt Patres cuiuscumque saeculi, quos recensere prolixius esset, & eo inutilius quod de facili videri possunt apud Bellarminum tomo 2. fol. 40. Duodecimò tandem, quia veritas nostrae fidei habetur ex liturgiis cuiuscumque Ecclesiae, vt videre est apud eundem Bellarminum praecitatum.

Obijc. 1. ex Matth. 4. *Si quis vobis dixerit, ecce hic est Christus, aut illic, nolite credere*: ergo non sunt credendi illi, qui dicunt Christum esse in Sacramento. Resp. Matthaeum loqui de Pseudochristis, idest, de peruersis hominibus, qui se dicunt Christum; non de Christo in Eucharistia. Dices, ergo sensus nostri falluntur, si non sit panis, sed Christus. Resp. non falli, quia vident accidentia panis; sed falleretur intellectus, si non obstante dicto Christi, crederet sub accidentibus panis non esse corpus eius. Dices, quod intrat in os, in ventrem vadit, & in secessum emittitur, quod non est dicendum de corpore Christi. Respon-

ideo, Corpus Christi non eijci, quia definit esse eo instanti quo species corruptæ sunt, sed eijcitur id in quod conuersæ sunt species. post sui corruptionem. Dices: indignum est, Christi corpus manibus impuri hominis tractari? Respondeo dignum esse charitate illius,

Obijc. 2. hæc verba, *Hoc est corpus meum*, debere intelligi per fidem, & non realiter carnem Christi manducari, Ioann. enim 6. habetur, *Caro non prodest quidquam? spiritus est qui viuificat: verba, quæ ego loquor vobis, spiritus & vita sunt*. Respondet Chrysostomus Homil. 26. in Ioan. hoc non dici de ipsa carne Christi; aliàs non profuisset in morte, sed de his qui carnaliter accipiunt; quasi sit sensus, cognitio carnalis & habita per sensus, nil prodest ad hoc mysterium capiendum, sed fides requiritur; quando etiã dicit Christus, *Verba quæ ego loquor vobis, spiritus & vita sunt*; si per hoc intendisset demonstrare, corpus suum esse in pane per solam fidem, aut figuram; per hanc explicationem placasset animos discipulorum, quod tamen non fecit; quia abierunt; sed hoc dixit, ut refelleret Gapharnaitas, qui putabant Christum carnem suam daturum modo cruento & sensibili, sicut carnem communem.

Obijc. 3. Christum in institutione Eucharistiæ loquutum fuisse per figuras, quia quando loquitur de sanguine, loquitur de calice, accipiens continens pro contento: ergo etiam in pane vsus fuit figura. Respondeo, quod sit reuera vsus figura respectu calicis. sed illa figura omnibus constat, & est modus loquendi vsitatus apud homines, qui tradentes lagenam plenam vino, dicunt: accipe vinum. Dices ex 1. ad Corinth. 10. *Patres nostri*, inquit Paulus, *eamdem escam manducauerunt*, sed Iudæi habuerunt tantum figuram corporis Christi: ergo & nos habemus tantum figuram. Respondeo manducauerunt eamdem escam inter se concedo: ac nos, nego. *Aliud est enim*, inquit Augustinus, *Pascha quod celebrat Iudæus in oue, aliud quod sumimus in corpore & sanguine*:

Obijc. 4. Verbum, est, sumitur in Scriptura pro significat, ut Genes. 41. *Septem spica sunt septem anni*; Lucæ 3. *Semen est verbum Dei*, id est significat, sicut quando Christus dicit, *Ego sum ostium, vitis, pastor*. Respondeo reuera, quod particula, est, aliquando
idem

idem sit ac significat, non quòd Christus in allatis exemplis significet ostium vel vitem, quia figuratum est nobilius figura, sed quia ostium est figura Christi; aliquando tamen non sumitur *est*, pro significat, ut quando Pater dixit, *hic est Filius meus dilectus*; sic etiam in consecratione, hoc verbum substantivum sumitur propriè secundum Concilia, & Patres cuiuscumque sæculi. Porro hæc particula, *est*, sumitur pro significat in parabolis, & Parabolæ scripturæ dignoscuntur per applicationem factam in antecedentibus vel subsequentibus verbis: nulla autem sunt verba antecedentia vel subsequenta, quæ indicent Christum loqui parabolicè, quando dixit; *Accipite & manducate*.

Obijc. 5. Christus porrigens calicem dedit tantum vinum potandum: ergo dedit tantum panem manducandum. Antecedens patet ex verbis Christi dicentis, *Non bibam amodò de hoc genimine vitis*: ergo erat vinum. Respondeo 1. Christum accepisse duabus vitibus calicem, secundum dictum Lucæ cap. 22. Primò, accepit calicem in cœna communi, & pro tunc dixit, *non bibam amodò*, &c. secundò, accepit calicem quem consecrauit, & pro tunc non protulit illa verba. Quod si ex Matthæo, Christus dixerit hæc verba, dum protulit calicem quem prætendimus consecratum; hoc est quia iste Evangelista non exprimit diffusè ea quæ fecit Christus. Respondeo secundò; vocare potuit Christus suum sanguinem, genimen vitis seu vinum. Primò, quia ex vino factus est. Secundò, quia accidentia vini in illo remanserunt. Quòd si Christus dixerit Lucæ 22. *Hoc facite in meam commemorationem*, hoc non debet intelligi quasi Eucharistia sit memoria Christi absentis, sed quia repetitio eiusdem sacrificij incruenti quod fecit Christus.

Obijc. 6. ex Tertull. lib. 1. contra Marcionem, Christum representare in pane corpus suum, & alibi, nobis dedisse figuram Corporis sui, & alios Patres idem sentientes. Resp. Christum representare corpus, id est, præsens exhibere, sicut dicitur quòd Pater in Thabor filium representauerit; quòd si vocent figuram corporis; hoc est: figuram plenam figurato; nam aliquando stat veritas cum figura, ut ad Hebræos 1. *Christus dicitur figura substantia Patris*, licet Christus

esset ipsa met substantia Patris. Si dicat August. tract. 25. in Ioann. *Quid paras dentes & ventrem? crede & manducaſti*; Respondendum est, quòd Augustinus per primam partem suæ propositionis, voluerit refutare eruentam manducationem Capharnaitarum, docens corpus Christi non atteri dentibus: Per secundam verò insinuauit, fidem esse necessariam ad effectum huius Sacramenti. Quod autem Augustinus, super quem malè interpretatum fundantur hæretici, non excludat realitatem, patet, in Psalmum enim 98. habet, *Christus ipsam carnem manducandam nobis ad salutem dedit*. Et concione 1. super Psalm. 33. *Ferebatur*, inquit, *manibus suis, quando ait: Accipite, hæc est corpus meum*; quòsi si autem Patres obscure locuti fuerunt in hac materia, hoc consultò fecerunt ne proderent arcana nostræ religionis infidelibus, qui ad eorum cognitionem non erant idonei; vnde Theodoretus dialogo 1. dicit, non esse consentaneum loqui apertè, nam hic fortè sunt aliqui infideles qui forsitan illos vocassent infanticidas & idololatras, colentes Bacchum & sanguinem.

Q V Æ S T I O X.

An corpus Christi sit in Sacramento per impanationem, annihilationem, aut transubstantiationem?

LVtherus primum asseruit, ut diximus, Durandus putauit formam substantialem panis conuersam esse in formam substantialem corporis Christi, remansisse tamen materiam, sicut in conuersionibus communibus fit. Alij tenuerunt, non remanere materiam aut formam panis, sed totum panem annihilari, & postea produci totum corpus Christi, ita quod essent duæ actiones. Alij tandem transubstantiationem admittunt, dicentes panem non annihilari, sed totum conuerti in corpus Christi: hoc aperietur in sequentibus conclusionibus.

C O N C L U S I O P R I M A.

Corpus Christi non est in Eucharistia per impanationem, quia nec totus panis remanet, ut vult Lutherus, nec materia prima panis, ut vult Durandus.

dus. Ratio nostra contra primum petitur ex verbis Christi dicentis, *Hoc est corpus meum*; si enim ibi esset panis, falsò diceret, *Hoc est corpus meum*; panis enim non est corpus Christi, nec corpus Christi est panis; deinde si esset substantia panis in Eucharistia; homo post sumptionem non esset ieiunus. Ratio contra Durandum sumitur ex Concilio Tridentino sessionis 13. canon. 2. vbi habetur, *Si quis dixerit in Sacramento Eucharistia substantiam panis & vini remanere, negaueritque mirabilem illam conuersionem totius substantia panis & vini in corpus & sanguinem Christi, remanentibus dumtaxat speciebus panis & vini, Anathema sit*. Quoniam ergo species panis & vini remanent, nec panis nec materia eius supersunt. Quòd si Eucharistia dicatur panis apud Paulum, *Quotiescumque manducabitis panem hunc &c.* Dicitur primò panis transitiuè idest, id quod antea erat panis. Secundò dicitur panis extrinsecè, quia remanent accidentia panis. Tertiò dicitur panis analogicè, quia sicut panis nutrit corpus, sic Eucharistia nutrit animam. Quòd si Gelasius Papa dicat manere naturam panis, idest, proprietates, quæ vocantur natura, sicut illi qui agunt de proprietatibus plantarum, dicuntur agere de plantarum natura. Si Chrysostomus dicat, in hac conuersione sunt quæ erant; hoc est, quoad speciem externam, non quoad substantiam. Si Durandus dicat, in omni mutatione manere subiectum commune, idest, materiam; hoc verum est in mutatione naturali. Si dicat Damascenus libr. 4. de fide cap. 4. mutari panem in carnem, sicut in nutritione hominis, vbi remanet materia; hoc dicit analogicè, vt ostendat esse mutationem realem, non tamen est omnimoda similitudo, ibi enim est transformatio, & hic est transubstantiatio.

CONCLUSIO SECVNDA.

Corpus Christi non est in Eucharistia per annihilationem panis, sed per transubstantiationem. Ratio primi est, quia essent duæ actiones, per quarum primam annihilaretur panis, & per secundam produceretur corpus, communiter tamen assignant Catholici vnã tantum, quam transubstantiationem vocamus. Deinde, terminus ad quem annihilationis est

est purum nihil, & in consecratione terminus ad quem, est corpus Christi in quod panis conuertitur. Tandem, si panis non mutaretur totaliter in corpus Christi, non esset vera transubstantiatio. Non tamen negamus, quin in transubstantiatione virtualiter includatur desitio vnius, nempe panis, & positio alterius, nempe corporis Christi; sed quia productio corporis Christi fit ex pane, ideo non est propriè creatio, quæ debet ex nihilo fieri; & quia etiam destructio panis non terminatur ad purum nihil, sed ad corpus Christi, ideo non est formalis annihilatio. Ratio secundi sumitur ex dictis, quia si corpus Christi non sit in Eucharistia per impanationem, nec per annihilationem & creationem, superest illud ibi esse per transubstantiationem; ut habet Concil. Trident. sess. 13. can. 2. Sic & antiqui patres docentes, substantiam panis & vini conuertere in corpus & sanguinem Christi, remanentibus solis speciebus. Quod si illi Patres non vtantur explicite hoc nomine transubstantiationis, vtuntur tamen significatione nominis, dicentes, solas species panis & vini remanere; si enim solæ species remaneant, nihil remanet de substantia panis, quando autem tota substantia vnius in totam substantiam alterius mutatur, hæc conuersio iure vocatur transubstantiatio.

Q V Æ S T I O XI.

Quæ sint in Eucharistia vi verborum, & quæ per concomitantiam?

DE fide est, Christum esse in Sacramento Eucharistia, & consequenter sunt in eo corpus eius, anima, sanguis, & diuinitas; postquam enim resurrexit, iam non moritur: cum sit ergo viuus in Eucharistia, debet habere animam, sanguinem & corpus; corpus autem, sanguis, & anima, non sunt sine diuinitate, quod semel enim assumpsit Verbum diuinum, nunquam dimisit; sed quærimus, quænam sint precise tum sub specie panis, tum sub specie vini, vi verborum, & quæ per concomitantiam.

CONCLUSIO.

Sub specie panis vi verborum est solum corpus Christi, & sub specie vini solus sanguis; per concomitantiam verò sub specie panis est sanguis, & sub specie vini est corpus, & sub utraque specie est anima & diuinitas. Sic Concil. Tridentinum sess. 13 c. 13. *Statim, inquit, post consecrationem Domini nostri corpus, eiusque sanguinem, sub panis & vini specie, una cum ipsius anima & diuinitate existere, docet fides Catholica; sed corpus sub specie panis, & sanguinem sub specie vini ex vi verborum: ipsum autem corpus sub specie vini, & sanguinem sub specie panis, animamque sub utraque, ut naturalis illius connexionis & concomitantia, qua partes Christi Domini, qui iam resurrexit non amplius moriturus, inter se copulantur: diuinitatem porro, propter admirabilem illam eius cum corpore & anima unionem hypostaticam.* Posita hac determinatione, nulla requiritur ratio probatiua nostræ conclusionis, quia Catholici non possunt repugnare Concilio, & hæresici non disputant de hac veritate, non credentes ipsum Christum esse præsentem in Eucharistia; posset tamen hæc assignari ratio, quòd scilicet verba ex propria sua virtute faciunt tantum id quod significant; sed verba quæ præferuntur super panem, significant tantum præsentiam corporis Christi, & verba prolata super vinum, denotant tantum præsentiam sanguinis: ergo hoc tantum efficiunt, & sic ex vi verborum est solum corpus sub specie panis, & solus sanguis sub specie vini; vnde si Apostoli consecrassent intriduo, sanguis & anima Christi, non fuissent sub hostia, licet fuisset diuinitas quæ non dimisit corpus in sepulchro, nec animam in lybo. Deinde, si ex vi verborum sanguis esset cum corpore, Christus non esset in Sacramento ut immolatus; ideò enim in Eucharistia est sacrificium, quia mysticè separantur corpus & sanguis Christi, vi verborum scilicet; talis tamen separatio, quæ sit vi verborum, non impedit quin hæc omnia sint simul, corpus, sanguis, anima & diuinitas, quia est idem Christus in Sacramento ac in celo.

Obije. Anima est forma corporis: ergo si corpus
sit

sit sub specie panis vi verborum, anima etiam erit; Respondeo, animam non esse formam corporis, sed esse formam hominis; sine anima enim corpus habet formam corporeitatis, quæ ponitur reuera in Sacramento vi verborum cum organis suis corporalibus; vnde corpus Christi in Eucharistia est organicum, non tamen Christus est organicè in Sacramento: est inquam organicum, quia habet omnia organa quæ habet in cælo; non est tamen organicè, quia non potest vti organis suis; non est enim extensum extrinsecè. Dices, Sanguis requiritur ad rationem corporis: ergo vi verborum, vbi est corpus, ibi est sanguis. Respondeo, distinguendo; est de ratione corporis viui, conc. immolati, neg. In Sacramento autem est vt immolatum, vnde nec sanguis est illi necessarius, nec alij humores. Dices, ergo corpus Christi ex his in Eucharistia scilicet vi verborum sub specie panis, & per concomitantiam sub specie vini. Respondeo esse bis, sed diuerso modo.

Q V Æ S T I O XII.

An Christus sit in singulis partibus hostiæ ante diuisionem?

Constat, Christum esse sub singulis partibus hostiæ post diuisionem eius: quantumcumque enim diuidatur hostia, modò partes sint sensibiles, manet semper Christi corpus totum sub qualibet: an autem sit etiam in illis partibus singulis ante diuisionem, queritur.

C O N C L V S I O.

Corpus Christi est totum sub qualibet parte ante diuisionem, quia si esset vna pars corporis in vna parte hostiæ & alia pars in altera parte, frangeretur corpus ad fractionem hostiæ. Deinde ex hoc sequeretur, quòd esset commensuratiuè in hostia, quia vna pars corresponderet vni parti hostiæ, & altera alteri, & tunc esset maior in magna hostia, & minor in parua. Tandem, corpus Christi est totum in qualibet parte hostiæ post diuisionem: ergo & ante; quia
non

non possunt esse plures præsentie corporis Christi, nisi sint plures prolationes verborum super plures materias; nec est eadem ratio de specie reflectente in speculo, quæ est tota in toto & tota in qualibet parte post diuisionem, non ante; quia multiplicatio faciei procedit ex reflectione specierum in corpore lucido, vnde quia ante diuisionem erat tantum vnum corpus lucidum continuum, erat tantum vna reflexio; postquam autem separatum est speculum, corpus tot producit reflexiones, quot sunt corpora lucida: in proposito autem nulla est productio de nouo, quando hostia est diuisa in partes: quoniam ergo videtur quod corpus Christi sit totum sub qualibet parte post diuisionem hostiæ, debuit esse totum sub qualibet parte ante diuisionem, aliàs essent plures præsentialitates corporis Christi nouæ, sine noua prolatione verborum.

Obije, Si corpus Christi ante diuisionem hostiæ, sit in qualibet parte totum: ergo est multoties in hostia. Respondeo, negando consequentiam, quia numerus non resultat nisi post diuisionem; non enim anima est pluries in corpore, licet sit tota in toto & tota in qualibet parte: dicendum ergo est sic de Christo, quod sit tantum semel in hostia; est enim in Eucharistia ad modum substantiæ spiritualis, quoniam denudatur omni quantitate externa.

QVÆSTIO XIII.

Verum corpus Christi habeat suam quantitatem in Eucharistia?

CORPUS Christi non existit sub Sacramento circumscriptiue; quia præsentia circumscriptiua est, quando vna pars locati respondet vni parti loci, & alia alteri; licet possit dici esse circumscriptiue, ratione specierum quæ sunt in loco circumscriptiue. Non est etiam definitiue in Eucharistia, quia quod est definitiue in vno loco, non est in alio; sed dicitur esse sacramentaliter, id est modo quodam admirabili & ineffabili per modum substantiæ spiritualis, quoniã est totum sub tota hostia, & totum sub qualibet parte; ita tamen vt sit actualiter in pluribus alijs locis eodem modo; An habeat autem quantitatem in

in Sacramento, non verò realitatem; secundus autem, qui tenet corpus Christi esse realiter in Eucharistia, credit substantiam panis remanere cum substantia corporis Christi: vterque Hæresiarcha refutatur in præsentì quæstione & in sequenti.

CONCLUSIO.

Corpus Christi verè & realiter est in Eucharistia. Ioan. 6. *Panis quem ego dabo caro mea est*; ibidem, *nisi manducaueritis carnem filij hominis, non habebitis vitam in vobis*: non potest autem manducari, nisi sit præsens in Sacramento. Rursus ibidem, *caro mea verè est cibus*; idem habent verba institutionis Eucharistiæ 1. ad Corinth. 11. *Accipite & manducate, hoc est corpus meum*. Nec hoc explicent aduersarij de figura corporis Christi; Primò, quia Calvinus dicit scripturam esse ita intelligibilem, vt explicari non debeat; cum ergo Christus dicat *Hoc est corpus meum*, quomodo hoc explicat Calvinus de figura? Secundò, quia Christus hoc dixit cum esset moriturus: ergo debebat perspicuè loqui, & non vti figuris, vt ipse promissit Ioan. 12; *Venit hora cum iam non in prouerbijis loquar vobis*. Tertiò, quia Eucharistiæ institutio erat testamentum Christi, vel saltem confirmatio testamenti illius, vt habetur Lucæ 22. *Hic calix est novum testamentum in meo sanguine*, sed testamentum debet fieri verbis perspicuis, & clausulæ eius debent sumi ad litteram, vt habet Paulus ad Galatas dicens, *Nemo superordinet testamento hominis*; id est, glossam non imponat; maxima ergo temeritas est Caluino, dum præsumit explicare testamentum Christi. Quartò, quia si testator legasset alicui amico suam domum, nonne esset ridiculum, si executor testamenti prætenderet testatorem voluisse tantum legare figuram suæ domus? Quintò, quia si Eucharistia esset tantum figura corporis Christi, nihil haberet Eucharistia supra manna, quod fuit certè figura corporis Christi. Sextò, quia si Christus voluisset tantum loqui de figura corporis sui, videns Capharnaitas sese scandalizare ex suis dictis, debuisset ad tollendum scandalum, explicare suam mentem, & dicere se daturum non corpus suum realiter, sed figuram corporis sui: & per talem explicationem, Capharnaitæ rediissent

sent ad Christum, à quo per prima verba recesserant; attamen ex Scriptura patet, quòd Christus non explicuerit suum dictum, imò illud per iuramentum confirmauerit, subiungens; *Amen, amen dico vobis, nisi manducaueritis carnem filij hominis, non habebitis vitam in vobis*. Septimò, quia non est recurrendum ad figuras; vbi nulla est repugnantia; non autem repugnat quòd Christus dederit realiter suum corpus. Octauò, quia leges à prudentibus & sapientibus latae debent ferri per verba clara, nè quis ex verborum ambiguitate legem violet; Christus autem Sacramentum instituens, legem tulit, dicens Apostolis, *hoc facite*. Nonò, quia rex verax & probus, qui seriò promississet pecuniam & daret tantum figuram eius, illuderet, sed Christus, qui est rex regum & veritas ipsamet, seriò promissit carnem suam, Ioann. 6. *Panis, quem ego dabo, caro mea est*: ergo si daret solum panem, qui esset figura carnis suæ, illuderet Ecclesiæ. Decimò, quia Christus egisset indignè cum Ecclesia, quam vocat suam sponsam, si reliquisset illam in errore per spatium quindecim sæculorum & ultra, vsque scilicet ad tempus Caluini, & hoc ex occasione suorum verborum, quæ Ecclesia Romana nudè & literaliter & sine vlla explicatione voluit credere, tanquam sponsa fidelissima verbis sui sponsi. Vndecimò, quia in nostra mente Catholica fuerunt Patres cuiuscumque sæculi, quos recensere prolixius esset, & eo inutilius quod de facili videri possunt apud Bellarminum tomo 2. fol. 40. Duodecimò tandem, quia veritas nostræ fidei habetur ex liturgiis cuiuscumque Ecclesiæ, vt videre est apud eundem Bellarminum præcitatum.

Obijc. 1. ex Matth. 4. *Si quis vobis dixerit, ecce hic est Christus, aut illic, nolite credere*: ergo non sunt credendi illi, qui dicunt Christum esse in Sacramento. Resp. Matthæum loqui de Pseudochristis, id est, de peruersis hominibus, qui se dicunt Christum; non de Christo in Eucharistia. Dices, ergo sensus nostri falluntur, si non sit panis, sed Christus. Resp. non falli, quia vident accidentia panis; sed falleretur intellectus, si non obstante dicto Christi, crederet sub accidentibus panis non esse corpus eius. Dices, *quod intrat in os, in ventrem vadit, & in secessum emittitur*, quod non est dicendum de corpore Christi. Respon-

ideo. Corpus Christi non eiici, quia definit esse eo instanti quo species corruptæ sunt, sed eiicitur id in quod conuersæ sunt species post sui corruptionem. Dices: indignum est, Christi corpus manibus impuri hominis tractari? Respondeo dignum esse charitate illius,

Obijc. 2. hæc verba, *Hoc est corpus meum*, debere intelligi per fidem, & non realiter carnem Christi manducari, Ioann. enim 6. habetur, *Caro non prodest quidquam? spiritus est qui uiuificat: verba, quæ ego loquor vobis, spiritus & vita sunt*. Respondet Chrysostomus Homil. 26. in Ioan. hoc non dici de ipsa carne Christi; aliàs non profuisset in morte, sed de his qui carnaliter accipiunt; quasi sit sensus, cognitio carnalis & habita per sensus, nil prodest ad hoc mysterium capiendum, sed fides requiritur; quando etiã dicit Christus, *Verba quæ ego loquor vobis, spiritus & vita sunt*; si per hoc intendisset demonstrare, corpus suum esse in pane per solam fidem, aut figuram; per hanc explicationem placasset animos discipulorum, quod tamen non fecit; quia abierunt; sed hoc dixit, ut refelleret Capharnaitas, qui putabant Christum carnem suam daturum modo cruento & sensibili, sicut carnem communem.

Obijc. 3. Christum in institutione Eucharistiæ loquutum fuisse per figuras, quia quando loquitur de sanguine, loquitur de calice, accipiens continens pro contento: ergo etiam in pane vsus fuit figura. Respondeo, quod sit reuera vsus figura respectu calicis. sed illa figura omnibus constat, & est modus loquendi vsitatus apud homines, qui tradentes lagenam plenam vino, dicunt: accipe vinum. Dices ex 1. ad Corinth. 10. *Patres nostri*, inquit Paulus, *eamdem escam manducauerunt*, sed Iudæi habuerunt tantum figuram corporis Christi: ergo & nos habemus tantum figuram. Respondeo manducauerunt eamdem escam inter se concedo: ac nos, nego. *Aliud est enim*, inquit Augustinus, *Pascha quod celebrat Iudæus in oue, aliud quod sumimus in corpore & sanguine*:

Obijc. 4. Verbum, est, sumitur in Scriptura pro significat, ut Genes. 41. *Septem spica sunt septem anni*; Lucæ 3. *Semen est verbum Dei*, id est significat, sicut quando Christus dicit, *Ego sum ostium, vitis, pastor*. Respondeo reuera, quod particula, est, aliquando idem

idem sit ac significat, non quòd Christus in allatis exemplis significet ostium vel vitem, quia figuratum est nobilius figura, sed quia ostium est figura Christi; aliquando tamen non sumitur *est*, pro significat, ut quando Pater dixit, *hic est Filius meus dilectus*; sic etiam in consecratione, hoc verbum substantivum sumitur propriè secundum Concilia, & Patres cuiuscumque sæculi. Porro hæc particula, *est*, sumitur pro significat in parabolis, & Parabolæ scripturæ dignoscuntur per applicationem factam in antecedentibus vel subsequenter verbis: nulla autem sunt verba antecedentia vel subsequenter, quæ indicent Christum loqui parabolicè, quando dixit; *Accipite & manducate*.

Obijc. 5. Christus porrigens calicem dedit tantum vinum potandum: ergo dedit tantum panem manducandum. Antecedens patet ex verbis Christi dicentis, *Non bibam amodò de hoc genimine vitis*: ergo erat vinum. Respondeo 1. Christum accepisse duabus vitibus calicem, secundum dictum Lucæ cap. 22. Primò, accepit calicem in cœna communi, & pro tunc dixit, *non bibam amodò*, &c. secundò, accepit calicem quem consecrauit, & pro tunc non protulit illa verba. Quod si ex Matthæo, Christus dixerit hæc verba, dum protulit calicem quem prætendimus consecratum; hoc est quia iste Evangelista non exprimit diffusè ea quæ fecit Christus. Respondeo secundò; vocare potuit Christus suum sanguinem, genimen vitis seu vinum. Primò, quia ex vino factus est. Secundò, quia accidentia vini in illo remanserunt. Quod si Christus dixerit Lucæ 22. *Hoc facite in meam commemorationem*, hoc non debet intelligi quasi Eucharistia sit memoria Christi absentis, sed quia repetitio eiusdem sacrificij incruenti quod fecit Christus.

Obijc. 6. ex Tertull. lib. 1. contra Marcionem, Christum representare in pane corpus suum, & alibi, nobis dedisse figuram Corporis sui, & alios Patres idem sentientes. Resp. Christum representare corpus, id est, præsens exhibere, sicut dicitur quòd Pater in Thabor filium representauerit; quòd si vocent figuram corporis; hoc est: figuram plenam figurato; nam aliquando stat veritas cum figura, ut ad Hebræos 1. *Christus dicitur figura substantia Patris*, licet Christus

esset ipsamet substantia Patris. Si dicat August. tract. 25. in Ioann. *Quid paras dentes & ventrem? crede & manducaſti*; Respondendum est, quòd Augustinus per primam partem suæ propositionis, voluerit refutare eruentam manducationem Capharnaitarum, docens corpus Christi non atteri dentibus: Per secundam verò insinuauit, fidem esse necessariam ad effectum huius Sacramenti. Quod autem Augustinus, super quem malè interpretatum fundantur hæretici, non excludat realitatem, patet, in Psalmum enim 98. habet, *Christus ipsam carnem manducandam nobis ad salutem dedit*. Et concione 1. super Psalm. 33. *Ferebatur*, inquit, *manibus suis, quando ait: Accipite, hæc est corpus meum*; quòsi si autem Patres obscure locuti fuerunt in hac materia, hoc consultò fecerunt ne proderent arcana nostræ religionis infidelibus, qui ad eorum cognitionem non erant idonei; vnde Theodoretus dialogo 1. dicit, non esse consentaneum loqui apertè, nam hic fortè sunt aliqui infideles qui forsitan illos vocassent infanticidas & idololatras, colentes Bacchum & sanguinem.

Q V Æ S T I O X.

An corpus Christi sit in Sacramento per impanationem, annihilationem, aut transubstantiationem?

LVtherus primum asseruit, vt diximus, Durandus putauit formam substantialem panis conuersam esse in formam substantialem corporis Christi, remansisse tamen materiam, sicut in conuersionibus communibus fit. Alij tenuerunt, non remanere materiam aut formam panis, sed totum panem annihilari, & postea produci totum corpus Christi, ita quod essent duæ actiones. Alij tandem transubstantiationem admittunt, dicentes panem non annihilari, sed totum conuerti in corpus Christi: hoc aperietur in sequentibus conclusionibus.

C O N C L V S I O P R I M A.

Corpus Christi non est in Eucharistia per impanationem, quia nec totus panis remanet, vt vult Lutherus, nec materia prima panis, vt vult Durandus.

dus. Ratio nostra contra primum petitur ex verbis Christi dicentis, *Hoc est corpus meum*; si enim ibi esset panis, falsò diceret, *Hoc est corpus meum*; panis enim non est corpus Christi, nec corpus Christi est panis; deinde si esset substantia panis in Eucharistia; homo post sumptionem non esset ieiunus. Ratio contra Durandum sumitur ex Concilio Tridentino sessionis 13. canon. 2. vbi habetur, *Si quis dixerit in Sacramento Eucharistia substantiam panis & vini remanere, negaueritque mirabilem illam conuersionem totius substantia panis & vini in corpus & sanguinem Christi, remanentibus dumtaxat speciebus panis & vini, Anathema sit*. Quoniam ergo species panis & vini remanent, nec panis nec materia eius supersunt. Quòd si Eucharistia dicatur panis apud Paulum, *Quotiescumque manducabitis panem hunc &c.* Dicitur primò panis transitiuè idest, id quod antea erat panis. Secundò dicitur panis extrinsecè, quia remanent accidentia panis. Tertiò dicitur panis analogicè, quia sicut panis nutrit corpus, sic Eucharistia nutrit animam. Quòd si Gelasius Papa dicat manere naturam panis, idest, proprietates, quæ vocantur natura, sicut illi qui agunt de proprietatibus plantarum, dicuntur agere de plantarum natura. Si Chrysostomus dicat, in hac conuersione sunt quæ erant; hoc est, quoad speciem externam, non quoad substantiam. Si Durandus dicat, in omni mutatione manere subiectum commune, idest, materiam; hoc verum est in mutatione naturali. Si dicat Damascenus libr. 4. de fide cap. 4. mutari panem in carnem, sicut in nutritione hominis, vbi remanet materia; hoc dicit analogicè, vt ostendat esse mutationem realem, non tamen est omnimoda similitudo, ibi enim est transformatio, & hic est transubstantiatio.

CONCLUSIO SECUNDA.

COrpus Christi non est in Eucharistia per annihilationem panis, sed per transubstantiationem. Ratio primi est, quia essent duæ actiones, per quarum primam annihilaretur panis, & per secundam produceretur corpus, communiter tamen assignant Catholici vnã tantum, quam transubstantiationem vocamus. Deinde, terminus ad quem annihilationis est

est purum nihil, & in consecratione terminus ad quem, est corpus Christi in quod panis conuertitur. Tandem, si panis non mutaretur totaliter in corpus Christi, non esset vera transubstantiatio. Non tamen negamus, quin in transubstantiatione virtualiter includatur desitio vnius, nempe panis, & positio alterius, nempe corporis Christi; sed quia productio corporis Christi fit ex pane, ideo non est propriè creatio, quæ debet ex nihilo fieri; & quia etiam destructio panis non terminatur ad purum nihil, sed ad corpus Christi, ideo non est formalis annihilatio. Ratio secundi sumitur ex dictis, quia si corpus Christi non sit in Eucharistia per impanationem, nec per annihilationem & creationem, superest illud ibi esse per transubstantiationem, vt habet Concil. Trident. sess. 13. can. 2. Sic & antiqui patres docentes, substantiam panis & vini conuertere in corpus & sanguinem Christi, remanentibus solis speciebus. Quod si illi Patres non vrantur explicite hoc nomine transubstantiationis, vrantur tamen significatione nominis, dicentes, solas species panis & vini remanere; si enim solæ species remaneant, nihil remanet de substantia panis, quando autem tota substantia vnius in totam substantiam alterius mutatur, hæc conuersio iure vocatur transubstantiatio.

Q V Æ S T I O XI.

Quæ sint in Eucharistia vi verborum, & quæ per concomitantiam?

DE fide est, Christum esse in Sacramento Eucharistiae, & consequenter sunt in eo corpus eius, anima, sanguis, & diuinitas; postquam enim resurrexit, iam non moritur: cum sit ergo viuus in Eucharistia, debet habere animam, sanguinem & corpus; corpus autem, sanguis, & anima, non sunt sine diuinitate, quod semel enim assumpsit Verbum diuinum, nunquam dimisit; sed querimus, quænam sint præcisè tum sub specie panis, tum sub specie vini, vi verborum, & quæ per concomitantiam.

CONCLUSIO.

Sub specie panis vi verborum est solum corpus Christi, & sub specie vini solus sanguis; per concomitantiam verò sub specie panis est sanguis, & sub specie vini est corpus, & sub utraque specie est anima & diuinitas. Sic Concil. Tridentinum sess. 13 c. 13. *Statim, inquit, post consecrationem Domini nostri corpus, eiusque sanguinem, sub panis & vini specie, unà cum ipsius anima & diuinitate existere, docet fides Catholica, sed corpus sub specie panis, & sanguinem sub specie vini ex vi verborum: ipsum autem corpus sub specie vini, & sanguinem sub specie panis, animamque sub utraque, ut naturalis illius connexionis & concomitantia, qua partes Christi Domini, qui iam resurrexit non amplius moriturus, inter se copulantur: diuinitatem porro, propter admirabilem illam eius cum corpore & anima unionem hypostaticam.* Posita hac determinatione, nulla requiritur ratio probatiua nostræ conclusionis, quia Catholici non possunt repugnare Concilio, & hæretici non disputant de hac veritate, non credentes ipsum Christum esse præsentem in Eucharistia; posset tamen hæc assignari ratio, quòd scilicet verba ex propria sua virtute faciunt tantum id quod significant; sed verba quæ præferuntur super panem, significant tantum præsentiam corporis Christi, & verba prolata super vinum, denotant tantum præsentiam sanguinis: ergo hoc tantum efficiunt, & sic ex vi verborum est solum corpus sub specie panis, & solus sanguis sub specie vini; vnde si Apostoli consecrassent in triduo, sanguis & anima Christi, non fuissent sub hostia, licet fuisset diuinitas quæ non dimisit corpus in sepulchro, nec animam in limbo. Deinde, si ex vi verborum sanguis esset cum corpore, Christus non esset in Sacramento ut immolatus; ideo enim in Eucharistia est sacrificium, quia mysticè separantur corpus & sanguis Christi, vi verborum scilicet; talis tamen separatio, quæ fit vi verborum, non impedit quin hæc omnia sint simul. corpus, sanguis, anima & diuinitas, quia est idem Christus in Sacramento ac in celo.

Obijc. Anima est forma corporis: ergo si corpus sit

non possunt esse plures presentie corporis Christi, nisi sint plures prolationes verborum super plures materias; nec est eadem ratio de specie reflectente in speculo, quæ est tota in toto & tota in qualibet parte post diuisionem, non ante; quia multiplicatio faciei procedit ex reflectione specierum in corpore lucido, vnde quia ante diuisionem erat tantum vnum corpus lucidum continuum, erat tantum vna reflexio; postquam autem separatum est speculum, corpus tot producit reflexiones, quot sunt corpora lucida: in proposito autem nulla est productio de nouo, quando hostia est diuisa in partes: quoniam ergo videtur quod corpus Christi sit totum sub qualibet parte post diuisionem hostiæ, debuit esse totum sub qualibet parte ante diuisionem, aliàs essent plures presentialitates corporis Christi nouæ, sine noua prolatione verborum.

Obijc. Si corpus Christi ante diuisionem hostiæ, sit in qualibet parte totum: ergo est multoties in hostia. Respondeo, negando consequentiam, quia numerus non resultat nisi post diuisionem; non enim anima est pluries in corpore, licet sit tota in toto & tota in qualibet parte: dicendum ergo est sic de Christo, quod sit tantum semel in hostia; est enim in Eucharistia ad modum substantiæ spiritualis, quoniam denudatur omni quantitate externa.

QVÆSTIO XIII.

Verum corpus Christi habeat suam quantitatem in Eucharistia?

COrpus Christi non existit sub Sacramento circumscriptiuè; quia presentia circumscriptiuæ est, quando vna pars locati respondet vni parti loci, & alia alteri; licet possit dici esse circumscriptiuè, ratione specierum quæ sunt in loco circumscriptiuè. Non est etiam definitiuè in Eucharistia, quia quod est definitiuè in vno loco, non est in alio; sed dicitur esse sacramentaliter, id est modo quodam admirabili & ineffabili per modum substantiæ spiritualis, quoniã est totum sub tota hostia, & totum sub qualibet parte; ita tamen vt sit actualiter in pluribus alijs locis eodem modo; An habeat autem quantitatem in

in Eucharistia, antequam solvatur, sciendum est esse duplicem quantitatem; internam nimirum & externam; prima distinguit partes à partibus in ordine ad se; easque ordinat, ita ut non confundantur; secunda verò extendit substantiam & eius partes in ordine ad locum, ita ut una pars respondeat uni parti loci, & alia alteri.

CONCLUSIO.

Christus non habet in Sacramento quantitatem externam, bene autem internam; non enim est extensum corpus Christi in ordine ad locum, quasi una pars ipsius corporis correspondeat uni parti hostiæ, aliàs non esset totum sub qualibet parte, ut diximus, & sic non habet quantitatem externam: habet tamen internam in quantum corpus Christi est animatum & organicum; & proinde in certa quantitate, saltem intrinseca; in quantum partes eius non confunduntur, sed distinguuntur; caput enim non est humerus, nec humeri brachia, sicut nec brachia pedes; licet ubi sit unum, ibi sit aliud: Alij hanc veritatem explicant, dicentes, Christum habere quantitatem in Eucharistia, non modum quantitativum, intelligentes per quantitatem, extensionem partium in ordine ad se; & per modum quantitativum, extensionem in ordine ad locum.

Obijc. Si Christus habet aliquam quantitatem, erunt duæ quantitates simul, quia species, sub quibus est corpus Christi, habent suam propriam quantitatem. Respondeo duas quantitates posse simul esse, quando una est interna, & alia externa, ut in proposito: & exemplum habetur de hac penetratione dimensionum, seu quantitatum, quando corpus Christi exiit de sepulchro; erat enim quantitas lapidis penetrati cum quantitate corporis Christi penetrantis.



QVÆSTIO XIV.

Quanam prædicata verificentur de Christo in Eucharistia?

QUædam sunt prædicata quæ concernunt motum & existentiam, vt esse sursum, deorsum, in sacrario, &c. Alia sunt prædicata, quæ sunt propria & absoluta specierum, vt esse albas, rotundas, &c. Alia tandem quæ ostendunt actionem & passionem, vt v. g. generare vermes, & lacerari. Quanam debeant dici de Christo, vel de corpore Christi, assignabitur.

CONCLUSIO.

IN prædicatis quæ concernunt existentiam & motum specierum, quæ dicuntur de speciebus, dicuntur de corpore Christi; & sic, sicut species dicuntur esse in sacrario, sursum, deorsum, deferri ad infirmum, ore sumi, trahi ad stomachum, hæc omnia dicuntur de Christo & de corpore eius: quia moto continente, mouetur contentum, moto dolio mouetur vinum. Prædicata quæ sunt propria & absoluta speciebus, licet competant illis, non tamen affirmantur de corpore Christi; vnde quoniam albedo, rotunditas, sapor sunt veluti qualitates absolutæ specierum, quæ conueniunt illis, idè dicuntur albæ, rotundæ, & sapidæ; non tamen conueniunt corpori Christi, quod non debet vocari nec rotundum, nec album, nec sapidum. Prædicata quæ important actionem aut passionem, conueniunt speciebus, non corpori Christi; & sic licet species dicantur generare vermes, & atteri dentibus & lacerari, hoc non debet dici de corpore Christi. Ad tales enim actiones & passiones requiritur extensio localis, quam non habet corpus Christi: potest tamen improprie & per denominationem extrinsecam dici, quod corpus Christi frangatur; sic in sacrificio Missæ celebrato ritu D. Ambrosij, Sacerdos dicit ad Christum, *Corpus tuum frangitur! ô Christe!* Si quis quærat rationem, quare species possunt dici rotundæ, & non corpus Christi; est, quia istæ locutiones & ista prædicata non supponunt pro con-

116 DE SACRAMENTIS:
tento sub speciebus , sed tantum pro ipsi quantitate
panis, quæ est subiectum accidentium.

QVÆSTIO XV.

*Verum corpus Christi dicatur agere , pati, &
moueri?*

OMnis actio vel est sensitiva , vt est visio , au-
ditio , &c. vel spiritalis ; vt intellectio & vo-
litio . Quærimus , vtrum tales actiones possit elicere
Christus ; & insuper , vtrum possit esse subiectum
aliquarum actionum nostrarum : v.g. videri , aut tan-
gi , & consequenter pati . Quærimus denique , an
corpus Christi possit de loco in locum moueri .

CONCLUSIO PRIMA .

Actiones intellectiuas potest elicere Christus , vt
est in Sacramento ; non verò sensitivas , nisi
de potentia Dei absoluta . Ratio primi est , quia
anima Christi intelligit sicut Angelus , independen-
ter à sensibus ; talis enim dependentia tollitur in bea-
tis ; vnde licet Christus in Eucharistia sit modo inex-
tensio potest elicere actiones vitales spirituales . Ra-
tio secundi est , quia sensus externi agunt per species,
quæ sunt materiales & quantæ , & sic debent recipi
in organo quanto & diuisibili , sicut autem corpus
Christi non est extensum in Eucharistia , sic nec orga-
na habet extensa : ergo nec videre , nec audire potest,
vt est in Sacramento ; licet Christus in Sacramento
videat per operationem quam habet in cœlo , quo-
niam est vnum & idem corpus numero in cœlo ac in
Sacramento ; & hoc est quod dicunt communiter au-
thores , Christus operari per concomitantiam in Sa-
cramento . Ratio tertij est , quia nulla est contradi-
ctio , quin per absolutam Dei potentiam possit Deus
imprimere species obiectorum spoliatas sua quanti-
tate externa in organa inextensa Christi .

CON-

CONCLUSIO SECUNDA.

Corpus Christi, ut est in Sacramento, non potest alterari ab agentibus naturalibus, nec videri ab oculo corporeo; nec intelligi cognitione naturali. Primum dicitur, quia alteratio requirit contactum corporeum & quantitativum; sed corpus Christi non potest tangi per modum quantitativum, quandoquidem est inextensum: ergo nec alterari. Secundum asseritur propter eandem rationem, quia oculus corporeus tendit tantum in res quae divisibili modo existunt. Tertium tandem affirmatur eodem argumento, quia cognitio naturalis ortum habet à sensibus: si ergo corpus Christi non potest percipi sensu corporeo, nec consequenter poterit cognosci naturaliter. Super visionem Christi in Eucharistia, D. Thomas asserit, quando apparet visibiliter, miraculosè tamen, figura Christi, Christum non videri in se, nec eius sanguinem aut carnem, sed tantum colorem & figuram ipsum referentem, & quod pro tunc non sunt consumendæ species illæ, sed servandæ in loco decenti, & novus panis iterum consecrandus est, ut perficiatur sacrificium.

CONCLUSIO TERTIA.

Corpus Christi movetur quidem ad motum specierum, non tamen à Sacerdote, quasi Sacerdos movens species, moueat & corpus; sed movetur à Deo, qui statuit, quod quotiescumque moverentur species, ipse moveret corpus; & hoc per idem miraculum continuatum, quo univit corpus Christi cum speciebus ex sua sola voluntate; sic Scotus, cuius ratio hæc est: Quando aliqua duo coniunguntur tantum contingenter per voluntatem superioris, si vnum illorum sit proportionatum volenti, & aliud improportionatum, movens movendo proportionatum, non propter hoc movet aliud per accidens, sed est ipsum superius, quod univit cum alio quod etiam movet aliud, scilicet improportionatum, ad motum proportionati; sed corpus Christi univertur contingenter cum speciebus per voluntatem Dei tanquam superioris, & corpus illud est impro-

portionatum illi qui mouet species, quandoquidem est inextensum: ergo quando sacerdos mouet species, non est ipse qui mouet corpus, sed est Deus qui mouet illud. Exemplificat Scotus de Angelo, qui vult se vnire lapidi per voluntatem, qui fert illum lapidem, non fert Angelum, sed est ipse Angelus qui se mouet ad motum lapidis.

Obijc. Moto aliquo, mouetur per accidens quod est in illo: ergo Sacerdos mouens species mouet per accidens corpus Christi. Antecedens est verum, quando contentum est in continente, vel vt forma, vel vt pars, vel est necessarium coniunctum illi, aut contingenter per voluntatem alterius, non verò per suam propriam voluntatem: Christus autem est coniunctus speciebus per voluntatem suam, & Dei concurrentis cum illo; vnde si moueatur, non mouetur per accidens à sacerdote.

Dices, homo in naui est coniunctus naui per voluntatem, attamen naui mouet illum per accidens: ergo, &c. Respondeo, hoc esse verum, quia virtus fluctuum maris mouens nauim, posset hominem seorsim mouere, & sic mouet hominem per accidens; sacerdos verò non posset seorsim mouere corpus Christi, quia est inextensum: deinde corpus Christi non est sub speciebus tanquam in continente; est enim æqualiter in superficie specierum ac in profunditate, & hoc soluit vtramque obiectionem.

Dices, Mouetur anima ad motum corporis, licet si improporcionata mouenti. Respondeo, hoc fieri quia facit vnum per se cum illo, corpus autem & species non faciunt vnum physicum, sed tantum vnum morale: vnde non debet vnquam dici quòd corpus moueatur à Sacerdote, quia motio corporis fit per membra organica, quæ habent extensionem.

Q V Æ S T I O XVI.

An accidentia sint sine subiecto in Eucharistia?

Dvplex est subiectum accidentium, mediatum, scilicet & immediatum: Mediatum est substantia cui inhæret tota collectio accidentium; substantia enim dicitur, & à subsistendo per se, & à sustentando accidentia. Immediatum verò est quantitas,

ritas, cui insunt alia accidentia; color enim, sapor, odor, & rotunditas insunt quantitati.

CONCLUSIO.

Accidentia in Eucharistia sunt sine subiecto mediato, non verò omnia sunt sine immediato. Primum patet, quia nulla substantia ibi est subiectum accidentium; non remanet enim substantia panis in qua sint; nec etiam corpus Christi est subiectum illorum, quoniam non est modo diuisibili & quantitativo in Eucharistia: ergo accidentia non habent subiectum mediatum: Secundum dicitur, quia omnia accidentia inhærent quantitati, tanquam subiecto immediato, & ipsa quantitas est sine vilo subiecto.

Obijc. Non possunt accidentia esse sine substantia: ergo non sunt sine subiecto in Eucharistia. Nego antecedens; quia accidentia habent aliquam entitatem absolutam distinctam ab entitate substantiæ, quam Deus potest conseruare sine entitate subiecti, & de facto conseruat, non eodem concursu quo conseruabat illa accidentia in subiecto, quia illud est naturale; sed alio quod est supernaturale & omnino miraculosum: & ex his patet inhærentiam saltem actualem non esse de essentia accidentis.

QVÆSTIO XVII.

Quamdiu maneat corpus Christi sub speciebus?

Incipit reuerà esse sub illis eo instanti quo completur prolatio verborum, quia tunc est sub speciebus, quando verba significant ibi esse corpus Christi, quoniam verba efficiunt id quod significant: quarimus autem quamdiu duret in illis.

CONCLUSIO.

TAndiu conseruatur corpus Christi sub speciebus, quamdiu conseruaretur substantia panis, si ibi adesset; quia Christus ex institutione Sacramenti succedit in locum panis: sicut ergo per quamlibet alterationem specierum non definit corpus, nisi

nisi per eam tantum, per quam desineret panis; non etiam desinit eo ipso quo in os recipitur, aut in ventrem traicitur, quia non ita statim desineret substantia panis; desinit autem, quando ex ipsis speciebus generantur vermes. Quod si vna pars specierum corrumpatur quibus vermes succedant, & alia pars specierum remaneat; desinit corpus Christi sub illis accidentibus, non verò sub istis quæ remanserunt. Quid autem fiat si vinum consecratum misceatur cum non consecrato? Respondent Doctores, quòd si misceatur cum vino eiusdem speciei, tamdiu remaneat sanguis, tamdiu remanet illud vinum, ita quod, si vna gutta consecrati misceatur cum magna quantitate non consecrati, manebit sanguis Christi sub accidentibus illius guttæ; quia si in illa gutta esset substantia vini, non destrueretur illa gutta per magnam quantitatem eiusdem vini, quoniam corruptio fit tantum à contrario. Vnde maior pars Doctorum dicit, quòd illa quantitas vini, cui admixta est gutta consecrata, debeat conservari ad pios usus, ob reuerentiam debitam speciebus consecratis; licet aliqui dicant posse administrari laicis, quia illa gutta habetur pro amissa, cum ignoretur quænam illa sit. Quòd si illa gutta vini consecrati misceatur cum alio vino alterius speciei, verbi gratia cum vino albo, quod à multis censetur esse diuersum specie à rubeo, dicunt quòd desineret esse sanguis Christi eo instanti quo desinerent esse species vini rubei, & ex illis fieret vinum album. Porro, an in illo casu debeat dici, quod sanguis Christi admisceatur cum vino: respondetur negatiuè; quia licet species vini consecrati misceantur cum vino non consecrato, substantia tamen sanguinis non miscetur, quia ea tantum misceri dicuntur, quorum extremitates coniunguntur; coniunctio autem fit tantum inter res quæ habent extensionem localem: cum ergo sanguis sit inextensus, non potest dici quòd misceatur cum vino.

QVÆSTIO XVIII.

Quomodo ex Speciebus generetur aliquid?

Species Sacramentales possunt nutrire, ut docet experientia; ex illis ergo potest produci sanguis, cum nutritio nihil sit aliud quàm conuersio alimenti in sanguinem, & sanguinis in substantiam aliti: ex speciebus etiam alteratis, & corruptis generantur vermes; & sic quærimus, quomodo hoc possit fieri, quia omnis generatio præsupponit materiam in qua forma substantialis rei genitæ recipiatur, ibi autem nulla est materia.

CONCLUSIO.

Quando ex speciebus producitur substantia, hoc fit ab agente supernaturali scilicet à Deo, qui eodem instanti quo species ita sunt alteratæ, ut non posset naturaliter sub eis conseruari panis substantia, si esset; & consequenter quo desinit esse corpus Christi, ibi creat materiam, eique vnit quantitatem panis & vini, & alias qualitates quæ inhærent illi pro eo instanti quo materia illa iam est ultimò disposita ad susceptionem illius formæ substantialis, quam Deus producit, & quam produxisset panis corruptus, si prius fuisset. An autem creetur eadem materia panis quæ antea fuit deperdita in consecratione, an alia de nouo producat? vtrumque potest fieri.

Quæres, quænam sit vnio inter species sacramentales, & ipsum Christum. Respondeo, non vniri vnione substantiali, quia hæc reperitur tantum inter substantias, & hic vniuntur accidentia: Non vniuntur etiam vnione accidentali, quia accidentia panis non afficiunt corpus Christi: Non vniuntur vnione sustentantis ad sustentatum, quia non corpus Christi, sed Deus sustentat illa accidentia, sed vniuntur tantum vnione extrinseca procedente ex diuina voluntate, quæ ordinauit ut esset corpus Christi, vbi essent species sacramentales.

QVÆSTIO XIX.

Quosnam effectus producat Eucharistia?

Forma Sacramenti Eucharistiæ producit præsentiam corporis Christi; verba enim prolata à Sacerdote faciunt Christum præsentem in altari; sed non loquimur de eo effectu formæ; bene autem de effectu producto per species consecratas. Prænotandum tamen est, Christum in Eucharistia tribus modis posse sumi: Primò; sacramentaliter tantum, seu materialiter, ut quando quis peccati conscius Eucharistiam sumit: Secundò, spiritualiter tantum, quomodo dicuntur sumere Christum illi, qui per affectum Christo uniuntur, & actu ipsum suscipere cupiunt: tertio, sumitur materialiter simul & spiritualiter, quando quis cum dispositione prævia recipit Sacramentum, & rem seu effectum Sacramenti. Hic ergo loquimur de effectu qui producitur per Eucharistiam tertio modo susceptam.

CONCLUSIO PRIMA.

Eucharistia non confert per se primam gratiam; potest tamen conferre per accidens; sed per se confert augmentum gratiæ. Tres sunt partes, quarum probatur prima, quia sumptio Eucharistiæ supponit hominem in gratia, unde vocatur sacramentum viuorum: deinde est cibus & alimentum animæ, cibus verò non dat vitam, sed illam conseruat & fortiozem reddit; & hoc quadrat diuo Paulo dicenti primæ ad Corinth. 11. *Probet autem seipsum homo, &c.* idest tollat peccatum, nè sit reus corporis & sanguinis Domini: si ergo tollat peccatum, ante sumptionem Eucharistiæ, gratia præcedit: ergo illam non confert per se. Secunda pars est omnium Doctorum existimantium, quòd ille qui bona fide se existimat contritum, & est tantum attritus, vi Sacramenti Eucharistiæ remittatur illi peccatum; quia Sacramenta conferunt gratiam ex opere operato, ergo illam producunt, ubi non ponitur obex; sed qui credit se esse contritum, vel attritum, & bene absolutum, & tamen non est contritus, nec bene absolutus, defectu iuris-

ditionis & intentionis ministri, non ponit obicem : ergo illi confertur prima gratia, & tollitur ab eo peccatum mortale, per receptionem Eucharistiæ, per quam fit de attrito contritus. Quoad tertiam partem, constat; quia Eucharistia sumitur per modum cibi, iuxta Ioannem dicentem, *Caro mea verè est cibus*, &c. cibus autem conseruat vitam corporalem & corroborat: ergo & Eucharistia vitam spiritualem gratiæ. Sic Concilium Tridentinum & omnes Doctores, asserentes Sacramenta mortuorum conferre gratiam ipsam. Quòd si Eucharistia dicatur delere peccata, ut habetur in consecratione calicis, *effundetur in remissionem peccatorum*: hoc intelligitur de cruenta effusione sanguinis Christi.

CONCLUSIO SECUNDA.

Eucharistia delet peccata venialia, aliquam poenam peccati tollit & gratiam Sacramentalem seu actualem confert. Sunt adhuc tres partes. Ratio primæ est, quia Eucharistia excitat nos ad actus Charitatis, & per tales actus Charitatis delentur peccata venialia; & sic illa tollit, mediatè saltem: Aliqui insuper Theologi addunt quòd tollat peccata venialia immediatè ex opere operato. Pro secunda parte, diximus quòd tollat aliquam poenam peccati, quòd potest intelligi dupliciter: Si enim Eucharistia sumatur pro sacrificio expiatorio, tollit ex opere operato poenam debitam peccatis, & tantam tollit, quantum vult Deus, vel Ecclesia quæ applicat sacrificium; si verò sumatur ut Sacramentum, non aufert poenam ex opere operato, sed ex opere operantis, iuxta valorem actuum amoris & charitatis quos in nobis excitat; non remittit tamen totam aliquando, aliàs non esset iniungenda poenitentia illis qui recipiunt Eucharistiam, sicut nec iniungitur adultis baptizatis; nec etiam concedendæ essent indulgentiæ, ad relaxandas poenas illorum qui communicant. Tandem pro tertia parte diximus quòd Eucharistia conferat gratiam Sacramentalem; hoc est enim commune omnibus Sacramentis, & conforme Concilio Tridentino, dicenti *ea conferre auxilia ad vitanda peccata & tentationes superandas*.

QVÆSTIO XX.

Quandenam Eucharistia producat suos effectus.

EX dictis patet, quòd Eucharistia plurimos effectus conferat; in quo autem tempore conferuntur? an illo in quo hostia ab ore traiecitur in stomachum? an in illo quo species manent in stomacho? an denique post consummationem specierum?

CONCLUSIO.

EVcharistia confert effectum, non quando recipitur in ore, sed quando traiecitur in stomachum; facta enim est promissio gratiæ; manducantibus, *Nisi manducaueritis carnem filij hominis, non habebitis vitam in vobis*. Manducatio autem non fit quando recipitur, vel retinetur alimentum in ore, nec quando alimentum est concoctum & digestum, sed quando defertur cibus in stomachum, ergo gratia communicatur in manducatione; in manducatione inquam prima, quando scilicet prima pars hostiæ; vel vna species deglutita est; in ea enim totus Christus residet. Ex quibus sequitur, quòd qui tam diu retinent hostiam in ore, vt corrumpantur species antequam deglutiantur, non recipiant fructum Eucharistiæ; nam gratia datur manducanti Sacramentum; non manducatur autem Sacramentum, quando non traieciuntur species in stomachum: ergo gratia non confertur. Quamdiu species manent in stomacho, non confertur maior gratia ex opere operato, etiamsi crescat dispositio & feruor subiecti; gratia enim confertur ex opere operato manducanti: potest tamen conferri ex opere operantis, in quantum per illud opus elicited in gratia meretur augmentum gratiæ. An autem qui sumpsit Eucharistiam in peccato, & conteritur antequam species sint digestæ in stomacho, recipiat gratiam virtutis Sacramenti; videtur quòd non, quia per solam manducationem confertur. An tandem qui manducando aliquam partem hostiæ est in peccato, & antequam alias partes, vel aliam speciem deglutiat, producit actum contritionis, recipiat gratiam ex vi

Sacramenti, controuertitur inter Doctores; negat enim Bonacina, quia totus, inquit, effectus Sacramenti producitur per sumptionem primæ partis; alij contrarium tenent, & in maiori numero, sicut & conferri maiorem gratiam, quando post sumptionem vnius speciei magis disponitur subiectum, ante sumptionem alterius: sic Caietanus, Suarez, Soto, Reginaldus & cæteri.

Q V Æ S T I O XXI.

Quanam dispositio requiritur in suscipiente?

AD hoc vt suscipiatur effectus huius Sacramenti tres in communi dispositiones requiruntur; prima vt suscipiens sit baptizatus, quia Baptismus est ianua Sacramentorum; secunda vt habeat intentionem recipiendi illud; tertia vt non sit conscius peccati mortalis, hoc enim Sacramentum vocatur Sacramentum viuorum.

C O N C L V S I O.

Non sufficit contritio de peccato antequam aliquis sumat Eucharistiam, sed debet ex præcepto Ecclesiæ præmittere confessionem, si adsit copia confessorij: & hoc est conforme Concil. Trident. sess. 13. cap. 7. imò docent Patres apud Suarem, hoc præceptum esse diuinum, latum scilicet à Christo, dicente apud D. Paulum, *Probet autem seipsum homo*. Quòd si copia Confessorij desit, debet præmitti contritionis actus cum proposito confitendi in prima occasione, & ille qui communicat tantum cum attritione cognita peccat mortaliter; ponit enim obicem gratiæ conferendæ per Eucharistiam; qui verò Eucharistiam sumit cum contritione tantum existimata, vel cum attritione quam ex ignorantia inuincibili sufficere putat, recipit effectum Sacramenti, quia bona fides excusat à peccato, & sic non ponit obicem; quia autem cum illa contritione vera vel existimata, debet includi votum de confessione facienda in prima occasione, reuerà debet illud votum impleri; hoc enim habet expressè Concilium Trident, dicens, *Quod si sacerdos absque prauia confes-*

sione, necessitate urgente, celebraverit; quamprimum confiteatur. Porro, qui sumit Eucharistiam, debet esse ieiunus, nedum ieiunio Ecclesiastico, quod consistit in vnica comestione, sed & naturali, consistente in abstinentia à quocumque cibo à media nocte: Ratio huius est, quia corpus & sanguis Christi debent esse primus fidelium cibus, idèò nullus cibus ante eum debet sumi, neque per modum alimenti, neque medicamenti. Quomodo autem frangatur ieiunium, vel non frangatur, docetur potius ex usu, quàm ex scientia. Illud autem præceptum est Ecclesiasticum, non Diuinum; vt patet ex Christo qui communicauit post cœnam, & ex primitiua Ecclesia, vbi aliquando sumpta fuit Eucharistia feria 5. in Cœna Domini post cœnam, ad repræsentationem Cœnæ Dominicæ, quod postea tamen reuocatum est in Concilio Tolerano. Quia antea diximus, neminem peccati mortalis conscium posse sumere Eucharistiam; ideo deneganda est Communio peccatori publico eam petenti.

Q V Æ S T I O XXII.

Quis sit minister Eucharistiæ?

IN alijs Sacramentis confectio & administratio Sacramenti ad eundem pertinent; qui conficit enim Sacramentum, dicitur minister eius: respectu autem Eucharistiæ alius potest esse minister conficiens, alius distribuens.

CONCLUSIO PRIMA.

Solus Sacerdos potest conficere Eucharistiam; solus enim Sacerdotibus dixit Christus, *Hoc facite*, per quod declarati sunt Sacerdotes; vnde Angelus non potest conficere, nisi ex speciali dispensatione diuina: sicut autem solus Sacerdos potest conficere Eucharistiam, sic etiam omnis potest, siue sit excommunicatus, degradatus, & hæreticus; habet enim semper ordinem Sacerdotalem, & consequenter potestatem supra corpus Christi reale, quam accipit in susceptione Ordinis. Quod si ius canonicum dicat consecrationes hæreticorum esse irritas: idest, quòd
pio-

prohibeatur ab illis recipere Eucharistiam : deinde sunt irritæ , quando prauam habent intentionem . Quia autem diximus , quòd quilibet Sacerdos possit Eucharistiam conficere ; hoc Sacramentum potest confici à pluribus simul , si eodem instanti verba proferant : si autem non proferant simul qui primus profert , conficit Sacramentum . Qui autem profert verba cum alio Sacerdote , v. g. Ordinati cum Episcopo , isti debent habere intentionem consecrandi , non absolutam sed conditionatam ; supposito scilicet , quod simul cum Episcopo verba proferant , quia si haberent absolutam intentionem consecrandi , & Episcopus primò absolueret verba ; tunc Ordinati proferrent verba super materiam consecratam , quod est sacrilegium : si verò prius absoluerent verba , Episcopus non consecraret , & sic non sacrificaret ; licet Caietanus alio modo respondeat , quòd Ordinati non proferant verba formaliter cum intentione consecrandi ; sed tantum materialiter , vt instruuntur quòd potestatem hoc faciendi receperint .

CONCLVSIO SECVNDA.

Solus Sacerdos est ordinarius minister circa distributionem huius Sacramenti ; vt autem possit licitè ministrare illud , debet habere iurisdictionem . Primum patet ex communi lege Ecclesiæ , quæ statuit , vt solus Sacerdos ministrar Eucharistiam : potest tamen hæc distributio committi Diacono in necessitate , vnde reuera Diaconi antiquitus ministrabant , quod non est nunc in vsu , ob copiam Sacerdotum : an autem hoc licitum sit alijs à Diacono , aliqui credunt laicum in mortis articulo in necessitate expositum , posse à se ipso sumere Eucharistiam , aut alteri ministrare , sicut fertur factum fuisse à regina Scotiæ , quæ proxima martyrio sese communicauit , & factum fuit in primitiua Ecclesia , vbi Eucharistia dabatur laicis in sudario , sumenda scilicet , dum proximum esset martyrium . Hoc posse adhuc fieri , maximè quando iudicatur Eucharistia multum necessaria tenetur à pluribus doctoribus ; sed alij & probabilius & in maiori numero contrarium tenent ; sic inter alios sentit Bonacina . An autem Sacerdos non sacrificando , possit se cōmunicare extra diem Veneris

sanctam, in qua est speciale priuilegium; hoc illi conceditur; sicut & Diacono in extrema necessitate, vbi deessent Sacerdos & Diaconus. Secundum constat etiam ex vocabulo Pastoris, qui tali nomine insignitur, quia ipsi incumbit pascendi officium; & sic ille qui ministrat hoc Sacramentum, debet esse Pastor & habere iurisdictionem ordinariam, qualem habent Episcopi, parochi & alij quibus animarum cura incumbit ex officio; vel saltem ab illis licentia debet concedi: vnde peccant qui sine priuilegio administrant Eucharistiam non subditis, & hoc mortaliter; nisi credatur fore vt Pastor hoc sciens approbaturus sit & daturus licentiam.

Q V Æ S T I O V L T I M A.

An sumenda sit necessario Eucharistia sub vtraque specie?

HÆc difficultas præcisè oritur pro laicis, nullus enim dubitat, quin Sacerdos sacrificando debeat illam sub vtraque specie sumere: pro laicis ergo nos continuò obliurgant hæretici, dicentes, quòd contra institutionem Christi faciamus, diuidentes Eucharistiam & vna parte fraudantes laicos: vt autem iustificetur Ecclesiæ Catholicæ vsus, erit

C O N C L V S I O.

Non est necessarium vt sub vtraque specie recipiatur Eucharistia; Concilium enim Trident. sess. 21. cap. 1. prohibet talem administrationem laicis sub excommunicationis pœna. Prima ratio est, quia Ioann. 6. habetur, *Si quis manducauerit ex hoc pane, viuet in æternum.* Et ibidem, *Hic est panis qui de celo descendit, vt si quis ex ipso manducauerit, non moriatur,* vbi Scriptura tribuit omnem vim sanctificandi & iustificandi, Eucharistiæ sumptæ sub specie vnicæ; quod non faceret, si altera species esset necessaria ad salutem. Secunda ratio petitur ex Lucæ 24. vbi sub vna specie Christus dedit Eucharistiam discipulis Emmaus, per panem enim quem benedixit, fregit & illis porrexit, intelligunt Augustin. Hieronymus, Theophylactus, Chrysostomus & alij, panem Eucharisti-

risticum : & non possunt respondere hæretici , quòd licèt Scriptura loquatur tantùm de pane, hoc non impediāt quin calicem porrexerit ; statim atque enim panem dedit, euauit ab oculis eorum. Quòd si respectu aliorum non liceat consecrare sub vna specie tantùm, hoc licèt tamen Christo, qui est supra legem. Tertia ratio sumitur ex Actuum 2, vbi Apostoli erant perseverantes in communicatione fractionis panis : quòd autem Lucas hic locutus fuerit de Eucharistia, fatentur Lutherus sermone de Eucharistia, Calvinus c. 17. institutionum ss. 35. sicut & Plessæus libri primi de Eucharistia capite primo. Nec dicant hæretici, per fractionem panis intelligi etiam benedictionem calicis, quia Apostoli non potuissent consecrare sub vna specie : talis enim responsio gratis fingitur, & eius ratio nulla est, quia ibi non loquitur Lucas de Apostolis consecrantibus, sed de recenter conuersis, quibus frangebatur panis, licèt Apostoli consecrassent antea sub vtraque specie, vt fit communiter. Quarta ratio habetur ex primitiua Ecclesia, vbi non erat licita congregatio Christianorum, & dabatur Eucharistia laicis sub sola specie panis, vt ferrent illam in proprias domos & ibi sumerent, vel in necessitate, vel ex pietate: viris quidem in concava manu, & mulieribus in linteo: sic Tertullianus libri 2. ad uxorem capite 5. Clemens Alexandrinus l. 1. Stromatum; Cyprianus sermone de lapsis : Basilius in Epistola ad Cæsariam Patritiam; Hieronymus in Epistola contra Iovinianum; Augustinus sermone 152: Quinta ratio hauritur ex S. Leone qui sermone 4. de Quadragesima loquens de Manichæis, asserit eos qui Romæ habitabant & sumebant communionem cum Catholicis, nunquam sumere calicem, quia erant in hoc errore quòd crederent vinum esse fel draconis; hoc autem non fecissent publicè, nisi licitum fuisset communicare sub vna specie, vel sub vtraque simul. Sexta tandem ratio potest repeti ex moriuis, quæ impulerant Ecclesiam Catholicam, vt alteram speciem remoueret; hæc autem fuerunt: primò, quia non minùs sub vna specie totus Christus continetur cum sanguine; secundò, quia non minor gratia datur sub vna quàm sub duabus, quoniam gratia non datur per species, sed per contentum sub illis; tertio, quia sunt multi abstemij à vino, quarto,

quia vinum multis in locis deest in tanta quantitate; vt tot homines communicari possent; quintò, quia esset periculum effusionis.

Obijc. 1. Ioannis 6. habetur, *Nisi manducaueritis carnem filij hominis, & biberitis eius sanguinem; non habebitis vitam in vobis*; ergo vt gratia concedatur, debet cuilibet Christianus sumere sanguinem sub specie vini. Resp. non ibi esse præceptum de sumptione specierum; sed tantum præcipitur vt quis manducet corpus & bibat sanguinem; vtrumque autem fit sumendo solam speciem panis, quia tunc sanguis dicitur bibi quoad substantiam, quoniam sumitur res potabilis, licet non dicatur propriè bibi quoad modum. Quòd si Matth. 26. dixerit Christus, *Bibite ex hoc omnes*; hoc dictum fuit Apostolis solis, addit enim Marcus, & *biberunt ex eo omnes*. Quòd si dixerit Christus, *Quod vobis dico, omnibus dico*; ibi loquitur Christus de vigilia, dixit enim, *vigilate & orate, &c.* & illicò subiungit, *quod vobis dico, omnibus dico*.

Obijc. 2. Debemus sumere Eucharistiam, sicut illam instituit Christus: sed Christus instituit illam sub vtraque specie: ergo, &c. Resp. neg. mai. aliud enim est institutio Eucharistiæ facta à Christo, aliud est præceptum eius; si enim deberemus nos conformare absolutè Christo, deberemus sumere Eucharistiam post cœnam. Nec instare debent hæretici, quod hoc iusserit Christus dicens, *hoc facite*, idest, *distribuite sub utraque specie, sicut ego*; hoc enim est falsum, quia dixit tantum, *hoc facite*, post porrectionem corporis; ad calicem autem dixit, *hoc facite quotiescumque bibetis in meam commemorationem*, ad ostendendum quod posset fieri receptio Eucharistia, & non bibi species vini. Dices, Ergo frustra instituit Christus sub vtraque specie: Negatur, instituit enim Eucharistiam, non tantum vt Sacramentum, sed & vt sacrificium, ad quod requiritur consecratio & sumptio vtriusque speciei.

Obijc. 3. D. Leonem exprobrantem Manichæis, qui volebant sumere speciem vini: sed ad hoc iam respondimus quòd scilicet crederent Manichæi, vinum esse fel draconis: non ergo illos obiurgat quòd noluerint recipere speciem vini, sed quòd noluerint ob superstitionem & errorem. Sic etiam intelligendus est Gelasius Papa, Quòd si dicat Cyprianus sermone
de

de Coena Domini, *lex esum sanguinis prohibet, Evangelium præcipit ut bibatur*: intelligitur de bibitione secundum substantiam, non de bibitione secundum modum. Si quis dicat, perfectior est Eucharistia sub utraque specie, quàm sub vna. Respondemus vel aliàs, esse perfectiorem in significatione secundaria, quia Eucharistia significat perfectam refectionem, quæ sicut in corporalibus fit ex pane & vino; in spiritualibus etiam debet fieri ex corpore & sanguine Christi.

CAPUT QVARTVM.

De Sacrificio Missæ.

ANtequam descendamus ad explicationem Sacrificij Missæ, præsciendum est quid & quotuplex sit Sacrificium in se: sic autem definitur: Est oblatio rei sensibilis, à legitimo ministro, soli Deo facta, per realem immutationem hostiæ, ad testandum illius summum dominium. *Oblatio* tenet locum generis; ponitur postea, *rei sensibilis*; & sic oblatio interna, qua quis se & sua offert, non est sacrificium. Dicitur *à legitimo ministro*; idest à Sacerdote, qui solus offerre potest; licet Agnus Paschalis in veteri lege fuerit immolatus à quolibet Patrefamilias, erat enim institutum ante legem Mosaicam, & sic servabatur ordo legis naturæ, ubi Patresfamilias erant Sacerdotes; licet alij speciali Dei instinctu sacrificauerint, ut Abel, Abraham & Melchisedech. Dicitur, *soli Deo facta*; quia Sacrificium pertinet ad cultum Patriæ; qui soli Deo debetur. Additur, *per realem immutationem hostiæ*; occidebantur enim animalia, carnes eorum credebantur, & aliæ hostiæ immutabantur, ut oleum & sanguis, quæ fundebantur super altare, sic etiam de cæteris. Quod si dicatur, Christum non se occidisse; non minus tamen à seipso Sacerdote sacrificatus est; quia se occidit moraliter, tradendo se voluntariè Iudæis: licet autem Martyres se tradant, non se tamen sacrificant proprie, quia non sunt Sacerdotes veri, & non moriuntur ad testandum summum Dei dominium, sed ad testandam suam fidem.

Sacrificium diuiditur tripliciter. Primò ratione

materiæ, secundò ratione formæ, tertio ratione finis. Ratione materiæ diuiditur Sacrificium in victimam, immolationem & libamen: in Victima offerebantur animalia: per immolationem res inanimatæ solidæ offerebantur, vt panis, simila, thus, manipulus spicarum virentium, & triticum; quæ omnia leuabat sacerdos & immutabat diuersimodè; scindendo panem in frusta; cremando similam, vel in sartagine aut clibano, vrendo sal & triticum, denique & adolendo thus: in libamine tandem offerebantur res inanimatæ liquidæ, sicuti sunt vinum, sanguis, oleum & aqua, quæ omnia effundebantur super altare.

Diuiditur Sacrificium ratione Formæ, in holocaustum, hostiam pro peccato, & hostiam pacificam. Quando Sacrificium erat holocaustum, tota res consumebatur sine reservatione: quando erat hostia pro peccato (scilicet externo) vna pars erat in alimentum Sacerdotis, & aliæ erant consumptæ: quoad hostiam pacificam, diuidebatur in tres partes, quarum vna consumebatur, altera erat pro Sacerdote, & alia pro offerentibus: si hostia offerebatur in gratiarum actionem, partes reseruatz debebant comedi eodem die; si verò erat pro beneficio accipiendo, poterant reseruati sequentem, & non vterius.

Diuiditur tandem Sacrificium, ratione finis, in Lætreuticum, Eucharisticum, Impetratorium, & Propitiatorium. Primum erat solum ad Deum colendum, secundum ad gratias agendum; tertium ad accipiendum beneficium aliquod; quartum ad obtinendam relaxationem poenarum peccatis debitaram.

Q V Æ S T I O P R I M A.

Quid sit Sacrificium Missæ, & à quo institutum fuerit?

A Lia erat Missa Catechu menorum, quæ durabat vsque ad offertorium, vbi tunc recedebant: alia fidelium, quæ erat ab offertorio ad finem, quo dimittebantur, dum diceret Sacerdos, *Ite Missa est*; alia est tandem Missa, quæ vtramque complectitur: dicendum nobis est quid ea sit.

CONCLUSIO PRIMA.

Missa secundum nomen, venit à verbo Hebraico, quod significat oblationem; vel à verbo Latino mitto, quia per consecrationem nobis veluti mittitur Christus à Deo, & per oblationem & sumptionem remittitur à nobis Deo. Missa verò secundum rem est actio sacra, qua conficitur Christi corpus, Deo offertur, & à Sacerdote sumitur. Quòd autem Missa sit Sacrificium, patet; quia in ea reperiuntur omnia, quæ requiruntur ad Sacrificium: scilicet primò Sacerdos qui offert, nempe Christus, qui est principalis offerens; secundò hostia seu Christus sub specie panis & vini: tertio Deus cui offertur; quarto Ecclesia pro qua offertur; quinto altare in quo offertur, & sexto, actio Sacrificantis: Eucharistia ergo est simul Sacramentum, quatenus sub signo visibili, nempe sub speciebus; continet rem inuisibilem, scilicet Christum, & gratiam quam confert; & Sacrificium etiam, quatenus offertur Deo Christus in illa existens.

Obijc. Christus non mactatur in Missa: ergo Missa non est Sacrificium. Respondeo, Christum non mactari realiter & actu, quia Christus est impassibilis; mactatur tamen mysticè, in quantum vi verborum consecrationis corpus à sanguine separatur; unde Christus est in altari vt immolatus, licet per naturalem consecutionem, & per concomitantiam, viuis & totus reperiatur sub qualibet specie. Nec dicant aduersarij, nos non indigere alio Sacrificio à Sacrificio Crucis quòd infinitum est: responderetur eaim, quòd sic vnum & idem Sacrificium; & sic non indigemus alio Sacrificio, sed tantum repetitione eius, vt Sacrificium Crucis, quòd infinitum est, nobis applicetur, vel illis pro quibus offertur Missa.

CONCLUSIO SECUNDA.

Sacrificium Missæ, quantum ad substantiam, fuit institutum à Christo in vltima cœna, vbi consecrauit panem in corpus, & vinum in sanguinem, in quo consistit præcisa ratio Sacrificij, vt dicemus; & sic sacrificauit, & tulit legem de illo Sacrificio, vt du-

duraret in perpetuum, dicens Apostolis, *Hoc facite*, &c. Ratio congruentiæ, cur Christus instituerit hoc Sacrificium, est, quia ad nouæ legis authorem pertinebant instituere substantialia legis, cuiusmodi est Sacrificium. Quoad ceremonias quæ adiungi solent Sacrificio Missæ, institutæ sunt & compositæ ab Ecclesia. Si quis dubitaret, an Christus sacrificauerit, posset conuinci ex Concil. Trid. sess. 22. cap. 1, & ex D. Paulo ad Hebr. 7. ubi Christus vocatur *Sacerdos secundum ordinem Melchisedech*: sicut ergo Melchisedech sacrificauit in pane & vino, sic Christus debuit sacrificare sub speciebus panis & vini. Si etiam quis dubitet, an Apostoli Missam celebrauerint, respondetur affirmatiuè ex Actum 13. ubi enim Latine habetur, *miniſtrantibus illis*, textus Græcus habet *καταρτυντες ται υιτοι τῶ κυρια* idest, *ipsis celebrantibus Missam Domino*, Liturgia enim & Missa idem sunt. Deinde ad Cor. 10. scribit Paulus, *Calix benedictionis cui benedicimus, nonne communicatio sanguinis Christi est; & panis, quem frangimus, nonne participatio corporis Domini est?* hoc autem est celebrare Missam.

QVÆSTIO II.

Quid offeratur in Missa. & à quo?

IN omni sacrificio requiritur Hostia quædam, quæ offeratur Deo ad protestandum ipsius summum dominium, & exigitur Minister quidam offerens illam hostiam: cum ergo Missa sit sacrificium, ut diximus, dicendum est quid in illa offeratur, & à quo.

CONCLUSIO.

IN sacrificio Missæ offertur Christus, seu corpus & sanguis eius, quatenus sunt sub speciebus, & hoc offertur à Christo tanquam ab offerente principali, & à Sacerdote tanquam ab offerente minus principali; licet insuper Ecclesia & Fideles suo modo offerant.

Probatur prima pars ex Patribus, qui communiter docent, Christum in hoc Sacramento immolari:

et.

ergo ipse est hostia quæ offertur. Idem habetur in Concil. Trid. sess. 22. cap. 1. Et ratio est, quia sacrificium Crucis & Missæ non differunt nisi accidentaliter; in quantum scilicet actiones sacrificandi sunt diuersæ, & per vnam Christus passibilis immolatur, per aliam Christus impassibilis: sicut ergo Christus fuit hostia immolata in cruce, sic etiam immolatur & offertur in Eucharistia, vel eius corpus & sanguis, vt subsunt speciebus; non enim immolatur Christus, vt est in cœlo, quia debet fieri immutatio hostiæ; & Christus, vt est in cœlo, non immutatur: ergo immutatur & immolatur vt est sub speciebus panis & vini, quia vi verborum sanguis est separatus à corpore.

Secunda pars tres alias habet, quarum prima habetur ex Concil. Later. Christum esse in hoc mysterio Sacerdotem & hostiam, & sic Christus est offerens: est autem offerens principalis, non quia illud instituit, aut fundatur in eius meritis; sed quia ministri offerunt illud in persona Christi, & illud consecrant: si enim proferrent hæc verba. *Hoc est corpus meum* nomine proprio, facerent panem corpus suum, & non corpus Christi; & sic Sacerdos se gerit in hoc ministerio vt legatus, qui repræsentat personam principis, nempe Christi; & hoc sufficit vt Christus sit principalis offerens: qui enim dat eleemosynam per famulum, est principalis donans; vnde sicut donatio principis est grata illi cui fit, licet famulus sit iniquus; sic hoc Sacrificium est Deo gratum; licet Minister sit immundus; quia principalis offerens mundus est, & Sacrificium mundum. Alij addunt, Christum esse principalem offerentem, quia præuidens omnia, Sacrificia particularia quæ offerenda essent, illa obtulit Patri, & nunc quotidie offert. Quoad secundam partem, est conformis Concil. Niceno & rationi, quia sacrificium & sacerdotium sunt connexa: vnde solus Sacerdos propriè offerre potest sacrificium. Quilibet autem potest offerre, siue sit excommunicatus, siue degradatus, siue hæreticus, hoc enim pendet ab Ordine. Quod si Gratianus dicat, extra Ecclesiam non esse Sacrificium; hoc verum est de efficaci, & vtili ipsi offerenti. Tertia tandem pars habetur ex Canone Missæ, vbi dicit Sacerdos; *Pro quibus tibi offerimus, vel qui sibi offerunt*; ergo

ergo quilibet fidelis potest offerre Sacrificium Missæ suo modo, concurrendo scilicet ad missam per opus externum; siue inferuendo, siue offerendo panem aut vinum, siue dando stipendium celebranti.

Obijc. contra primam partem: Hostia præsupponitur actioni sacrificandi, sed non præsupponitur Christus sub specie panis & vini ad actionem sacrificantis: imò per eam ponitur sub vtraque specie: ergo Christus, ut est sub speciebus, non est hostia. Respondeo, hoc verum esse in sacrificijs animalium; ubi res oblata erat nobilior antequam offerretur, quàm post; antea enim erat viuens, & postea fit mortua; non sic autem de Eucharistia, ubi id quod sequitur ad destructionem panis, nempe Christus, est nobilior ipso pane.

Q V Æ S T I O III.

In qua actione consistat essentia huius sacrificij?

Plures sunt actiones in Missa, scilicet oblatio panis & vini, ante consecrationem, ipsa consecratio, oblatio corporis & sanguinis post consecrationem, fractio hostiæ & commixtio cum sanguine & tandem distributio laicis. Non potest consistere sacrificium in prima oblatione, quia nondum est Christus: non potest etiam consistere in secunda, quia prout non immutatur hostia; non consistit tertio in fractione, quia si casu aliquo hostia in calicem caderet, omittenda esset fractio, & sumenda species panis cum calice; quarto non consistit in distributione laicis, multæ sunt enim Missæ, ubi sacerdos solus communicat: superest ergo difficultas, an essentia huius Sacrificij consistat in consecratione, vel in sumptione hostiæ.

C O N C L U S I O.

Sacrificium Missæ præcisè consistit in sola consecratione, non in sumptione: non consistit inquam in sumptione, quia de fide est, ut habet Concilium Tridentinū, quòd Christus sacrificauerit in nostro coenæ, licet non sit de fide ipsum sumpsisse suum corpus & sanguinem; communior tamen pars Docto-
rum

rum hoc sentit. Deinde sacrificium est actio Sacerdotis, ut Sacerdos est, ad quam habet potestatem præcisè, ex vi suæ ordinationis; Sumptio autem non est actio Sacerdotis, nisi in quantum fidelis est: ergo sacrificium non consistit in sumptione: superest igitur ut in consecratione consistat: diximus enim quod Christus est principalis offerens in hoc sacrificio: ergo sacrificium consistit in illa actione, quæ fit in persona Christi, & consecratio sola fit in persona eius, ubi Sacerdos nomine Christi, dicit; *Hoc est corpus meum*, & sic in consecratione consistit Sacrificium Missæ. Adde quod Sacrificium consistit in illa actione quæ immutat & destruit hostiam: hoc autem fit per consecrationem, ubi Christus ponitur ut immolatus, quoniam separatur corpus à sanguine vi verborum.

Obijc. Sacrificium debet esse sensibile, ut patet ex definitione eius; sed consecratio seu mystica separatio corporis à sanguine, non est sensibilis: ergo, &c. Resp. esse sensibilem ratione formæ seu verborum, quæ sensibiliter proferuntur, & quæ, quantum est in seipsis, idest mysticè, separant corpus & sanguinem. Dices, Ergo post consecrationem potest non sumi hostia, quod omnes negant. Respondeo, duplicem esse finem huius sacrificij: Vnus est intrinsecus, scilicet gloria Dei, ad quam Missa destinatur; aliud est extrinsecus, nempe utilitas sacrificantis: propter finem ergo extrinsecum non debet fieri consecratio sine sumptione hostiæ.

Obijc. ex 1. ad Corinth. 11. *Hoc est corpus meum, quod pro vobis frangitur; hic est calix qui pro vobis effunditur*; illa autem fractio & effusio fiunt in sumptione. Respondeo, quod corpus frangitur, non in sumptione, ubi franguntur tantum species, non corpus; sed in consecratione, ubi ponitur corpus Christi ut immolatum & diuisum à sanguine. Dices, si sacrificium consistat tantum in mystica fractione hostiæ: ergo hoc sacrificium non est reale, sed tantum mysticum. Respondeo, esse reale simul & mysticum; mysticum quidem, quia mysticè tantum mactatur hostia; est tamen reale, quia continet realiter Christum qui Deo offertur. Dices: Si sacrificium perficitur in sola consecratione, Sacerdos in consecrando deberet applicare suam intentionem pro viuis & defunctis; solet

solet tamen Ecclesia facere memoriam defunctorum post consecrationem calicis. Respondeo quòd effectus qui habetur per Missam ex opere operato, applicetur in ipsa consecratione, effectus autem qui applicatur dum Sacerdos facit memoriam defunctorum, est tantum ex opere operantis; vnde intentio ministri debet exprimi, vel paulò ante Missam, vel saltem ante consecrationem.

Q V Æ S T I O I V.

*An Sacrificium Missæ sit propitiatorium
& impetratorium?*

Non dubitatur quin sit laetuticum seu honorarium, in quantum offertur ad cultum Dei qui summè honoratur per hoc Sacrificium; non est etiam difficultas, quin sit Eucharisticum seu Sacrificium laudis, in quantum potest offerri in actionem gratiarum pro beneficijs à Deo acceptis: sed potest suboriri aliqua difficultas, an sit impetratorium & expiatorium: hoc ultimum negant hæretici; quia dicunt, quòd si Eucharistia esset expiatoria, hoc cederet in iniuriam Passionis Christi, qua Christus satisfecit abundantissimè pro omnibus peccatis, ut habetur ad Hebr. cap. 9. & 10. contra eos tamen erit

C O N C L U S I O.

Sacrificium Missæ est expiatorium & impetratorium: Expiatorium quidem, in quantum, ut habet D. Paulus ad Hebr. 5. præcipuum munus Sacerdotis, est offerre sacrificium pro peccatis; non quòd formaliter peccata remittantur per hoc sacrificium, quia supponit gratiam: ergo offertur pro expiatione peccatorum. Deinde, in veteri testamento erant sacrificia propitiatoria, quæ vocabantur hostiæ pro peccato, & quæ auferebant peccata legalia, & poenam ipsis debitam: ergo Sacrificium Missæ expiat etiam peccata, & poenas illis debitas tollit, vel saltem partem earum. Per hoc tamen non fit iniuria Passionis Christi, quia non est Sacrificium Missæ, quod nobis præcisè relaxat poenam debitam peccatis;

sed

sed per Sacrificium Missæ nobis applicatur efficacia Sacrificij Crucis, sicut per quodcumque Sacramentum & per quamcumque actionem meritoriam efficacia crucis nobis applicatur. Quòd autem Sacrificium Missæ sit etiam impetratorium, patet ex liturgijs DD. Iacobi, Clementis, Basilij, Chrysostomi & aliorum, qui offerebant illud pro pace, & fructibus terræ impetrandis. Ratio est, quia si Sacrificium Missæ potest placare Deum, ut peccata condonet, poterit etiam impetrare à Deo bona temporalia. Deinde sicut sacrificia veteris legis erant impetratoria, ut patet ex secundi Regum cap. 24. ubi David obtulit hostiam pacificam pro peste auertenda; sic etiam nostrum sacrificium, quod est longè nobilius, erit impetratorium.

Q V Æ S T I O V.

Quid sit effectus Sacrificij Missæ?

Non loquimur de effectibus, quos habere potest ex opere operantis; sicut enim per quodlibet opus bonum, homo in gratia constitutus, potest mereri augmentum gratiæ, auxilia actualia, satisfacere pro se & pro alijs, quoad poenam temporalem, & sibi etiam & alijs multa impetrare; sic hoc potest etiam fieri per Sacrificium Missæ, quod est actus præstantissimus orationis: loquimur ergo tantum de effectibus qui procedunt à Sacrificio Missæ ex opere operato.

C O N C L U S I O.

Sacrificium Missæ non confert gratiam habitua-lem in se, nec in augmento immediatè; potest tamen utrumque facere mediate. Non producit primò gratiam habitua-lem in se, quia supponitur iam producta, tum in sacrificante, tum in illis pro quibus Sacrificium meritoriè offertur. Non producit secundo augmentum gratiæ per se, quia cresceret gratia in infante, amente & dormiente, si pro illis offerretur; producere tamen potest utramque gratiam mediate, impetrando scilicet actualia auxilia, mediantibus quibus peccator poterit resurgere à pec-

à peccato, & sic recipere gratiam habitualement in se, impetrando etiam auxilia actualia iusto, mediantibus quibus poterit elicere actum charitatis, & mediante illo actu crescere in gratia. Eodem modo dicendum est de remissione peccati ac de gratia; quod scilicet non remittat peccata mortalia immediate; sed tantum mediantibus auxilijs actualibus, quibus homo à peccatis resurgit; & etiam venialia sic remittit, mediante scilicet speciali auxilio, excitante ad actum perfectum amoris diuini, quo peccatum veniale remittitur: specialior ergo effectus Sacrificij Missæ est, quod impetret gratias præuenientes, quibus peccatores ad poenitentiam excitentur & iusti ad maiorem perfectionem; & quod causet etiam relaxationem pænæ temporalis debitæ peccato, siue secundum se totam, siue secundum partem.

QVÆSTIO VI.

*An valor Sacrificij Missæ sit finitus
vel infinitus?*

Locuti fuimus in præcedenti quæstione de effectu Sacrificij Missæ, qui non tam se extendit ad gratias habituales procurandas, quàm ad impetrationem gratiarum præuenientium, quibus resurgant illi pro quibus offertur, & ad impetrationem etiam relaxationis pænæ debitæ peccato; & tandem ad impetrationem beneficiorum temporalium. An autem hi effectus impediuntur à ponentibus obicem, seu ab existentibus in peccato mortali; distinguendum est: si enim loquamur de relaxatione pænæ temporalis, ille effectus non conceditur nisi iustis, & non peccatoribus; An autem reuiuiscat ille effectus, quando quis resurgit à peccato, nihil certi affirmari potest, licet hoc credat Hèriques. Quoad beneficia etiam temporalia, non est verisimile quod Deus illa conferat ijs qui illi sunt odio per peccatum. Si autem sermo sit de gratijs præuenientibus, collatio earum non impeditur per peccatum mortale; imò ideo offertur, ut per poenitentiam remittantur peccata; potest tamen quis per obstinationem se reddere indignum, ut recipiat maiores gratias, quas Deus daturus esset, si per insignem malitiam peccatoris non impediretur.

tur: Postquam autem hæc omnia dicta sunt de effectu huius Sacrificij, videndum nobis est, an valor & effectus ipsius, sit finitus vel infinitus: vbi per valorem Sacrificij intelligimus moralem dignitatem, quam habet ex re oblata, vel ex parte offerentis; per effectum verò intelligimus id quod datur intuitu talis dignitatis: & illa tandem dignitas repeti potest, vel ex parte offerentis principalis, qui est Christus, vel minus principalis, qui est Sacerdos.

CONCLUSIO.

Sacrificium Misse ut est à Christo, est infiniti valoris, & finiti ut est à Sacerdote, & effectus illius simpliciter finitus dici debet. Ratio primi est, quia Christus, qui est hostia & principalis offerens, est infinitæ dignitatis, ratione vnionis ipsius cum Verbo diuino: ergo valor Missæ, ut ab utroque repetitur, est infinitus: non quod habeat hoc Sacrificium potentiam merendi aliquid, aut operandi nouam satisfactionem; quia Christus qui beatus est; non est amplius in statu merendi: sed hoc Sacrificium dicitur infinitum, quia habet vim infinitam impetrandi quòd Passio Christi applicetur nobis; & sic hoc Sacrificium non facit iniuriam Sacrificio Crucis, quia non habet suum effectum, nisi in ordine ad Passionem Christi quam nobis applicat. Ratio secundi est, quia si spectetur Sacrificium Missæ, in quantum à simplici Sacerdote offertur, vel ab Ecclesia, valor ille est finitus, quia sanctitas vtriusque est finita, & in oblatione magis consideratur donatio offerentis, quàm res oblata, quando res oblata non facit ditiores illum cui offertur. Quòd si aliquis dicat, hoc sacrificium esse infinitum in valore: hoc debet intelligi mediàtè, quatenus impetrat peccatori gratias præuenientes quibus deletur peccatum quod est aliquo modo infinitum. Ratio tandem tertij est, quòd si Sacrificium Missæ haberet effectum infinitum, tam prodesset omnibus quàm singulis, & Ecclesia vno Sacrificio Purgatorium vacuare posset; & sic non deberet curare quòd anniuersaria pro eadem anima dicerentur: imò non deberet permittere, quòd pro vna persona particulari Missa celebraretur; iterum enim contra charitatem, celebrando pro vna, si sine dimi-

diminutione effectus, ita prodesset omnibus quàm uni: ex hoc etiam sequeretur, quòd qui accepisset centum eleemosynas pro centum missis à centum personis, posset satisfacere, si tantum diceretur una Missa; quia tam prodesset illis centum, quàm uni solum, quod est prauum & erroneum sentire.

Obijc. ex dictis, Principalis offerens est Christus, hostia oblata est ipsemet, & Sacerdos nihil facit nisi in persona Christi; quoniam ergo hæc omnia sunt infinita, valor huius Sacrificij erit infinitus, & effectus infinitus. Resp. quòd aliud est loqui de valore, aliud de effectu; posset enim valor seu dignitas Sacrificij esse infinita & producere effectum finitum: non sufficit autem quòd aliquid sit infinitum in se, nisi offerens instituat illud ad effectum infinitum; quodlibet enim opus Christi erat sufficiens vt redimeret genus humanum; quia tamen Deus instituerat vt sola mors Christi nostram salutem operaretur, ideò aliz actiones poenales non habuerunt effectum infinitum, nisi quatenus dicunt ordinem ad ipsius mortem: quia ergo Christus non instituit hoc Sacrificium, vt haberet fructum infinitum; ideò effectus ipsius remanet semper finitus. Deinde, omne opus meritorium mensuratur ab acceptance diuina; id est, in tantum valet apud Deum, in quantum acceptatur ab illo qui nemini tenetur: quoniam ergo Deus non acceptat Sacrificium Missæ, vt habeat effectum infinitum, ideò remanet finitus in effectu, Quòd autem Deus non acceptet illud pro infinito, habetur ab Ecclesia, quæ plura Sacrificia pro eadem persona offert.

Obijc. secundò: Si plures Sacerdotes consecrarent eandem hostiam, & quilibet sibi applicaret fructum eius, vel alteri, quilibet haberet tantum fructum, ac si vnus consecraret, vt tenent communiter Doctores; quod signum est, Sacrificium Missæ habere effectum infinitum. Resp. verè quidem singuli haberent tantum fructum, quantum vnus; sed hoc non procedit ex infinitate effectus Sacrificij Missæ, sed ex eo quòd pro tunc essent plura Sacrificia, tot scilicet quot essent Sacerdotes; quia singuli consecrant per se independenter, vt totales ministri, & Sacrificium consistit in actione consecrantis, quæ pro
tunc

tunc esset multiplex, si proferrent verba eodem instanti. Quòd si hostia sit vnica, hoc non impedit multiplicationem Sacrificiorum, sicut nec multæ hostiæ ab eodem Ministro consecratæ faciunt plura Sacrificia.

QVÆSTIO VII.

Pro quibus possit celebrari Sacrificium Missæ.

TRiplex fit communiter applicatio Missæ. Prima est generalis, quæ fit ab Ecclesia applicante Sacrificium generaliter pro viuis & defunctis, & singulariter pro Summo Pontifice, Rege, Episcopo & alijs, quorum meminit Sacerdos, vt habetur in canone. Secunda est specialis, quæ competit illis, pro quibus Sacerdos intendit specialiter offerre Sacrificium. Tertia est specialissima, & hæc fit Sacerdotis, De secunda nobis est quæstio.

CONCLUSIO.

Sacrificium Missæ potest offerri pro omnibus uiuentibus, qui sunt intra Ecclesiam, siue sint iusti, siue peccatores; sunt enim capaces fructuum huius Sacrificij, dum sunt in hac vita: imò Sacerdos non potest aliquem excludere à tali oblatione; quia si hoc fieret palam, esset scandalosum; si clam, signum esset odij occulti. Nec potest autem offerri pro excommunicatis excommunicatione maiori, hoc enim prohibetur in Iure Canonico; potest tamen offerri pro infidelibus, qui sunt extra Ecclesiam, quia nulla lex prohibet: econtra Paulus iubet fieri orationes pro Regibus Gentilibus, qui erant extra Ecclesiam: ergo Sacrificium Missæ, quod est præstantissimum genus orationis, potest illis applicari. Si Augustin. dicat, non debere offerri pro peccatoribus; hoc est pro peccatoribus mortuis. Si Con. Bracharense idem dicat de Catechumenis; loquitur de illis qui mortui sunt sine Baptismo. Quando Concil. Meld. dicit, non esse offerendum pro Energumenis; se explicat dicens, non debere nomina eorum recitari in publica oratione. Quoad mortuos, non potest offerri pro beatis, vt est latreuticum, quia sic soli Deo offe-

offerendum est; nec ut satisfactorium, quia non habent poenam luendam: nec ut impetratorium, quia nullo bono carent, quoniam summo Bono fruuntur; potest tamen offerri pro illis, ut est Eucharisticum, agendo Deo gratias pro beneficijs, quæ Deus illis contulit; hoc enim cedit in eorum gaudium accidentale, videndo quod in sui memoriam offeratur Deo Sacrificium. Quoad animas damnatas, pro illis non potest offerri; sunt enim fructuum eius incapaces; quoniam *in inferno nulla est redemptio*; unde quod de Traiano & alijs ab inferno liberatis dicitur, reputatur fabulosum. Tandem quoad animas in purgatorio existentes, potest illis applicari, ut est satisfactorium; relaxat enim poenas earum, applicando illis satisfactionem Christi: quomodo autem illis profit, dicendum est quod profit tantum illis, quibus applicatur Sacrificium, & non alijs ut pecunia quæ soluitur pro vno, & non pro alio: & ratio petitur ex hoc quod satisfactio Christi applicetur ex intentione offerentis: unde Sacrificium Missæ non est ut lucerna accensa pro principe, quæ illuminat nedum illum, sed & alios qui sunt in comitatu, ut aliqui voluerunt.

QVÆSTIO VLTIMA.

*De quibusdam circumstantijs ad Missam
requisitis.*

Quamplurimæ sunt circumstantiæ quæ Sacrificium Missæ concernunt; sed quia potius à Canonistis, quàm à Scholasticis exquiri debent, de solemnioribus tantum dicetur aliquid, quæ videntur magis necessaria: an v. g. Sacerdos celebrare teneatur; qua hora, quo loco, quibus vestibus celebrare possit, & debeat; & hæc omnia explicabuntur.

CONCLUSIO.

Quoad necessitatem celebrandi, probabile est quod Sacerdotes vi ordinationis suæ teneantur celebrare aliquoties in vita; licet aliqui sentiant contrarium; dicentes de hoc nullum esse præceptum, nec divinum, nec Ecclesiasticum; unde
expli-

explicant verba Christi dicentis, *hoc facite*, quòd scilicet per ea Christus voluerit obligare non singulos Sacerdotes, sed Ecclesiam totam, vel saltem prælatos, qui sunt successores Apostolorum, quibus Christus dixit, *hoc facite*; vnde addunt, quòd Sacerdos per ordinationem acceperit quidem potestatem sacrificandi, non obligationem; & quòd possit non sacrificare, sicut potest non absolueret. Contrarium tamen tenetur communiter; & asseritur, quòd Sacerdos vi sui officij acceperit onus intercedendi pro populo apud Deum, sicut faciebant Sacerdotes veteris legis, & propter hanc causam teneatur offerre Sacrificium; si enim non sacrificaret, faceret, vt in vanum gratiam Dei recepisset, cum in Ordine potestatem consecrandi receperit: Deinde nunquam sacrificando, daret occasionem scandali; tandem Pius V. videns Caietanum dicentem Sacerdotem tantum peccare venialiter, qui nunquam sacrificat; curauit hanc opinionem deleri ex commentario supra D. Thomam. Quoties autem teneatur sacrificare Sacerdos, hoc non expresse dicunt Doctores, sed solum affirmant quemlibet tene-ri, saltem aliquoties in anno celebrare.

Quoad horam celebrandi sacrificium Missæ, non licet hoc facere ante auroram; cuius rei duplex asseritur ratio: vna mystica, quia offertur in Missa Christus qui est candor lucis æternæ; & alia literalis, quia ante crespuculum diei non sunt homines ad tam pium opus dispositi. Excipitur tamen ab hac regula nox Natiuitatis Domini, & olim excipiebatur etiam nox Resurrectionis, in qua Missa celebrabatur, quia Christus in nocte surrexit; nunc autem cessauit illa consuetudo, & illa Missa anticipatur & dicitur in Sabbato sancto. Quòd si Telesphorus determinauerit, Missam non esse celebrandam, nisi hora tertia, loquitur de Missis Cathedralibus & Conuentualibus. Si etiam loquatur de alijs, hoc communi consuetudine reuocatum est. Missa etiam non debet regulariter post meridiem inchoari; dixi regulariter, per priuilegium enim licet aliquando etiam post meridiem celebrare.

Quoad locum huius Sacrificij, debet fieri celebratio in Ecclesia, ob reuerentiam; potest tamen Episcopus sine vlla necessitate, vtendo solum iure suo, dare licentiam celebrandi in domo priuata, &

Oratorio non consecrato; modo habeatur semper altare portatile. Quoad Ecclesiam violatam, non licet in ea celebrare. Sex autem modis potest violari Ecclesia: primò, propter voluntarium homicidium; secundò, propter iniuriosam sanguinis effusionem; tertio, propter seminis humani effusionem, non occultam; quarto, per sepulturam fidelis; excommunicari; quinto, per sepulturam infidelis: sexto, quando parietes comburuntur, vel ita destruntur, ut integrè reedificari debeant. Qui in Ecclesia violata celebrat, peccat mortaliter, non tamen fit irregularis, sicut qui celebrat in Ecclesia interdicta. Potest dare Episcopus licentiam celebrandi in loco violato, quia potest dare licentiam consecrandi in non consecrato. Si violatio contingat antè canonem inceptum, Sacerdos debet desinere: si post, debet absoluerè. Si Ecclesia sit tantùm benedicta & non consecrata, potest Sacerdos statim eam reconciliare per asperisionem aquæ benedictæ, & aliàs cæremonias quæ habentur in Rituali: si autem sit consecrata ab Episcopo, debet ab eo reconciliari.

Quoad ornamenta; requiruntur primò altare lapideum consecratum, siue portatile; & in hoc non potest dispensare Episcopus, nec Papa vnquam fecit, licet possit facere. Secundò, linteum super altare, quod ipsum regat; deinde mappa super quam ponatur corporale; & sic ad minimum debent esse duæ palæ extensæ, vel vna duplicata. Tertio corporale benedictum ab Episcopo, vel ab alio habente priuilegium benedicendi. Quarto, debet esse lumen, sine quo peccatum mortale est celebrare. Quintò, Missalis liber, in quo sit ad minus canon, & sine ipso celebrans peccat mortaliter, quia se exponit periculo. Sextò, requiruntur calix & patena, quæ sint aurea, argentea, vel ad minus stannea. Septimò, tandem requiritur alba, cingulum, amictus, stola, manipulus, & casula.

CAPVT QVINTVM.

De Pœnitentia.

Pœnitentia, quæ secundum vim nominis, nihil aliud est, quàm pœnæ tenentia: in quantum peccator debet in se tenere pœnam pro peccato commissio expiando; potest spectari vel ut est virtus, vel ut est Sacramentum. Antequam autem agamus de pœnitentia, ut Sacramentum est, quædam prælibanda sunt de ea, ut est virtus; & tria præcipuè, nimirum, quid sit pœnitentia virtus? in quibus conveniat cum Pœnitentia Sacramento? & tandem in quibus discrepet?

Quoad definitionem Pœnitentiæ, ut virtus est, sic traditur: Est virtus supernaturalis inclinans hominem ad detestationem peccati, in quantum est offensa Dei, cum voluntate satisfaciendi Deo. Primò, dicitur *virtus*; detestari enim peccatum est actus honestatis & laudabilis, à pœnitentia procedens, tanquam ab habitu laudabili & honesto, maximè, quando talis detestatio habetur propter Deum offensum. Ideò etiam dicitur *supernaturalis*, quia actus pœnitentiæ disponunt ad gratiam: ergo sunt supernaturales ex Conc. Trid. sess. 6. cap. 6. Potest tamen dari aliqua pœnitentia naturalis procedens à lumine naturæ, quod dicitur Deum auctorem naturæ non esse offendendū; sed illa pœnitentia non conducit ad gloriam. Quando postea additur quod Pœnitentia sit *virtus supernaturalis inclinans ad detestationem peccati*; ex hoc patet quod peccatum est obiectum materiale eius; & quando subiungitur, *ut est offensa Dei*, illa formalitas est obiectum formale pœnitentiæ: quia aliæ virtutes detestantur vitium sibi oppositum, ut sibi oppositum est, pœnitentia verò detestatur peccatum, ut est Dei offensivum; & sic Pœnitentia est virtus ab alijs distincta, quæ est pars potentialis iustitiæ; quoniam per pœnitentiam aliquo modo compensamus Deum pro peccato commissio. Cum denique apponitur, quod talis detestatio debeat fieri *cum efficaci voluntate Deo satisfaciendi*; hoc ideò adiungitur, quia talis voluntas requiritur ad remissionem peccati: Vnde sciendum est, quod Pœnitentia virtus necessaria sit absolute,

siue implicitè, siue explicitè, vt recipiamus effectum Sacramenti Pœnitentiæ.

Quantum ad conuenientias Pœnitentiæ, vt est virtus, & vt est Sacramentum, hæ sunt. Vtraque est utilis medicina ad delendum peccatum actuale; imò si peccatum mortale sit, vtraque est necessaria: Vtraque versatur circa peccatum actuale: Vtraque habet pro subiecto hominem adultum: Vt Sacramentum tamen est, respicit hominem baptizatum, & vt virtus, ad non baptizatum etiam pertinet. Vtraque potest iterari, etiam circa idem peccatum, pluries illud detestando aut confitendo.

Quantum autem ad differentias vtriusque, dicendum est quod disconueniant in his: quia scilicet Pœnitentia virtus est sub genere habitus, aut actus; Sacramentum verò sub genere signi. Deinde Pœnitentia virtus, est actus internus; licet enim aliquando ad actum externum transeat, potest tamen saluari in actu interno, quo quis in corde detestatur peccatum, vt est autem Sacramentum, præter internum dolorem addit adhuc actum externum, nempe confessionem & absolutionem. Terriò Pœnitentia virtus, est quædam pars essentialis Pœnitentiæ Sacramenti, quæ confunditur cum Contritione; Pœnitentia verò Sacramentum, est ipsum totum Sacramentum quod inuoluit Confessionem, Dolorem, Satisfactionem, & Absolutionem. Tandem Pœnitentia virtus, est de iure naturali diuino; dictat enim ratio naturalis detestandum esse peccatum commissum contra Deum; Pœnitentia verò, vt Sacramentum, est de iure diuino positiuo, scilicet de institutione Christi: antequam enim Christus instituisset Sacramenta nouæ legis, Pœnitentia erat tantum virtus, non Sacramentum.

Q V Æ S T I O P R I M A.

Quid sit Pœnitentia Sacramentum, quando fuerit instituta, & an necessaria fuerit?

PŒnitentia potest sumi pro retractatione voluntatis, etiamsi mala non sit; & sic illum pœnitere dicitur, qui vellet aliquid non fecisse: sumitur aliquando pro dolore de rebus malè factis; & tunc si
p ro-

procedat ex motiuo supernaturali, dicitur poenitentia virtus: sumitur etiam pro absolutione à censuris, & tunc non est præcisè Sacramentum; per talem enim absolutionem non remittuntur peccata, sed tantum relaxatur vinculum & poena imposita ab Ecclesia: sumitur quartò pro satisfactione imposita à ministro absolutionis, & pro tunc non est nisi pars materialis huius Sacramenti: tandem sumitur pro poenitentia Sacramento, & de ea sic sumpta nobis dicendum est.

CONCLUSIO PRIMA.

Poenitentia est nouæ legis Sacramentum, consistens in actibus poenitentis & absoluentis, quod institutum fuit à Christo per modum iudicij emendatiui ad remissionem peccatorum. Dicitur *noua legis Sacramentum*, quia ante Christum Poenitentia non erat Sacramentum, ex Concil. Trid. sess. 14. cap. 3. unde quando in veteri testamento mentio fit de Poenitentia, cui Deus promittit remissionem peccatorum, hoc intelligendum est de Poenitentia virtute, seu de contritione. Dicitur secundò, *consistens in actibus poenitentis & absoluentis*; quia actus vtriusque sunt materia proxima Poenitentiae, Dicitur quòd sit à Christo institutum, vt mox videbitur. Additur *per modum iudicij emendatiui*; per Poenitentiam enim, seu per absolutionem non condemnatur, sed emendatur homo. Subiungitur denique, *ad remissionem peccatorum*, vt pateat quod peccata mortalia sint materia circa quam versatur Poenitentia.

CONCLUSIO SECUNDA.

Institutum fuit Sacramentum Poenitentiae à Christo sicut & alia, ex Concilio Tridentino sess. 7. Can. 10. Quantum ad tempus, institutum fuit quando post resurrectionem dixit Apostolis Ioan. 20. *Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt.* Sic Concilium Tridentinum sess. 24. cap. 1. Quando ergo Christus Matthæi 18. dicit Apostolis, *Quaecumque alligaueritis, &c.* erat tantum promissio facta illis de potestate absoluendi, sicut quando dixit Petro

Matth. 16. *Tibi dabo claves regni cælorum*. Et talis potestatis habuit possessionem Petrus, cum dixit illi Iesus Ioann. ultim. *Pasce oves meas*: pro tunc enim illum constituit Summum Pastorem, cum suprema potestate. Quando etiam Christus dixit Apostolis, *Pœnitentiam agite*, loquebatur de Pœnitentia virtute. Non audiendi sunt consequenter illi qui asserunt, Pœnitentiam fuisse institutam antequam Apostoli communicarent; quia non requiritur Pœnitentia Sacramentum, nisi post institutionem Christi, & sicut Apostoli debite sumerent corpus Christi, sufficebat contritio, seu pœnitentia virtus pro illis qui erant conscij peccati mortalis, vt Iudas; hoc tamen non impedit quin inchoata fuerit Pœnitentia nocte cœnz, quando Christus ordinauit Apostolos, deditque illis per Ordinem characterem Sacerdotalem, qui est fundamentum potestatis absoluendi; quod autem fuit pro tunc inchoatum, perfectum fuit tempore supradicto, iuxta Concilium. Quod si Christus ante resurrectionem remisit peccata Magdalenz & alijs, hoc non faciebat vi Sacramenti, sed propria virtute. Quod si etiam quis dicat, potestatem absoluendi dari cum Ordine sacerdotali, & sic Christum ordinando Apostolos instituisse Pœnitentiam, hoc negandum est: recipitur enim primò actualis potestas consecrandi, cum Episcopus dicit, *Accipite potestatem offerendi sacrificium in Ecclesia*, & postea recipitur potestas absoluendi, cum dicit Episcopus, *Accipite Spiritum sanctum, quorum remiseritis, &c.* Quia tamen per prima verba confertur character Ordinis, qui non confertur nouus per alia verba, sed tantum augetur, idem potest dici quod potestas radicalis absoluendi tradatur per prima, & compleatur per secunda.

CONCLUSIO TERTIA.

Sacramentum Pœnitentiæ est necessarium illis qui mortaliter peccauerunt post baptismum, tum necessitate medijs; quia est medium sine quo peccatum mortale actuale remitti non potest, tum necessitate præcepti, vt habetur in Concilio Tridentino sessionis 14. cap. 2. Huius ratio est, quia quæcumque sunt necessaria necessitate medijs, sunt etiam necessaria necessitate præcepti, saltem si sint in nostra potestate;

fiat; & hoc idè additur, quia prima gratia est necessaria necessitate mediij, non verò præcepti; quia, autem Pœnitentia est necessaria necessitate præcepti, idè ille qui iam est contritus, debet adhuc confiteri peccata & absolui ab illis, unde in Contritione virtualiter includitur Pœnitentia. Porro, quando diximus Pœnitentiam esse necessariam, hoc est vel in re, vel in voto; imò potest aliquando fieri, quòd virtualis Pœnitentia sufficiat; aliquis enim potest per actum amoris diuini perfectam obtinere remissionem sui peccati: sed quia nullus potest perfectè Deum diligere, nisi doceat saltem virtualiter de offensis in Deum commissis; idè talis actus amoris diuini dicitur inuoluere votum Pœnitentiæ, saltem implicitè.

Obijc. Pœnitentia non est necessaria nisi ad tollendum id quod remansit in peccatore, transeunte actu peccaminoso, sed nihil remansit; ergo non requiritur Pœnitentia. Resp. distinguo minorem, nihil remansit quoad substantiam actus, concedo: nihil remansit quoad reatum peccaminosi actus, nego; Vel nihil remansit physicum, concedo; morale, nego; remansit enim reatus & obligatio ad poenam; sed remansit culpa, quia homo est ingratus Deo & obligatus ad poenam æternam pro peccato mortali, quæ commutatur in temporalem per Pœnitentiam; & illud morale, quod remanet post actum peccati, non est quid reale; sed est tantum respectus rationis; ut quando quis propter iniuriam factam principi, est illi inimicus & ad poenam deputatur, nihil reale & positum in eo reperitur.

Q V Æ S T I O II.

Quanam sit materia Pœnitentiæ?

Materia Pœnitentiæ, vel est remota; vel proxima; vel est etiam sufficiens, vel necessaria. Materia sufficiens est ea, quæ sufficit ut conferatur absolutio: sic peccatum veniale & mortale iam confessum & remissum, sunt materia sufficiens Pœnitentiæ; peccata verò mortalia nondum confessa, sunt materia necessaria, quia necessariò debent explicari, ut gratia conferatur. Quando autem dicimus quòd pec-

cata sunt materia pœnitentiæ; hoc intelligitur de materia, circa quam destruendam; ad destructionem enim peccati tendit Pœnitentia.

CONCLUSIO PRIMA.

Materia remota Pœnitentiæ sunt peccata actualia commissa post Baptismum: quia materia remota est ea circa quam versatur materia proxima; sed actus pœnitentis, qui sunt materia proxima, nempe contritio, confessio, & satisfactio, versantur circa peccata quæ confitemur; & de quibus dolemus: ergo peccata sunt materia remota. Dixi, commissa post Baptismum; ea enim quæ committuntur ante Baptismum, & non sunt expiata per illum, propter obicem & fictionem, non sunt materia pœnitentiæ, quia sunt commissa ab illis qui sunt extra Ecclesiam; quia verò pœnitentia est iudicium, & non potest fieri iudicium, nisi in ea quæ subduntur Ecclesiæ; dicendum est quòd illa peccata quæ sunt commissa ante Baptismum fictè receptum, remittuntur per ipsummet baptismum præcedentem, quando scilicet remouetur obex: fictio verò quæ est peccatum concomitans & obsequens Baptismum, est materia Pœnitentiæ; & sic licet baptizatus non teneatur confiteri peccata ante Baptismum fictè receptum commissa, teneatur tamen confiteri fictionem & alia peccata quæ sequuntur. Quia diximus peccata esse materiam Pœnitentiæ, nedum mortalia, sed etiam venialia ipsi subsunt; cum hoc discrimine, quòd mortalia sint materia necessaria Pœnitentiæ, venialia autem tantum materia sufficiens: vnde quis potest confiteri tantum vnum aut duo peccata venialia & alia reticere; quoad peccata verò dubia, non sunt materia neque necessaria, neque sufficiens Pœnitentiæ: Vnde Sacerdos non debet impendere absolutionem, quando pœnitens est dubius si peccauerit: quòd si tamen sint quædam circumstantiæ non quidem conuincentes, sed quæ magis inclinent in partem peccati, potest dari absolutio sub conditione.

CONCLUSIO SECUNDA.

Materia proxima Pœnitentiæ sunt actus penitentis, nimirum Contritio, Confessio & satisfactio; Absolutio enim cadit immediatè super illos actus; & mediatè super peccata, & hi tres actus congruè requiruntur, vt corde, ore & opere compensemus iniuriam Deo factam per peccatum. Hi autem actus requiruntur, tum pro peccatis mortalibus, tum pro venialibus: ita quòd tamen contritio, confessio, & satisfactio, cadentes supra peccata venialia & supra mortalia iam confessa, sint materia sufficiens Pœnitentiæ; cadentes verò supra mortalia non confessa, sint materia necessaria.

Obijc. contra id quod diximus peccata mortalia iam confessa & remissa, esse materiam sufficientem pœnitentiæ, quòd scilicet forma non possit bis cadere supra eandem materiam: ergo nec absolutio duplex supra idem peccatum. Respondeo, nostram assertionem veram esse. Benedictus enim Vndecimus in extrauaganti prima de Priuilegijs, dicit esse salubrem talem confessionem, cuius ratio peti debet ex institutione Christi, qui ad maiorem vtilitatem animarum, non limitauit hoc Sacramentum ad vnum actum remissionis; vnde, vt respondeatur ad obiectionem, dico: Quòd forma non possit quidem cadere bis supra eandem materiam proximam; vnde sacrilegium esset proferre duplicem absolutionem supra vnâ confessionem; forma tamen potest cadere bis super eandem materiam remotam, ex eadem enim aqua potest fieri multiplex Baptismus; & sic absolutio poterit cadere supra duplicem confessionem, quam aliquis faciet de eodem peccato.

Obijc. secundò: Si peccatum iam remissum denudè absoluator; Forma absolutionis qua Sacerdos dicit, *Ego te absoluo*, non erit vera: quia non absoluit à peccato, nec peccatum remittit, quoniam iam remissum est. Respondeo, quòd Sacerdos non absoluit in tali occasione absolute, quasi remittat peccatum antea non remissum; quia prima absolutio semper manet rata, absoluit tamen proportionatè, iuxta dispositionem susipientis, augendo scilicet ipsius gratiam per beneficium absolutionis, absolu-

tio ergo habet suum effectum, qui consistit in collatione gratiæ, qua peccatum deletur, si sit in anima, vel qua anima magis gratificatur, si non habeat peccatum; & sic forma est semper vera suo modo.

QVÆSTIO III.

Quanam est forma Pœnitentiæ?

Scotus ait, Pœnitentiæ essentiam consistere in verbis formæ, quamvis requirantur necessariò actus pœnitentis ad validam eius receptionem. D. Thomas verò & alij, asserunt essentiam Pœnitentiæ constare ex actibus pœnitentis & absolutione tanquam materia & forma: sed facile conciliantur; quia Scotus per essentiam intelligit id quod præcisè confert gratiam, quod attribuendum est verbis; sicut enim sola verba significant gratiam, proinde illam conferunt. Hoc non impedit autem, quin actus pœnitentis requirantur ad faciendam essentiam completam huius Sacramenti. Querimus autem hic, quanam sint verba, quæ pertinent præcisè ad formam huius Sacramenti.

CONCLUSIO.

Forma Pœnitentiæ consistit præcisè in his duobus verbis, *Absolute*; pronomen enim, ego, continetur sub verbo: & ratio nostra est; quia forma cuiuslibet Sacramenti consistit in illis verbis quæ significant proprium effectum eius; sed illa duo verba significant remissionem peccati, quæ est eius effectus; ergo forma illius præcisè consistit in ipsis. Eundem tamen effectum possent producere verba æquipollentia, sic validè absolueret quisquis, dicendo, *Remitto tibi peccata, impertior tibi Sacramentum absolutionis, libero te à peccatis tuis, absolvo tuam dominationem, absolueris à me absolvatur servus Christi*, ut Græci dicunt. Potest etiam cadere absolutio super plures in necessitate, ut in periculo naufragij, vel pugnæ imminantis. Ex hac conclusione plura colligi possunt scitu dignissima.

Primo, verba quæ præcedunt aut sequuntur non esse de necessitate Sacramenti: congruè tamen præmit.

mittitur ista deprecatio, *Miseretur tui*, ad impetrandum à Deo ne sit impedimentum ex parte recipientis. Non est necessarium addere, *à peccatis tuis*; quia facta confessione peccatorum, satis patet sententiam absolutionis applicari ad peccata confessa; iure tamen dicitur ad maiorem expressionem. Frustra dicitur *ab omnibus*, quia non potest vnum absolui sine alio. Non est tandem necessarium dicere: *In nomine Patris, & Filij, & Spiritus sancti*; vnde Doctores sentiunt Pœnitentem esse absolutum eo instanti, quo hæc verba proferuntur, *absoluo te*.

Secundò quòd per hæc verba, *absoluo te*, Sacerdos non tantùm declarat pœnitentem esse absolutum à Deo, vt vult Magister sententiarum; sed reipsa Sacerdos absoluit, tum à culpa, tum à pœna æterna, quam commutat per absolutionem in temporalem; si enim Sacerdos tantùm declararet pœnitentem esse absolutum à Deo, debuisset Christus dicere, quæcumque soluta sunt in cœlis, soluetis in terra; contrarium tamen dixit; scilicet, *Quaecumque solueritis super terram, erunt soluta & in calis*. Concil. Constant. determinauit hanc veritatem, sicut Trid. sess. 14. cap. 16. vnde Martinus V. declarauit hæreticum contrarium asserentem. Quòd si Deus dicat Esayæ 43. *Ego ipse deleo peccata*; hoc est, principaliter, & Sacerdos ministerialiter.

Tertiò sciendam, Absolutionem sub conditione futura esse inuálidam, validam verò sub conditione de præsenti; vnde non potest Sacerdos dicere, *ego te absoluo*, si cras restituas; potest tamen dicere, *ego te absoluo*, si doles, vel si intendas restituere. Ratio autem quare absolutio sub conditione futura non valet, est quia Sacerdos non potest suspendere effectum Sacramenti; Sacramentum enim vel est validum statim atque prolata est forma, vel est validum adueniente conditione; non autem est validum dum profertur forma, quia Sacerdos non habet intentionem ipsum absoluendi, nisi posita conditione, non est etiam validum cum ponitur conditio, quia pro tunc non est ampliùs materia, nec forma: ergo sub tali conditione futura inuálida est absolutio: sic omnes Doctores.

Quartò norandum, absolutionem non posse dari absenti, vnde Clemens Octauus in decreto super

hoc edito statuit absolutionem absenti collatam esse inualidam, & illos affici excommunicatione Summo Pontifici reservata, qui absoluunt absentem, vel dicunt aliquem posse per litteras, vel per nuntium peccata confiteri absenti, & ab eodem absolutionem obtinere. Ratio est quia forma debet proferri voce humana, & ad personam præsentem dirigi, ut patet ex particula, *absoluo te*, quoad personas præsentem. Nec absolutio debet dari in scriptis, nec confessio fieri; utraque enim debet esse verbalis, & maximè absolutio; licet enim confessio defectu linguæ possit fieri signis & nutibus, non tamen sic absolutio dari potest; unde differt Pœnitentia à Matrimonio, quod potest confici nutu, signo, & inter absentes: quia Christus instituit Matrimonium ut contractum, cui addidit nomen Sacramenti; sic autem potest fieri contractus. Quod si quis dicat, absolutionem posse dari in scriptis, hoc verum est de absolutione censurarum, & de relaxatione reservationis casuum; non verò de absolutione Sacramentali, quæ tollat peccatum reservatum, vel delictum cui annexa est censura.

Q V Æ S T I O I V.

Verum per Pœnitentiam omnia peccata remittantur?

CUm locuti fuerimus antea de natura pœnitentiae, ipsius materia & forma, nunc dicendum est de ipsius effectu, qui est quadruplex; quorum primus versatur circa remissionem peccatorum mortalium: secundus circa remissionem venialium: alter circa relaxationem reatus seu pœnæ debitæ peccato: ultimus tandem est reuiuiscencia meritorum & recuperatio virtutum. De his deinceps quaeremus. Primò, an per Pœnitentiam quodlibet peccatum mortale remittatur.

C O N C L U S I O.

Omnia peccata mortalia per pœnitentiam ita remitti possunt, ut nec grauitas, nec multitudo ipsorum hanc remissionem impediat. Hoc est contra Nouatianos, dicentes reliqua peccata, præsertim
Apo-

Apostasiam à fide, & Negationem Christi in tormentis, non posse remitti. Quòd multitudo peccatorum non impediat Pœnitentiam, patet ex responso Christi ad Petrum, *Non dico tibi usque septies, sed usque septuagies septies*: quod omnes intelligunt de infinitis vicibus. Quod grauitas peccatorum non obstat efficacitati Pœnitentiæ, testatur Esayas cap. i. *Si fuerint peccata vestra ut coccinum quasi nix dealbabitur*. Quoad opinionem Nouatianorum, contradicit Scripturæ; quoniam Petrus qui Christum negauit, egit pœnitentiam, & Paulus 2. ad Timotheum 2. docet eos qui à fide defecerunt, admonendos esse, si fortè per Pœnitentiam resipiscant. Quoad rationes vtriusque partis confirmatiuas, petuntur ex hoc, quòd infinitus sit thesaurus bonitatis diuinæ; quod etiam Deus velit neminem perire, quod insuper damnatus fuerit Cainus dicens, *Maiores iniquitates meas, quam ut veniam merear*; quod denique homo in hac vita existens est semper viator, & proinde potest semper accedere ad beatitudinem, & per consequens potest semper obtinere remissionem suorum peccatorum per Pœnitentiam. Non est ergo credendum, esse quemdam numerum peccatorum, ad quem perueniens peccator, non possit amplius veniam obtinere: Vnde, si Scriptura aliquando dicere videatur, quòd mensura peccatorum est impleta; hoc intelligitur respectu punitionis temporalis, non verò æternæ; ita quod sensus sit, quòd Deus decreuerit permittere certum numerum peccatorum, & postea punitionem temporalem infligere de illis.

Obijc. ex ad Hebr. 6. *Impossibile est eos qui semel illuminati sunt, & prolapsi sunt, rursus ad Pœnitentiam renouari*. Resp. hoc intelligi de renouatione per alium baptismum, qui vocatur Pœnitentia, ad differentiam multiplicis lauacri quod erat in veteri lege: vel si sit sermo de Pœnitentia, ibi impossibile sumitur pro difficile. Quòd si ad Hebr. cap. 10. dicat Paulus, *Voluntarie peccantibus post acceptam notitiam veritatis non relinqui hostiam pro peccato*; hoc est, non debere expectari quòd Christus iterum pro illis moriatur. Quòd si peccata in Spiritum sanctum dicantur irremissibilia: Respondendum, quòd aliqui per peccata in Spiritum sanctum intelligant præsumptionem de diuina misericordia, desperationem de illa, con-

temptum gratiæ, invidentiam fraternæ gratiæ, & impugnationem agnitæ veritatis; quæ omnia peccata lædunt bonitatem diuinam, quæ appropriatur Spiritui sancto; & pro tunc illi peccata dicuntur irremissibilia, in quantum scilicet difficile est, ut remittantur: Scetus verò per peccatum in Spiritum sanctum, intelligit impœnitentiam finalem, quæ certè irremissibilis est, quia supponitur quòd homo in illa decedat. Sic etiam intelligendus est Ioannes dicens, *Esse peccatum ad mortem*: loquitur enim de peccato, cum quo aliquis moritur, & pro tali non est orandum.

Q V Æ S T I O V.

An peccata possint remitti sine Pœnitentia?

Constat primò, sine Pœnitentia Sacramento posse remitti peccatum cum Pœnitentia virtute: quando scilicet deest locus Sacramento Pœnitentiæ, secundum Chrysostomum Homil. 13. in Matthæum. *Non est aliquod omninò peccatum quod non cedat pœnitentiæ virtuti.* Constat 2. quòd ubi adest copia Pœnitentiæ Sacramenti, peccatum non remittatur sine illa de communi lege. Constat 3. quòd virtualis Pœnitentia, quæ consistit in dilectione Dei super omnia, possit remittere peccatum; qui enim nullo modo de peccatis cogitat, potest elicere actum dilectionis Dei, quo conuertitur ad Deum, & per quem paratus est compensare iniuriam Deo factam, & obsequare illius mandata; sed dubitatur, vtrum sine Pœnitentia virtute & sine Pœnitentia Sacramento formali aut virtuali, possint remitti peccata per absolutam Dei potentiam.

C O N C L U S I O.

De potentia Dei absoluta potest remitti peccatum sine Pœnitentia, modò homo non actualiter inclinatur ad illud; habere enim talem affectum actuale est peccare de nouo. Conclusio hæc est Scoti in quartum distinct. 14. quæst. 1. parag. *Ex his.* Cuius ratio est, quia actus peccatoris, v.g. Atrocio, non requiritur ad remissionem peccati, tamquam

quam forma per se expellens peccatum, sed tanquam dispositio; atqui non repugnat Deum conferre effectum formalem absque dispositione; ergo Deus potest conferre gratiam, qua peccatum remittatur sine poenitentia & sine vilo actu poenitentis. Non dependet enim infusio gratiæ ita absolutè à Penitentia hominis, ut implicet contradictionem, illam dari absque vilo actu eius. Deinde, per potentiam absolutam Deus potest ita diligere hominem in peccato, ut illum eleuet ad sui visionem: ergo poterit eleuare ad gratiam. Tandem non est quid mirus, dare suum filium peccatoribus, quàm gratiam; sed Deus dedit nobis suum filium, cum adhuc essemus in peccato: ergo poterit dare gratiam peccatori, dummodo non adhæreat actu suo peccato.

Obijc. Tandiu peccator in peccato manet, quamdiu illud non retractauit: ergo non potest peccatum remitti sine actu peccatoris, Resp. antecedens esse verum de lege communi, in qua Poenitentia necessaria est; falsum tamen de lege extraordinaria, ubi Deus altiori modo remitteret peccatum per formam contrariam ipsum expellentem, nempe per gratiam, quæ daretur sine illa Poenitentia. Dices. Ut tollatur peccatum, debet tolli conuersio ad creaturam; sed illa conuersio non potest tolli nisi per actum peccatoris: ergo sine actu peccatoris, idest sine Poenitentia, peccatum non potest remitti. Resp. talem conuersionem posse tolli per infusionem gratiæ, quæ habet vim conuertendi hominem ad Deum & proinde tollit conuersionem ad creaturam.

Q V Æ S T I O VI.

Verum peccatum possit remitti sine infusione gratiæ?

EX præcedenti quæstione sine Poenitentia & motu poenitentis potest peccatum remitti per gratiam habitualement, quæ est forma impossibilis cum peccato, & proinde peccatum tollit. Hic querimus, an etiam sine ipsa gratia & sine actibus poenitentis possit peccatum remitti de potentia Dei absoluta.

CONCLUSIO.

Sine vlla mutatione poenitentis, vel extrinseca, quæ fiat per actus ipsius; vel intrinseca, quæ fiat per infusionem gratiæ, potest peccatum remitti per condonationem; modò, vt diximus, voluntas peccatoris nullo modo actualiter adhæreat peccato; quia si actu inhæreret, esset nouum peccatum, & implicat peccatum remitti pro eo instanti quo committitur; quia peccatum sic esset, & non esset. Ratio est, quia Deus potest facere sine causa secunda, quod facit cum ea, atqui per gratiam Deus remittit peccatum; ergo sine illa potest illud remittere, simpliciter condonando ipsum. Deinde, macula & offensa quæ incurritur per peccatum, non est physica, sed moralis; ergo vt tollatur, non requiritur mutatio physica, quæ fiat per gratiam, sed sufficit mutatio moralis per condonationem: illa tamen remissio peccati non erit propriè iustificatio, quia non infundetur gratia iustificans: Vnde ille cui peccatum remitteretur sine gratia, non esset propriè amicus Dei; quia non haberet gratiam; nec esset inimicus, quia non haberet peccatum; sed amor ille, quem Deus haberet pro illo homine, esset purè naturalis, quia per eum diligeretur homo in puris naturalibus existens.

Obijc. Peccatum habituale consistit in priuatione gratiæ: ergo non potest tolli sine infusione illius. Resp. negando antecedens, aliàs Angelus in puris naturalibus existens esset peccator; sed consistit peccatum in auersione à Deo, quæ inuoluit priuationem gratiæ, & auersio à Deo duplex adhuc est; negatiua scilicet, qua homo non est conuersus ad Deum, & hæc non habet rationem peccati, & positiua, qua homo positiuè est auersus à Deo, & illi contrarius; si sine gratia peccatum remitteretur, homo remaneret auersus à Deo, idest non conuersus ad illum, neque per gratiam, neque per poenitentiam, non esset verò auersus à Deo positiuè, neque contrarius, quia non haberet peccatum. Dices, Peccatum remanet quamdiu remanet macula; sed macula non potest tolli nisi per gratiam: ergo nec peccatum. Negatur minor, illa enim macula non est forma realis & phy-

physica, quæ debeat deleri per formam realem & physicam; sed est tantum moralis, quæ consistit in inimicitia Dei, quam Deus potest condonare gratis; & pro tunc esset signum & effectus amicitiae Dei, non quidem positiua, qua Deus conferret bonum seu gratiam, sed negatiua, qua Deus auferret malum.

Obijc. Causa formalis iustificationis est gratia, ex Conc. Trident. sess. 6. cap. 7. ergo sine illa peccator non potest iustificari: ergo nec peccata eius sine ea remitti possunt. Resp. concedendo primam consequentiam: quia nullus reuera iustificari potest sine gratia iustificante; potest tamen remitti peccatum eius sine iustificatione, per condonationem scilicet; & sic negatur vltima consequentia. Dices, Ergo pro tunc peccata remitterentur per non imputationem, quod est Calvinisticum. Negatur consequentia, quia quando peccata non imputantur, non tolluntur reuera; si vero condonarentur, tollerentur absolute, licet non tollerentur per iustificationem, vt sunt de lege communi & per Pœnitentiam ordinariam, ubi Deus per suum modum remittit, tollendo scilicet peccata & peccatorem iustificando.

QVÆSTIO VII.

*An vnum peccatum mortale possit remitti
sine alio?*

DE lege communi hoc non fit: quia enim Deus remittit peccatum mortale per gratiam, non potest remitti vnum peccatum mortale per infusionem gratiae, si remaneat aliud; pro tunc enim homo esset simul amicus Dei, per gratiam scilicet: & inimicus eius, nempe per peccatum quod remaneret: quando ergo iustificatio hominis fit per infusionem gratiae, omnia mortalia tolluntur. Quæstio ergo nostra est de lege Dei absoluta; & affirmatiua erit,

CON-

CONCLUSIO.

DE potentia Dei absoluta, vnum peccatum mortale sine alio remitti potest, si enim, vt diximus in præcedenti conclusione, Deus absolutè possit remittere peccata per condonationem, poterit remittere vnum sine alio; quia potest condonare vnum, non condonando aliud. Deinde, Deus potest statuere per quemcumque actum Contritionis peccatum condonare, & non infundere gratiam; sed potest quis atteri de vno peccato, agnoscens illius foeditatem, & non atteri de alio: ergo potest vnum sine alio remittere. Tandem, posita contritione de pluribus peccatis, potest Deus acceptare Contritionem pro vno & non pro altero; licet enim Contritio sit actus contrarius peccato, non expellit tamen formaliter peccatum, sed tantum dispositiue, & non obstante tali dispositione, Deus potest absolutè negare remissionem peccati.

Vtrum peccatum tollatur per solam non imputationem?

Hæreticorum aliqui voluerunt remissionem peccatorum fieri tantum per non imputationem, non verò per destructionem illorum; itaque peccata remaneant in homine iusto, licet Deus illa non imputet peccatori, sed ita se gerat circa illum, ac si peccatum non esset in eo. Alij autem putauerunt peccatum remitti quidem per condonationem, non infundi verò gratiam quæ formaliter inhæreat animæ, sed peccata tantum condonari per iustitiam Christi, quæ nobis imputatur. Utrosque refutabit

CONCLUSIO.

Peccata non remittuntur per solam non imputationem, nec per solam condonationem, sed per infusionem gratiæ & iustitiæ habitualis quæ nobis formaliter inhæret. Ratio primi est, quia peccatum non imputari, est non remitti, sed tantum non

puniri; atqui peccata hominum remittuntur, & tolluntur reuerà: ergo non remittuntur per solam non imputationem. Minor habetur Ioann. 1. *Ecce Agnus Dei, ecce qui tollis peccata mundi.* Act. 3. *Conuertimini ut deleantur peccata vestra.* Ezechielis 36. *Effundam super vos aquam mundam, & mundabimini.* Secundum habetur primo ex Concilio Tridentino sess. 6. can. 40. *Si quis dixerit, homines iustificari vel sola imputatione iustitia Christi, vel sola peccatorum remissione, exclusa gratia & charitate, quæ in cordibus eorum per Spiritum sanctum diffundatur atque illis inhæreat, Anathema sit.* Ratio est, quia Christus per Pœnitentiam nobis restituit id quod amiseramus in Adamo; sed in ipso amisimus, non iustitiam imputatiuam, sed iustitiam inhærentem: ergo iustitia inhærens in Pœnitentia recuperatur, Deinde si peccatum remaneret in homine, licet non imputaretur, non possemus propriè vocari iusti: quando enim sunt duæ formæ contrariæ, vna inhærens, alia extrinseca, denominatio sumitur ab inhærente; Æthiops enim semper dicitur niger, quamuis indutus candida veste: ergo à pari, si iustitia qua remittitur peccatum, esset tantum forma extrinseca quæ nobis imputaretur, non deberemus ab illa vocari iusti, sed potius iniusti, si peccatum non destrueretur.

Obijc. ex Psalmo 31. *Beati quorum remissa sunt iniquitates, & quorum tecta sunt peccata.* Versu item 3. *Beatus vir cui non imputauit Dominus peccatum.* Denique 2. ad Corinth. 5. *Deus dicitur in Christo mundum reconcilians sibi, non reputans illis peccata ipsorum.* Respondeo, quod reuerà peccata hominum non imputentur illis post Pœnitentiam; sed ideò non imputantur, quia destruuntur per gratiam habitualement; vnde dicimus in conclusione, illa non remitti per solam non imputationem; sed dicuntur non imputari & regi, non quod remaneant, sed quia tolluntur. Quod si 2. ad Cor. 5. *Christus dicatur peccatum fecisse, imò & peccatum factum fuisse; ut nos efficiamur iustitia Dei in illo:* Ex hoc non concludendum est, quod non habeamus aliam iustitiam præter iustitiam Christi; sed ideò hoc dicitur, quia iustitia Christi meruit nostram.

QVÆSTIO IX.

An per pœnitentiam remittantur peccata venialia?

Effectum nobiliorem Pœnitentiæ, qui est peccati mortalis remissio, sequitur alter, qui est remissio venialis: de hoc quæremus, vtrum possit remitti per Pœnitentiam; & vterius, vtrum possit remitti extra illam?

CONCLUSIO.

Peccata venialia delentur per Sacramentum Pœnitentiæ; possunt tamen remitti extra illud, per contritionem scilicet, & per dilectionem Dei, non verò per attritionem, nisi iungatur cum Pœnitentia, vel alijs Sacramentis, quæ habent vim faciendi de attrito contritum. Primum patet ex hoc quòd Pœnitentia possit remittere peccata mortalia; ergo & venialia, cum sit minor offensa in istis. Eadem currit ratio pro secundo & pro tertio: quia si Contritio & dilectio Dei extra Sacramentum possunt remittere mortalia, à fortiori venialia. Vt tollat autem contritio extra Sacramentum, seu pœnitentia virtus, peccata venialia, debet dolere peccator de peccatis venialibus, vel in communi, vel sigillatim; non tantum quatenus sunt offensa Dei; sed & vt levis offensa Dei; dolor enim de peccatis venialibus vt sunt grauis offensa Dei, non sufficeret ad deletionem venialium: vnde actus doloris requisitus est ad delenda mortalia, quia ad delendum peccatum mortale sufficit voluntas non displicendi Deo in grauib, & ad tollendum veniale requiritur voluntas non displicendi Deo in minimis; & sic iste amor & ista voluntas inuoluit priorem, quoniam non potest quis dolere de leui offensa Dei, quin doleat de graui; potest tamen dolere de graui, non de minima. Vt etiam dilectio Dei possit remittere venialia, debet ita perfecta esse, vt per eam homo velit placere Deo, nedum in grauib actionibus, sed etiam in minimis. Quoad quartum, Attritio extra Sacramentum non remittit peccata venialia; quia vel remitteret homini iniu-

iniusto; vel homini iusto; non remittere autem potest comini iniusto, quia coniunguntur cum peccato mortali, quod non potest remitti per solam Attritionem; ergo nec veniale: Nec etiam remittit homini iusto, quia sequeretur nunquam peccata venialia remitti per absolutionem, quoniam absolutio præsupponit Attritionem, & sic, si attritio deleat peccatū veniale, nihil faceret absolutio, contra mentem Doctorum, qui dicunt peccata venialia esse materiam sufficientem absolutionis.

QVÆSTIO X.

Verum Sacramentalia possint peccata venialia remittere?

PER Sacramentalia intelliguntur res, aut actiones sacræ institutæ ab Ecclesia, ut per earum usum, peccatorum venialium obtineatur remissio. Hæ autem actiones hoc versu continentur: Orans, tinctus, edens, confessio, dans, benedicens. Per *orans*, intelligitur oratio Dominica, vel ea quæ fit in Ecclesia consecrata, aut tinctio pectoris, ut habetur in iure canonico. Per *tinctum*, intelligitur aqua benedicta: & unctio ceremonialis in Regem, & similes; Per *esum*, intelligitur manducatio panis benedicti; Per *confessionem*, intelligitur Confessio generalis, quæ v. g. fit publicè ante missam; Per *dans*, intelligitur elemosyna, vel alia opera misericordiæ, tam corporalia, quam spiritualia. Tandem per *benedicens*, intelligitur benedictio Episcopi vel Abbatis consecrati,

CONCLUSIO.

Sacramentalia delent peccata venialia; ad hoc enim instituntur ab Ecclesia, ut habet traditio communis, Illorum effectus non est infallibilis; non est enim fundatus in speciali promissione Christi, sed in impetratione Ecclesiæ, quæ ob sui sanctitatem meretur exaudiri à Deo, licet aliquando non exaudiat, oratio enim non semper habet suum effectum, maxime quando pro alijs funditur: si ergo aliquando Sacramentalia peccata venialia non deleant, hoc est ex defectu susipientis, qui cum

multoties sit in peccato, dum illa accipit, peccatum eius impedit, quin Ecclesia audiatur. Quòd si quaeratur, quomodo Sacramentalia peccatum veniale remittant; Respondendum est, illa non remittere *ex opere operato*; ea enim instituit Ecclesia, quæ instituere non potest signa sensibilia quæ remittant peccata, vel gratiam conferant *ex opere operato*: superest ergo ut deleant peccata venialia *ex opere operantis*, quatenus si sumantur ut debent & cum debita reuerentia, nata sunt impetrare à Deo per preces Ecclesiæ gratias actuales quæ in nobis excitent actum contritionis incompossibilem cum peccatis venialibus, & consequenter ea tollentem: quia tamen aliquando sumuntur irreuerenter, talis gratia non datur; vel si datur, rejicitur aliquando, & sic non remittuntur peccata venialia.

Hic quaeri posset, an peccatum mortale possit remitti sine veniali; an veniale possit tolli sine mortali; an vnum veniale possit remitti sine alio; an venialia remittantur sine infusione gratiæ, quomodo tandem peccata venialia remittantur quando quis cum ipsis moritur. Respondeo primò, peccatum mortale posse remitti sine veniali; ad remissionem enim mortalis sufficit displicentia peccati, ut est grauis offensa; & ad remissionem venialis requiritur displicentia ipsius, ut est levis offensa Dei: potest autem quis sibi displicere de graui offensa, & non displicere de leui: ergo mortale potest tolli sine veniali. Respondeo secundò, de potentia ordinaria non potest tolli veniale sine mortali; quia tolleretur vel per attritionem iunctam cum Sacramento, vel per contritionem extra Sacramentum, vel tandem per attritionem sine Sacramento. Si autem tolleretur peccatum veniale per attritionem cum Sacramento, vel per contritionem solam, infunderetur gratia habitualis, quæ producit per vtramque, ac proinde remitteretur etiam peccatum mortale, quoniam est incompossibile cum gratia. Non potest etiam peccatum veniale remitti per attritionem extra Sacramentum; quia attritio sola non remittit, neque peccatum mortale, neque veniale, ut diximus in præcedenti questione. Hoc tamen non impedit quin de potentia extraordinaria aliquis possit elicere actum doloris incompossibilem cum peccato veniali, quo ipsum deleatur, & Deus dene-

denegare gratiam; & sic remoueretur peccatum mortale, deleto veniali. Respondeo tertio, quod vnum veniale possit remitti sine alio veniali; homo enim potest elicere actum doloris de intemperantia leui admissa, & sic habere remissionem illius; non autem dolere de leui Iniustitia quam commisit; & sic remanebit vnum peccatum veniale; & remittetur aliud. Respondeo quarto, non remitti quidem veniale peccatum sine infusione gratiæ, aut eius augmento; vel enim peccata venialia remittuntur cum peccato mortali, & tunc infunditur gratia, sine qua peccatum mortale non deletur, vel remittuntur sine mortali, respectu scilicet iusti, qui habebit tantum peccata venialia, & tunc peccatum veniale remittitur per actum Contritionis, qui cum sit bonus & meritorius, augeat proinde gratiam; & sic nunquam remittitur peccatum veniale sine gratia, vel eius augmento. Ex natura tamen peccati venialis non requiritur gratia, vt remittatur; quia si actus Charitatis vel Contritionis de peccato veniali non mereretur augmentum gratiæ, posset tamen delere peccatum veniale, etiamsi Deus non augetet gratiam. Resp. quinto, quod alij dicant peccatum veniale cum quo quis moritur, remitti, in primo instanti, quo anima exijt è corpore in quo agnoscit statum sui peccati; & habet auxilium sufficiens, quo retrahet illud peccatum: Adduntque, quod si non sit amplius in statu merendi, respectu præmij essentialis, possit tamen adhuc mereri remissionem talis peccati, quod non potest remitti alio modo; necessarium tamen est vt remittatur, quoniam ex vna parte *nihil coinquatum intrabit in regnum caelorum*; & ex alia parte non est iustum, quod anima in gratia Dei existens, semper priuetur visione beatifica. Scotus verò dicit, peccatum veniale remitti per solutionem poenæ debitæ in Purgatorio, adiuncto tamen actu Charitatis quo anima acceptat liberè tales poenas, qui quidem actus potius delet peccatum, quàm poena; quia ille actus est impossibilis cum peccato & mixtus aliquo dolore; poena verò non soluit peccatum quantum ad maculam.

Q V Æ S T I O XI.

An remissa culpa, tollatur reatus ad pœnam?

PER culpam duo contrahit homo, maculam scilicet & reatum pœnæ, seu obligationem ad pœnam; remissa culpa per Pœnitentiam tollitur quidem macula peccati, & aufertur reatus pœnæ æternæ; an autem remaneat reatus seu obligatio ad pœnam temporalem, negant hæretici, affirmant Catholici, dicentes pœnam æternam mutari in temporalem, quia scilicet Deus taxauit diuersas pœnas diuersis peccatis: ita quod peccato manenti in æternum assignauerit pœnam æternam; & peccato per pœnitentiam reuocato assignauerit pœnam temporalem proportionatam malitiæ peccati, vel contritioni, aut attritioni; itaut si contritio fuerit maior, minus remaneat de pœna subeunda; si fuerit minor, magis supererit.

C O N C L V S I O.

REMISSA culpa, non semper tollitur omnis reatus ad pœnam, sed sæpissimè remanet pœna temporalis luenda, non tamen semper; quia actus contritionis aliquando est ita feruens, vt culpam & pœnam tollat. Hæc conclusio habetur expressè 2. Reg. 12. vbi Dauid, ob adulterium & homicidium, remissa culpa, punitur morte filij in pœnam sui peccati; vnde dixit illi Nathan Propheta, *Transtulit à te Deus peccatum tuum* (en remissio culpæ) *verumtamen quia blasphemare fecisti inimicos Dei viui, filius qui natus est tibi, morte morietur*, en pœna remanens. Deinde, licèt remissum sit peccatum originale per Baptismum, remaneat tamen mors, morbi, fomes peccati & aliæ pœnalitates; ergo sic dicendum est de actuali. Tandem, requirit communiter Pœnitentia in illis qui conuertuntur, luctum, ieiunium & elemosynam, secundum hæc dicta, *Conuertimini ad me in toto corde vestro, in ieiunio & fletu & plantu*. Ioel 2. & illud, *Elemosynis redime peccata*: hoc autem denotat, pœnam temporalem luendam remanere post remissionem culpæ. Nulla tamen datur ratio huius, nisi sola

sola voluntas diuina; sicut enim culpam & poenam æternam gratis remittit, sic & temporalem, quod tamen non facit; iure enim tales poenas exigere potest Deus, detur nimia peccandi licentia.

Obijc. Ezech. 18. *In quacumque die impius se auerterit ab impietate sua, impietas eius non amplius ei nocebit, sed Deus omnium peccatorum eius obliuiscetur.* Resp. hoc intelligi de poena æterna, quæ post remissionem peccati non amplius nocebit homini; & de culpa, quam Deus reuera obliuiscitur post Pœnitentiam. Quod si Deus multis remiserit peccata, & pœnitentiam non iunxerit; hoc factum fuit per gratiam specialem, quam Deus non omnibus impendit; & ideo taliter usus est Christus circa illos, quia excitauerat in eis tantam contritionem, quod per eam omnis pœna relaxari debuerit. Nec dicant aduersarij, Deum infinite satisfecisse pro nobis: ergo nos non indigere ulteriori satisfactione: quia licet infinite satisfecerit quoad oblationem pretij, debemus tamen nobis hanc satisfactionem applicare; quod fit reuerà per pœnas, quas subimus post remissionem culpæ. Si dicant, ablata causa, aufertur effectus; ergo ablato peccato tollitur pœna: Hoc verum est tantum, ubi effectus dependet continuò à causa sua; aliàs, sublato patre non remaneret filius; Reatus autem illius pœnæ non dependet à perseverantia peccati; sed à solo peccato, etiamsi parum duret. Dices, Contritio aufert culpam & poenam æternam: ergo à fortiori temporalem, quæ est facilior. Resp. contritionem neutrum tollere, sed est Deus qui tollit utrumque ex pura misericordia, statuens dare contritioni remissionem culpæ, & relaxationem pœnæ æternæ, non verè pœnæ temporalis.

QVÆSTIO VLTIMA.

Verum merita mortificata redeant per Pœnitentiam?

Hic est tandem quartus effectus Pœnitentiæ, de quo locuturi, prænotamus, opera nostra vel esse mortifera, quæ mortem animæ afferunt, ut peccata; vel mortua, quæ sunt ab homine existente in peccato mortali, ut elemosyna facta extra gratiam

quæ dicitur mortua, quia caret principio vitæ, nempe ipsa gratia; vel mortificata, quæ facta sunt ab homine dum est in gratia: dicuntur tamen mortificari per peccatum adueniens, in quantum stante peccato non habent ius ad gloriam: vel sunt viuificantia, quæ vitam gratiæ animæ afferunt, vt contritio & attritio cum Sacramento: vel sunt tandem viua, quæ fiunt ab homine in gratia existente. Hoc posito, certum est, quod opera mortua non reuiuificant, quia non antea vixerunt, & reuiuiscere supponit antea vixisse; sed questio nostra est de operibus mortificatis quæ facta fuerunt in gratia: & per peccatum mortificantur, quariturque de illis, an remoto peccato per Pœnitentiam reuiuiscere incipiant.

CONCLUSIO.

Opera mortificata redeunt per Pœnitentiam. Sic Concilium Tridentinum sess. 6. cap. 6 sic & Hieronymus in hæc verba Pauli ad Galatas 3. *Tanta passi estis sine causa? si tamen sine causa; super quod dicit, qui ob Christi fidem laborauerit & postea lapsus fuerit in peccatum, non perdet merita sua, si ad pristinam fidem & studium reuertatur.* Ratio est, quia merita nostra non extinguuntur per peccatum, sed semper manent in acceptione diuina, & solum impediunt ipsorum efficacia propter peccatum; & sic ablato peccato reuiuiscunt, idest dant ius homini ad præmium æternum; tota enim ratio quare mortificantur, erat peccatum: ergo sublato peccato, viuificantur.

Obijc. Peccata remissa non redeunt quando quis denuò cadit in peccatum: ergo nec merita redeunt per pœnitentiam. Resp. negando consequentiam; vt enim, inquit Scotus, Deus prouisorius est ad miserendum, quàm ad puniendum: vnde vult quod merita præterita redeant, non vult tamen quod reuocentur peccata. Deinde ideò peccata non redeunt, quia destructa sunt penitus per Pœnitentiam, merita verò redeunt, quia remanserunt in acceptione diuina.

Quæres, an opera mortificata reuiuificent ex misericordia vel ex iustitia. Alij tenent primum cum Scotò, alij secundum; Vtrumque tamen dici potest:

rest: Primum quidem, quia merita reuiuiscunt per ablationem peccati, peccatum autem tollitur ex diuina misericordia; iustificatio enim est gratuita. Secundum etiam dic potest, quia Deus prom si dare premium meritis, etiam mortificatis, modò reuiuiscant per gratiam; Ioelis enim 2. Dominus poenitentibus ait, *Reddam vobis annos, quos locusta, bruchus & rubigo comedit*, quod Hieronymus intelligit de re ditu bonorum operum, quæ impediiebantur per peccata quæ vocatur Locusta & Rubigo; & sic redeunt ex iustitia fundata in promissione Dei.

Quæres secundo, an ille qui resurgit à peccato per Poenitentiam, resurgat ad maiorem gratiam? Dissentiunt Doctores: omnes quidem dicunt quod resurgat ad maiora merita, quia ad antiqua merita mortificata quæ redeunt per Poenitentiam, additur meritum Poenitentiae, seu actus contritionis quem elicit: omnes etiam fatentur quòd resurgat ad maiorem gloriam, quia gloria datur iuxta intensiorem meritorum: cum ergo resurgat ad maiora merita, resurgit etiam ad maiorem gloriam. An autem resurgat ad maiorem gratiam; alij respondent negatiue, quia prima gratia, inquit, extincta est per peccatum, & merita remanent in acceptatione diuina; & sic licet resurgat ad maiora merita, non tamen resurgit ad maiorem gratiam, nisi actus contritionis sit ita intensus, vt per illum mereatur maiorem gratiam illa quam perdidit: Alij vero, & verisimilius, affirmant, & hoc iuxta Concil. Trident. sess. 6. cap. 16. & 33. vbi habetur quòd recuperetur gratia per Poenitentiam, quòd si recuperetur gratia, & addatur noua correspondens actui Poenitentiae, sequitur quòd per poenitentiam ille qui resurgit à peccato, resurgat etiam ad maiorem gratiam, sicut ad maiorem gloriam & ad maiora merita; & sic dicendum est quod gratia maneat etiam in acceptatione diuina, quia merita non sunt merita, nisi quatenus informantur gratia; vnde si merita maneant in acceptatione diuina, manet etiam gratia. Nec est dicendum quòd peccator recipiat vtilitatem à peccato, si resurgat ad maiorem gratiam & gloriam; hoc enim non prouenit ex peccato, sed ex poenitentia & meritis præcedentibus. Nec est etiam dicendum quòd minori contritioni dabitur gratia ma-

ior; licet enim gratia correspondens contritioni sit maior vel minor iuxta intentionem contritionis, attamen gratia correspondens meritis præcedentibus potest esse maior, si maior fuerit ante peccatum.

Quæres, an sicut merita redeunt per pœnitentiam, sic etiam redeant per nouum peccatum peccata quæ antea remissa fuerant per pœnitentiam. Iam respondimus negatiuè; quia tamen hoc mæiori explicatione indiget: Resp. primò, ipsa non redire quoad culpam; destructa sunt enim per pœnitentiam; & sic si redirent, Deus illa reproduceret, quoniam homo ea non reproducit; hoc autem dicere est blasphemum. Resp. secundò, non redire peccata quoad pœnam sensus, quia non redit pœna, si culpa non redeat. Resp. tertio, peccata redire quoad priuationem gratiæ, & quoad pœnam damni; quotiescumque enim aliquis in peccatum relabitur, priuatur gratia, & debitum incurrit carendi visione diuina. Resp. quartò, peccatum posse redire tum quoad culpam, tum quoad pœnam, de potentia Dei absoluta; potuit enim Deus remittere tum culpam tum pœnam peccati, cum hac conditione, quod si committeretur denudè peccatum, prima non censerentur amplius remissa, sed redirent tum quoad culpam, tum quoad pœnam; quia tamen remittuntur peccata absolute & independentè ab euentu futuro, illa non redeunt. Resp. quintò, licet peccata non redeant formaliter, redeunt tamen virtualiter, in quantum aggrauatur peccatum subsequens propter ingratitudinem in Deum, à quo peccator accepit summum beneficium, nempe remissionem peccatorum præcedentium, & quò peccata grauiora sunt remissa, eò ingratitudo est grauior. Porro, licet illa ingratitudo sit circumstantia notabiliter aggrauans nouum peccatum, non continet tamen omnem malitiam, quam continebant peccata remissa, nec constituit speciale peccatum. Quòd si in parabola Matth. 18, dicatur reuocatum fuisse primò omne debitum serui, attamen regem postea repetiisse illud debitum à seruo, quia non miserus erat conserui sui; ex hoc non est concludendum quòd Deus sic faciat ad commissionem noui peccati; ex parabola enim nihil conuincens inferri potest, sed tantum attendi debet finis ipsius; vnde cum hæc parabola tantum ostendere prætendat, facien-

dam

dam esse eleemosynam, propterea non est concludendum quòd peccata redeant, nisi virtualiter.

CAPVT SEXTVM.

De partibus Pœnitentia.

Partes essentielles Pœnitentiæ sunt tantùm duæ, scilicet materia & forma; per formam autem intelligitur absolutio Sacerdotis debitè applicata, & per materiam intelliguntur actus pœnitentis, præsertim contritio & confessio; nam satisfactio est quidam pars integrans illius; non tamen essentialis quia sine illa potest remitti peccatum; vt patet de illis qui moriuntur antequam eam impleuerint; est tamen pars integrans, quia ad integritatem iudicij pertinet punizio delicti, seu satisfactio pro illo: sicut ergo omnia membra sunt partes integrantes hominis, corpus verò & anima partes essentielles illius, sic in pœnitentia materia & forma sunt partes essentielles; satisfactio verò cum contritione & confessione est pars integrans, Volentibus ergo de omnibus agere, incipiendum est à contritione.

QVÆSTIO PRIMÀ.

Quid sit Contritio propriè sumpta?

Contritio est nomen metaphoricum sumptum à rebus naturalibus; sicut enim aliquid dicitur conteri, quod cum antea durum fuerit, in minutissimas partes postea comminuitur, vt destruat; sic voluntas hominis dicitur conteri, quia cum antea veluti indurata fuerit in peccato, postea per gratiam emollitur & aboletur in ea tum peccatum, tum effectus peccati. Secundum rem: contritio est internus animi dolor de peccato commisso cum proposito non peccandi deinceps; & hæc diuiditur in perfectam & imperfectam, iuxta Concilium Tridentinum sess. 14. cap. 4. Prima, de qua nunc loquimur, vocatur contritio simpliciter; secunda attritio, & de illa postea dicemus.

CONCLUSIO.

Contritio est dolor seu detestatio de peccato ; vt est offensa Dei, super omnia detestabilia , propter Deum summè dilectum , cum spe veniæ & proposito non peccandi de cætero , & seruandi mandata Dei, præsertim illud quod est de Confessione Sacramentali & de satisfactione suo tempore faciendis. Dicitur primò, *dolor* ; non quidem appetitus sensitiui , sed voluntatis sibi displicentis & tristitiam habentis de peccato commisso ; & in hoc attritio conuenit cum contritione. Quòd si non habeatur tristitia de his, quæ voluntariè accidunt , non minùs tamen habetur de peccato ; licèt enim velimus illud , cùm committimus ipsum ; tamen illud nolumus, dum conerimur . Dicitur secundò, *peccati vt est offensa Dei* ; quia peccatum est obiectum contritionis, vt est offensa Dei ; detestari enim peccatum vt est contra rationem , vel vt sanitatē minuit, non est habere veram contritionem. Dicitur tertio, *super omnia detestabilia* ; detestamur enim malum culpæ, & malum poenæ ; & ad veram contritionem exigitur, vt plus detestemur malum culpæ , quàm quodcumque malum poenæ , qui tamen coneritur , non debet in particulari comparare singula mala, v.g. mortem temporalem , aut poenam æternam cum peccato , nec illam comparisonem debent proponere Confessarij, vt contritionem excitent in pœnitentibus ; imò hoc periculosum est , vt notat D. Thomas hic qu. 3. art. 3. ad quartum ; sed sufficit in confuso detestari peccatum super omnia mala detestabilia , & illa potius eligere quàm peccatum . Dicitur quarto, *propter Deum summè dilectum* ; Veram enim pœnitentiam non facit , nisi amor Dei , & odium peccati , inquit Augustinus , serm. 7. de tempore. Qui ergo detestaretur peccatum super omnia detestabilia , quia adducit reatum poenæ æternæ , non coneretur ; sed illa detestatio debet procedere ex amore Dei super omnia ; non quidem intensiue , potest enim mater habere dolorem intensiorem de morte filij, quàm de peccato ; sed appetiatiue , ita quòd debeat præferre mortem filij ad peccatum. Dicitur quintò, *cum spe veniæ* ; qui enim desperaret de misericordia consequenda ,

com.

committeret peccatum. Dicitur sextò, *cum proposito non peccandi deinceps*; si tamen hoc propositum fuerit tantum implicitum, sufficit; illud autem includitur semper in contritione; qui enim contritus de peccato, diligit Deum super omnia, & non vellet illi displicere neque in presenti, neque in futuro. Dicitur septimò, *cum proposito seruandi mandata Dei*; qui enim non haberet talem voluntatem, censeretur habere affectum saltem virtualem ad peccatum. Additur tandem, *mandata*, præsertim de confessione & satisfactione; quia licet contritio tollat peccatum, hoc facit semper in ordine ad confessionem & satisfactionem, quarum votum includitur saltem virtualiter in contritione.

Quæres, vtrum contritio cum tali voto remittat peccata ante absolutionem? Omnes respondent quòd sic, quando contritio elicitur extra Sacramentum, ita quòd homo eliciens actum contritionis cum voto confitendi peccata, data occasione, illicò gratiam recipiat; vnde si postea confiteatur peccata, hoc est vt suum votum impleat & recipiat augmentum gratiæ virtute Sacramenti, & relaxationem poenæ debitæ peccatis, & vt securior sit de remissione peccatorum; quia si habuisset tantum attritionem loco contritionis, peccata quæ non fuissent remissa per talem attritionem, remitterentur per absolutionem sequentem, modò perseveraret attritio. An vero per contritionem remittantur peccata in Sacramento ante absolutionem; aliqui respondent negatiuè, asserentes illam contritionem præcedentem absolutionem, manere in acceptione diuina, donec adueniat absolutio, cui præcisè spectat gratiam conferre & remittere peccatum; alij tamen melius asserunt ipsam contritionem conferre gratiam pro eo instanti quo elicitur, etiamsi nondum aduenerit absolutio; quod videtur conforme Concilio Tridentino sess. 14. c. 4. quòd si dicatur, ergo frustra recipitur absolutio: ergo etiam falsa est forma Sacramenti, qua Sacerdos dicit, *Ego te absoluo*: Respondebitur, vtramque consequentiam esse falsam: Primò enim absolutio non est frustra; auge enim gratiam quam confertur *ex opere operato*, poenam æternam remittit, & hominem reddit securiorem; cum enim nullus sciatur

se esse contritum, debet absolui, vt vi Sacramenti & absolutionis ex attrito fiat contritus. Secundò, forma absolutionis non est falsa; Sacerdos enim dicens, *Ego te absoluo*, non intendit absoluerè absolute, sed secundum exigentiam pœnitentis, in quantum scilicet Sacerdos potest, & pœnitens indiget; ita quòd si pœnitens habet tantum attritionem de peccatis, reuerà absoluat de illis; si verò peccata sint remissa per antecedentem contritionem, pro tunc non remittit quidem peccata, sed gratiam auget, pœnam peccatorum minuit, & vulnus peccati tollit; quæ omnia sunt beneficia absolutionis; & sic verba Sacerdotis dicentis, *Ego te absoluo*, non sunt falsa.

Q V Æ S T I O II.

Quid sit Attritio, & quomodo à Contritione differat?

ANtea loquuti fuimus de contritione; quam alij dicunt esse actum charitatis, quia procedit ex amore Dei super omnia, licet meo sensu potius dici debeat actus pœnitentiæ virtutis: ficet enim contritio includat actum amoris Dei, elicitur tamen à Pœnitentia, quæ est virtus inclinans hominem ad compensandam offensam Deo factam; vnde est quædam species iustitiæ commutatiuæ, quæ habet quatuor actus; quorum primus est dolor interior de peccato commisso, secundus est propositum non amplius peccandi, tertius est confessio peccatorum, quartus tandem est satisfactio pro pœna debita peccato: nunc ergo dicendum est de Attritione.

C O N C L U S I O.

ATritio ex Concil. Triden. sess. 14. cap. 4. est dolor imperfectus de peccato commisso, quatenus oritur, non ex dilectione Dei super omnia, sed ex alijs motiuis, v.g. ex metu gehennæ, & ex metu amissionis gloriæ, vel ob turpitudinem peccati, cum spe veniæ & intentione non peccandi denuò. In hoc ergo differunt præcisè contritio & attritio, quod contritio fiat ex motiuo amoris Dei super omnia, non sic verò attritio: vnde, si alij dicant eas differre

ferre intentione vel duratione, aut quia una semper acceptetur à Deo, non semper altera, aut quia illa semper informatur gratia, non ista; aut tandem quia prima sufficit per se ad iustificationem, non vltima; hæ omnes differentiæ non sunt essentielles; prius enim natura est contritio, quàm intendatur, quàm longius duret, quàm acceptetur, quàm sufficiat ad tollendum peccatum, & quàm informetur gratia, licet eodem tempore contritio sit contritio, & gratiam conferat.

Quæres, si contritio & attritio differant specie, quomodo attritio fiet contritio? Resp. quòd attritio non fiat contritio; idem enim actus numero qui est attritio, non potest esse contritio; sed dicunt Doctores, hominem ex attrito fieri contritum, per Sacramentum scilicet: in quantum attritio iuncta Sacramento habet eundem effectum ac contritio; remittit enim peccata & gratiam confert, & sic attritus fit contritus; non formaliter, quia attritus manet semper attritus, sed æquivalenter & effectiue.

Q V Æ S T I O I I I.

An Attritio sufficiat ad remissionem peccati?

Hic non loquimur de illo dolore, quo quis dolet de peccato ob prauum finem; v. g. de gula, quia non potest adimplere actum venereum, iste enim est malus: nec de illo qui elicitur ob finem naturalem; vt quando quis dolet de peccato, quia est contra rationem, vel contra Deum auctorem naturæ; ille enim est naturalis, & sic non potest obtinere gratiam quæ supernaturalis est: Nec de illo qui est sine proposito, saltem virtuali, non peccandi in posterum; esset enim ille dolor compatibilis cum voluntate peccandi: sed loquimur de illo dolore & de attritione illa, quæ secundum Conc. Trid. sess. 14. cap. 4. elicitur impulsu Spiritu S. impuentis hominem ad istum actum doloris super omnia sua peccata, siue in communi, siue in particulari; quæ quidem attritio procedere potest vel ex foeditate peccati, vel ex metu gehennæ, vel ex amore gloriæ.

CONCLUSIO.

AD remissionem peccati sufficit attritio cum Sacramento, unde homo solum attritus potest recipere fructuose absolutionem à peccatis. Sic Concil. Triden. sess. 14. cap. 4. determinans, quòd attritio, quam vocat contritionem imperfectam, non solum non faciat hominem hypocritam & magis peccatorem, sed esse donum Dei & impulsus Spiritus sancti, non adhuc inhabitantis, sed tantum mouentis, qui poenitentem viam sibi ad iustitiam parat; & quamvis sine Sacramento poenitentia per se ad iustificatorem peccatorem perducere nequeat, tamen eum ad Dei gratiam in Sacramento poenitentia impetrandam disponit. Catechismus Romanus idem affirmat cap. 5. secundæ partis: Augustinus similiter: 1. enim de Catechizandorum rudimentis, cap. 17. dicit, *Qui volunt fieri Christiani, tenentur habere aliquam dispositionem, non omnino perfectam, sed sufficientem, ut baptismum recipiant & per illum iustificentur*: loquitur autem Augustinus de attritione, quæ habetur ex metu damnationis, & dicit illam esse sufficientem, ut quis per baptismum gratiam recipiat. Accedit determinatio Facultatis Parisinæ, quæ anno 1638. declarauit contrariam opinionem esse temerariam, erroneam, & virtutis Sacramenti Poenitentia imminutiuam.

Confirmatur conclusio rationibus. Primò, quia Poenitentia dicitur Sacramentum mortuorum, in quantum per absolutionem dat vitam gratiæ peccatoribus; sed si ad absolutionem requireretur contritio, absolutio nunquam remitteret peccata, quia contritio præcedens Sacramentum Poenitentia, seu absolutionem, illa remittit & gratiam confert, ex Concil. Triden. sess. 14. cap. 4. ergo attritio sufficit ad remissionem peccati, mediante absolutione. Secundò, quia Christus dedisset frustrà potestatem clauium sacerdotibus, si contritio præuia ad absolutionem requireretur; nunquam enim sacerdotes peccata soluerent, quando quidem iam essent soluta per contritionem; & sic Sacramentum Poenitentia careret suo effectui, qui est peccati remissio, & sacerdotes sua iurisdictione: ergo dicendum est, quòd attritio sufficiat, quæ posita, absolutio habet suum effectum, &

sacerdos

sacerdos utitur sua autoritate. Tertiò, quia in lege Mosaica per solam contritionem peccata remittebantur sine confessione : ergo nostra esset durior , si cum confessione requireretur contritio : ergo , ut sit dulcior , debet dici quòd sufficiat sola attritio cum confessione & absolutione .

Obijc. Attritio ex timore concepta non est meritoria : ergo non est sufficiens ad remissionem peccati . Resp. quòd timor potest concipi , vel ut excludit Deum , & est coniunctus cum affectu peccandi , ut quando quis esset paratus perseverare in peccatis , si poena non esset illis imposita ; & ille timor , qui vocatur serviliter servilis , malus est , quia includit affectionem ad peccatum ; alius est timor qui est servilis simpliciter , & qui non admittit talem affectum ad peccatum , nec Deum excludit , quo videlicet peccator Deum punientem ita timet , ut ad illam poenam evitandam doceat de peccatis , & iste timor bonus est ; Deus enim illum excitat in nobis , dicens , Matth. 10. *Nolite timere eos qui occidunt corpus ; sed timete eum qui potest animam & corpus perdere in gehennam ;* & ille timor sufficit ad iustificationem cum absolutione .

Obijc. ex Concil. Trid. sess. 6. cap. 6. non iustificantur adulti , nisi Deum diligere incipiant : ergo non sufficit attritio orta ex timore sine amore Dei . Resp. in attritione inuolui actum divini amoris , saltem virtualiter & remotè , qui enim timet infernum , desiderat virtualiter possessionem gloriæ , quoniam inter utrumque non est medium ; qui autem cupit gloriæ , vult etiam virtualiter amare Deum , in quo stat beatitudo . Dices , qui culpam odit propter poenam , malè agit , quia culpa , quæ est malum gratiæ , est odibilior poenæ , quæ est malum naturæ . Resp. odisse culpam propter poenam non est actus malus , sed non est ita perfectus . ac si culpa odiretur propter se ; homo autem non tenetur facere id quod est perfectius , nec ordinare minus bonum in maius . imò aliquando maius bonum potest ordinari in minus , quando utrumque ordinatur ad summum bonum , ut patet in sententia eorum qui dicunt Christum ordinatum fuisse in bonum hominis , quia scilicet tum Christus , tum homo , ordinati fuerunt ad Deum : quia ergo tum fuga poenæ , tum odium culpæ

ordinantur ad Deum possidendum, potest sine iniustitia odio haberi culpa propter poenam; & sic attritio sufficere potest ex metu gehennæ ad remissionem peccati.

Quæres, qualis esse debeat attritio? Resp. primò, ad melius esse; debet præcedere aut concomitari confessionem; quia confessio non est tantum narratio peccatorum, sed est actus poenitentiae virtutis, qui debet procedere à corde dolente; potest tamen succedere confessioni, quia pro tunc censetur moraliter iungi cum confessione; non verò potest differri post absolutionem; aliàs caderet forma super materiam non dispositam. Idem dices de contritione in Sacramento. Resp. secundò, Attritio debet esse dolor supernaturalis ex Concilio Trid. sess. 16. cap. 4. quia dispositio ad formam supernaturalem, qualis est gratia, debet esse supernaturalis. Resp. tertio, Attritionem debere esse cum proposito efficaci & absoluto non peccandi in futurum; & sic non sufficit propositum inefficax, quo quis dicit: vellem quidem non furari, si non essem paupertate affectus; remanet enim absoluta peccandi inclinatio cum illa velleitate: propositum tamen illud absolutum non necessario debet esse explicitum, sed implicitum sufficit. Resp. 4. quòd Attritio debet esse vniuersalis; se extendens ad singula peccata, vel saltè ad omnia generaliter; nò enim disponitur peccator ad gratiam, si non habeat displicentiam de omnibus peccatis. Resp. quintò, quòd attritio debeat esse vera, & quòd existimata non sufficit; vnde si quis bona fide ad Sacramentum accedat cum examinatione conscientiae, etiamsi conatus fuerit elicere attritionem supernaturalem, non potest absolui, si illam actu non habeat, quidquid dicant aliqui. Resp. sextò, quòd ad attritionem non sufficit voluntas suscipiendi Sacramentum, sed requiritur attritio formalis, quæ vel actualis sit, vel paulò ante actualis fuerit. An autem sufficiat actus, quo quis dolet, quòd non habeat attritionem; affirmant Nauarrus, Paludanus, & alij; negant Bonacina, Henriques, Vasques & ceteri: verisimile est tamen, quòd si talis dolor sit verus & supernaturalis, coniungitur cum dolore de peccatis, licet non dignoscatur; & pro tunc ille actus sufficeret ad absolutionem.

QVÆSTIO IV.

An Contritio sit necessaria?

Contritio non est quidem necessaria necessitate medi; in lege gratiæ; quia cum attritione iuncta Sacramento, peccator saluari potest: An sit verò necessaria necessitate præcepti, explicabit

CONCLUSIO.

EXtra Sacramentum Pœnitentiæ necessaria est contritio necessitate præcepti, non verò in Sacramento; aliàs cum attritione nullus saluaretur: illud autem præceptum de contritione elicienda habetur in illis locis, vbi pœnitentia iniungitur; vt Ezech. 18. *Conuertimini, & agite pœnitentiam ab omnibus iniquitatibus vestris; & non erit vobis in ruinam iniquitas.* Quo iure autem necessaria sit contritio, & quando sit necessaria; dicendum est primò, quòd nedum sit de iure diuino, ex Lucæ 13. *Nisi pœnitentiam egeritis, omnes simul peribitis;* & Ezechielis 18. *Conuertimini, & agite pœnitentiam;* sed est etiam de lege naturæ; Concil. enim Tridentinum sess. 14. cap. 4. dicit quòd contritio necessaria fuerit omni tempore: ergo erat necessaria in lege naturæ, vbi non erat præceptum positium: Ratio est, quia supposita fide, qui peccauit in Deum, tenetur naturaliter reconciliari cum Deo, & proinde dolere de offensa in ipsum commissa. Quoad secundum, dicendum est quòd præceptum contritionis vigeat per se in articulo mortis etiam existimato, & in periculo amentię perpetuæ, pro tunc enim est maxima necessitas se conuertendi ad Deum: si tamen in his casibus quis haberet attritionem cum confessione, tenetur communiter, quòd non sit præcepta contritio; hoc enim faciens non se committit periculo damnationis, nam fit de attrito contritus: aliqui tamen contrarium tenent. Per accidens aliquando extra illas occasiones præcipitur contritio extra Sacramentum; vt quando recepturi sumus, vel administraturi aliquod Sacramentum, ne sacrilegium committatur; vel quando quis est in periculo aliud committendi peccatum, ad quod

quod traheretur per peccatum præcedens, iuxta illud Gregorij, *Peccatum quod per pœnitentiam non deletur, suo pondere in aliud trahit*: ne ergo in istud incidat peccator, debet illud reuocare per contritionem. Contritio insuper necessaria est, quando quis dubitat de obliuione peccatorum; vel quando urget generalis calamitas Ecclesiæ, pro qua fit publica oratio; de hoc tamen dubitant aliqui, & longè plures de contritione elicienda in die festo.

Obijc. Si per Scripturam præcepta est contritio, ex quo habetur quòd attritio sola cum Sacramento sufficiat? quoniam præceptum de contritione generale est, Lucæ 13. *Nisi pœnitentiam egeritis, omnes simul peribitis*, Respondendum, legem istam habere suam exceptionem ex eadem Scriptura, ubi Christus dedit Apostolis clauium potestatem, & ius remittendi peccata; si enim possunt remittere peccata, hoc faciunt applicando absolutionem super attritionem solam; quia quando præcessit contritio, pro tunc ministri non remittunt peccata per absolutionem. Porro, quando diximus contritionem esse necessaria n extra Sacramentum, hoc intelligitur saltem de contritione virtuali, quæ consistit in dilectione Dei, quæ quidem peccata remittere potest.

Quæres, an aliquis teneatur coateri eo ipso quo peccauit. Aliqui hoc affirmant, quamplurimi tamen, & melius negant, quia præceptum contritionis est affirmatiuum, quod non obligat pro semper, sed certo quodam tempore: sequeretur enim ex hoc, quòd qui non contereretur, in instanti sequenti nouum peccatum committeret, transgrediendo præceptum contritionis; in secundo etiam instanti aliud peccatum faceret, & in tertio tertium, & sic deinceps. Dices, Ergo si non tenetur conte i, potest velle pro illo instanti non pœnitere. Respo. non posse velle non pœnitere absolute, sed posse velle non pœnitere pro eo instanti quo contritio non est præcepta. Dices, quando lapsi sumus in morbum, tenemur recurrere ad medicum: ergo à fortiori, quando sumus in peccato. Negatur antecedens, quando medicina differri potest sine probabili periculo; & sic dicendum est de peccato: vnde si immineret periculum moriendi, non deberet differri con-

contritio. Dices, debemus corripere fratrem eo instanti quo lapsus est in peccatum; ergo debemus resurgere à peccato illicò ac in illud lapsi sumus. Resp. non teneri statim, nisi quando volitio peccati perseverat in fratre, vel quando timetur nouum peccatum; & in his duabus conditionibus tenetur etiam conteri, vel saltem non continuare in volitione peccandi. Dices: tenemur restituere statim ac furati sumus; ergo & reddere Deo honorem, eo instanti quo hunc illi abstulimus per peccatum. Negatur paritas; qui enim non restituit, transgreditur de nouo præceptum non furandi, quo prohibetur subreptio & detentio rei alienæ; vnde qui detinet, & non restituit quando potest, peccat: qui verò non conteritur, non it contra præceptum, quia non præcipitur contritio pro omni tempore: deinde ille qui intulit iniuriam cum damno, debet illicò illam reparare, non tamen quando est sine damno, vt quando Deum offendimus, Dices, Nullo momento licet esse in peccato; ergo omni momento debemus conteri. Distinguo antecedens, non licet esse in peccato positiuè, idest non licet patrare peccatum, concedo: negatiuè, nego: possumus enim non conteri, quia contritio est præceptum positium: quando ergo Scriptura dicit, *Non tardes conuersi ad Deum*: ibi est consilium, non præceptum.

QVÆSTIO VLTIMA.

Qualis debeat esse Contritio?

Contritio spectari potest quantum ad intensiōnem, quantum ad durationem, & quantum ad extensionem. Quantum ad intensiōnem, dolor contritionis debet esse summus; nascitur enim ex amore Dei quem debemus diligere ex toto corde; non tamen requiritur vt sit summus intensiuè, quasi non possit dari intensior, sed debet esse summus appretiatiuè, itavt quodcumque malum præferamus peccato. Quantum ad durationem, non requiritur quòd longius duret; eo enim ipso quo elicitur actus contritionis, est sufficiens dispositio ad gratiam; sicut enim eo instanti quo homo peccat; gratiam amittit, sic eodem quò conteritur, gratiam recuperat. An autem possit

possit elici contritio in instanti: si spectetur ut inuoluit omnia quæ necessaria sunt ex parte intellectus & voluntatis, non potest fieri in instanti; est enim actus humanus ad quem requiritur consideratio peccati, iudicium practicum intellectus distantis dolendum esse de peccato, & tandem consensus voluntatis, quæ omnia non possunt fieri in instanti: si autem sumatur pro solo actu voluntatis hæc omnia præsupponentis, potest fieri in instanti. Quantum ad extensionem denique voluntatis circa peccata, respondebit

CONCLUSIO.

Contritio debet quidem esse de omnibus peccatis, quia nullum est peccatum quod remittatur, nisi retractetur per contritionem; de quolibet tamen peccato non requiritur specialis contritio; essent enim plures contritione partiales ex quibus componeretur contritio totalis quæ iustificat, quod falsum est; contritio enim est simplex animi motus omnia peccata saltem in communi detestans: quia autem nullus potest dolere de peccatis, nisi de illis recogitet; dicendum est, si contritio fiat extra Sacramentum, non requiri distinctam peccatorum recogitationem, sed sufficere confusam; si verò contritio fiat in Sacramento, in ordine ad confessionem, tunc necessaria est explicita recogitatio singulorum peccatorum; sed hoc non requirit contritio ut sic, sed potius confessio.

CAPVT SEPTIMUM.

De Confessione.

QUESTIO PRIMA.

Quo iure necessaria sit Confessio?

Confessio aliquando sumitur pro laudatione, Psal. 32. *Confitemini Domino in Cithara*; aliquando pro publica protestatione fidei, Rom. 10. *Corde creditur ad iustitiam, ore fit confessio ad salutem*; propriè sumitur pro accusatione sui ipsius, unde describitur,

Legitima accusatio de peccatis proprijs, facta Sacerdoti iurisdictionem habenti, ad veniam obtinendam virtute clauium. Calvinistæ & Lutherani dicunt eam esse tantum ab Ecclesia inuentam, & non à Christo institutâ.

CONCLUSIO.

Confessio est de iure diuino; Christus enim illam instituit, non tanquam liberam quasi homo possit illa uti, vel non; sed ut necessariam pro illis qui habent peccata mortalia. Sic Conc. Trident. sess. 14. can. 14. *Si quis negauerit confessionem sacramentalem esse iure diuino institutam, vel iure diuino ad salutem necessariam; si quis etiam dixerit modum secretè confitendi soli Sacerdoti, esse ab institutione & mandato Christi alienum, aut esse inuentum humanum, Anathema sit.* Quoad locum Scripturæ ubi Christus eam instituit, habetur Ioan. 10. ubi Christus dicens Apostolis, *Sicut misit me viuens Pater, & ego mitto vos, & mox subiungens, Accipite Spiritum sanctum, quorum remiseritis peccata, remittentur eis, &c.* commisit Apostolis & eorum successoribus potestatem iudicalem remittendi aut retinendi peccata, quod non possent facere iuridicè, si poenitentes sua peccata non aperirent per confessionem; & sic est de iure diuino: vnde Ecclesia in Concilio Lateranensi præcipiens confessionem annuam, non facit præceptum de confessione, sed modificat præceptum Christi (quod erat indeterminatum) ad singulos annos: sic Concilium Tridentinum sess. 14. cap. 5. vnde Papa non potest abrogare præceptum confessionis, nisi ex ea parte qua est Ecclesiasticum, non iubendo illam fieri annuatim.

Obijciunt communiter aduersarij Christum remississe peccata Magdalenz & Paralytico sine confessione: sed licet hoc fecerit Christus, qui habebat potestatem excellentiæ non alligatam Sacramentis, & qui intima cordium penetrabat; non propterea sic agere possunt ipsius Ministri. Quod si dicant, Petrum per lacrymas sine confessione obtinuisse suæ negationis remissionem; nil mirum est, nondum enim Apostoli habebant potestatem ligandi & soluendi; quæ tantum data fuit post resurrectionem: Ioan. 20. Quod si Nectarius Patriarcha Constantinopolita-
nus

nus dicatur abrogasse confessionem; non abrogauit secretam, sed publicam, quæ fieri solebat; & hoc propter hanc occasionem. Mos inoleuerat, ut in qualibet ciuitate deputaretur Sacerdos aliquis, qui exciperet confessiones quorundam peccatorum publicorum, quæ congruum aliquando iudicabat publicare inter solemnia Missarum coram astantibus, tum ut alijs incuteretur timor; tum ut fieret aliqua satisfactio illis, quibus scandalum datum fuerat; quadam autem die mulier nobilis se accusando, accusauit diaconum cum quo peccauerat, de qua re grandis tumultus factus est in Ecclesia, quem audiens Nectarius, prohibuit ne deinceps fierent confessiones publicæ.

Obijciunt insuper aliquos Patres & præsertim Chrysostomum Homil. 3. in Epist. ad Hebræos dicentem, *Non dico tibi, ut te prodas in publicum, neque apud alios te accuses.* Et in Psalmum 59. *Si confundaris alicui dicere quia peccasti, dicito quotidie in anima tua:* Homil. etiam 4. de Lazaro, *Cave homini dixeris peccata, ne expobret tibi; nec enim conseruo tuo confiteris.* Resp. Chrysostomum per hoc non respuere confessionem secretam; illam enim astringit Homilia 58. in Ioannem, & libro 3. de Sacerdotio; sed tantum reijcit publicam, abrogatam per Nectarium antecessorem suum; fiebat enim pro tunc duplex confessio, vna publica ante populum ad incutiendum timorem, & scandalum de peccatis publicis reparandum; alia auricularis coram sacerdote ad absolutionem recipiendam. Primam reijcit Chrysostomus, secundam retinet; ita quod sensus illius sit, ut postquam poenitens sua peccata confessus fuerit sacerdoti, non tanquam homini, nec tanquam conseruo suo, sed tanquam Deo cuius vices tenet, postea secretam poenitentiam faciat de peccatis suis, non illa declarando iterum hominibus, ut fieri solebat, sed soli Deo inter priuatos parietes.

Quæres, vtrum confessio fuerit præcepta in lege Mosaica? Resp. negatiuè; tunc enim sacerdotes non habebant clauēs regni cœlorum, nec potestatem remittendi peccata, quæ tantum data fuit Apostolis; vnde si discernebant inter lepram & lepram, hoc intelligitur de lepra corporali; iudicabant enim qualis esset lepra, & an esset perfecte sanata, eam-

tamen sanare non poterant. Quòd si Num. 5. habeatur. *Vir, siue mulier cum transgressi fuerint mandatum Domini, confitebuntur peccatum suum*; hoc intelligitur de peccatis exterioribus, non de internis, quæ nos ipsi tenemur confiteri; vnde ea confessio erat tantum figura nostræ: confitebantur autem illa peccata exteriora grauiora per certa quædam sacrificia, quæ pro certis quibusdam peccatis destinabantur, & quæ tenebantur offerre, in quo consistebat illorum confessio.

Q V Æ S T I O II.

Quos obliget præceptum Confessionis?

A Pud omnes Catholicos in confesso est, præceptum confessionis esse à Christo Domino institutum, ut dictum est superius; aliqui tamen putauerunt confessionem non fuisse à Christo præceptam; sed quia hoc secundum æquè ac primum, determinatum est in Concilio Tridentino sess. 14. cap. 6. non est quòd immoremur in probanda hac veritate; sed querimus tantum, qui sint obligati ad confessionem.

C O N C L U S I O.

OMnes fideles baptizati, postquam rationis usum attigerint, si habent peccata mortalia commissa post baptismum, aut in susceptione baptismi, tenentur confiteri. Quia diximus, *omnes*, ideo Summus Pontifex ad confessionem tenetur, nedum ex iure diuino, sed & Ecclesiastico; si non ex vi coactiua, saltem ex vi directiua; decens enim est ut obseruet legem, quam condidit. Quia diximus *fideles baptizati*, ideo infideles, & Catechumeni non tenentur ad confessionem, neque iure Ecclesiastico (Ecclesia enim habet tantum ius in baptizatos) neque iure diuino, quia Christus neminem voluit ad confessionem teneri, nisi esset baptizatus; vnde Baptismus dicitur ianua Sacramentorum, & Concilium Tridentinum sess. 14. cap. 5. dicit *hoc Sacramentum esse necessarium lapsis post baptismum*. Quia diximus, *postquam rationis usum attigerint*; ideo sicut illi qui

carent usu rationis, non tenentur huic præcepto; qui tamen rationis sunt compotes etiam ante pubertatem, ad confessionem tenentur, tum de iure diuino, tum de Ecclesiastico; cum sint enim capaces peccati, debent ad remedium currere; qui tamen in hac ætate non confiteretur quotannis, non incurreret poenam excommunicationis aut priuationis sepulturæ Ecclesiasticæ, quæ statuitur contra non confitentes annuatim, ex capite *Omnis utriusque sexus*; Gregorius enim IX, dicitur, *Pueros sape delinquere, non tamen in illis puniendæ esse delicta, sicut in maioribus*; si tamen percuterent clericum, excommunicationem incurrerent. Quia diximus, *si habent peccata mortalia*; idè qui habet tantum venialia, non tenetur confiteri quotannis; hoc enim non præcipitur, neque iure diuino, neque Ecclesiastico; tenetur tamen comparere coram paroco, testificaturus se non indigere confessione, & hoc iure naturali ad vitandum scandalum. Quia diximus, *post Baptismum & in Baptismo commissæ*: peccata commissæ ante Baptismum non sunt materia legitima confessionis, quia commissæ sunt ab homine non submisso Ecclesiæ; fictio tamen cum qua Baptismus recipitur, debet aperiri in confessione.

Q V Æ S T I O III.

Quo tempore obliget præceptum Confessionis?

Nemo tenetur ad confessionem eo instanti quo peccatum commisit; est enim præceptum affirmatiuum, sicut contritio; & sic obligat tantum pro certo aliquo tempore: pro quonam autem? aliud est, loqui de iure diuino, aliud de iure Ecclesiastico; aliud est etiam loqui de necessitate confessionis per se, vel per accidens.

C O N C L V S I O.

Iure diuino per se tenetur fidelis peccata confiteri in periculo mortis. Per periculum mortis intelligitur nedum grauis morbus, sed & nauigatio periculosa, vel prælium, aut quæcumque alia occasio in qua moraliter mors imminet. Ratione huius præcepti

cepti Pius V. anno 1566. renouauit prohibitionem factam medicis, nè curarent infirmos, quin prius eos monuerint de confessione facienda; cui legi dicuntur medici satisfacere, dum monent infirmos de confessione, vel parentes vt ad confessionem excitent infirmos. Præcepto eodem mulier quæ prima vice paritura est, aut quæ iam peperit cum periculo vitæ, tenetur ad confessionem, sicut & condemnatus ad mortem, & ægrotus qui in diuturno morbi periculo peccauit post confessionem factam; licet enim non teneatur de nouo Eucharistiam sumere, quam antea sumpsit (quia non est medium ad salutem absolutè necessarium) tenetur tamen confiteri iterum. An autem extra periculum mortis aliquis teneatur de iure diuino confiteri peccata; negant D. Thomas in 4. dist. 17. art. 4. & Scotus in 4. dist. 17. art. 4. circa finem. Alij cum Bonacina, sentiunt quòd si Ecclesia non determinasset præceptum confessionis ad singulos annos, non tamen debere differri vsque ad mortem; quia non est verisimile, quòd Christus instituerit tam æstimabile Sacramentum, vt semel tantum reciperetur. Tempus quo sit emittenda confessio extra articulum mortis, determinari debet ex iudicio prudentis viri, ita quòd, inquiunt aliqui, non debeat differri vltra quatuor vel quinque annos.

Quoad tempus quo fieri debet confessio de iure diuino per accidens; facienda est cum quis conscius peccati mortalis Eucharistiam sumere intendit; pro tunc enim, dum adest copia Confessarij, non sufficit contritio; sic Concilium Tridentinum sess. 13. cap. 7. fundat autem Concilium hanc necessitatem confessionis esse de iure diuino in verbis Apostoli 1. Corinth. 11. dicentis, *Probet autem seipsum homo*. Non est idem dicendum de receptione aliorum Sacramentorum, in quibus contritio sufficit, cum nullum sit præceptum diuinum aut Ecclesiasticum de confessione; vnde Concil. Trident. sess. 24. cap. 1. de reformatione Matrimonij, hortatur quidem coniuges, vt peccata confiteantur antequam contrahant, non tamen præcipit; melius tamen est, vt quodcumque Sacramentum recipiens confiteatur, nè loco contritionis habeat tantum attritionem. Quòd si virgente necessitate, Sacerdos absque confessione celebrauerit cum

con-

contritione sola, tenetur post celebrationem quamprimum confiteri, id est, prima data copia Confessarii; hoc tamen præceptum non est diuinum, sed Ecclesiasticum tantum, latum in Concil. Trident. sess. 13. cap. 7. Quantum verò ad laicos, qui accesserunt ad altare, sumpturi Eucharistiam, & recordantur alicuius peccati mortalis, quod ob scandalum non possunt confiteri ante communionem, non tenentur post illam citius confiteri peccatum, quia Concilium obligat tantum sacerdotes, & leges rigorosè extendi non debent.

CONCLUSIO SECUNDA.

Quantum ad præceptum Ecclesiasticum, tenentur fideles, cum ad annos discretionis peruenierint, confiteri peccata mortalia semel in anno. Sic habetur ex capite *Omnis utriusque sexus*; non quod per hoc confessio præcipiatur, est enim de iure diuino: non quòd etiam determinet tempus quo de iure diuino confessio necessaria sit: confessio enim annua esset de iure diuino explicato per Ecclesiam, illud tamen præceptum est tantum Ecclesiasticum; sed per hoc Ecclesia vult instituerè præceptum Ecclesiasticum de tempore confessionis. Super hoc præceptum multa sunt notanda. Primò, quòd præceptum illud non obliget pro certa & determinata parte anni; vnde si præcipiatur in Paschate, hoc est per accidens, ratione Eucharistiæ sumendæ, ad quam non sufficit contritio, ex Concil. Trid. sess. 13. c. 7. Licet ergo melius sit computare annum ab vno Paschate ad aliud, vel ab vna confessione ad aliam, ille tamen satisfaceret præcepto Ecclesiæ qui confessus fuisset mense Ianuario præterito, & differret aliam confessionem vsque ad mensem Decembrem anni sequentis; quia licet essent viginti tres menses inter illas confessiones, nullum tamen annum præteriret sine confessione. Sic Gamacheus de Sacramento Pœnitentiæ cap. 15. ff. *Quod attinet*. Ratio est, quia præceptum non est de confessione faciendâ intra annum, sed singulis annis; in dato autem exemplo confessio fieret in quolibet anno. Secundum quod notetur, est quòd si confessio fiat inualidè, retinendo v.g. peccata, non satisfit præ-

repto Ecclesiæ, nisi inualiditas confessionis oriretur ex ministro sine culpa pœnitentis, utpote si Confessarius non haberet iurisdictionem, quam crederet habere pœnitens; qui faceret tamen illam confessionem inualidam, non incurreret pœnas latas à Concilio Lateranensi, ut sunt expulsio ab Ecclesia & priuatio sepulturæ Ecclesiasticæ, si hoc sacrilegium esset verè occultum; Ecclesia enim in foro externo non iudicat de occultis, si tamen est aliquo modo externum, ut si peccator illud reuelauerit alteri, tunc incurritur pœna. Sic Gamacheus quæstione 15. II. *Respondemus*, sic etiam Nauarrus, & multi alij apud Bonacinam, qui contrarium tenet, incurri scilicet excommunicationem, etiamsi sacrilegium sit occultum. Notetur terriò, quòd qui præuidet se non habiturum copiam Confessarij quando confessionis vrgebit præceptum, tenetur illam anticipare; sicut qui præuidet se non posse vesperi recitare vespas ob impedimentum, tenetur illas manè recitare; licèt aliqui teneant hoc non esse necessarium, quando impedimentum debet oriri ex febris. Quarto, qui non est confessus anno præterito, tenetur quamprimum confiteri; quia non limitatur annus, ut per hoc finiat præceptum confessionis, sed ad illam sollicitandam: & sic toties peccat qui non confitetur, quoties est confitendi opportunitas. Quòd si quis dicat, præceptum ieiunij, auditionis sacri, & communionis in Paschate, non obligare post tempus elapsum; respondetur, aliquid esse præceptum vel ob venerationem temporis determinati, vel absolute & in se, nè amplius differatur; hoc ultimo modo præcepta est confessio, & sic elapso tempore Paschatis debet fieri; ieiunium verò, auditio sacri & communio Paschalis præcipiuntur ob venerationem temporis; & sic illo elapso non obligant; verisimilius est tamen quòd præceptum communionis etiam vrgeat post Pascha. Quintò, qui non est confessus in periculo mortis, cessante periculo non tenetur confiteri; cessat enim periculum imminens damnationis, propter quod imminente morte præcipiebatur confessio. Sextò, qui confessionem non emisit in aliquo anno, tenetur in sequenti duas emittere ad minus, vnā pro anno præterito, & aliam pro præsentī, si habeat peccata mortalia intra illum:

illum; licet enim vnico actu satisfieri possit pluribus præceptis, vt quando quis ieiunat tantum semel pro die Vigilæ & Quadragesimæ; quando tamen præcepta respiciunt plures actus per se faciendos, vt in confessione, quæ duplex esse debet in duobus annis, vna confessio non sufficit: alii contrarium tenent. Septimò, ad obseruationem præcepti huius, confessio debet fieri Sacerdoti approbato, & sic non sufficit confiteri religioso non approbato; non est enim legitimus iudex: sed si sit approbatus, valida est confessio; nam si ex capite *Omnis vtriusque sexus*, confessio debeat fieri proprio sacerdoti, hoc verum est, excluso priuilegio; imò in eodem capite subiungitur, *vel alteri de eius licentia*. Cum ergo Papa sit proprius Sacerdos omnium fidelium, & Episcopus Diocesanorum, Religiosus approbatus ab Episcopo, habens Priuilegium papale, censetur deputatus à Papa, qui est proprius parochus ordinis superioris; & sic potest audire confessionem annuam: Quis enim dicet quòd pastor possit committere licentiam sacerdoti approbato audiendi suas oues, & non possit Papa, aut Episcopus idem facere? Octauò, qui post communionem Paschalem meminit se oblitum fuisse aliquod mortale peccatum, non tenetur quamprimum illud confiteri, sed potest differre ad annum sequentem. Si etiam aliquis ante elapsum annum confessus est sua peccata mortalia, & postea relapsus est in aliud, probabile est non teneri ad confessionem illius, quia obseruauit præceptum Ecclesiæ: si tamen confessus est tantum peccata venialia, debet illud mortale confiteri intra annum, quia tenetur singulis annis ad confessionem mortalium, & nullum confessus est.

Quæres, in quibus casibus excusari aliquis possit à Confessione. Respondeo, quòd multi sint. Primò, qui non habet confessarium, nec potest illum adire, nisi cum graui incommodo aut periculo; v.g. maris, aut hostium: nec enim Christus, aut Ecclesia præcipiunt aliquid cum graui detrimento. Secundò, qui timet probabiliter reuelationem enormis peccati, ex qua oriretur infamia, vel graue scandalum; non tamen dispensatur à confessione aliorum, quorum reuelatio multum obesse non potest. Tertiò, qui non potest confiteri sub sigillo confessionis,

ut quando confessarius est surdus, & poenitens in-
 naui existit! & non potest confiteri, nisi ab alijs au-
 diatur. Quartò, qui non potest confiteri, nisi per in-
 terpretem, quia confessio præcipitur facienda soli sa-
 cerdoti; tunc autem non esset solus. Quintò, qui
 non potest aliter confiteri quàm per Scripturam; ut
 si poenitens careat lingua, vel confessarius sit surdus,
 si per nutus non possit peccata explicare, non tene-
 tur ad confessionem, si sit periculum infamiae; aliàs
 tenetur. Sextò, qui habet lubricam memoriam non
 tenetur peccata confiteri ex instanti quo ea commi-
 sit, nec etiam tenetur peccata scribere, quando illa
 patrauit: quando tamen procedit ad confessionem,
 & scit se coram Sacerdote multa peccata obliturum,
 tenetur ea scribere, modò in tali Scriptura non sit
 periculum manifestandi confessionem: in talibus er-
 go circumstantiis, ad contritionem est recurrendum,
 quæ sufficit, cum non urgeat pro tunc præceptum
 confessionis.

QVÆSTIO IV.

Quanam sint conditiones Confessionis?

S Exdecim communiter assignantur, quæ requi-
 runtur: aliquæ ad valorem, & omnes ad perfe-
 ctionem eius; & illæ his quatuor versibus continen-
 tur, quas tradet & explicabit.

CONCLUSIO.

S *It simplex, humilis, confessio, pura, fidelis,
 Atque frequens, nuda & discreta, libens, vere-
 cunda,*

Integra, secreta, lacrimabilis, accelerata,

Fortis & accusans, quæ sit parere parata.

Quia primò confessio debet esse *simplex*, ideò su-
 perflua debent prætermitti, licet enim poenitens te-
 neatur distinctè explicare sua peccata, numerum eo-
 rum & ipsorum circumstantias, inutiles tamen pro-
 hibentur discursus.

Quia secundò debet esse *humilis*, ideò confessio
 quæ fit cum iactantia, est inualida, tum quia deest do-
 lor; tum quia nouum peccatum committitur; si tamē

fieret non flexis genibus, aut non detecto capite, etiam extra necessitatem, non esset inualida; non fieret enim grauis iniuria Sacramento.

Quia tertio debet esse *pura*, quantum ad intentionem, si fiat ob finem peccaminosum, v. g. ob hypocrisim, est inualida; si fiat tamen vt conseruetur bona opinio apud Confessarium, qui est vir grauis & poenitenti notus, est valida.

Quia quarto debet esse *fidelis*, ideo non licet mentiri circa peccatum mortale non antea confessum; si tamen fuerit antea confessum, potest dicere poenitens se illud non commisisse, quia non est materia necessaria confessionis. Inualida etiam esset confessio, si quis diceret maiorem numerum peccatorum, quam commiserit; quia hoc est decipere iudicem in materia necessaria, nisi hoc fiat bona fide, vt saepius euenit in rudibus, qui credunt se plus peccasse, quam peccauerint. Inualida etiam esset confessio, si peccata dubia pro certis experimerentur, & certa pro dubijs: certa enim debent exprimi vt certa, & dubia vt dubia; & sic qui dubitat, an aliquod peccatum commiserit, debet non illud reticere, sed confiteri, vt dubium; quia tutior pars est eligenda. Quod si in dubio melior sit conditio possidentis, vt patet de illo qui dubitans an votum emisit, nec ne, non tenetur illud implere, hoc est verum, quando non datur lex contraria. Cum ergo secundum Doctores sit lex de confitendo peccato dubio, illud non est reticendum. Porro, confessio non est inualida, si poenitens mentiatur circa peccatum veniale, dicendo se non illud commisisse; quia non est materia necessaria, nec Confessarius ius habet interrogandi de illo; hoc esset tamen peccatum veniale. Quod si poenitens confiteretur tantum vnum peccatum veniale circa quod mentiretur, dicendo se illud commisisse quod non commiserit, tunc peccaret mortaliter; quia faceret sacrilegium; esset enim causa cur applicaretur forma Sacramenti super materiam insufficientem.

Quia quinto debet esse *frequens*, hoc intelligitur de consilio, quia multae utilitates procedunt ex frequenti confessione; hoc tamen non est de precepto, nisi quando quis saepius labitur in peccatum, quod vitare non potest nisi auxilio confessionis; tunc enim

illius frequentia est de iure diuino.

Quia sextò debet esse *nuda*, ideò excusationibus palliari non debet, nec obscura reddi; debet enim esse talis, vt Sacerdos, ad quem spectat iudicare de peccatis, possit cognoscere an mortalia sint, vel venialia. Quod si hoc non possit cognoscere, non debet intendere illa absoluerè vt mortalia vel vt venialia; sed sufficit si indeterminatè absoluantur peccata.

Quia septimò debet esse *discreta*, pœnitens debet vti verbis honestis & pudicis, dum peccata carnis explicat, non descendendo ad circumstantias inutiles; quam discretionem debet etiam adhibere confessarius: eadem conditione caueat pœnitens, nè declaret suum complicem. Denique debet adire confessariū eruditum, vnde si dubitans de vsura accedat sacerdotē, quē scit ignarū, vt propter ipsius ignorantiam excusetur à restitutione, inualida est cōfessio.

Quia octauò debet esse *lubens*, requiritur voluntas & intentio confitendi peccata, alias esset inualida; si tamen quis confiteretur ad vitandam infamiam aut excommunicationem, modò adhibeat debitas circumstantias, esset valida: quia esset voluntaria intrinsecè, licèt admitteret inuoluntarium extrinsecū.

Quia nonò debet esse *verecunda*, ideò pœnitens debet confusionem aliquo modo recipere de commissione peccati; vnde non debet confiteri sacerdoti cum quo commisit peccatum, quia non solet esse erubescencia, cum declaratur peccatum illi cui iam notum est. Adde quod ex hoc posset dari occasio perseuerandi in peccato; si tamen hoc fieret aliquando, pœnitens deberet confiteri etiam peccata illa quæ antea nota essent confessario, debet enim illa cognoscere vt iudex.

Quia decimò debet esse *integra*, & integritas nedum est de perfectione confessionis, sed etiam de ipsius validitate; quæstio subsequens instituetur ex professo de integritate confessionis.

Quia vndecimò debet esse *secreta*, ideò errant hæretici, qui dicunt initio fuisse publicam, & postea secretam; secreta enim confessio semper fuit in vsu Ecclesiæ, licèt aliquando extiterit etiam publica iusta de causa, ob humilitatem peccatoris & reparationem scandali; cum illa tamen fiebat adhuc secreta, & illa publica abrogata est.

Quia duodecimò debet esse *lacrymabilis*: non propterea pœnitens fundere debet lacrymas, aut emit-tere gemitus; sed per hoc requiritur dolor internus, siue sit contritio, siue attritio, vt diximus.

Quia tertio decimò debet esse *accelerata*, non ideo peccator debet confiteri eo ipso quo peccauit, sed non debet illam longius differre ob periculum dam-nationis, & ideo hoc pertinet aliquo modo ad con-silium.

Quia quarto decimo debet esse *fortis*, pœnitens debet vincere auersionem quam suggerit illi pudor; debet etiam fortiter deserere omne peccatum & om-nem occasionem peccati, etiamsi sit detrimentum proprium passurus.

Quia quintodecimò debet esse *accusans*, peccata non debent proferri per solam narrationem; nec ac-cusatio quæ sit de peccatis debet esse cum excusatio-ne iniusta, licet excusatio iusta possit afferri ad tuen-dam famam, ad quod omnes tenentur ex iure natu-rali.

Quia tandem debet esse *parere parata*, pœnitens debet obedire confessario iungenti fugam occasionis peccati, restitutionem rei, vel famæ ablatæ, recon-ciliationem cum proximo, & satisfactionem pro pec-catis commissis.

Q V Æ S T I O V.

An Confessio debeat esse integra?

Non loquimur de integritate confessionis quan-tum ad peccata venialia; non sunt enim ma-teria necessaria Pœnitentiæ, sed tantum sufficiens; vnde vnum potest exprimi, & aliud reticeri: sed lo-quimur de integritate confessionis quoad peccata mortalia.

C O N C L V S I O.

DE necessitate confessionis est, quod sit integra, ita quod pœnitens exprimere debeat species peccatorum, numerum illorum, & ipsorum cir-cumstantias, saltem speciem peccati mutantes; & hoc intelligitur post diligentem conscientie exami-na-

nationem, quæ tanta debet esse, quanta adhiberi solet in negotio arduo, spectata etiam conditione personæ, qualitate officij eius, & temporis intervallo quo confessio non est facta, unde qui confessus esset non prævio examine, confessio esset nulla, si sacerdotis interrogatio defectum examinis non suppleverit, & ideò si confessarius aduertat poenitentem non præmisisse examen, tenetur illum dimittere, vel interrogare; ex capite enim *Omnis utriusque sexus*, confessarius debet diligenter inquirere de peccatoris & peccatorum circumstantijs.

Quantum ad species peccatorum quæ debent explicari, ut confessio sit integra; hoc intelligitur de speciebus moralibus, ita quod poenitens teneatur dicere se commisisse tale, vel tale peccatum, quod est contra tale vel tale præceptum: non autem necessarium ut exprimantur species physicè peccatorum; unde qui confecit venenum, vino miscuit & propinauit inimico, satisfacit integritati confessionis, dicendo se veneno occidisse aliquem; aliquando tamen species physicæ explicandæ sunt. Primò quando alter ad peccaminosam actionem assumitur, v.g. si quis dedit venenum seruo suo scienti, qui illud obtulit inimico, excitare enim aliquem ad peccatum, peccatum novum est, & ideò exprimendum. Secundò, quando inter plures actus physicos tanta intercedit mora, ut plura numero peccata stant ratione plurium volitionum quæ sunt interruptæ; & sic qui hodie venenum composuit, & cras illud propinauit, tenetur tales actus diuersos exprimere, quæ sunt diuersa peccata numero. Tertiò, quando illi actus physici habent adiunctas circumstantias, quæ moraliter diuersæ sunt; ut si quis iter suscipiens ad occidendum inimicum, conculcauit segetes.

Quando conclusio dicit, quod confessio debeat esse integra quoad numerum peccatorum; hoc intelligitur etiam in eadem specie, ita quod poenitens teneatur dicere, se v.g. decies iurasse; non requiritur tamen, ut ille numerus sit certus mathematicè; hoc enim aliquando impossibile est; sed sufficit quod sit certus moraliter; unde si certus numerus non occurrat, debet exprimi verisimilis; qui si non possit haberi ob longam & frequentem peccati habitudinem, satis

est si poenitens indicet tempus à quo coepit peccare , & consuetudinem quam habet peccandi ter , vel quater quotidie . Ratione huius veritatis ; sequitur primò , quod ille qui furatus est centum nummos centum vicibus , debeat specificare illos centum actus repetitos , quia quilibet est peccaminosus . Sequitur secundo , quod non sufficiat sacerdoti dicere , se absoluisse vel communicasse aliquos dum erat in peccato , sed teneatur dicere quot absoluerit ; non est enim vnica actio moralis , quia vna absolutio nō ordinatur ad aliam . Sequitur tertio quod ille qui positivè dixit se blasphemasse decies , & facta confessione agnoscit se blasphemasse duodecies , tenetur in prima confessione explicare duplicem illam blasphemiam ; non tenetur tamen , si dixerit se decies vel circiter blasphemasse . Sequitur quarto , quod ille qui dicit se plura peccata commisisse quàm commiserit , si hoc fecerit mala fide , non tantum tenetur hoc explicare in noua confessione , sed primam confessionem tenetur repetere vt inualidam ; voluit enim decipere iudicem in materia graui ; si autem hoc fecerit bona fide , ad neutrum tenetur . Quod si deceperit circa peccata venialia , etiam mala fide , non tenetur repetere confessionem , nec hoc peccatum confiteri ; est enim tantum peccatum veniale , quod potest non subijci confessioni . Sequitur quinto , quod peccata venialia , quando sola subijciuntur absolutioni , debent explicari , si non quoad numerum , saltem quoad speciem ; vnde non sufficit si quis dicat se commisisse duo peccata venialia , sed debet explicare qualia sint , vel saltem vnum eorum ; licet enim de se non sint materia necessaria Poenitentiae , quando tamen aliquis vult recipere absolutionem de illis solis , sunt materia necessaria ; & sic debent explicari quantum ad speciem . Sequitur sexto , quod non sufficit dicere se subtraxisse rem alienam , sed specificandum est se non restituisse per tale tempus quo potuit restituere ; qui enim restituere potest , & non restituit , nouum peccatum facit , quoniam furtum consistit & in usurpatione rei alienae , & in detentione illius .

Quantum ad circumstantias peccatorum , aliae mutant speciem peccati , quae scilicet aduersantur speciali praecepto , vt quando , v.g. quis furatur in loco sacro ; hæc circumstantia addit malitiam sacrilegij

supra malitiam furti; quando etiam quis fornicatur cum affini, additur supra simplicem fornicationem violatio honoris debiti parentibus. Aliæ sunt circumstantiæ aggrauantes peccatum intra suam speciem, ut gravis vel minor percussio, furtum decem vel centum nummorum, &c. Circumstantiæ mutant speciem peccati quæ addunt specialem malitiam, debent exprimi. Sic Conc. Trident. sess. 14. cap. 5. idè qui concupiuit mulierem, vel cum ea peccauit, debet exprimere, an fuerit virgo, an corrupta, coniugata, voto ligata, affinis vel consanguinea; sacerdos tamen qui carnaliter cognouit penitentem, non tenetur hoc explicare, non est enim incestus, nec sacrilegium; modò illam non sollicitauerit in confessione, nec sit parochus, nec ipsi incumbat ex officio onus procurandæ salutis pœnitenti; sic Bonacina, folio 140. Quantum ad circumstantias aggrauantes; si non aggrauent notabiliter peccatum, non sunt necessariò exprimendæ; si verò aggrauent notabiliter, licet multi negent, quòd debeant exprimi (in quorum sententia, qui esset furatus mille nummos, teneretur tantum dicere, se furtum mortale commississe, dummodo restituerit vel paratus fuerit restituere), alij tamen melius affirmant. Porro, circumstantiæ mutant speciem peccati & aggrauantes, continentur hoc versu.

Quis, quid, ubi, quibus auxilijs, cur, quomodo, quando.

QVÆSTIO VI.

In quibus casibus possit non esse integra Confessio.

Nulla datur lex ita generalis, quin aliquando exceptionem patiatur; vnde licet detur præceptum diuinum de integritate confessionis faciendæ vni & eidem sacerdoti, non desunt tamen occasiones, in quibus non vrgeat hoc præceptum.

CONCLUSIO.

Confessio multoties potest non esse integra. Primò ex ignorantia & obliuione, ut quando quis, dum esset puer, ignorabat aliquod peccatum.

esse declarandum, postea agnoscit illud debuisse subijci confessioni, non teneretur priores confessiones iterare, sed sufficit, si illud peccatum fateatur: si etiam quis inculpabiliter oblitus est peccatum mortale, debet tantum illud declarare, non verò alia quæ iam confessus est, & quæ absoluta sunt, licet illorum confessio non fuerit integra. Ad observandum ergo præceptum, Christi de integritate confessionis, sufficit quod sit integra formaliter, & non requiritur semper quod sit integra materialiter: est autem integra formaliter: quando explicantur omnia peccata mortalia, quæ moraliter explicari possunt, itaut nullum retineatur sine iusta causa; est verò materialiter integra, quando omnia peccata mortalia, nullo dempto, explicantur; Christus autem non præcepit integritatem materiale[m] confessionis, aliquando enim est impossibilis, ut quando quis, facto diligenti examine, non meminit alicuius peccati; aliquando etiam non est facienda integra propter iustas causas, de quibus illic. Præceptum verò Christi est consentaneum rationi & onus ipsius leue est, unde non præcepit semper integritatem materiale[m] confessionis.

Secundò, ab integritate materiali confessionis dispensatur poenitens, qui incepit confiteri & præ morbi gravitate perficere non potest. Dispensatur etiam qui signis & nutibus explicat sua peccata in specie, licet non explicet quantum ad externum sermonem, quia hoc non potest. Præterea, dispensatur qui lingua carens aliqua tantum peccata exprimit in specie, & alia exprimere non potest, nisi in genere. Sic dicendum est de extraneo, cuius idioma non percipitur; cum enim faciat quod in se est, debet absolui, si non sit alius Sacerdos qui ipsum intelligat. Egrotus qui dat & dare tantum potest signa confessionis in genere, absolui debet; imò, si non det actu talia signa, modo dederit antea, potest absolui si illis, qui moribundum audierunt, testimonium dederint, inquit Conc. Carthaginense quartum can. 76. nullum enim est periculum sacrilegij ex parte ministri, quia habet semper, & habere debet in mente sua vel in verbis intentionem conditionatam de absoluendo poenitente secundum ipsius dispositionem; unde in absolutione additur communiter *in quantum possum, & indiger*. Si autem nullum detur testimonium, quod moribund-

bundus dederit signa, contritionis, aut attritionis, absolui non potest, nec etiam sub conditione; ut enim applicetur forma Sacramenti sub conditione, materia debet esse probabiliter disposita. Idem dicendum est de amente, qui ante amentiam dedit signa contritionis.

Tertiò, dispensatur ab integritate confessionis, quando ex confessione alicuius peccati imminet aliquod graue damnum corporale aut spirituale, siue pœnitenti, siue confessario; præceptum enim Christi non obligat cum tanto incommodo, quia iugum eius suauis est; vnde si pœnitens probabiliter timeat, quod sacerdos reuelet graue aliquod peccatum, debet alia confiteri & istud retinere, si non sit alius cui omnia possit explicare. Si etiam pœnitens occiderit patrem vel matrem confessarij, non tenetur illi aperire hoc peccatum, nè ipsi det locum vindictæ, quod est graue damnum confessario. Si fœmina confitens sacerdoti se esse fornicariam, probabiliter timeat, nè ipsam confessarius sollicitet, à confessione dispensatur. Si pœnitens morbo contagioso laboret, potest dare absolutionem confessarius post vnus peccati mortalis confessionem, si sine periculo non possit à longè audire omnia. Si confessarius morbo corripiatur, potest ad confessionem primi peccati mortalis absoluerè, si pœnitens sit in periculo, & non sit alius sacerdos, ut reperitur tempore pestis. Si plures pœnitentes reperiantur simul vbi mors imminet, v. g. in prælio, in procella maris, in domo quæ igne conflagratur, &c. possunt aliqui eorum aliqua peccata alta voce proferre, & statim sacerdos absoluerè in plurali, dicendo, *Absoluo vos*. Si tandem timet Sacerdos quin infirmus moriatur, debet audito aliquo mortali peccato absoluerè.

Quartò, multi tenent, ut Caietanus, Scotus, Valentia, Antoninus & Nauarrus, quòd ille qui habet peccata reservata cum non reservatis, possit adire Superiorem à quo absoluator, qui si grauioribus negotijs occupetur, & tempus nō habuerit audiendi integram cōfessionem, nec voluerit propter rationabiles causas alteri dare licentiam audiendi & absoluendi, poterit tantum audire reservata, & absoluerè illa cum opere explicandi nō reservata alteri confessario; & tunc, inquit, illa confessio est sacramentalis & per abso-

lutionem remittuntur peccata referuata directè , & non referuata indirectè; ita quòd debeant postea subiici clauibus Ecclesiæ, vt remittantur directè , sicut peccata quæ oblita fuerunt in præcedentibus confessionibus indirectè remissa fuerunt, & directè postea absolui debent, idest impendi beneficium absolutionis, vt gratia augeatur & non committatur peccatum nouum, illa non confitendo. Nec tunc, aiunt, violabitur integritas confessionis, quia tanta sit quanta requiritur iudicio Superioris; alij tamen & melius, sentiunt Superiorem non posse sic confessionem diuidere; & in hoc casu, si sit negotijs præpeditus, debere tantum tollere referuationem illorum peccatorum, & absolvere ab excommunicatione; si quæ sit contracta, & postea remittere pœnitentem cui libet confessario approbato, vt faciat illi confessionem sacramentalem de omnibus, & absolutionem recipiat.

Quintò, Nauarrus, Valentia & alij putant quòd pœnitens dispensetur à confessione peccati, quando non potest illud exprimere, nisi manifestando complicem; quia inquit, præceptum de non infamando proximo, quod est de iure diuino naturali, præualeat præcepto confessionis integræ, quod est tantum de iure diuino positivo. Contrarium tenent & probabilius D. Bonauentura, Scotus, Durandus, Syluester & alij, pro quibus stat D. Bernardus opusculo *de honesta vita formula*, circa finem; dicens, *de nullo prorsus loquaris sinistrè, nisi in confessione; & hoc ubi aliter manifestare non potes peccatum tuum*; vnde dicces ad rationem allatam, quòd occultum peccatum proximi manifestare, non sit illum infamare, quando hoc fit ex rationabili causa & sine intentione infamandi, vt fit in confessione, vbi peccatum manifestatur tantum Confessario, qui tenetur seruare sigillum.

Q V Æ S T I O VII.

An solus Sacerdos sit minister Confessionis?

Quia in mente hæreticorum Sacramenta & ministri non aliter remittunt peccata, nisi excitando fidem in suscipientibus; idè quilibet laicus

eus potest hoc facere, & in remissione peccati Papa non excedit mulierculam, inquit Vuicleffus.

CONCELSIO.

Solus Sacerdos potest esse minister huius Sacramenti. Sic Conc. Trident. sess. 14. cap. 6. Ratio est, quia illi soli possunt absolvere, quibus potestas clauium, seu remittendi peccata concessa est; solis autem Apostolis, nedum quatenus representabant Episcopos, sed quatenus Sacerdotes erant, dictum fuit; *Quicumque ligaueritis super terram, &c. Quorum remiseritis, &c.* Hoc, inquam, illis dictum fuit, ut erant Sacerdotes, sicut & hæc verba, *Hoc facite in meam commemorationem*; Cuius ratio est, quia Sacramentum hoc est omnibus necessarium, ergo & conferendum ab illis qui habent characterem communem, nempe sacerdotalem; non potest ergo Ecclesia dispensare, ut aliquis non sacerdos absoluat; hoc enim est de iure diuino: Vnde, si dicat Iacobus cap. 5. *Confitemini alterutrum peccata*; non loquitur de confessione sacramentali, sed de confessione publica, quæ fiebat humilitatis causa, de qua dicit Bernardus lib. de vera & falsa poenitentia, *Si desit Sacerdos, peccator confiteatur proximo*; non loquitur, inquam, Apostolus, de confessione sacramentali ad absolutionem, si enim laicus illam præsumeret conferre; fieret irregularis ex iure Canonico, Quod si loquatur de sacramentali hoc est ad Sacerdotes, qui taliter sunt patres spirituales, ut sint etiam fratres. Quod si ex iure canonico Communio danda est furibus Presbytero aut Diacono confessis; hoc intelligitur de confessione generali quæ fiebat cum priuata, ut viderent omnes, an essent contriti & digni Communione. Sic intelligendus est Cyprianus committens absolutionem lapsorum cuidam Diacono; loquebatur enim de absolutione illa, qua publici poenitentes recipiebantur in communionem Ecclesiæ.

QVÆSTIO VIII.

An omnis Sacerdos sit Minister Confessionis ?

Quia dicemus, quod Sacerdos debeat habere potestatem clauium vt absolueret possit; dicendum est quod potestas clauium nihil aliud sit, quàm potestas soluendi & ligandi, qua sacerdos vt iudex Ecclesiasticus dignos admittere valet ad regnum coelorum, & indignos repellere; vnde sunt duo actus huius potestatis, quorum primus est soluere, & alius ligare; primus est primario intentus, & fit per actionem positivam, conferendo gratiam remissionis peccati; posterior verò fit per negationem actionis seu solutionis. In quolibet confessorio duplex clavis requiritur, scilicet Ordinis & iurisdictionis. Potestas seu clavis Ordinis nihil aliud est; quàm character sacerdotalis, quo ex institutione diuina aliquis deputatur, vt possit esse iudex in foro conscientie. Potestas seu clavis iurisdictionis est authoritas qua vnus alteri est superior in foro poenitentiali. Prima vocatur potestas tantum habitualis; impedita defectu materie cui possit applicari; Sacerdos enim vt sacerdos, non habet subditos, & consequenter non est iudex: secunda verò vocatur actualis, quia est expedita ad operandum, habetque debitam materiam cui applicetur, nempe subditos: Porro prima est indelebilis sicut character, secunda verò auferri potest per excommunicationem & hæresim.

CONCLUSIO.

Omnis Sacerdos non est Minister huius Sacramenti, & sic non sufficit sola clavis Ordinis, quam habet vt Sacerdos; sed requiritur clavis iurisdictionis, qua subditos habeat quos absolueret possit. Sic Concil. Florent. determinans tria esse necessaria essentialiter ad hoc Sacramentum, nempe materiam, formam; & ministrum habentem iurisdictionem: vnde Concil. Trident. sess. 14. cap. 7. dicit, nullius esse momenti eam absolutionem, quam sacerdos profert in eum, in quem ordinariam aut subdelegatam non habet iurisdictionem. Ratio in promptu est, quia

quia absolutio est actus iudicialis, qui requirit iurisdictionem in subditos. Quando autem illa potestas iurisdictionis datur? Aliqui dicunt, eam tradi cum datur potestas Ordinis ita quod Sacerdos in Ordinatione duplicem potestatem recipiat, vnam super corpus Christi verum, quod potest consecrare, alteram super mysticum, nempe super Fideles, ad quos absoluendos fit aptus, licet suspendatur ab Ecclesia, donec habeat subditos. Sed hoc verum non censetur; sicut enim non potest suspendi potestas Ordinis circa corpus Christi verum, non posset etiam suspendi circa mysticum. Alij dicunt, partim dari potestatem iurisdictionis in Ordine, & partim extra ordinationem, quando committuntur subditi; hoc tamen non placet, quia iurdictio & subiectio sunt correlatiua; vnde quia in ordinatione non habet subditos; nullam habet etiam iurisdictionem. Dicendum ergo est, quod potestas Ordinis & Iurisdictionis sint distinctae; & quod hæc detur extra Sacramentum Ordinis, per externam concessionem, vel ex officio, quando aliquis destinatur ad curam animarum, vt Papa, Episcopi & Pastores; eo enim ipso quo ad talia munera recipiuntur, iurisdictionem habent in subditos.

Obijc. Sacerdotes in sua ordinatione recipiunt potestatem offerendi sacrificium, præter quam nulla alia potestas requiritur, vt sacrificare valeant: ergo cum accipiant pro tunc etiam potestatem remittendi peccata, nulla alia indigent: ergo illa non habent vi ordinationis, & sic omnis sacerdos absolvere potest. Resp. negando paritatem; quia potentia consecrandi non habet rationem clavis, non est enim iudicium; vnde non requirit iurisdictionem; benè autem potestas absoluendi exigit, quia fertur per modum iudicij. Dices, in sua ordinatione constituitur iudex ad ferendam absolutionem, vt patet ex verbis Episcoporum; *Quorum remisistis peccata, remittuntur eis*: ergo non requiritur alia potestas iurisdictionis. Resp. ex vi ordinationis datur quidem potestas absoluendi, quæ est completa in ratione actiui, sed non est completa in ratione passiui; quia non habentur subditi: si ergo in Ordine constituatur iudex, hoc verum est secundum habitudinem, non secundum actum.

Q V Æ S T I O IX.

*An quilibet Sacerdos possit absoluerè à
venialibus peccatis ?*

EX antecedenti quæstione quilibet Sacerdos non potest absoluerè à peccatis mortalibus, quia requiritur iurisdictio, siue ordinaria siue delegata; quod intelligitur etiam de Sacerdotibus circa alios Sacerdotes, ut habetur ex Conc. Trid. sess. 13. cap. 15. vbi statuitur, nullum, etiam regularem, posse confessiones sæcularium, etiam Sacerdotum audire, nisi habeat parochiale beneficium aut approbationem ab Episcopo; unde si contrarium sit in usu in multis locis, hoc fit validè & licitè, non ex vi alicuius consuetudinis; huic enim derogauit Conc. sed ex consensu tacito Episcoporum, qui cum hoc sciant & non prohibeant, censentur approbare sacerdotes ad hoc; si tamen hoc prohibeant, non ampliùs est licitum, & manendum est in determinatione Concilij hoc prohibentis: potest nihilominus oriri difficultas de peccatis venialibus, an simplex Sacerdos non approbatus ab illis absoluerè possit.

C O N C L U S I O.

Simplex sacerdos cum clauis solius Ordinis absoluerè potest à venialibus. Sic Nauarrus, Medina, & alij. Ratio peti potest ex hoc, quod peccata venialia, licèt sint materia sufficiens absolutionis, non sunt tamen materia necessaria; liberum enim est penitenti ea subijcere clauibus Ecclesiæ, vel non: ergo liberum est etiam penitenti ea submittere cuicumque iudici, modò habeat potestatem Ordinis. Quod confirmari potest ex cap. *Omnis utriusque sexus*, præcipientem, ut singuli confiteantur peccata mortalia proprio Sacerdoti; unde signum est venialia posse subijci alteri. Deinde, hoc habetur ex consuetudine Ecclesiæ, & tacito consensu Prælatorum.

QVÆSTIO X.

An quilibet Sacerdos possit absolvere in articulo mortis ?

Aliqui hanc potestatem auferunt excommunicatis, suspensis & interdictis; quia, inquit, censura Ecclesiastica tollit iurisdictionem, quæ tamen est necessaria; sed ad hoc dicendum est, quod censura tollat iurisdictionem ad licitè absolvendum, non verò ad validè.

CONCLUSIO.

Quilibet Sacerdos etiam non approbatus in articulo mortis absolvere potest; ut enim Sacerdos possit absolvere, requiritur tantum ut habeat potestatem Ordinis & clauem iurisdictionis; sed utramque habet Sacerdos in articulo mortis: habet enim primò potestatem Ordinis, quia est Sacerdos; & clauem iurisdictionis, ex concessione enim Ecclesiæ Sacerdos habet quemlibet pro legitima materia in articulo mortis; quod etiam non est denegandum Sacerdoti excommunicato, interdicto, suspensio & hæretico; Concil. enim Trid. sess. 14. cap. 7. docet quod omnes Sacerdotes absolvere possint in articulo mortis. Quod dicitur de articulo mortis, dicitur etiam de quouis probabili vitæ periculo, ut in pugna, in periculosa navigatione, & pro eo tempore, quo quis teneretur ex præcepto diuino confiteri proprio sacerdoti, si illum haberet. Hæc omnia intelligenda sunt quando deest sacerdos approbatus non excommunicatus qui velit absolvere, pro tunc enim moribundus non est in necessitate confitendi simplici sacerdoti; si autem esset tantum sacerdos excommunicatus præsens, vel degradatus, vel hæreticus; sacerdos non approbatus potest & debet absolvere, non verò excommunicatus. Porro, potestas quam habet simplex sacerdos absolvendi in articulo mortis, est absoluta & directa, itavt absolutus nō teneatur, elapso periculo, peccata iterum alteri confiteri, etiam si reservata fuerint: si tamen habeant censuram annexam, debet absolutus elapso periculo se præsentare Superiori.

riori; non vt ab illo absoluitur denuò, sed vt ostendat se esse absolutum, & ad quamlibet pœnitentiam recipiendam paratum; aliàs in easdem censuras reincideret ex iure canonico. Hic sciendum, quœmlibet Sacerdotem posse summum Pontificẽ absoluerẽ; sicut enim potest assignare alios pro materia, sic & seipsum.

Q V Æ S T I O. XI.

Quis sit Minister ordinarius Confessionis?

Certum est, omnes Fideles proprium habere sacerdotem cui tenentur confiteri, vel alteri de eius licentia, itaut aliter Confessio sit nulla: nomine autem proprii Sacerdotis, intelligitur ille, cui ex officio animarum cura incumbit, & qui habet iurisdictionem ordinariam in foro conscientie; siue talis iurisdictione sit proxima & immediata, qualem habent parochi; siue sit vniuersalis & quasi remota, vt est in Episcopis & in summo Pontifice.

G O N C L V S I O.

Triplex est Minister ordinarius confessionis; scilicet Summus Pontifex, Episcopus Diœcesanus, & proprius Parochus. Ad summum Pontificem reducuntur summus Pœnitentiarius, Legatus à latere, & similes, ad Episcopum reducuntur eorum Vicarij, Abbates exempti, Generales Ordinum & Prouinciales, qui habent iurisdictionem quasi Episcopalem super subditos; ad Parochum reducuntur Vicarij perpetui, & in religionibus immediati Prælati, vt sunt Priores, Rectores, Guardiani, &c. eorum omnium iurisdictione non terminatur loco, sed personis; quare extra Diœcesim, vel Parochiam absoluerẽ possunt: talis enim iurisdictione spectat ad personam, non ad locum; quia administratio eius non requirit solemnitatem. Hi ergo omnes, tùm Papa, tùm Episcopus, tùm Parochus, sunt proprius Sacerdos, prout proprius distinguitur contra alienum; vnde quilibet potest confiteri in Paschate sua peccata Episcopo, vel eius Vicario, & in Ecclesia Cathedrali Eucharistiam recipere, quia est mater Ecclesia omnium: Papa tamen & Episcopi non sunt proprii sacerdotes, prout proprius

condistinguitur à communi; solus enim est proprius sacerdos, qui proximam curam habet administrandi Sacramenta.

QVÆSTIO XII.

Utrum quis possit dare delegatam Iurisdictionem?

Iurisdictionis in foro conscientie potest delegari directe, vel indirecte. Delegatur directe, quando Episcopus committit alicui absoluendi potestatem; delegatur indirecte, quando datur poenitenti facultas eligendi sibi confessarium à quo absoluat; hoc est enim indirecte dare Confessario potestatem absoluendi.

CONCLUSIO.

Omnes, qui habent potestatem ordinariam, possunt eam delegare; delegatio enim est vnus ex actibus iurisdictionis ordinariæ; vnde Papa potest illam delegare pro quolibet loco & quibuslibet peccatis; Episcopi etiam delegare possunt in sua Diocesi, licet verò Parochi possint delegare in sua parochia iure communi, quia habent iurisdictionem ordinariam, iure tamen positiuo non possunt delegare, nisi eos qui approbati sunt ab Episcopo; eorum enim potestas restricta est per Conc. Trid. Præter hos, nullus delegare potest apud sæculares Ecclesiasticos; alij enim sunt delegati, & delegatus delegare non potest, nisi ex commissione speciali; tamen apud Regulares, Generales & Prouinciales delegare possunt, & Guardiani respectu eorum, qui approbati sunt à Prouincialibus. Delegatio nullam habet formam specialem ad delegandum necessariam; sed sufficit quod delegans explicet suam voluntatem, quoquo modo hoc fiat. Quoad tempus quo durat delegatio, dicendum est posse reuocari à delegante. Quòd si fiat ad præfixum tempus, durat tantum pro illo: si verò delegatio facta fuerit indefinite, tamdiu durat quamdiu non reuocatur; nec per mortem delegantis amittitur iurisdictionis delegata, quia tenet legem gratiæ & fauoris; fauor autem non expirat morte concedentis; sic priuilegia regularium durant mortuo Papa aut Episco-

Episcopo. modò non fuerint reuocata à successore, vel à Capitulo.

Q V Æ S T I O XIII.

An habens potestatem audiendi Confessiones à Papa vel Episcopo, possit illas audire sine licentia Episcopi aut Parochi?

Papa, Episcopus, & Parochus sunt ministri ordinarij confessionis, ad quos pertinet delegare; excepto tamen Parocho, cui per Conil. Trident. delegandi restricta est potestas ad sacerdotes approbatos: cum ergo Papa possit delegare in tota Ecclesia, quæritur, vtrum talis delegatio valeat sine licentia Episcoporum, cum etiam Episcopus quilibet deputare possit in sua Diocesi, quæritur vtrum sic delegatus ab Episcopo possit audire confessiones reluctantibus Parochis.

C O N C L U S I O.

Sufficit iurisdictione delegata Papæ aut Episcopi, vt quis possit audire confessiones, reluctantem Episcopo, aut Parocho, nisi hæc restrictio apponatur in delegatione. Sic omnes Summistæ, qui hoc colligunt ex Ioanne XII. in extrauaganti *vas electionis*, Benedicto XI. & Martino V. Ratio est, quia Papa & Episcopus possunt per se audire confessiones cuiuscunque subditi sine licentia Pastorum inferiorum; habent enim iurisdictionem, nedum illis æqualem, sed & superiorem; ergo possunt alios ita delegare, vt operari possint sine Parochi licentia. Deinde, si priuilegium à superiore concessum exigeret licentiam inferioris, esset inutile; quia ipsa licentia inferioris, sufficeret; vnde Honorius III. rogatus de quodam priuilegio concessio Ordini Minorum & Prædicatorum de celebrando in altari portatili, respondit priuilegium intelligendum esse sine licentia inferiorum prælatorum, quia aliàs nihil operaretur.

Obijc. priuilegium concessum alicui intelligendum esse sine præiudicio alterius ex communi axiomate iuris; hoc autem cederet in præiudicium Parochi, qui priuaretur iure suo. Resp. quòd non priuaretur iure

iure suo; habet enim tantum iurisdictionem subordinatam superiori; unde sicut superior potest illa uti quando vult, sic illam delegare potest alteri. Deinde non habet iurisdictionem propter suam utilitatem, sed omnium suarum. Tandem per hoc iuvantur Parochi.

Obijc. secundò, ex cap. *Omnis utriusque sexus*, omnes Sacerdotes debent proprio Sacerdoti vel alteri ex eius licentia confiteri; nomine autem proprii Sacerdotis intelligitur Parochus, unde Sixtus IV. agens de privilegijs Mendicantibus concessis dicit, per illa privilegia non esse derogatum, quominus Fideles semel in anno tempore Paschatis suo proprio Sacerdoti confiteri teneantur. Resp. nomine proprii Sacerdotis intelligi vel Papam, vel Episcopum, vel Parochum; unde ait D. Thomas cap. 4. opusculi 19.

*Qui confessus est Episcopo suo, vel habenti vicem eius, confessus est proprio Sacerdoti; ex quibus patet, confessionem factam religioso satisfacere pro annuo precepto, sicut expresse definiuit Benedictus XI. extrauag. prima de privilegijs, & Ioannes XXI. extrauaganti vae electionis, de Hæreticis, & Clemens VIII. qui hanc conclusionem definiuit, dum quidam pastores hanc quæstionem mouerent. Quòd si Sixtus IV. dicat, se non velle religiosos hoc prædicare; hoc est ad seruandam pacem; additur enim in eadem bulla, ipsi fratres Mendicantes non consentur exclusi, quominus secundum iuris communis & privilegiorum eisdem concessorum dispositionem confessiones audire & pœnitentias iniungere valeant. Hoc confirmat Pius V. in bulla: *Esi Mendicantes*, ubi sic habet, *A confessionibus audiendis, tam intra eorum Ecclesias, & domos, quam extra, minime prohibeantur Mendicantes, super hoc litteras felicitis recordationis Pauli Papa IV. prædecessoris nostri, concedentes eisdem fratribus Mendicantibus regularis obseruantia, posse confessiones secularium personarum etiam infirmarum, etiam extra domos & monasteria sua & ubi libet audire, approbando, & de nouo concedendo.* Nec dicant, omnia privilegia (quæ vocant Regularium, & quæ potius vocati deberent populorum privilegia, quoniam in fauorem illorum & non regularium sunt) esse reuocata; hoc enim dicere non sufficit, imò probandum remanet, nec villo modo probari poterit: licet enim Pius IV. Pius V. & Gregorius*

pius XIII. ad terminos Conc. Triden. ea reduxerunt; non tamen vlllo modo illa reuocarunt; imò Vrbanus VIII. qui reuocauit priuilegia, quibus certi quidam religiosi audiebant confessiones sine approbatione Ordinarij, in bulla quæ incipit, *in plenitudinem potestatis*, confirmat omnia regularium priuilegia, dummodò sint in vfu, sacrique Concilij decretis minimè aduersentur; nusquam autem reperitur in Concilio, reuocatum fuisse priuilegium, quo in Paschate absolvere possunt Regulares etiam ad impletionem præcepti annuæ confessionis; imò Clemens VIII. renouauit illud, & Innocentius X. qui in breui Apostolico dato anno 1649. post maturam discussionem determinauit, quòd Regulares & communionem dare & confessionem recipere possent, etiam in Paschate.

Concil. Trident. etiam nullo modo reuocauit priuilegium, quo fideles audire possunt Missam in Ecclesijs regularium, & non teneri vltèrius ad Missam Parochialem; Leo enim XI. in Bulla quæ incipit, *intelleximus*, quæsitus an Fideles satisfaciant præcepto Ecclesiæ de audienda Missa diebus festis & dominicis, cum illi adsunt in Ecclesijs regularium, respondet affirmatiuè, modo hoc fiat non contempto proprio Sacerdote Parochiali; & ibi derogat decretis omnibus in contrarium emanatis: vnde Conc. Triden. sess. 22. tantummodo præcipit, quòd moneantur populi, vt frequenter ad suas parochias, saltem diebus Dominicis, & maioribus festis accedant; supra quod congregatio Cardinalium sacri Concilij interpretum notat, admonendos esse & non cogendos populos, vt frequentent Parochias suas ad audiendam Missam. Pius V. hoc decretum Concilij explicauit in Bulla. *Est Mendicantium*, intencionem Ecclesiæ declarans, quòd satisfiat præcepto audiendi Missam diebus festis & dominicis in Ecclesijs regularium. Idem determinauit Clemens VIII. in Bulla *Significatur*. Quòd si Sixtus IV. inhibeat fratribus Mendicantibus, ne hoc prædicent; hoc est ad pacem seruandam. Quòd si idem Sixtus dicat, hoc iure cautum esse, quòd Parochiani Missas audiant in sua Parochia; addit illicò, *Nisi forsitan ex honesta causa ab Ecclesia se absentarent*; illa autem iusta causa potest esse, quòd aliqui magis recolligantur in Ecclesijs regularium, quàm in alijs;

vel quòd ibi maiorem deuotionem habere soleant. Quoad constitutionem iuris hoc præcipientis, continetur capite *ut Dominicus, de Parochis*; vbi additur hoc prohibitum esse, si fiat proprio contempto presbytero. Quòd si multoties vel ex iure, vel in bullis specialibus habeatur, quòd regulares non possint administrare Sacramenta; hoc est ex iure communi; possunt tamen ex priuilegio.

Q V Æ S T I O XIV.

Quis sit minister vagorum, & itinerantium?

Summus Pontifex potest sibi eligere confessarium iure diuino, Episcopi & Prælati iure Ecclesiastico, cap. vltim. *de penitentia & remissione*, Parochi & sacerdotes sæculares hoc habent ex consuetudine; debent tamen eligere sacerdotes approbatos ab Episcopo, vti determinauit Concil. Tridentin. sed respectu vagorum & itinerantium quid sit sentiendum, quaerimus.

C O N C L V S I O.

Qui duo habent domicilia, in quibus æquè habitant per annum, possunt vtrique Parocho confiteri, quia vterque est proprius Sacerdos, & hæc iurisdictio non sequitur actualem habitationem, seu domicilium. Quoad illos qui habent in aliquo loco fixum domicilium, non in alio, vt Scholares, Milites, Mercatores, Litigantes, possunt confiteri in parochia in qua habitant; talis enim consuetudo fuit iuste introducta, nè diutius hoc Sacramento careant. Quoad vagos, debent confiteri in loco vbi vagantur, tali sacerdoti qualem voluerint eligere, actualis enim habitatio tenet locum domicilij, & parochus loci in quo commorantur, potest ad hoc illos astringere. Quoad peregrinos, possunt confiteri Parocho loci ad quem perueniunt; olim de hoc petebant licentiam à proprio sacerdote, nunc ex consuetudine sufficit tacita licentia illius, modò iter agant bona fide & non in fraudem legis.

Q V Æ S T I O XV.

*Quanam conditiones requirantur in
Confessario ?*

Aliæ requiruntur, ut validè administretur confessio; aliæ, ut licitè fiat. Ut validè confessio administretur, requiritur quòd Minister sit sacerdos; quòd sit approbatus ab Ordinario pœnitentis, ipsis enim demandata est cura de suis ouibus; & quòd non sit excommunicatus, suspensus, degradatus, aut hæreticus; tales enim censentur amisisse iurisdictionem: requiritur denique, ut intentionem absoluendi habeat. Quoad conditiones requisitas, ut licitè administretur confessio, explicabitur.

C O N C L U S I O.

Tres præsertim conditiones requiruntur ad licitè administrandam confessionem, nimirum Bonitas moralis. Scientia, & Prudentia. Requiritur primò Bonitas, ut volunt omnes, non enim debent administrari Sacramenta cum conscientia peccati mortalis: sacerdos ergo debet prius esse confessus vel contritus; & sic peccatum est eligere confessarium, quem constat esse in peccato mortali; est enim contra charitatem inducere aliquem ad opus, quod facturum sit cum peccato mortali: quòd sitamen accedatur minister ex officio, cui ex onere pastóratu incumbit audire confessiones, tunc licitum est uti iure suo, & ab illo absolutionem petere, modò non sint alij.

Secundò, requiritur Scientia: nullus enim debet exercere iudicium in aliqua causa graui, nisi habeat scientiam proportionatam ad ferendum æquum iudicium; aliàs se exponeret periculo malè iudicandi. Debent autem communiter scire confessarij, quænam sit distinctio inter peccatum mortale & veniale; quænam peccata habeant adiunctam excommunicationem, & quæ non; debent scire, quæ circumstantiæ mutant speciem peccati, & quæ aggrauent tantum; non debent ignorare, quando pœnitens ad restitutionem tenetur; & sic debent scire contractus usurarios, & aliquid de speciebus irregularitatum, maximè si con-

confessarius velit absoluerè sacerdotes ; debet scire quæ sint necessaria, vt pœnitens sit dispositus ad absolutionem recipiendam, tùm ex parte doloris pro peccatis præteritis, tùm ex parte propositi pro futuris vitandis ; non debet tamen scire solutionem omnium difficultatum quæ oriri possunt, sed sufficit vt possit soluere ea quæ frequentius accidunt, & de alijs possit dubitare, vt consilium petat vel à peritis vel à libris.

Tertiò, requiritur Prudentia in confessario. Primò in interrogando pœnitentem de his quæ ignorat, vel occultare vellet. Secundò in adiuuando ipsum, vt contritionem concipiat & firmum propositum non recidivandi. Tertiò in erudiendo illum de credendis & faciendis. Quartò in pacificando ipsius conscientiam, si scrupulis angatur. Quintò in adhibendo consilia & remedia pro peccatis vitandis. Sextò in expendendo an pœnitens sit ritè dispositus ad absolutionem recipiendam ; vbi attendere debet an illa sit deneganda. Quòd si pœnitens peccatum, aut occasionem proximam peccati relinquere non vult, absolui non potest ; signum enim est quòd non verè doleat de peccato : si verò ex mera fragilitate in eadem peccata sæpius relabatur, non desinat absolui, modò præsumatur accedere cum vera Contritione aut Attritione de peccatis, & firmo proposito non amplius peccandi : sic enim expressè habet Conc. Triden. sess. 14. cap. 2.

Q V Æ S T I O XV.

Quid dicendum sit de casibus reservatis?

PER reservationem peccatorum intelligitur ablatio, seu non concessio iurisdictionis à superiore ad absoluenda certa quædam peccata ; cum enim iurisdictionis absoluendi à peccatis detur per auctoritatem superioris, ideò potest illam dare circa aliqua peccata, & negare circa alia, & ista censentur reservari.

CONCLUSIO.

Est in Ecclesia potestas reseruandi casus, non tantum quoad externam gubernationem, sed etiam in foro conscientiae. Sic determinauit Concilium Tridentin. sess. 14, cap. 11. *Si quis dixerit Episcopos non habere ius reseruandi sibi casus, nisi quoad externam politiam, atque ideo casuum reseruationem non prohibere, quominus sacerdos à reseruatis verè absoluat. Anathema sit.* Licet autem loquatur tantum de Episcopis, attamen illa potestas residet in omnibus praelatis iurisdictionem habentibus, siue summam, quam habet Papa; siue Episcopalem, quam habent cum Episcopis Generales & Prouinciales Ordinum. In Papa est potestas reseruandi in Ecclesia vniuersa, in Episcopo pro sua Diocesi, & in praelatis regularibus pro suis subditis. Parochi, quia non sunt praelati, non habent potestatem reseruandi sibi casus, nec Guardiani nostrae religionis; licet enim praelati sint, quia habent iurisdictionem in foro tum interno, tum externo; non possunt tamen sibi reseruare casus, quia vt diximus, casuum reseruatio est tantum ablatio seu non concessio iurisdictionis circa certa peccata, & sic pertinet tantum ad illos, ad quos spectat approbatio & concessio iurisdictionis; sed collatio iurisdictionis non spectat ad Guardianos: ergo nec casuum reseruatio. Imò Generales non possunt reseruare, nisi ex consensu generalis Capituli, & Prouinciales ex consensu prouincialis Capituli, vt habetur ex decreto Clementis VIII Quoad peccata quae reseruari possunt, dicendum est venialia reseruari non posse; quia possunt non subijci absolutioni; sunt enim materia tantum sufficiens confessionis, non necessaria: mortalia verò tum interna, tum externa reseruari possunt, non tamen reseruantur nisi externa: omnia ergo peccata externa reseruari possunt validè, non tamen licitè; sed tantum ea quae habent gravitatem aliquam, vel quae necessaria sunt ad bonum publicum, vt reseruentur; si tamen Praelatus sine iusta causa reseruet sibi peccatum, reuera reseruabitur. Aliqua peccata reseruantur ratione censurae ipsi annexa; non potest enim quis absolui à peccato, nisi antea ab illo tollatur excommunicatio; impedit enim

enim ex omni communicatio participationem Sacramentorum. Alia referuantur propter solam culpam, quam non vult absolui superior. Omnes casus reservati Summo Pontifici habent annexam excommunicationem; non sic de casibus Episcopis reservatis; Episcoporum casus reservati vel sunt de iure communi; & sunt hi quinque, nempe homicidium voluntarium, falsificatio litterarum Episcopaliū, violatio libertatis Ecclesiæ, violatio Immunitatis Ecclesiæ, & fortilegium. Alij sunt reservati de iure speciali Ecclesiæ, de quibus videantur ritualia Episcoporum. Alij tandem sunt reservati de iure personali, & hos quilibet Episcopus sibi reservat.

Quoad potestatem absoluendi à casibus reservatis; dico, quod qui reservavit sibi peccata, potest de illis absolvere, sicut & superior ipsius; nemo enim peccata reservans intendit sibi potentiam absoluendi adimere, nec suo superiori, nec suo successorī æqualem iurisdictionem habenti. In articulo mortis quilibet sacerdos absolvere potest à casibus reservatis, pro tunc enim non sunt casus reservati, ut habet Concil. Trident. Sess. 14. cap. 7. quando tamen aliqui absoluntur ab excommunicatione Pontifici reservata, debet ab eis exigi iuramentum, quod si convalescant, presentabunt se ei, à quo extra articulum mortis poterant absolui. Quod si superior audiat omnia peccata tum reservata, tum non reservata, ab omnibus debet absolvere; necessaria est enim integritas tum absolutionis, tum confessionis. Quod si superior negotijs præpeditus non possit integram confessionem audire, debet dare licentiam alicui, ut audiatur poenitens & absolvatur ab omnibus. Quod si propter iustas causas non velit, maximi momenti authores dicunt quod possit tantum audire peccata reservata, & illa absolvere: alij æqualis famæ & numeri contrarium sentiunt, in quam partem facilius descenderem; dicendo scilicet, quod tale impedimentum non sit ratio sufficiens ad tollendam integritatem confessionis; unde censerem, quod superior pro tunc deberet tollere reservationem casuum, & absolvere ab excommunicatione in foro externo, tuncque dimittere poenitentem ad ordinarium confessarium.

*Quo iure & in quibus seruari debeat Sigillum
Confessionis?*

PER Sigillum Confessionis, quod est nomen metaphoricum, intelligitur obligatio, quam habent sacerdotes & alij participantes ad auditionem confessionis, celandi ea quæ per eam nouerint. Dicendum ergo nobis est aliquid de Sigillo.

CONCLUSIO.

Sigillum Confessionis debet seruari tum de lege naturali, tum de diuina, tum de Ecclesiastica. Debet seruari de iure naturali; per illud enim tenemur seruare depositum, præstare fidelitatem, famam illorum seruare, qui illam apud nos deposuerunt, tandem alteri non facere quod nobis fieri nolumus. Debet etiam seruari ex iure diuino, quia confessio est iuris diuini; ergo secretum Confessionis præcipitur eodem iure, sine quo esset nimis odiosa; qui enim præcipit finem, censetur ea præcipere sine quibus finis subsistere nequit. Quòd denique sit de iure humano Ecclesiastico, constat ex capite *Omnis cuiusque sexus*, de pœnitentijs & remissionibus, vbi hoc prohibetur strictissimè sub pœna grauissima à iudice infligenda; sacerdos tamen qui peccatum confessum manifestaret, non fieret irregularis; hoc enim non fertur in iure. Ad secretum seruandum plures tenentur. Primò Confessarius. Secundò illi qui quouis modo cognoscunt aliquod peccatum ex confessione, vt interpretes confessionis, & illi qui sedentes prope confitentem, casu aut industria peccata audiunt. Tertiò qui fingit se esse sacerdotem, & vt talis confessione audit. Quarto laicus, cui facta fuit confessio ex humilitate. Quintò ille cui reuelata fuit confessio à sacerdote iniuste, aut iuste de licentia pœnitentis. Sextò tenentur Superiores ad secretum quibus confessarii aliquid virtualiter de confessione reuelauerint, vt petendo ab illis licentiam à peccatis reseruatis absoluenendi. Septimò qui inuenit chartam vbi peccata scripta sunt: Non tamen tenetur pœnitens ad celanda

da ea quæ sibi dicta sunt à confessario, qualis est Pœnitentia, nisi hoc exigeret confessarius.

Sigillum confessionis seruandum est tam directè, quam indirectè; vnde non potest sacerdos dicere se non absoluisse talem pœnitentem; esset enim moraliter reuelare peccatum mortale, sine quo non negatur absolutio. Non debet etiam manifestare venialia, in particulari, licet minima sint. Seruandum est secretum tum verbis, tum signis, vnde sacerdos non potest publicè negare Eucharistiam ex scientia habita solum in confessione. Non potest sacerdos vllum crimen reuelare, qualecunque sit, non obstante quacunque interrogatione, siue extra iudicium, siue in iudicio, siue cum iuramento, siue absque eo; nulla enim est iuridica interrogatio circa hoc, & sic semper æquiuocare debet sacerdos, quòd scilicet hoc nesciat vt reuelat, hoc nesciat vt homo, sed vt minister Dei.

Confessarius vi Sigilli non potest vti extra confessionem notitia acquisita per illam; & sic non potest Confessarius extra tribunal loqui cum pœnitente de peccatis confessis, cum animo illum adiuuandi, quidquid dicant aliqui; hoc enim pudorem & confusionem inijcit ipsi pœnitenti; per hoc tamen non frangeretur Sigillum confessionis; non enim esset reuelare peccata audita alteri; pœnitens ergo debet interrogare extra confessionem, vel dare licentiam vt loqui possit sacerdos. Ex hac veritate multa colliguntur: Primò, superiorem qui audiuit confessionem sui inferioris, non posse illum ita gubernare, vt alij possint suspicari peccatum illius; imò, vt ipse agnoscat, hoc sibi fieri ratione confessionis, ne illi odiosum reddatur Sacramentum; si tamen nouerit alio modo suum peccatum, potest illud punire, ac si non fuisset confessum. Secundò, qui ex confessione nouit seruum suum esse furem, non debet ex sola scientia confessionis illum dimittere, nec prætendere excusationem, vt dimittat. An Confessarius possit denegare suffragium pœnitenti, vt eligatur ad beneficium, quem aliàs nouit p̄būm & per confessionem improbum, videri, negant Bonacina, Sanches, Suares Filliucius; alij verò affirmant. Terriò, Parochus non potest aliquem reijcere à Matrimonio, quem nouit impotentem ex confessione, aut conuictum graui crimine. Quartò,

nullus potest vti scientia ex confessione habita cum reuelatione peccati aut eius periculo, ad tuendum bonum temporale aut spirituale quantumcumque magnum sit. Quintò, ille qui per confessionem nouit Ecclesiam esse pollutam, non potest hoc detegere, vt reconcilietur. Sextò, non potest Confessarius ob peccata confessa vultum asperiores solito præbere pœnitenti. Septimo denique, qui scit per confessionem pœnitentem admiscuisse venenum vino, potest abstinere à celebratione Missæ, inquit omnes Doctores.

CAPVT OCTAVVM.

De Satisfactione.

VNa fieri potest extra Sacramentum, quando scilicet quis cognoscens se commisisse peccatum, aliquas coenas acceptat: alia fit in Sacramento per opera iniuncta à Confessario, & hæc vocatur Sacramentalis, de qua loquendum est.

QVÆSTIO VNICA.

Quid dicendum sit de Satisfactione?

Satisfactio, quæ, vt diximus, est pars integrans Pœnitentiæ, describitur, Compensatio pœnæ temporalis debitæ ob iniuriam Deo illatam, consistens in operibus pœnalibus taxatis à Confessario. Illa autem Satisfactio est pars Sacramenti, non quidem essentialis, quia Sacramentum potest esse sine satisfactione exhibita, & confert effectum ante expletam satisfactionem; dicitur tamen pars integrans, quia sine ea non est perfectè integra Pœnitentia, licet possit esse vera ipsa deficiente, sicut homo est verè homo etiam si manu careat, licet non sit integrè homo. Potest tamen dici pars essentialis Pœnitentiæ, quatenus aliqua Satisfactio continetur in actu doloris & confessionis,

CONCLUSIO.

Confessarius tenetur imponere satisfactionem . Sic Concilium Tridentinum sess. 14. cap. 8. debet enim facere integrum Sacramentum . Nulla certa regula vel mensura taxata est ab Ecclesia pro Pœnitentia iniungenda ; hoc enim relinquitur iudicio confessarij , qui ut medicus debet curare salutem ægroti , & ut iudex , seruare æquitatem ; vnde debet attendi grauitas peccati , statusque pœnitentis , seu quantitas contritionis . Aliquando potest non imponi Pœnitentia , ut quando pœnitens est incapax illam efficiendi , utpote morti proximus , & quando certò constaret confessario pœnitentem integrè satisfecisse pro peccato ante confessionem ; quia tamen id rarò constare potest , idèò regulariter iniungenda est Pœnitentia .

Opus satisfactionis iniunctum pœniti debet esse moraliter bonum ; debet deinde regulariter esse externum , quia est pars Sacramenti sensibilis ; potest tamen esse internum , ut si imponatur propositum vitandi peccatum aliquoties , vel aliquibus diebus , vel ægrotò prolatio nominis Iesu in corde , quando illud voce proferre non potest . Non debet esse necessariò opus supererogationis ; potest enim iniungi pro pœnitentia ieiunium quadragesimale ; regulariter tamen debet esse tale , ut maior sit Pœnitentia . Tandem opus satisfactionis debet esse personale , licet aliquando confessor possit acceptare opus eliciendum ab alio iusta de causa .

Satisfactio Sacramentalis confert effectum *ex opere operato* , scilicet remissionem alicuius pœnæ temporalis ; quoniam enim est pars Sacramenti , debet operari ut Sacramentum ; Sacramentum autem confert suum effectum *ex opere operato* : hoc tamen debet intelligi , modò non ponatur obex ; quia qui in peccato existens elicit opus iniunctum à confessario , satisfacit quidem præcepto sacerdotis , & reddit Sacramentum integrum , & sic non peccat mortaliter , quod faceret , si prætermitteret illud opus : illud tamen opus non prodest illi ad remissionem pœnæ peccati , licet profit , ablato impedimento , ut dicunt quamplurimi Doctores : præter remissionem autem

pœnæ quæ per pœnitentiam tollitur, seu per opus Satisfactionis *ex opere operato*, potest tolli alia pœna, quæ respondebit *operi operantis*.

Pœnitens tenetur acceptare Pœnitentiam tolerabilem, acceptamque adimplere, ex Concil. Trident. sess. 14. cap. 8. ubi potestatem ligandi sacerdotibus concessam intelligit, quantum ad potestatem obligandi ad satisfactionem. Sic habetur ex cap. *Omnis utriusque sexus*, ubi præcipitur, *sive quisque fidelis impleat Pœnitentiam à confessario iniunctam*. Ratio est, quia quilibet subditus tenetur obtemperare sententiæ sui legitimi iudicis; potest tamen pœnitens rogare confessarium, ut illam mitiget, cui debet annuere confessarius ad reddendum facilius iugum confessionis; imò potest pœnitens ante acceptam absolutionem dicere sacerdoti, quod si nolint moderare Pœnitentiam, melius velit alterum adire Confessarium; non tenetur enim Confessario obedire, nisi in ordine ad absolutionem.

Confessarius ex iusta & rationabili causa Pœnitentiam mutare potest; siue sit data à se, quia sicut eam semel iniunxit, ita mutare potest, cum nulli faciat iniuriam; siue ab æquali sit iniuncta, quia Confessarius æqualis habet potestatem æqualem; siue etiam à Superiore, modò iniuncta sit propter peccata non reservata; quia sicut potuisset illa peccata absolvere, etiam posito quod Superior absoluerit, potest Pœnitentiam commutare ex rationabili causa. Quod si peccata fuerint reservata, aliqui dicunt Pœnitentiam posse mutari, aliqui non. Quando autem mutatur Pœnitentia debet pœnitens iterare confessionem maiorum peccatorum, super quæ applicata fuit illa

Pœnitentia, supposito quod eam oblitus

fuerit; si verò pœnitens recordetur

suz pœnitentiæ, poterit mutari sine

iteratione peccatorum; tunc

enim sufficienter cognoscit

statum pœnitentis ad

mutandam illius

Pœnitentiam.

CAPVT NONVM.

De Indulgentijs.

Poenitentia non tollit poenas peccati totaliter, sed de æternis illas mutat in temporales: remissa ergo culpa per absolutionē, remanet poena luenda in hoc sæculo, vel in purgatorio; per actiones scilicet poenales in hoc sæculo, quæ satisfactoriæ sint; & hæc est via ordinaria: qua poena peccati remittitur, alia est via ordinaria, per indulgentias scilicet, quibus nobis applicantur merita Christi & Sanctorum in satisfactionem poenarum, quas debemus luere in hoc sæculo, vel in futuro; vnde postquam egimus de Poenitentia, quæ tollit culpam, & de satisfactione quæ est via ordinaria ad remissionem poenæ, agendum est de Indulgentijs, quæ sunt via extraordinaria.

QVÆSTIO PRIMÆ.

Quid sint Indulgentia, & in quo consistant?

Aliquando nomen indulgentiæ significat nimiam licentiam agendi impunè contra legem; aliquando significat remissionem criminis: sed vt sumitur in præsentī, significat remissionem poenæ temporalis debitæ peccato post ipsius absolutionem, quæ totaliter remittitur, si Indulgentia sit plenaria, & partialiter tantum, si sit limitata.

CONCLUSIO PRIMÆ.

Indulgentia est relaxatio poenæ temporalis, debitæ peccatis actualibus, concessa per applicationem thesauri Ecclesiastici. Dicitur primò, *relaxatio poenæ*; quia per indulgentiam tollitur poena peccato debita: hoc etiam dicitur, vt innotescat per Indulgentiam peccatum non tolli, nequidem veniale, sed tantum poenam. Dicitur secundo, *poena temporalis*; quia per Indulgentias non remittitur poena æterna, quoniam debetur peccatis mortalibus nondum deletis, & per Indulgentias non delentur peccata. Dicitur

K 4 tertio,

tertio, *debita peccato actuali*; non originali: quia remittitur per Baptismum, quo aufertur peccatum & omnis reatus seu poena peccati. Additur, *per applicationem thesauri Ecclesiastici*; quia sicut in republica seruatur thesaurus seu copia pecuniae ciuibz distribuendae iuxta necessitatem, ita in acceptione Dei conseruatur thesaurus constans ex infinitis meritis Christi & satisfactionibus Sanctorum, cuius dispositionem habet Summus Pontifex; vnde potest illum distribuere secundum necessitatem Ecclesiae.

CONCLUSIO SECVNDA.

Indulgentiae fundatur in potestate, quā habet Ecclesia condonandi poenas peccatorum, etiam extra Sacramentum; quae potestas colligitur ex Matth. 16. *Quodcumque solueris super terram, erit solutum & in caelis*: haec autem verba sunt vniuersalissima, vnde vi sua omnem actum soluendi includunt, non solum à peccatis, sed etiam à peccatorum poenis, vt confirmat traditio Ecclesiae & vsus antiquissimus. Illa potestas concedendi Indulgentias habet pro fundamento merita Christi, & satisfactiones Sanctorum; multa enim opera egit Christus, quae erant superabundantia, quandoquidem per vnum actum infinitos mundos poterat redimere, quodlibet enim opus Christi erat infiniti valoris; vnde quandoquidem multa opera meritoria elieuit Christus, non debuerunt esse inania, sed remanserunt in thesauro Ecclesiae, hoc est in acceptione diuina, vt peccatoribus applicarentur. Multi etiam Sancti multa opera satisfactoria praestiterunt, quae sibi non erant necessaria, & hoc etiam tempore iusti faciunt multa opera quae sunt supererogationis, & praestant exuperantes satisfactiones quibus non indigent; vnde reponuntur in thesauro Ecclesiae & nobis conceduntur per Bullas Pontificum, quae sunt signa, externa per quae voluntas Pontificis nobis applicantis tales satisfactiones, innotescit: Nec propterea dicendum est, quod nos redimant Sancti, quia redemptio illi tantum attribuitur, qui liberat à culpa & à poena aeterna.

Obijciunt Haeretici, merita Christi & Sanctorum recepisse sufficiens praemium: Christus, v. g. sui nominis exaltationem recipiendo, & Sancti accipiendo

do gloriam, quæ superat omnia merita: ergo nec Christus nec Sancti habuerunt superabundantia opera in quibus fundetur thesaurus Ecclesiæ. Resp. quod Christus propter infinitatem suorum meritorum, nullum potuerit recipere præmium creatum proportionatum illis; quoad sanctos, bona illorum opera erant simul & meritoria, & satisfactoria: ut erant meritoria non fuerunt superabundantia, quia illis data fuit pro præmio & gloria æterna, ad quam *non sunt condigna passionis huius temporis*, inquit D. Paulus ut erant verò satisfactoria, illis correspondet remissio poenæ peccati; & quia elicuerunt plura opera post expiationem suorum peccatorum, talia opera erant superabundantia in satisfactione; & sic remanserunt in thesauro Ecclesiæ: Quis enim putat quod Ioannes Baptista, qui nullum peccatum mortale vnquam admisit, non præstiterit plura opera satisfactoria superabundantia, quæ inutilia esse non debuerunt? quod à fortiori dicendum est de beata Virgine, quæ semper benè operata est, & nullum quantumvis leue peccatum admisit: Sanctorum ergo satisfactio illis superflua, alijs est necessaria & ipsis applicatur: & in hoc stat aliquo modo Sanctorum communio. Notetur tamen, à satisfactionibus Sanctorum thesaurum Ecclesiæ non esse infinitum, sed à meritis Christi, quæ infinita fuerunt; vnde euacuari non potest. Porro, ex hoc non est dicendum, quod satisfactiones Sanctorum sint superflue, si satisfactio Christi sit infinita: potest enim ex hoc tantum inferri quod non sint necessariae absolutè; & ut superflue non remaneant, respondent aliqui, quod per Indulgentias applicetur certus & limitatus gradus satisfactionum Christi, qui additur gradus satisfactionum Sanctorum; hoc enim est Christo honorificum, quoniam Sanctorum merita sunt à passione Christi.

QVÆSTIO II.

Quotuplex est Indulgentia, & quomodo Indulgentia ad tempus intelligi debeant?

Dividitur communiter Indulgentia in personalem, localem & realem. Personalis est illa quam Pontifex ita confert personæ, ut illi quasi

inhæreat; sicut quando Papa dat alicui Indulgentiam, quotiescumque profert ter nomen Iesu & Mariæ. Localis est ea quæ inhæret loco, ut quando datur Indulgentia illis, qui aliquam Ecclesiam visitant. Realis denique est ea, quæ inhæret alicui rei; ut quando Pontifex dat Indulgentias ferenti Rosarium, aut Imaginem Crucifixi: istæ autem sunt annexæ rei, & ob hoc dicuntur reales. Præter hanc diuisionem Indulgentiarum est alia, quam afferet

CONCLUSIO PRIMA.

Dividitur Indulgentia in Plenariam & Temporalem, seu ad tempus aliquod limitatam. Plenaria est ea quæ remittit, non quidem culpam, ut diximus, sed totam poenam debitam peccatis; & hoc vel absolutè, quando scilicet nulla est restrictio in Bulla; vel in certo genere, ut quando in Bulla datur Indulgentia Plenaria de poenitentibus iniunctis; pro tunc enim hæc verba denotant Indulgentiam prodesse tantum ad remittendam poenam debitam poenitentibus iniunctis, & non peractis. Indulgentia temporalis est ea, qua tantum aliqua pars poenæ debitæ peccato relaxatur; sicut quando dantur Indulgentiæ quadraginta dierum, vel septem, aut centum, aut mille annorum. Aliquando per certas Indulgentias remittitur quarta, vel tertia, vel dimidia pars poenarum peccatis deuitarum; & tunc qui habet plures poenas luendas, indulgentias lucrando, per accidens maiorem fructum percipit. Aliquando datæ sunt Indulgentiæ duarum, vel trium aut quatuor Catenarum: in primitiua enim Ecclesia iniungebatur aliquando Catena, idest obligatio ieiunandi in pane & aqua quadraginta diebus; qui præcedebant septem annos poenitentiae publicæ pro certis peccatis & hæc poenitentia iniungebatur illis, qui falsa accusatione erant causa mortis alterius. Aliqui distinguunt inter plenariam Indulgentiam & Iubilæum; distinctio tamen nulla est, nisi accidentalis, ratione scilicet adiunctorum; in quantum in Iubilæo conceditur maior potestas, absoluendi nimirum à casibus reservatis & censuris, & dispensandi super aliqua vota, & aliquando super irregularitatem; sed hoc non est de ratione Indulgentiæ; quia respicit tantum remissionem

nem, non culpæ, sed pœnæ temporalis, quæ æqualiter condonatur in Indulgentia plenaria, ac in Iubilæo.

CONCLUSIO SECUNDA.

Quando dantur Indulgentiæ, v. g. centum annorum, per hoc intelligi non debet, quòd relaxentur centum anni de pœnis soluendis in purgatorio: sed intelligitur, quòd tot & tantæ pœnæ purgatorii remittantur, quot & quantæ deletæ fuissent per Pœnitentiam centum annorum iniunctam per antiquos canones: olim enim pro grauibz pœcatis, v. g. pro adulterio & similibus iniungebantur Pœnitentiæ septem annorum, & pro grauioribus longiores: vnde, illi qui multa millia peccatorum patrauerant, multis annorum millibus Pœnitentiam debuissent agere, si potuissent; istæ autem Pœnitentiæ minuebant pœnas quæ debebantur peccatis in purgatorio; vnde Indulgentiæ mille annorum, v. g. tot relaxabant pœnas purgatorii, quot relaxassent mille anni Pœnitentiæ antiquæ.

QVÆSTIO III.

Quid sit Iubilæus?

An tequam ipsius explicationem afferamus, notandum est, quod ipsius figura duplex habeatur in veteri Testamento, quarum prima fuit in anno Sabbatico, & secunda in anno Iubilæo.

Annus Sabbaticus in lege Mosaica erat septimus, quo in memoriam diei septimæ, Iudæi non colebant terram, nec metebant; sicut enim Deus sex diebus operatus est, & septimo requieuit; sic iussit Hebræis Exod. 23, vt sex annis colerent terram & meterent, & septimo cessarent ab omni cultura; quo anno gaudebant pauperes fructibus qui sponte nascebantur; anno verò sexto Deus dabat benedictionem terræ, vt fructus sufficientes ferret pro anno sexto & septimo, Tria fiebant in illo anno. Primò remittebantur debita illis qui erant ex genere Iudæorum, non verò gentilibus, aut peregrinis, nec proselitibus; id est, illis qui facti erant Iudæi, Secundò, serui

in libertatem remittebantur, modò essent Hebræi . Tertio denique legebatur populo Deuteronomium , quod est veluti appendix legis veteris. Porro, hic annus Sabbaticus non cœpit numerari ab illo tempore, quo Iudæi egressi sunt ex Ægypto, quia ex hoc non cœperunt terram colere, sed ex quo ingressi sunt terram promissionis , & diuisio illis facta fuit à Iosue ; tunc enim cœperunt terram colere . Hic autem annus fuit figura nostri Iubilæi , in quo poenæ debita peccatis remittuntur.

Annus Iubilæus, qui incepit sicut annus Sabbaticus, à primo scilicet anno possessionis & culturæ terræ promissionis , erat quinquagesimus . In illo fiebant hæc tria , quorum duo prima erant communia anno Sabbatico: Primò , remittebantur debita: Secundò , serui fiebant liberi : Tertio , auitæ possessiones redibant ad pristinos dominos , quod non fiebat in anno Sabbatico ; vnde quando quis vendebat agrum , eo charius vel vilius vendebant , quo magis vel minus distabat ab anno Iubilæi , & hic annus fuit secunda figura nostri Iubilæi .

CONCLUSIO.

PER Iubilæum intelligitur Indulgentia plenaria , quæ in amplissima forma conceditur , quia datur potestas confessario approbato absoluendi ab omnibus censuris & casibus reseruati , sicut & commutandi vota quædam : & etiam aliquando dispensandi super irregularitates , iuxta præscriptum Bullarum , quæ semper legendæ sunt, quia tantum valent, quantum sonant. Licet annus Iubilæus, qui sanctus dicitur, figuram habuerit in veteri Testamento , vt diximus ; non est tamen de iure diuino, sed tantum Ecclesiastico ; instituit enim illum Bonifacius VIII. anno D. 1300. & simul ordinauit vt centesimo quolibet anno renouaretur . Clemens VI. ipsum anticipauit ; instituit enim illum anno 1350. & iussit vt renouaretur quolibet anno quinquagesimo . Tandem Sixtus IV. illum reduxit ad annum vigesimum quintum: hoc tamen non impedit, quin in necessitatibus Ecclesiæ sæpius Iubilæa concedantur .

Annus Iubilæi incipit in vigilia Natiuitatis Domini , & durat vsque ad sequentem vigiliam Nati-

uitatis Domini; quod intelligitur de urbe Roma; in regnis enim & prouincijs incipit tantum cum Bulla Pontificum ab Ordinarijs recepta & publicata sunt. Incipit, inquam Romae immediatè ante vespèras, qua hora aperiuntur valuae sancti Petri, & desinit anno sequenti eodem die, finitis vespèris; & pro tunc ipsae valuae clauduntur. Quando in Bulla Iubilæi datur facultas absoluendi à casibus reservatis in Bulla Cœnæ Domini, potest absolui de Hæresi, quicquid aliqui sentiant, fundati super enormitatem huius casus; sic enim responsum fuit in Pœnitentiaria anno Domini 1617. occasione Iubilæi à Paulo V. concessi; quod tamen de hæresi occulta intelligitur. Quoad actiones faciendas ut quis lucratur Iubilæum, præscribuntur à Bulla. Quoad Confessarium, potest tempore Iubilæi eligi quilibet approbatus ab Ordinario; unde regularis, qui habet tantum approbationem sui Superioris, potest quidem absolvere regularem, sed non sæcularem; quia non est approbatus ab Ordinario ipsius sæcularis.

Q V Æ S T I O IV.

Quis possit Indulgentias concedere?

Neminem latet, multos esse superiores dignitate Ecclesiastica pollentes, quorum omnium caput est supremus Pontifex, cui succedunt Archiepiscopi, Episcopi, Superiores ordinum, maiores scilicet, qui super subditos dignitatem quasi Episcopalem habent. De his omnibus procedit quæstio, sicut & de Concilio, de quo quæritur, an possit Indulgentias concedere.

C O N C L V S I O.

Solus Summus Pontifex potest primariò & iure diuino Indulgentias concedere: quia facultas distribuendi bona publica, per se competit principi supremo reipublicæ, & proinde Summo Pontifici, vniuersalis Ecclesiæ rectori, cui soli dictum est, *Pasce oues meas*; & idè est fons omnis iurisdictionis: Episcopus autem habet hanc potestatem, sed hoc est à Summo Pontifice; unde sicut Summus Pontifex limitat po-

potestatem Episcoporum circa absolutionem (multos enim casus sibi referuat Papa, de quibus non possunt absoluerre Episcopi) sic etiam illam limitat quoad indulgentias; unde Episcopi possunt tantum concedere Indulgentias vnus anni in dedicatione solum Ecclesie, & in alijs occasionibus possunt tantum concedere Indulgentias quadraginta dierum. Quod si concedant aliquando in sua visitatione Indulgentias plenarias, hoc est ex concessione Summi Pontificis, cuius Bullam obtinere tenentur. Potestas illa Episcoporum circa Indulgentias vocatur quidem ordinaria, quia sequitur illorum munus, & eorum dignitatis annexa est, autoritate summi Pontificis. Idē dicendum est de Archiepiscopis, qui tamen in hoc superant Episcopos, quod possint per totum suum Archiepiscopatum Indulgentias tales concedere, & etiam in Episcopatibus suorum suffraganeorum, vt habetur capite *à nostro*, de poenitentijs & remissionibus, quod intelligitur in suis visitationibus. Si Episcopi darent Indulgentias excedentes quadraginta dies, non essent inualidæ simpliciter, sed tantum quoad excessum. Tum Archiepiscopi, tum Episcopi possunt Indulgentias conferre, modò sint electi & confirmati, etiam si non sint consecrati; quia indulgentiæ emanant ab exteriori iurisdictione, quæ non requirit consecrationem: sic Summus Pontifex electus, & non consecratus potest Indulgentias concedere. Si Episcopus sit excommunicatus denuntiatus, concedere non valet Indulgentias, quia caret actu iurisdictionis. Si in peccato mortali existat, dum illas concedit, non peccat mortaliter, quia non exercet actum Ordinis, sed iurisdictionis. Potest Episcopus delegare suam potentiam concedendi Indulgentias clerico, non laico; iure enim humano ab Ecclesiasticis remouetur; potest tamen Summus Pontifex de absoluta autoritate. Tandem Episcopus potest tantum dare Indulgentias suis Dioecesanis, quibus participare possunt etiam regulares exempti, se submitiendo in hoc Episcopis; exemptio enim regularium non debet cedere in illorum damnum.

Quoad Concilium generale, si sit Acephalum, hoc est sine capite, non potest concedere Indulgentias & sic mortuo Pontifice, Concilium non potest amplius plenarias concedere, quia nō reperitur, quod hæc potestas

restas sit concessa Ecclesiæ, sed Petro, cui dictum est, *Pasce oves meas*. Quod si Concilium vniatur capiti per se, vel per legatos; tunc potest concedere Indulgentias in tota Ecclesiæ; suis enim legatis suam potentiam delegavit Pontifex. Quoad Cardinales, Patriarchas & Primates, non habent potestatem concedendi Indulgentias de iure communi, nisi in quantum sunt Archiepiscopi, vel Episcopi: vel nisi illis detur talis potestas ex privilegio, commissione, aut consuetudine. Quoad Prælatos regulares potestatem quasi Episcopalem habentes, ut sunt Generales Ordinû & Prouinciales, Rodericus dicit eos habere ordinariam potestatem Indulgentias concedendi, qua tamen non vtuntur per consuetudinem: possunt tamen auctoritate Apostolica ipsas concedere; Leo enim decimus concessit Ministris Prouincialibus de Obseruantia, ut possint concedere suis subditis plenariam Indulgentiam in sua visitatione. Sic Alexander IV. quadraginta dies Indulgentiæ concessit audientibus sermones Fratrum Minorum.

Q V Æ S T I O V L T I M A .

Quanam requirantur, ut quis possit Indulgentias consequi?

Constat quidem, quod ex parte concedentis requiratur iusta & legitima causa, ut validè indulgentias possit concedere; quæ quidem iusta causa est honor Dei, Ecclesiæ utilitas, bonam commune, vel priuatum: Pontifex enim non est dominus meritum & satisfactionum Christi, sed tantum dispensator, qui thesaurum sibi commissum debet distribuere secundum intentionem Christi. Intentio autem Christi & Sanctorum est, ut Ecclesiæ thesaurus non dispensetur, nisi ob honorem Dei & Ecclesiæ utilitatem: idè qui sine iusta causa hunc thesaurum dispensat, quod est potius dissipare, nedum peccat mortaliter, sed inualida est concessio. Requiritur etiam condiciones multæ ex parte illius, qui indulgentias lucrari peroptat. Debet primò esse viator, quia concessio Indulgentiæ est actus iurisdictionis, qui non potest exerceri nisi in viatores. Debet etiam esse fidelis & baptizatus; infideles enim non sunt mem-

membra Ecclesie, & sic ipsius influentiam recipere non valent, sicut nec hæretici, aut apostata à fide, qui sunt membra præscissa; imò excommunicati etiam fideles & contriti Indulgentias consequi non possunt, quia afficiuntur pœnis excommunicationis, quarum vna est, priuari communibus Ecclesie bonis; sunt alie denique, quas mox sumus explicaturi.

CONCLUSIO.

Ad recipiendas Indulgentias requiritur status gratiæ & adimpletio operum iniunctorum in Bulla concessionis. Ratio primi est; quia non potest remitti pœna, non remissa culpa: vt ergo quis relaxationem pœnæ debitæ peccato obtineat per Indulgentiam, debet habere peccata iam remissa; an autem lucraturus Indulgentias debeat esse in gratia per confessionem, vel an sola contritio sufficiat; distinguendum est, & dicendum, quòd si non exprimat confessio facienda in Bulla, vt quando simpliciter dicitur, qui hoc vel illud fecerit, tales Indulgentias consequetur, pro tunc non est facienda confessio, quia existens in gratia est capax Indulgentiarum, nec superior confessionem exigit: si verò Bulla exprimat confessionem esse faciendam, vt quando dicitur, qui post confessionem & communionem tali opus elicerit, tali gaudebit Indulgentia, non sufficit pro tunc contritio, sed confessio ultra facienda est, saltem si quis sit conscius peccati mortalis; si nullum enim tale peccatum commisit ab vltima confessione, censetur habitualiter confessus, qui perseverat in antecedenti confessione, & non indiget confessione peccati venialis; sicut enim Ecclesia extra Indulgentias confessionem venialium non exigit, sic nec in Indulgentijs; quia tamen aliqui contrarium sentiunt, in praxi consulerem confessionem.

Ratio secundæ partis est, quia superior concedit solum Indulgentias sub conditione operum iniunctorum in Bulla: ergo ipsa facienda sunt; vnde adolescens qui nondum vigesimum primum annum attigit, non minus tenetur ieiunare si præscribatur ieiunium. Qui etiam prætermittit aliquod opus iniunctum, etiam ex impotentia vel ex iusto impedimento,

mentò, Indulgentias non lucratur, nisi commutatio talis operis in aliud exprimat, quia Indulgentiæ, non sunt absolutè ad salutem necessariæ. Quando exprimitur eleemosyna faciendâ, magna vel parua sufficit, modò in Bulla non exprimat, pro cuiuscumque facultate; Nauarrus tamen putat debere esse diuersam pro diuersitate personarum. Qui dat pecuniam seruo, vt impendat eleemosynam, quam non largitur seruus, non lucratur Indulgentiam, contra Emmanuelem; non enim præstat opus præscriptum. Qui prætermittit opus tantum leue, vt qui in Rosario dicendo omitteret vnum Ave Maria, lucratur Indulgentias, quia hæc materia est levis respectu operis iniuncti: si tamen esset leuis in se, & non respectu operis iniuncti, qui prætermitteret illâ, Indulgentias non lucraretur; vnde si daretur Indulgentia dicenti vnum Pater cum Ave Maria, qui omitteret Ave Maria, non haberet Indulgentiæ fructum; licet enim illi materia esset leuis in se, esset tamen grauis respectu operis iniuncti.

Qui elicit opera iniuncta ad percipiendam Indulgentiam, non tenetur esse in gratia toto tempore quo præstat illa opera; sed sufficit, vt in gratia existat, dum facit vltimum opus, quo posito conceditur Indulgentia. Quando ergo tempore Iubilæi præscribitur ieiunium & communio; qui ieiunabit in peccato mortali, modo communicet in gratia, Indulgentiam consequitur; illud enim opus non requiritur vt meritorium, nec vt satisfactorium, nec vt applicans Indulgentias, sed est tantum vt conditio, quæ posita, Summus Pontifex Indulgentias applicat. An autem quis lucretur Indulgentias quando omnia opera iniuncta fecit in peccato mortali, & remouet postea impedimentum per pœnitentiam: Respondent affirmatiuè Syluester, Paludanus & Henriques; communiter tamen negant alij, quia hoc non sonat ex Bulla.

Obijc. nos malè dixisse, quod soli viatores possint Indulgentias lucrari, quandoquidem Indulgentiæ possunt applicari animabus existentibus in purgatorio, quæ non sunt amplius viatrices, quoniam nec mereri, nec demereri possunt. Resp. reuera posse applicari Indulgentias defunctis, est enim communis mens Doctorum & traditio Ecclesiæ, quæ
ad.

admittit communionem suffragiorum inter Ecclesiā militantem & patientem, itā quod nostra bona opera pro illis animabus possint offerri: hoc tamen debet expressè specificari in Bulla; si enim Indulgentiæ cōcedantur tantum pro fidelibus, non comprehenduntur sub hoc termino defuncti; sed debet exprimi in Bulla pro fidelibus vivis & defunctis, & pro tunc quilibet potest pro defuncto lucrari Indulgentiam, cui tantum proderit, quantum prodesset illi, qui opera iniuncta exercet pro defuncto. Respondendum ergo est, hoc supposito, ad objectionem: Indulgentiæ applicari possunt defunctis: per modum suffragij, concedo: per modum iudicij, seu absolutionis & auctoritatis, nego. Applicare autem Indulgentiam per modum iudicij, est immediatè remittere poenam alicui, tanquam Dei minister & iudex illius cui poena remittitur; cum autem Summus Pontifex non sit iudex animarum Purgatorij, non potest concedere Indulgentias pro illis per modum iudicij. Applicare verò Indulgentias per modum suffragij, est offerre Deo pro anima alicuius defuncti pretium æquale poenis ipsis debitis, ut ipsemet Deus illas remittat & relaxet; sic qui applicat Iubilæum alicui defuncto per modum suffragij, offert ipsi Deo merita Christi & satisfactiones Sanctorum, quæ dispensantur à Summo Pontifice in illo Iubilæo, ut tali animæ profint.

Quando in Iubilæo conceduntur Indulgentiæ pro vivis & defunctis, debent opera iniuncta in Bulla, bis præstari, semel pro vivo, & semel pro defuncto; potest tamen vivus concedere ius suum defuncto, & non pro se lucrari. Solus Summus Pontifex concedere potest Indulgentias pro defunctis; ad vivos enim limitatur potestas Episcoporum à Summo Pontifice. Porro, hæc est differentia inter Indulgentiam pro se accipiendam, vel pro defuncto; quod si aliquis illam velit lucrari pro se, non valeat, nisi ille sit in gratia qui eam consequi desiderat; accepta autem pro defuncto, valida est, etiamsi eliciens opera non sit in gratia: ille enim non satisfacit, sed tantum præstat opus externum, quo posito Summus pontifex applicat defuncto Indulgentiam per modum suffragij, quatenus offert Deo satisfactiones Christi & Sanctorum, quas dignetur acceptare in solutionem poenarum solvendarum à defuncto; unde dicunt

Da-

Doctores, Indulgentiam habere valorem *ex opere operato*, & non dependere à sanctitate illius, qui illam lucratur pro defunctis; & sic Filliucius, Nauarrus, Suares, Corduba, Henriques, & alij citati à Bonacina, qui est eiusdem mentis.

CAPVT DECIMVM.

De Extrema-Vnctione.

Poenitentiam quæ in remedium peccati mortalis instituta est, proximè sequitur Extrema-Vnctio, tum in remedium peccati venialis, tum ad tollendas reliquias peccati, vt dicemus loquendo de eius effectibus. Omnia autem quæ dicturi sumus de Extrema-Vnctione proponuntur & soluentur in eadem quaestione.

QVÆSTIO VNICA.

Quid sit Extrema-Vnctio? An sit Sacramentum, à quo instituta? Quæ sit materia, forma, minister, subiectum & fructus eius?

Non sumus locuturi de illa Vnctione, qua baptizatus chrismate vngitur in vertice, nec de ea qua Catechumeni oleo benedicto vngebantur in pectore & scapulis, nec de illa qua vnguntur Confirmati in fronte, nec de illa qua Episcopi vnguntur in capite & manibus, & Sacerdotes in manibus tantum; non agimus etiam de vnctione qua vnguntur reges, sicut nec de ea qua templum, altare & calix vnguntur; sed de illa qua vnguntur infirmi periclitantes de vita, quæ vocatur extrema. Ex his patet septem esse vntiones in Ecclesia.

CONCLUSIO PRIMA.

Extrema-Vnctio est Sacramentum noua legis consistens in Vnctione corporis aegroti periclitantis, facta ex oleo consecrato in partibus corporis, ubi præcipue viget sensus, sub præscripta verborum forma, ad salutem mentis & corporis aegroti ordinatum. Hæc omnia & ex se patent, & patebunt ex sequentibus.

CON-

CONCLUSIO SECUNDA.

EXtrema-unctio est verè & propriè Sacramentum; quia habet tres conditiones ad Sacramentum requisitas, quæ sunt signum externum, promissio gratiæ & institutio Christi. Primò enim extrema-unctio est signum externum, quoniam unctio quæ fit super infirmum, externa est. Secundò, habet promissionem gratiæ, vt patet ex Iacobi 5. *Infirmatur quis vestrum? inducat Presbyteros Ecclesiæ, & erunt super eum, ungentes eum oleo. & oratio fidei saluabit infirmum, & alleuiabit eum Dominus; & si in peccatis sit, remittentur ei.* In his vltimis verbis, vbi per extremam-unctionem promittitur remissio peccati, promittitur etiam collatio gratiæ, quia peccatum non remittitur, nisi per gratiam. Tertiò denique, hoc Sacramentum est institutum à Christo, vt mox dicetur.

CONCLUSIO TERTIA.

EXtrema unctio non est instituta ab Apostolis, sed à Christo; Apostoli enim non potuerunt promittere infallibiliter remissionem peccati, nec infusionem gratiæ; quia hæc non sunt in eorum potestate: ergo, cum Iacobus præcitatus promiserit remissionem peccati per Extremam Vnctionem, signum est quòd eam Christus instituerit, cui pertinet, ratione potestatis excellentiæ, quam habet, gratiam conferre & signa externa instituere, quibus gratia conferatur. Quando autem fuerit institutum hoc Sacramentum, Euangelistæ solliciti tantum memorare quæ ad salutem sunt necessaria, huius Sacramenti non meminerunt; probabile tamen est, inquiunt Doctores, fuisse institutum in nocte cœnæ, quoad designationem materiæ, formæ & ritus in eo seruandi; quoad potestatem verò illum ministrandi, datam fuisse post resurrectionem Ioannis 20. quando potestatem absoluendi Apostoli receperunt; ad quam absolutionem pertinet hoc Sacramentum, cum sit ad deletionem peccati venialis institutum.

CONCLUSIO QUARTA.

Materia remota huius Sacramenti, est oleum oliuarum benedictum ab Episcopo; proxima verò est vntio. Quod debeat assumi oleum pro materia, patet ex Iacobo; *ungentes oleo*; quòd debeat esse oliuarum, constat; quia oleum simpliciter dictum est oleum oliuarum: quod debeat esse benedictum ab Episcopo, habetur ex Conc. Floren. & Trid. sess. 10. cuius ratio est, quia materia huius Sacramenti non fuit sanctificata usu Christi. Quod vntio sit materia proxima; liquet, quia per eam applicatur oleum: illa autem vntio fit in modum crucis, ex consuetudine tantum, non ex necessitate, ut fit in Confirmatione, ubi vngitur homo, tanquam Christi miles, qui ducis, nempe crucis, signum portare debet; hic autem vngitur per modum medicinæ, ut salutem recipiat. Illæ vntiones septem communiter enumerantur, scilicet oculorum, aurium, narium, oris, manuum, pedum & lumborum; duæ tamen ultimæ non sunt de necessitate Sacramenti; imò vntio lumborum omittitur in scæminis, aliæ verò sunt ita necessariæ, ut si vnus sensus non vngatur, Sacramentum sit inualidum, ex D. Thoma; quia Sacramentum hoc ordinatum est ad tollendas sordes & reliquias peccati, cuius radix est in quinque sensibus. Quod si quis careat aliquo membro, pars propinquior vngenda est.

CONCLUSIO QUINTA.

Forma huius Sacramenti consistit in his verbis; *Per istam sanctam vntionem, & suæ mpyssimam misericordiam indulgeat tibi Deus quicquid deliquisti per visum, auditum, gustum, tactum & olfactum: vel per incessum & per ardorem libidinis; quando vnguntur pedes & lumbi. Inuocatio Trinitatis est tantum ex usu Ecclesiæ, non ex necessitate Sacramenti; hoc enim Sacramentum non est professio fidei; sicut Baptismus. Quando ponitur in forma, Per suam misericordiam, illa verba non sunt de necessitate Sacramenti; non possunt tamen omitti sine peccato. Dum periculum mortis imminet, sacerdos vngen-
do*

do omnes sensus, potest tantum proferre vnam formam, dicendo, *Parcat tibi Deus quidquid deliquisti per visum, auditum, gustum, &c.* Porro, hæc forma est deprecatoria, non iudicatiua; ut sunt istæ, *Ego te absoluo, ego te baptizo*; unde sacerdos debet dicere, *indulgeat tibi Deus*; non verò, *indulgeo*; non quod hoc Sacramentum habeat suam efficaciam ex vi orationis presbyteri, ut est opus operans; habet enim ex vi promissionis Christi, quæ est infallibilis; sed quia hoc instituit Christus sub verbis deprecatorijs, ut patet ex Iacobi 5. *Inducat Presbyteros Ecclesia, & orent super eum.*

CONCLUSIO SEXTA.

Minister huius Sacramenti est Sacerdos, Sic Concil. Tridentin. unde Iacobi 5. *Inducat Presbyteros Ecclesia*; nomine autem Presbyteri intelligitur Sacerdos; si administraret ergo Diaconus vel Subdiaconus, Sacramentum esset inualidum, etiam de licentia Papæ, hoc enim est de iure diuino. Si laici dicuntur unxisse; hoc fuit vnctione facta ex deuotione, non Sacramentali. Omnis autem Sacerdos ungere potest, siue sit excommunicatus, siue degradatus, aut nullam habens iurisdictionem; hoc enim Sacramentum non datur per modum iudicij, ut Pœnitentia; peccarent tamen isti, si administrarent extra necessitatem. Debet tantum esse vnus Minister; & sic, si dicat Iacobus, *Inducat Presbyteros Ecclesia*; idest, vnum ex Presbyteris; potest tamen in necessitate vnus facere vnam vnctionem & alius aliam; modo ille qui ungit, proferat formam tali vnctioni respondentem.

CONCLUSIO SEPTIMA.

VT quis possit recipere hoc Sacramentum, debet esse baptizatus; Baptismus enim est ianua Sacramentorum. Debet secundò habere vel habuisse vsum rationis; qui enim non habuerunt, non deliquerunt; illis autem, qui antequam reciderent in phrenesim hoc Sacramentum desiderauerunt, potest dari, etiam si tempore phrenesis contradicant; modo non speretur conualescentia, aut non fuerint in peccato

peccato notorio ante phrenesim. Debet tertio esse grauius infirmus; ista enim vnctio vocatur extrema: non debet ergo dari non infirmis, licet sint in periculo mortis, vt sunt conscendentes mare, pugnam aggredientes, damnati ad mortem, mulieres in partu; tales enim non sunt agroti, & est institutum pro agrotis; dicit enim Iacobus, *Infirmatur quis vestrum*; quia tamen senectus est morbi species, potest dari confectis senio. Debet quarto non esse conficius peccati mortalis; quia Sacramentum hoc, est Sacramentum viuorum, quod datur illis tantum qui sunt in gratia. Quinto non debet esse excommunicatus.

CONCLUSIO VLTIMA.

EXtrema-Vnctio habet pro effectibus: Primò, augmentum gratiæ habitualis; hoc enim commune est omnibus Sacramentis. Secundò, remissionem venialium, ex Iacobi 5. *Si in peccatis fuerit, remittuntur ei*: non remittuntur autem peccata mortalia; hoc enim spectat ad Pœnitentiam; ergo remittuntur venialia. Sic Concil. Trid. sess. 14. cap. 2. Non remittit autem peccata venialia immediate, sed mediate; in quantum per Extremam-Vnctionem dantur gratiæ actuales, per quas elicitur actus contritionis, vel dilectionis Dei, quibus actibus delentur per se peccata venialia. Tertiò, tollit reliquias peccati, id est peccata mortalia, vel venialia, quæ post alia Sacramenta relinquuntur: vel quia fiunt post illa, & non aduertuntur; vel quia non sunt absoluta per alia Sacramenta indebitè suscepta. Quartò denique, conducit aliquando ad salutem corporis, cum expedit animæ, aut prouidentia Dei iustum videtur; habetur enim Iacobi 5. *Oratio fidei saluabit infirmum*. Quoad tempus, quo hi effectus conferuntur, alij tenent conferri in prima vnctione, alij partialiter in qualibet; sed melius alij, quando perficitur quinta vnctio cum sua forma: quia est vltima essentialis, quæ impendit hos effectus virtute omnium præcedentium; proprium enim est Sacramentorum consistentium in vsu, vt producant gratiam eo instanti quo perficiuntur. Quod si Eucharistia producat effectum in sumptione corporis, licet Sacerdos non sumeret

meret sanguinem, hoc est, quia verum est Sacramentum, etiam si non sumatur sanguis; non sic autem de vnica vnctione; aliae enim sunt essentiales. Non tamen dantur omnes gratiae actuales in vnctione vltima; aliquae enim reseruantur prout videtur Deo expedire, v.g. pro articulo mortis, vbi dantur ad confortandam animam aegroti contra difficultates in illo tempore occurrentes.

CAPVT VNDECIMUM.

De Ordine.

QVÆSTIO PRIMA.

Quid sit Ordo, & quando fuerit institutus?

Non sunt hic Ordo pro respectu inter res aliquas, quarum vna est prior alia, vel natura, vt causa effectu; vel tempore, vt arbor fructu, vel loco, vt cœlum igne; vel dignitate, vt ordo iudicis ordine ciuium. Non sumitur etiam hic Ordo pro varia Religione, quarum vna vocatur Ordo sancti Benedicti, alia sancti Dominici, vel sancti Francisci; sed in nostro proposito sumitur pro signo seu caremonia externa, qua confertur homini dignitas & officium in Ecclesia Christi.

CONCLUSIO PRIMA.

Ordo est Sacramentum, quo traditur spiritualis potestas conficiendi Eucharistiam, vel ministrandi in ordine ad illam, adhibitis, quibusdam rebus tanquam materia, & verbis tanquam forma. Dicitur primò, *Sacramentum*, & est reuera, vt videbimus in sequentibus. Dicitur secundò, *quo traditur potestas spiritualis*; verba enim formæ sunt hæc, vel similia, *Accipe potestatem*. Tertiò dicitur, *circa Eucharistiam*, vel *in ordine ad illam*; Sacerdotium enim ordinatur immediatè ad Eucharistiam, & alij inferiores Ordines ministrant circa illam; alij remotè, vt Minores Ordines; alij proximè, vt Ordines sacri: Episcopatus etiam ordinatur ad Eucharistiam; Episcoporum enim officium est, vt consecrent Sacerdotes

dotes qui conficiunt Eucharistiam. Tandem adiungitur, *adhibitis quibusdam rebus, tanquam materia; quia res porrectæ sunt materia Sacramenti huius; & verbis, tanquam forma*, verba enim Episcopi faciunt formam cuiuslibet Ordinis. Quare autem res sint materia, & verba sint forma, in promptu respondetur; quia sicut materia præsupponitur ad formam, sic etiam res præsupponuntur ad verba, tanquam significatum ad significans; verba enim significant actionem quam facit Episcopus, & rem quam porrigit.

CONCLUSIO SECUNDA.

Ordinatio fuit instituta in vltima cœna; quando Christus dixit Apostolis, *Hoc facite in meam commemorationem*. Sic Conc. Trident. sess. 22 c. 1. & can. 1. Sic etiam D. Thomas, & alij explicantes hoc modo hæc verba Christi, *hoc facite*; id est, quemadmodum ego consecro Eucharistiam, & illam offero, & vos consecro Sacerdotes & Episcopos, ita vos accipite potestatem consecrandi Eucharistiam, & illam offerendi in sacrificium, sacerdotesque instituendi & Episcopos. Ratio probabilitatis est, quia constat Christum instituisse Sacramenta, hoc enim Ecclesia non potest; non apparet autem commodior locus institutionis Ordinis, quàm in vltima cœna, cùm ipsam Eucharistiam instituit & dedit potestatem illam consecrandi. Contulit autem Christus per excellentiæ potestatem omnes Ordines simul Apostolis: nam sub principali quod est Sacerdotium, omnes comprehenduntur; quia participant aliquam potestatem circa corpus Christi, & conferendo tales Ordines, dedit etiam potestatem Apostolis illos conferendi.

QVÆSTIO II.

*Quot sint Ordines, & qui sint Maiores
vel Minores.*

IN veteri Testamento, vbi Synagoga erat nostræ Ecclesiæ typus, tres erant Ministri templo inferuientes, scilicet Leuitæ, Sacerdotes & Pontifex: *Reylin Theolog. Pars III.* L Le-

Leuitæ erant ex tribu Leui, sicut Sacerdotes & Pontifex; licet tamen ex hac tribu omnes dicerentur Leuitæ, non tamen omnes erant Leuitæ propriè, seu inservientes altari, nisi certo ritu consecrati fuissent. Leuitæ Sacerdotibus ministrabant in sacrificijs, Sacerdotes verò offerebant victimas super altare holocausti, subministrabant ligna, ut nutriretur ignis perpetuus, vespere & manè adolebant incensum super altare Thymiamatis (erant enim duo altaria, vnum æreum, quod erat altare holocausti, in quo victimæ offerebantur; aliud aureum, nempe altare Thymiamatis, in quo incendebantur aromata) concinnabant lucernas quæ erant iuxta altare, affuso oleo oliuarum; singulis Sabbatis panes duodecim calidos ponebant super mensam propositionis, amoueantque veteres, quos manducabant postea, nec dabant profanis, immolabant vaccam rufam extra castra, adiurabant mulieres in casu zelotypiæ, discernebant inter lepram & lepram, mundabant leprosos & menstruatas, & seminifluos, legemque Dei scire & interpretari tenebatur. Quoad Pontificem, præter hæc omnia officia quæ agere poterat, quatuor insuper faciebat; Primò, consecrabat Leuitas & Sacerdotes; secundò, in controuersijs legalibus agebat supremum iudicem & vltimam pronuntiabat sententiam, cui omnes sub pœna mortis parere tenebantur; tertio, in rebus magni momenti Deum consulebat, & ab eo accipiebat responsum; quartò denique, in solempni die expiationis seu propitiationis introibat Sanctuarium & publicam expiationem instituebat totius populi à peccatis (legalibus scilicet) Ut autem hæc omnia pateant, multa consideranda sunt, quæ & rarissima & cognitu necessaria videntur, ut sacra Scriptura, præsertim veteris Testamenti innotescat; vnde;

Notandum est primò, quòd in lege Mosaica Deus ex omnibus tribubus ad sui cultum tribum Leuiticam sibi destinauerat, & ex hac tribu assumebantur Leuitæ propriè dicti, Sacerdotes & Pontifex; summum tamen sacerdotium secundum legem ordinariam erat in sola familia Aaron, qui fuit primus summus sacerdos, iure successionis; licet enim ante Aaron Moises fuerit Pontifex, hoc habuit via extraordinaria, diuina scilicet ordinatione; vnde filij eius non suc-

successerunt in pontificatu, bene autem filij Aaronis; Aaron, inquam, fuit primus Pontifex, cui succedebant posterij; imminenti enim morte Moïsis, iussit illi Dominus, vt assumeret Aaron in Pontificem & quatuor eius filios, Nadab, Abiud, Eleazar & Ithamar, quos reuerà vnxit Moïses. Postea, duo primi occisi sunt à Deo igne cœlesti eo quod ignem alienum obtulissent; & cum non haberent liberos, Eleazar successit patri, Eleazaro filius, & sic deinceps. Quia Leuitæ non habuerunt partem in terra promissionis, habuerunt quadraginta & octo vrbes cum agris suburbanis ad iumentorum pastum. Illarum vrbiũ sex erant refugio pro solo homicidio inuoluntario, tres ex vna parte Iordanis & tres ex altera, Æqualis erant distantia, & omnes in montibus, vt facilius videri possent. Præter has quadraginta & octo vrbes, Deus voluit vt Leuitæ alerentur aliarum tribuum decimis (sub nomine autem Leuitarum comprehendebantur etiam Sacerdotes & Pontifex) Deinde Sacerdotes & Pontifex, non verò alij Leuitæ, habebat primitias, quæ ter in anno soluebantur; in Paschate scilicet de nouis spicis, in Pentecoste de nouis panibus, & in festo Tabernaculorum, quæ erat decima quinta mensis Septembris, de nouis fructibus. Insuper habebant primogenita tum hominum tum animalium, quæ si essent immunda, redimebantur quinque siclis; si essent munda, offerebantur. Tandem habebant oblationes, quilibet enim sponte aliquid offerebat in templo.

Notandum est secundo, vt pateant ea quæ diximus de officio Sacerdotum, quod in Scriptura fiat mentio Tabernaculi & Templi; quæ licet ad idem officium fuerint destinata; distinguebantur tamen in hoc, quod Tabernaculum factum à Moïse iussu Dei, erat portatile & per partes dissoluebatur, quando mouebantur castra; Templum verò Salomonis erat fixum, quia vsque ad Salomonem fuerunt Hebræi in perpetuo bello; quadraginta enim annis errauerunt in deserto, & postea cum vicinis in Palestina semper pugnaverunt, vnde ne profanetur templum à gentilibus, si victi fuissent, acceperunt tantum tabernaculum, quod erat portatile; quando verò in pace fuerunt omnia tempore Salomonis, habuerunt templum fixum. Tabernaculum fuit longum triginta-

cubitis, altum verò, & latum decem, ex quacunque parte constructum ex tabulis lignorum Sethim inauratis; ex parte tamen orientali, nullæ erant tabulæ, quia hac ingrediebantur sacerdotes; sed illarum loco erant quinque columnæ inauratæ, quæ velo tegebantur, quo eleuato, ingrediebantur sacerdotes. Tabernaculi coopertura erat tam superius, quam ad latera, ex cortinis factis ex cocco, purpura, hyacinto & bysso, & insuper erant cooperturæ aliæ contra pluiam. Extra Tabernaculum erat atrium, sicut cæmeterium, clausum sexaginta columnis aureis, & erat quasi Templum laicorum. In hoc atrio, prope Tabernaculum erat altare holocausti; & inter altare holocausti & tabernaculum erat labrum æneum seu mare æneum; idest, quoddam vas denominatum mare ob magnitudinem, in quo Pontifex & Sacerdotes lauebant pedes & manus, quando ingrediebantur tabernaculum. Tabernaculum diuidebatur in duas partes, vna dicebatur Sanctum, in qua erant candelabrum, mensa panum propositionis & altare Thymiamatis; alia dicebatur Sanctum Sanctorum, vbi erat Arca fœderis cum propitiatorio: in Sanctum ingrediebantur quotidie sacerdotes; tum vt adolerent Thymiamata, tum vt vespere accenderent lucernas & manè extinguerent; sed in Sanctum Sanctorum solus Pontifex ingrediebatur semel in anno, nempe in festo Expiationis, de qua inferius.

Templum, quod erat multo maius, diuidebatur in duas partes, sicut Tabernaculum; scilicet in Sanctum & Sanctorum Sanctorum: inter vtrumque erat velum lapideum, quod scissum est in morte Christi. Templum habebat duo atria, vnum pro sacerdotibus non sacrificantibus, aliud pro laicis. In Sancto Sanctorum erat arca, in qua inclusæ fuerunt duæ tabulæ legis, quas à Deo recepit Moyses, postea circa tempus captiuitatis Babylonice Ieremias apposuit in ea vnam auream in qua erat manna, & virga Aaronis. Illa arca vocabatur Arca Testamenti, quia legem includebat, quæ erat veluti Testamentum Dei, quod volebat impleri; aliquando vocabatur Arca fœderis, quia lex erat signum fœderis inter Deum & Israelitas. Illa arca præcedebat castra Iudæorum, quando mouebantur; illam ordinariè ferebant Leuitæ, extraordinariè Sacerdotes, vt in transitu Iordanis, &

nunquam Laici; vnde Oza manu volens erigere illam, quia cadere videbatur, punitus est. Arca fuit primò in Tabernaculo, secundò in Templo, postea imminente captiuitate Babylonica, Ieremias eam prauidens, ex instinctu Dei antequam vastaretur templum, portauit arcam & altare Thymiamatis ope Angelorum in montem Nebo, quam ibi occultauit in quadam spelunca, vbi occulta erit, inquit Epiphanius, vsque in diem iudicij, quo manifestabitur ad confusionem Iudæorum, Super arcam erat propitiatorium, quod erat veluti eius coopertura, ex auro factum; & super illud erant duo Cherubim ex puro auro, qui expansis alis, tegebant ipsum, & super illos sedebat Deus & loquens cum Moise propitiabatur populo, vt habetur Exodi 25. & Num. 7. In illa parte templi, quæ vocabatur Sanctum, erant tria instrumenta, nempe candelabrum, mensa propositionis, & altare Thymiamatis. Candelabrum, quod præfuit in tabernaculo, erat ex auro mundissimo; ex eius hastili septem rami procedebant, & tam in hastili quam in ramis æqualiter assurgentibus, erant lucernæ quæ illuminabant mensam propositionis & altare Thymiamatis, sed tantum nocte; vnde dixi, quòd sacerdotes manè illas extinguiebant, & accendebant vespere. Mensa propositionis erat ex lignis Sethim auro obdactis, super eam apponebantur duodecim panes, quia erant duodecim tribus Israel, sex ex vna parte & sex ex alia, vnus super alterum; omnibus superponebatur thus ad significandum Deo oblatos esse. Dicebantur propositionis, quia coram Deo proponebantur; erant azy-mi, singulisque sabbatis auferebantur veteres, & apponebantur noui calidi, qui pinsebantur à Leuitis ex simila quæ offerebatur à populo; veteres autem manducabantur à ministris templi. Altare Thymiamatis erat illud, super quod offerebantur thus & alia aromata, quæ semel manè & semel vespere incensebantur.

Extra Tabernaculum in atrio Sacerdotum sub dio erant duo instrumenta; altare scilicet holocaustorum & labrum æneum. Super altare Holocausti offerebantur omnia, præter aromata. Erat factum ex lignis Sethim sicut altare Thymiamatis, sed erat subductum tabulis æneis, & aliud tabulis argenteis, erat cauum

ad continendum ignem pro sacrificijs comburendis, habebat superius craticulam auream foraminibus plenam, cui imponebantur victimæ, vt à supposito igne cremarentur. In cavitare huius altaris erat focus æneus ex craticula pendens, in quo conseruabatur ignis de cœlo descensus qui nutriebatur à Sacerdotibus. Ignis ille sic è celo descendit. Postquam Aaron à Moïse consecratus est, volens primum offerre sacrificium, Leuit. 9. descendit ignis de cœlo, qui consumpsit Holocaustum. Illo igne debuerunt vti Sacerdotes in perpetuum; vnde quia Nadab & Abiud filij Aaronis vsi sunt igne alieno in sacrificio, ignis descendit de cœlo, qui consummauit eos. Durauit ille ignis vsque ad captiuitatem Babylonicam, quo tempore Sacerdotes illum concluderunt in puteo, & post captiuitatem Babylonicam, iussu Nehemiæ, quæsitus est à nepotibus illorum sacerdotum qui eum occultauerunt, & non est inuentus, sed pro eo reperta est aqua crassa, qua iussit Nehemias aspergi sacrificia, & continuò in ignem versa est, & inflammauit ligna superposita. Aliud instrumentum, quod erat in atrio sacerdotum, erat labrum æneum, seu vas quoddam, in quo sacerdotes ad sacrificium accessuri lauabant pedes & manus, & hostiarum partes, antequam offerentur. Huic simile curauit fieri Salomon, sed multò capacius; vnde propter suam immensitatem dictum est mare æneum.

Notandum est tertio, quòd alia officia Sacerdotis, quæ sunt immolare vaccam rufam, mundare leprosos & adiurare mulieres in casu Zelothypix: duo prima connexionem inter se habent, quando aliqui erant immundi per se, vt puerperæ, leprosi, hemorroissæ; vel ex cōtactu rei immundæ: tangendo scilicet leprosos, semini fluos, vestes eorum, aut sedilia, reptilia, animalia immunda, aut munda mortua sponte, aut cadauera, vel ossa, vel sepulchra; offerebantur pro illis diuersa sacrificia, de quibus in Leuitico; & insuper aspergebatur aqua lustrali vel expiationis quæ sic fiebat. Sacerdotes accipiebant vaccam rufam sine macula, quæ nunquam portauerat iugum, & eam immolabant extra castra, cum Iudæi erant in deserto, vel extra portam, cum erant in Ierusalem, & totam comburebant cum ligno cedrino & hyssopo, & tunc illi cineres spargebantur in aquam viuam, & erat aqua lu-

stra-

ffralis, qua per asperſionem purificabantur immundi. Quantum ad Zelothypiam, vir dubitans de vxore ſua eam adducebat coram tabernaculo ad ſacerdotem. Secundò, offerebat ſacrificium Zelothypia, id eſt, farinam, hordaceam ſine oleo & thure. Tertiò, Sacerdos accipiebat aquam luſtrationis in vaſe fictili, in quam immittebat paxillum terræ de pavimento tabernaculi, & iſta aqua vocabatur amariffima. Quartò, ſuper eam proferebat maledictiones infrà dictas. Quintò, diſcooperiebat caput mulieris & in manibus eius ponebat oblationem, farinam ſcilicet, & ſimiliter proferebat ſuper mulierem eaſdem maledictiones, dicens, *Si innocens es, non nocet tibi iſta aqua; ſi rea, his ſubiacebis: Dominus Deus, in cuius conſpectu ſtas, putrefacere faciat ſemur tuum, & tumen uteris tuus diſtumpatur*. Sextò, mulier reſpondebat, amen, amen. Septimò, Sacerdos ſcribebat illas maledictiones in libro, moxque abluebat Scripturam aqua, quam habebat in vaſa; deinde aquam maledictam dabat mulieri bibendam; & ſi erat rea, ſtatim femore putrefcente, & intumeſcente vtero, diſ rumpebatur, & ſic expirabat. Addunt Rabini, quòd eo tempore puniebatur adulter abſens.

Notandum eſt quartà, hæc fuiſſe officia Pontificis. Primò, conſecrabat Leuitas & Sacerdotes, illos purificando, conſecrando, & applicando ad uſum ſui miniſterti. Secundò, in controuerſijs agebat ſupremum iudicem; in ſingularis enim ciuitatibus conſtituti erant iudices inferiores à Pontifice, qui debebant dirimere controuerſias, Deuteron. 16. Quòd ſi non poſſent dirimere illas, conueniebant ſupremos iudices qui erant in Ieruſalem, & quibus Pontifex præerat, qui dabat ſententiam, cui ſub pœna mortis quilibet tenebatur acquieſcere; & ſic erant duo tribunaſia; minus ſcilicet in qualibet vrbe, ubi erant viginti & tres iudices; & maius in Ieruſalem, in quo erant ſeptuaginta. Illi ſeptuaginta ſeniores fuerunt electi à Moſe, Num. 11. ex mandato Dei, & eo ipſo habuerunt ſpiritum Prophetia. An autem ſucceſſores habuerint, non cõſtat; ſed creditur ſingulari aſſiſtentia præditos fuiſſe, quæ aſſiſtentia præſertim reſidebat in ſummo Pontifice; vnde ex pluribus, erat inſallibilis, quod patet ex Deuteron. 17. ubi Deus promittit litigantibus iudiciũ veritatem, ſi deferant litigia ad illum; deinde

ibidem iubet, quod sub pēna mortis teneantur illi acquiescere; non mandaret autem acquiescere sententiæ quæ posset esse falsa. Habemus exemplum magni Tribunalis Matth. i. vbi dubitans Herodes, an Messias natus esset, detulit hanc difficultatem ad Concilium, vbi præsidebat Pontifex, ait enim Scriptura, *Rex turbatus est, & congregans omnes principes Sacerdotum sciscitabatur ab eis, ubi Christus nasceretur? Et illi dixerunt ei, in Bethleem Iuda; sic enim scriptum est.* Tertiò,

Pontifex in rebus magni momenti Deum consulebat; sed quomodo responsum acciperet dubitatur: Alij dicunt, quod hoc fieret per Angelum, voce humana; alij per reuelationem, sed probabilius alij per splendorem lapidum pretiosorum, qui erant in rationali supra pectus Pontificis: si gemmæ plus solito lucebant, signum erat foelicis successus; si minus solito, signum erat mali; si more naturali, signum erat Deum non velle respondere. Quartò tandem, in die solemnī Expiationis introibat Sanctuarium, & instituebat publicam expiationē peccatorum populi, quæ sic fiebat: Duodecima die mensis septimi seu Septembris, post multas alias ceremonias mittebat sortem super duos hircos, vt alter immolaretur pro peccato, alter viuus mitteretur in desertum; hunc statuebat in conspectu populi, & posita vtraque manu sub capite eius, confitebatur omnia populi peccata, ipsique hirco imprecabatur, & sic mittebat eum in desertum, quasi auferentem & portantem peccata totius populi, & ob hoc dicebatur caper emissarius. Sed quandoquidem Expiatio erat vnum ex festis Iudæorum, ideò de illis:

Notandum est quintò, quòd Iudæi multa festa celebrabant. Primò, sabbatum in memoriam creationis mundi. Secundò, festum Neomeniæ primo die mensis lunaris, pro beneficio diuinæ gubernationis. Tertiò, Pascha in memoriam liberationis Iudæorum ex Ægypto, cui annexum est quartò festum Azymorum in memoriam egressiōis ex Ægypto, quod durabat septem diebus, quia in sua egressiōe non habuerunt tempus, quo fermentari posset eorum panis: compulsi enim erant à Deo exire; in memoriam huius rei, celebrabant festum Azymorum. Quintò, celebrabant festum Pentecostes, quod vocabatur solemnitas Hebdomadarum, in memoriā legis datæ quinquaginta diebus ab egressu filiorum Israel ex Ægypto. Sextò, festum

ſtum Tubarum prima die menſis ſeptimi, in memoriam liberationis Iſaac in ſacrificio Abrahæ. Hoc factum memorantes Iudei, ſolebant tubis corneis clangere; vnde dictum eſt feſtum Tubarum, ſeu cornu: & ſic in hac die erant duo feſta: concurrebat enim feſtum Noemoniæ, quod accidebat prima die cuiuslibet menſis. Septimò, erat feſtum Expiationis die duodecima menſis ſeptimi, in memoriam illius beneficii, quo Deus ad interceſſionem Moïſis propitiatus eſt populo vitulum adoranti. Octauò, erat feſtum Tabernaculorum ſeu Scenophegiæ, decimo quinto menſis ſeptimi, uſque ad ſeptem dies ſequentes, in memoriam illius beneficii quo Deus voluit Iudæos in tabernaculis habitare, cum egreſſi ſunt ex Ægypto. Nonò, erat feſtum Cœtus ſeu Collectæ, quod celebrabatur tranſactis ſeptem diebus Tabernaculorum, in quo colligebantur ea quæ neceſſaria erant ad expenſas diuini cultus. Hic notatis, ad noſtram quæſtionem deueniendum eſt, cui respondebit

CONCLUSIO.

Communiter assignantur ſeptem Ordines in vniuerſum; quorum tres dicuntur maiores, & quatuor minores. Minores ſunt, Ordo Oſtiariorum, Lectorum, Exorcistarum, & Acolythorum; Maiores verò, ſunt Subdiaconatus, Diaconatus & Sacerdotium, quod ſubdiuiditur in Sacerdotium maius & minus; nam Episcopi ſunt Sacerdotes maiores, & alij minores. Hic numerus colligitur ex diuerſis actibus, quos ſinguli habent circa Euchariftiam, quæ eſt finis Ordinationis; aliqui enim Sacerdotes conſecrant qui poſſunt Euchariftiam conficere, & hi ſunt Episcopi; alij eam conficiunt, & ſunt Sacerdotes communes; alij miniſtrant immediatè ad illam, vt Diaconi, qui calicem & panem Sacerdoti offerunt; alij mediatè; ordinando materiam in vaſis, vt Subdiaconi: alij illam præſentant Subdiacono, vt Acolythi: alij autem verſantur circa recipientes illam, vel arcendo infideles, vt Oſtarij; vel legendo Prophetas, & Catechumenos docendo fidei rudimenta, vt poſſint accedere ad Euchariftiam, & hi ſunt Lectores, vel imponendo manus ſuper Energumenos, vt liberentur à demonibus, & ſic poſſint ſacra recipere, vt Exorc-

cistæ. Quoad tonsuram, non est Ordo, sed præparatio ad Ordines; est enim introductio ad Clericaturam, & Ordo est gradus Clericaturæ; ex deputatione tamen Ecclesiæ & privilegio, Clerici sunt capaces iurisdictionis Ecclesiasticæ & beneficiorum. Diximus, quòd illorum Ordinum quatuor sint Minores, & tres Maiores; scilicet Sacerdotium, Diaconatus & Subdiaconatus, qui vocantur etiam Ordines sacri: non tamen Subdiaconatus fuit semper Ordo sacer, vt patet ex capite, *nullus in Episcopum*, dist. 60. Quare autem isti sint sacri, non quatuor alij, dissentiunt Doctores; quidam volunt dici sacros, quia sunt Sacramenta, & collatio aliorum non est Sacramentum: sed hoc dici non potest; aliquando enim Subdiaconatus non fuit Ordo sacer, fuit tamen semper Sacramentum, aliàs non esset adhuc; Ecclesia enim Sacramentum instituere non potest. Melius ergo est, quòd dicamus hos tres Ordines vidi Maiores, quia magis accedunt ad Eucharistiam; & ideo dici sacros, quia habent annexum votum Continentiæ; & sic qui illis initiantur, consecrantur Deo specialius. Subdiaconatus autem olim non erat Ordo sacer, quia non habebat votum Castitatis sibi annexum. Porro licet sint septem Ordines, omnes tamen dicuntur vnum Sacramentum Ordinis, quia habent respectum ad vnum finem, qui est offerre Eucharistiam, aut ministrare circa illam. Deinde sunt vnum genere subalterno; nam licet differant specie, conueniunt tamen in hoc, quòd quilibet sit ordo.

Q V Æ S T I O III.

An quilibet Ordo sit Sacramentum?

Ordinatio in se est Sacramentum, cum omnia necessaria ad Sacramentum illi conueniant, Primo enim reperitur in Ordinatione ceremonia externa, nempe manuum impositio, Act. 6. *Hos statuerunt ante conspectum Apostolorum, & orantes imposuerunt eis manus;* vbi Scriptura loquitur de Ordinatione septem Diaconorum: Act. etiam 3. ordinantur Episcopi Paulus & Barnabas impositione manuum: & Act. 14. *Cum constituisent per singulas Ecclesias Presbyteros;* vbi in Greco habetur, *cum creassent per manus im-*

positionem Presbyteros. Secundò reperitur promissio gratiæ, quæ est secunda conditio Sacramenti; enim ad Timotheum 4. dicit Paulus, *Noli negligere gratiam, quæ data est tibi cum impositione manuum Presbyterij*, Tertiò denique reperitur institutio Christi, quæ est tertia conditio: Act. enim 13. habetur, *Segregate mihi Saulum & Barnabam in opus, ad quod assumpsi eos*. Quòd si Christus non legatur imposuisse manus: non disputamus quid fecerit, sed quid iusserit. Constat ergo Ordinationem in se esse Sacramentum, quidquid negent hæretici, vnde videndum remanet, utrùm quodlibet sit verè Sacramentum.

CONCLUSIO.

Quilibet Ordo in specie Sacramentum est: & Episcopatus primò est, verum Sacramentum à Presbyteratu distinctum. Sic Concil. Trident. sess. 23. cap. 4. vbi dicitur, Episcopatum esse sacrum Ordinem, sicut est ordo Presbyterorum; vbi Concilium comparat vnum Ordinem cum alio; sicque Episcopatus & Presbyteratus sunt duo Ordines: ergo duo Sacramenta; quilibet enim Ordo est Sacramentum. Ratio nostra est, quia ideò Sacerdotium est Sacramentum, quia est ceremonia externa, qua datur potestas consecrandi Eucharistiam; quod alij præstare non possunt; sed Ordinatio Episcopi est ceremonia externa, qua datur potestas administrandi Confirmationem & Ordines, & consecrandi Chrisma, templa, & altaria, quæ non possunt validè præstari nisi ab Episcopo: ergo, &c. Deinde in Ordinatione Episcopi requiritur materia proxima, nempe impositio manuum Episcoporum; deinde forma, quando Episcopi dicunt, *Accipe Spiritum sanctum*: reperitur etiam gratia, vt patet ex verbis formæ; accipere enim Spiritum sanctum est accipere gratiam: tandem recipitur character distinctus à caractere Presbyteratus, aliàs posset reperi Episcoporum consecratio. Si quis dicat; Ergo sunt plures Ordines quàm septem; negatur, quia est vnus Ordo genere cum Presbyteratu, qui diuiditur in maiorem & minorem: Episcopatus autem est maior, non quòd det maiorem potestatem conficiendi Eucharistiam, sed quia illa potestas.

ab Episcopo dependet, quia illam confert & interdici-
cere potest. Nec quis inferat, posse ergo aliquem ordi-
nari Episcopum, qui non sit Sacerdos; hoc enim
est falsum; sicut enim aliquis non potest ordinari, nisi
sit baptizatus, sic nec Episcopus fieri, nisi sit antea
Presbyter. Nec etiam quis instet, dicendo, quod si E-
piscopatus conferat caracterem, erit maior caractere
Presbyteri, & sic erit aliqua potestas maior potestate
consecrandi Eucharistiam; respondebitur enim
quod si caracter Episcopalis sumatur integraliter, pro
tunc est maior Sacerdotali, quia illum includit, &
pro tunc etiam ordo Episcopalis erit maior exten-
sive: si verò sumatur præcisè pro ultima consecratione
& potestate quam addit Episcopatus super Presbyte-
ratum, est minor intensivè; nulla enim potestas mai-
or est, quàm potestas consecrandi Eucharistiam.

Ordo Diaconatus est propriè Sacramentum (nul-
lus enim dubitat de Presbyteratu) Act. enim 6, ordi-
natur Diaconi per manuum impositionem, sicut Epis-
copi & Presbyteri. Deinde Diaconi in absentia Pres-
byterorum possunt dare Eucharistiam, reconciliare
publicos poenitentes, prædicare, ac ferè omnia mu-
nera Episcoporum & Sacerdotum exercere in eorum
absentia, ac proinde eorum ordinatio est Sacramen-
tum. Tandem Diaconatus Ordo imprimat caracte-
rem; non potest enim amitti nec repeti: ergo est Sa-
cramentum; sola enim Sacramenta imprimunt caracte-
rem, quo scilicet Diaconus constituitur in statu
aliquo immutabili.

Ordo Subdiaconatus est verum Sacramentum: hoc
non est ita constans, sicut præcedens, communiter ta-
men tenetur à Doctoribus, paucis exceptis. Ratio est,
quia imprimat caracterem, quia per illum homo ordi-
natur ad officium diuinum, v.g. ut deferat calicem
& patenam ad altare, aquamque & vinum ministret
Diacono: quia etiam Subdiaconus debet servare
castitatem, & ut hæc omnia dignè fiant, requiritur
gratia specialis: ergo est Sacramentum. Nec dicant
adversarij, Subdiaconatum antiquitus non extitisse;
contrarium enim habet Conc. Trid. sess. 23. c. 2. ubi
habet, nomina & officia Subdiaconatus, aliorumque
inferiorum Ordinum, fuisse in usu ab initio nascenti-
s Ecclesiæ. Si Urbanus in iure canonico relatus di-
cat, primitivam Ecclesiam habuisse tantum Sacer-

dotium & Diaconatum; loquitur de Ordinibus sacris, inter quos nondum erat Subdiaconatus. Si Conc. Laodic. inhibeat, nè Subdiaconi tangant vasa sacra, hoc est quamdiu sanguis & corpus Christi sunt in illis.

Minores etiam quatuor ordines sunt Sacramentum. Sic Concil. Florent. dicens Sacramentum Ordinis esse sextum Sacramentum, & materiam eius esse id quod ab Episcopo porrigitur; vbi ponit exempla de Ordinibus Sacerdotis, Diaconi & Subdiaconi; & addit idem esse intelligendum de alijs minoribus. Sic etiam Concil. Trident. sess. 2. cap. 23. vbi septem Ordines numerat, & postea cap. 3. dicit absolute, Ordinem esse Sacramentum: si ergo sint Ordines distincti, erunt & distincta Sacramenta. His adde, quod quilibet Ordo minor caracterem imprimat, & gratia indigeat ad officium suum reuerenter obeundum. Nec dicas, esse ergo plura Sacramenta, quam septem; quia plures Ordines sunt vnum Sacramentum genere subalterno; quod si non Ordinati possint actus minorum Ordinum exercere; hoc est, non ex officio, sed ex deputatione ministrorum Ecclesiae.

Q V Æ S T I O I V.

Quanam sint materia & forma Sacramenti Ordinis?

Difficultas quæ maior est in hac questione, consistit in hoc quod aliqui sentiant, impositionem manuum non esse de essentia vllius Ordinis, sed esse tantum ceremoniam accidentalem in Præsbyteratu & Diaconatu; contra ipsos tamen stat vniuersus coetus Theologorum, Scriptura & Patres, dicentes manuum impositionem esse absolute necessariam & essentialem. Sic Concilium Nicenum sess. 14. cap. 4. vbi de Extrama-Vnctione loquens, dicit, ministrum eius esse Episcopum & Presbyterum ritè ordinatum per manus impositionem. Quod si Patres & Concilia, præsertim Florentinum, assignando materiam huius Sacramenti, loquantur tantum de porrectione instrumentorum; non explicuerunt totum ritum, sed tantum illam partem de qua dubitabant Armeni. S dicatur, Sacerdotes fieri, dū in porrectione vasorū dicit Episcopus, *Accipe potestatem offerendi sacrificium*
per

per hoc fit tantum incompletè Sacerdos, habet enim duas potestates, inquit Scotus, quæ ipsum adæquatè constituunt, vnam supra corpus Christi reale, quæ traditur per porrectionem vasorum, aliam supra corpus Christi mysticum, seu Fideles, quæ traditur per impositionem manuum. Constat ergo, quod pars essentialis materiæ, secundum communem Doctorum sententiam, sit impositio manuum respectu Presbyteri & Diaconi: vnde ad vasorum porrectionem, quæ est alia pars essentialis, & ad declarationem formæ cuiuslibet Sacramenti deueniendum est.

CONCLUSIO.

Materia proxima ordinationis Episcoporum, est impositio manuum trium aliorum Episcoporum, sub qua comprehenduntur virtualiter aliæ ceremoniæ: Forma verò sunt verba quæ proferunt, dicendo, *Accipe Spiritum sanctum*. In ordinatione Sacerdotis materia proxima est porrectio calicis cum vino, & patenæ cum hostia, & impositio manuum Episcopi: & forma sunt hæc verba, *Accipe potestatem offerendi sacrificium, & accipe Spiritum sanctum, quorum remiseris peccata, &c.* quæ vltima verba dicuntur in impositione manuum, & prima in porrectione calicis. In Ordinatione Diaconi materia est manuum impositio, & porrectio libri Euangeliorum: Forma verò quæ respondet manuum impositioni, est, *Accipe Spiritum sanctum, ac robor ad resistendum diabolo & tentationibus eius*; & forma quæ respondet porrectioni libri, est, *Accipe potestatem legendi Euangelium in Ecclesia Dei*: Christus tamen non instituit hoc Sacramentum in porrectione libri Euangeliorum, quia nondum erant, sed in impositione manus & traditione alicuius rei, quæ officium Diaconi designaretur, quæ relicta fuit in dispositione Ecclesiæ; sic de forma dicendum est. In ordinatione Subdiaconi materia est traditio calicis vacui cum patena superposita, & libri Epistolarum: Forma verò est, *Accipe librum Epistolarum, ut habas potentiam legendi eas in Ecclesia sancta Dei*. Tandem in alijs Ordinibus materia est traditio rerum, quæ designant officium cuiuslibet Ordinati; forma verò sunt verba prolata ab Episcopo, quibus tales res porriguntur. Porro, debet esse contactus

tactus materiaz traditz ab Episcopo; sed alij dicunt contactum moralem sufficere, quia Sacramenta sunt entia moralia, & moralia sunt moraliter intelligenda; qui quidem contactus moralis consistit in acceptatione rei traditz, v. g. in extensione manuum; tutius tamen est, & grauis momenti Doctores asseuerant, contactum debere esse physicum; non est tamen necessarium, vt omnia instrumenta tangantur physice, nec quòd profetantur simul mathematicè verba Episcoporum, dum tanguntur vasa. Potest Episcopus cum vnica forma in plurali prolata porrigere vasa multis; sic enim determinatum fuit in quadam congregatione Romæ habita.

Q V Æ S T I O V.

Quis sit minister Ordinis; & qui sint ordinandi.

Hic quæritur tum de ministro ordinario, tum de ministro ex commissione; quia autem dicam, solum masculum posse Ordinari, sciendū est quod per Presbyteras, de quibus agitur in Concilijs, intelligantur viduæ seniores, quæ alijs ratione ætatis præerant; Presbyter enim idem est ac senior: vel intelliguntur feminae quarum mariti ex earum consensu ad Sacerdotia erant euecti, quæque castitatem tenebantur seruare. Per Diaconissas intelliguntur mulieres quæ deputabantur ad ministerium aliquo modo sacrum, vt ad obsequium reddendum Sacerdotibus; vel intelliguntur foeminae, quarum mariti ad Diaconatum euecti erant.

CONCLUSIO PRIMA.

Ordinarius minister Ordinis est solus Episcopus, plures tamen alij sunt ministri ex commissione. Prima pars est contra Caluinium & Lutherum, qui volunt ordinationem esse à tota multitudine fidelium & Clero; quòd si soli pastores Ordinent, hoc est nomine totius populi. Ratio conclusionis est, quia Ordo est quedam dignitas Ecclesiastica, & ad solum principem, qualis est Episcopus, pertinet dignitates distribuere. Cum autem diximus Episcopum esse mini-

ministerium ordinarium, hoc intelligitur, siue sit excommunicatus, siue interdictus, aut priuatus suo Episcopatu; hoc enim emanat à potestate Ordinis quæ in illis residet, nec amitti potest: si tamen non sit Sacerdos, non potest ordinare. Vt licitè Ordines conferat, debet tantum ordinare Diocesanos; validè tamen ordinantur qui ordinati sunt ab alieno Episcopo. Quòd si dicantur irritè ordinari; hoc est, quia priuantur legitimo vsu suorum Ordinum. Quoad secundam partem, patet; quia Cardinales Presbyteri possunt tonsuram & minores concedere ex commissione illis delegata per priuilegium eorum dignitati annexam. Abbates ius mitræ & baculi habentes possunt conferre minores & tonsuram suis subditis Regularibus; alijs verò tantum ex speciali consensu Ordinarij. Simplex Sacerdos ex commissione Papæ potest conferre minores. Subdiaconatum & Diaconatum, vt constat ex priuilegio concessò Abbati Cisterciensi, & alijs quatuor primis Abbatibus eiusdem Ordinis, quo priuilegio Abbas Cisterciensis omnes sui Ordinis monachos potest Ordinare; alijs verò quatuor, tantum suos subditos. Hoc priuilegium fuit illis concessum ab Innocentio VIII. anno 1489. Summus Pontifex non potest dispensare, vt quis Ordinetur Sacerdos à non Episcopo, hoc enim nunquam visum fuit, neque pro distantia, aut inopia Episcoporum, aut alia quacumque causa, sicut videmus potestatem administrandi Confirmationem delegatam fuisse simplici Sacerdoti; minus ergo simplex Sacerdos potest consecrare Episcopum, maior enim à minori non potest benedici. Non potest denique Summus Pontifex communicare potestatem Ordinandi non Sacerdoti, quia Ordinatio est potestas Ordinis maioris.

CONCLUSIO SECUNDA.

Multæ conditiones requiruntur in Ordinandis. Primò, Ordinandus debet esse masculus; sic enim voluit Christus, qui solos Apostolos ordinauit, dicens *Hoc facite*, non verò feminas, nequidem matrem suam, quæ omnium erat sanctissima. Secundò, debet esse baptizatus; Baptismus enim est ianua Sacramentorum, & sic non baptizatus inualidè Ordinatur.

natur. Tertiò debet esse Confirmatus: sic Conc. Trid. sess. 23. cap. 4. ubi non confirmatis prohibetur tonsura, quæ est præparatio ad Ordines; qui tamen non confirmatus ordinaretur, validè esset ordinatus; Quartò, debet esse initiatus tonsura ex communi praxi Ecclesiæ, valeret tamen ordinatio sine illa. Quintò, requiritur legitima ætas: ad primam tonsuram & minores, septem anni, completi saltem; ad Subdiaconatum viginti duo anni inchoati; ad Diaconatū viginti tres inchoati; ad Presbyteratū viginti quinque inchoati; ad Episcopatum verò triginta completi. Sic habetur capite *cum in cunctis*, de electione; unde qui mala fide ante hos annos suscipiunt Ordines, sunt suspensi; & si exerceant, fiunt irregulares; si verò suscipiant bona fide, v. g. testimonio parentum, non sunt suspensi; unde exercendo postea etiam scientes se non habere ætatem, peccant quidem mortaliter: sed non fiunt irregulares, quia non violant censuram; suspensio enim non fertur, nisi contra eos qui mala fide ante debitam ætatem Ordines suscipiunt. Sic Suares, Toletus & cum alijs Bonacina. Hæc conditio intelligitur de licita susceptione Ordinum; validè enim quilibet ordinatur in qualibet ætate; unde dicunt Doctores, Sacerdotium & Episcopatū posse recipi ante vsum rationis; ratio enim requiritur tantum in Sacramentis quæ consistunt in aliquo actu recipiētis, vt in Matrimonio, quod consistit in mutuo consensu, & Pœnitentia quæ consistit in dolore & confessione; in Ordinatione autem non requiritur actus susipientis, sed sufficit intentio ministri & Ecclesiæ. An autem ille qui sic ordinatur, tenetur ad votum continentiæ; dum sit adultus, negatur, nisi ordinationem suam ratificet, quia ad votum requiritur deliberata intentio. Sextò, non debet esse censura innodatus; sic enim recipiens Ordinem fieret irregularis, teneret tamen Ordo. Septimò non debet suscipere Ordines per saltum, id est, non debet Diaconatū suscipere qui Subdiaconatum non habet, valeret tamen Ordo, & in hoc posset dispensare Episcopus; modo sic Ordinatus actum Ordinis superioris non exercuerit, tunc enim fieret irregularis, & solus Papa posset dispensare. Octauò, debet habere titulum, dum promouetur ad Ordines, & recipiens Ordinem sine titulo suspenditur ab executione Ordinum, nisi pri-

aliud medium recuperari potest, nempe per poenitentiam; gratiæ verò Sacramentales nunquam redirent, & sic ordinatus illis semper careret. Ex his constat Ordinem cum gratia habituali conferre Sacramentales.

CONCLUSIO SECUNDA.

Sacramentum Ordinis confert characterem, ex Concil. Trid. sess. 23. can. 4. per Baptismum enim homo consignatur ut consecratus familiæ Christi, per Confirmationem consignatur ut miles ad ferendum vexillum Christi & in Ordine consignatur in eius Ecclesia, ut spiritualia munera obeat. Quia character est indelebilis, quando quis degradatur, tantum priuatur exercitio Ordinis; quando etiam Pontifex dispensat cum Diaconis & Subdiaconis, non dispensat de Ordine qui est indelebilis, sed de oneribus quæ sunt annexa Ordini, qualia sunt coelibatus & recitatio officij. Quilibet Ordo confert specialem characterem in anima: unde si dicatur, ergo plura accidentia differentia solo numero sunt in eodem subiecto; respondendum erit, quod differant specie sicut & singuli Ordines: deinde plura accidentia relativa, ut plures paternitates, possunt esse simul. Quia ordo characterem confert, iterari non potest, & sic illos iterans peccaret; non tamen fieret irregularis, sicut in Baptismo; quia in iure irregularitas non fertur circa iterantes Confirmationem aut Ordinem, sed Baptismum. Porro, confertur character in vltima actione essentiali qua confertur Ordo, v. g. in impositione manuum respectu Sacerdotis & Diaconi.

CONCLUSIO TERTIA.

Coelibatus est annexus sacris Ordinibus, unde nemo coniugatus sacris Ordinibus initiari potest, nisi antea perpetuam castitatem voverit vxor: nemo etiam ordinatus vxorem ducere potest; denique, qui sacris ordinibus initiatur, perpetuam castitatem seruare debet. Coelibatus annexus est Ordini iure tantum Ecclesiastico, in quantum annexum est votum castitatis, quod tacite emittitur per suspensionem Ordinum; qui vult enim aliquem statum, vult

onera eius: quòd autem Cœlibatus non sit de iure diuino, ex hoc patet quòd Ecclesia permiserit Sacerdotibus Gæcis vsum Matrimonij contracti ante ordinationem: licet tamen non sit cœlibatus de iure naturali aut diuino, est tamen de antiquo iure Ecclesiæ, quæ hoc iuste præcipit, vt facilius Ordinati possint orationi incumbere, & vt purius agnam immaculatam sacrificent.

CAPVT VLTIMVM.

De Sacramento Matrimonij.

QVÆSTIO PRIMA.

Quid sit Matrimonium, & quando institutum fuerit?

Matrimonium sic dicitur, quia est matris munimen, seu matris munium: liberi enim ex Matrimonio procreati matrem munire, & protegere debent. Tripliciter potest spectari; primò, vt est officium naturæ, ad procreandos liberos qui naturam conseruent, sic fuit in lege naturæ integræ. Secundò, vt est remedium concupiscentiæ, sic fuit in statu naturæ corruptæ, vbi cœpit vigere concupiscentia. Tertiò, vt est Sacramentum nouæ legis, per quod datur gratia habitualis & Sacramentalis ad facilius portandum onera matrimonij; & sic est in lege gratiæ, vbi non tantum ordinatur in officium naturæ, vel in remedium concupiscentiæ, sed etiam ad gratiam conferendam, prout est Sacramentum vt dicemus.

CONCLUSIO PRIMA.

Matrimonium est legitimus & indissolubilis contractus inter virum & foeminam, quo traditur & acceptatur mutua corporum potestas, & confertur gratia. Dicitur primò, *legitimus contractus*, quia debet celebrari iuxta leges Ecclesiæ. Dicitur secundò, *indissolubilis*; vnde non potest dissolui consensu contrahentium, sicut alij contractus ciuiles; & sic non valet illud axioma iuris, res per quas nascitur, per easdem dissoluitur. Dicitur tertiò,

inter

inter virum & feminam ; idest inter vnum & vnam ,
 vt dicemus. Dicitur quartò , *quo traditur , & acce-*
ptatur mutua corporum potestas ; & in his consistit ma-
 teria & forma huius Sacramenti . Tandem additur ,
& confertur gratia , nempe habitualis & Sacramenta-
 lis ; quarum vltima consistit in auxiliis supernatura-
 libus , quæ Deus confert ad leuius portanda onera
 Matrimonij ,

CONCLUSIO SECVNDA.

Matrimonium vt erat in officium tantum natu-
 rz in statu innocentiz , non fuit institutum à
 Christo , nec vt fuit in remedium concupiscentiz in
 lege scripta ; erat enim ante Christum , & pro tunc
 habebat tantum rationem contractus ciuilibis ; sed vt
 est Sacramentum in lege gratiz , ab illo institutum
 est ; Matrimonio enim , quod erat antea tantum con-
 tractus ciuilibis , Christus addidit rationem Sacramenti
 mediante gratia , quam illi annecti voluit . Contro-
 uertitur autem quo tempore instituerit ipsum Chri-
 stus ; alij enim dicunt institutum fuisse , dum Chri-
 stus adfuit nuptijs Canæ in Galilea , sed probabilius
 sentiunt alij Christum illud instituisse , cum dixit
 Matt. 19. *Dimittet homo patrem & matrem , & adhare-*
bit uxori suæ : quod Deus coniunxit , homo non separet ,
 quod amplius potuit declarari in sermone , quem ha-
 buit ad discipulos in nocte cœnz .

QVÆSTIO II.

Verum Matrimonium sit & fuerit in precepto ?

Supponitur Matrimonium esse bonum , & nu-
 ptias non esse inuentas à diabolo , vt voluerunt
 aliqui ; alias non dixisset Deus Genes. 1. *Crescite , &*
multiplicamini , nec Matth. 19. *Quod Deus coniunxit , ho-*
mo non separet ; nec ipse adstitisset nuptijs Canæ . Ratio
 huius est , quia propagatio naturæ humanæ cum debi-
 to modo , est per se bona ; non posset autem ritè pro-
 pagari per educationem liberorum , nisi pater & ma-
 ter nexu indissolubili coniungerentur : ergo Matrimo-
 nium bonum est . Et si dicat Tatianus hereticus actum
 Matrimonij esse eiusdē speciei ac fornicatio & adul-
 te-

CONCLUSIO.

Matrimonium est Sacramentum ex Conc. Trid. sess. 24. cap. 1. & ex D. Paulo ad Ephes. 5. *Relinquet homo patrem & matrem, & adhærebit uxori suæ; Sacramentum hoc magnum est, dico, in Christo & in Ecclesia: in quantum adhæsiō cum uxore, est Sacramentum significans coniunctionem Christi cum Ecclesia. Quod autem Matrimonium conferat gratiam sicut alia Sacramenta, habetur ex 1. ad Timoth. secundò, Saluabitur mulier per filiorum generationem, si perseuerauerit in fide; idest, in fidelitate.*

Obijc. Si Matrimonium esset Sacramentum, vir esset simoniacus, si acciperet ab uxore pecuniam. Negatur; non accipitur enim pecunia pro Matrimonio ut Sacramentum est; sed ut est contractus ciuilis, ad sustinenda scilicet onera Matrimonij. Dices, Ecclesia non potest variare Sacramenta, nec impedire quominus sint legitima, si habeant materiam, formam & intentionem ministri; attamen Conc. Trid. cap. de reformatione Matrimonij irritauit istud, si non fiat coram parcho & testibus, ubi sine illis erat validum ante Concilium. Resp. Ecclesiam inuvalidare tantum contractum ciuilem qui subest Sacramento, declarando ipsum esse irritum, si non fiat cum tali circumstantia: non inuvalidat tamen Sacramentum, quia non habet ius in illud, nisi remotè; licet habeat ius proximè in contractum ciuilem, & hoc habet à principibus, qui illum reliquerunt in potestate Ecclesiæ; unde quando contractus ciuilis est inualidus, inualidum est etiam Sacramentum.

QVÆSTIO IV.

Quid sint materia, forma & minister huius Sacramenti?

Nobis breuiter dicere competit de materia, tum proxima, tum remota, & aliter concludendum est de ministro huius Sacramenti, quàm de ministris aliorum, ubi Sacerdotes Sacramenta ministrant, hic verò ministri sunt ipsæmet partes, quæ contrahunt, & non sacerdos qui dicit, *ego coniugo vos.*

QVÆ-

CONCLUSIO.

Quantum primò ad materiam remotam Matrimonij, sunt corpora contrahentium, sicut materia remota venditionis est id quod venditur. Quantum secundò ad materiam proximam, est mutua traditio corporum; quia id quod immediatè sequitur materiam remotam, est materia proxima. Quantum tertio ad formam, est mutua acceptatio partium verbis vel signis expressa; applicat enim materiam, & ille contractus esset imperfectus cum sola traditione corporum, perficiturque per acceptationem mutuam: alij dicunt mutuum consensum habere rationem materiæ & formæ; sed hoc idem est; nam mutus consensus inuoluit tam traditionem, quæ est materia, quàm acceptationem, quæ est forma. Quantum denique ad ministrum, sunt ipsi contrahentes, non Parochus, quia sine præsentia Parochi ante Concil. Triden. validum erat Matrimonium. Deinde ille est minister qui applicat formam in materia, sed ipsi contrahentes ponunt acceptationem & mutuam traditionem corporum: ergo sunt ministri. Non requiritur ergo Parochus, ut minister, sed tanquam conditio requisita essentialiter, ad contractum civilem; hoc verò exigit Ecclesia in Concilio Triden. ut consensum partium exposculet, & sua benedictione solemni confirmet Matrimonium,

QVÆSTIO V.

Qualis requiratur consensus ad Matrimonium?

Constat quidem mutuum consensum ita necessariò ad Matrimonium requiri, ut sine illo non possit esse verum: non potest enim esse contractus sine consensu partium, nec Matrimonium sine contractu. An Deus possit consensum supplere in Matrimonio, aliqui affirmant, quia se habet in genere causæ efficientis, alij negant, dicentes ipsum reduci ad causam formalem, quam Deus non potest supplere: sed melius distinguendum est, quòd si Matrimonium sumatur, prout dat potestatem viro su-
per

per mulierem, supplere possit Deus; non verò si sumatur pro contractu, quia est de essentia illius. Ille autem consensus debet exprimi per voces aut signa externa; est enim contractus humanus qui essentialiter requirit consensum internum externo actu expressum, ex quibus duabus partibus actus humanus completus componitur. Signa sufficiunt, nedum in mutis, sed & in his qui non possunt loqui, modo signa externa sufficienter exprimant consensum internum.

CONCLUSIO.

Consensus ad matrimonium requisitus, debet primò esse deliberata ratione; ille enim consensus mutuam obligationem inducit, & obligatio non inducitur in re graui, nisi fiat deliberato animo. Debet secundò non esse exortus per metum grauem, quem vocant cadentem in constantem virum, idest qui talis sit, vt virum constantem perturbare & cogere valeat. Non debet tertio esse factus ex ignorantia personæ secundum substantiam, vt si quis putet sponsare Mariam, & Annam ducat. Non debet quarto esse ex ignorantia personæ quoad seruitutem, vt si foemina consentiat in seruum quem putat liberum; consensus enim matrimonij fertur in personam liberam, quæ habet potestatem corporis sui, & alteri potest eam tradere. Nè dicatur tamen quòd error conditionis minus præcipue consensum impediat; validum enim est, si foemina consentiat in virum, quem putat diuitem, nobilem, pulchrum & castum, qui tamen hæc omnia non habet. Quintò, consensus debet esse absolutus, & non sub conditione de futuro; quia aliàs suspenderetur Sacramentum, donec poneretur, vel non poneretur conditio. Quòd si conditio futura sit necessaria, vt si diceretur, *Sponso te, sol cras orietur*, valet consensus; habetur enim talis conditio pro non adiecta, quoniam necessaria est, & non est verisimile quòd persona prudens suspendat consensum, donec impleatur conditio necessaria, quasi incertus esset eius aduentus. Si quis tamen intendeder expectare euentum talis conditionis, non esset Matrimonium de præsentì. Sextò, consensus datus sub conditione turpi, non impedit Matrimonium.

quia censetur pro non adiecta illa conditio, ait Gregorius XI. cap. si conditiones; v. g. ego te duco, si parentem interfeceris. Septimò, illa conditio censetur pro non adiecta, si sit contra substantiam Matrimonij, vt duco te si prolis generationem impedieris maleficiò. Octauò denique, si conditio sit de præsenti aut de præterito, validum est matrimonium, stante conditione.

Q V Æ S T I O VI.

An Matrimonium possit contrahi per procuratores?

Consensus, quem diximus esse necessarium ad valorem Matrimonij, fertur præcisè in traditionem corporum, non verò fertur essentialiter in copulam; aliàs Matrimonium B. Virginis & S. Ioseph non fuisset verum Matrimonium, quod est temerarium negare; distinguitur enim dominium ab usu, vnde si foemina consentiat in traditionem sui corporis sub potestate viri, non consentiendo in copulam, nec dissentiendo, consensus ille sufficit, licèt usus sequatur communiter ad dominium. Dubitari potest, an Matrimonium contractum per procuratorem validum sit.

C O N C L U S I O.

Ex praxi apud Reges constat, Matrimonium posse contrahi per procuratorem, siue procurator sit vir, siue foemina, & etiam per litteras; Matrimonium enim est contractus eleuatus ad Sacramentum, & natura contractus postulat vt possit fieri per litteras, vel per procuratorem; ad hoc enim requiritur tantùm consensus, & consensus potest dari & explicari, tum per litteras, tum per verba procuratoris. Quòd si in talibus Matrimonijs sponsi præsentes coniungantur denuò in facie Ecclesiæ; hoc est tantùm ad ratificationem eius, vel vt tollantur scrupuli, vel vt suppleantur solemnitates Ecclesiæ, quæ omissæ fuerant.

Requiruntur multæ conditiones, vt procurator validè contrahat Matrimonium. Primò, debet illud celebrare coram Parocho & testibus, & illis debet

osten-

ostendere litteras & procurationem, & nedum traditio partis debet innotescere, sed etiam acceptatio. Secundò, debet habere procurationem specialem, ubi nominatim agatur de Matrimonio; generalis enim pro contractu quolibet faciendo non sufficit. Tertio, procuratio debet esse determinata pro tali persona; mandatum enim vagum non sufficeret. Quarto, procurator debet per se exequi procurationem, nec alium potest substituere, nisi hoc exprimat procuratio. Quintò, requiritur ut procuratio non sit reuocata eo tempore quo procurator contrahit; pro tunc enim irritum esset Matrimonium, etiamsi de retractatione non constaret procuratori aut alteri coniungi, imò si retractatio esset tantum interna, Matrimonium non valeret, etiamsi ille qui procurationem dedit, iurasset se eam non reuocaturum. Hoc est ex iure Canonico, ex quo pater, actum consensus procuratoris & consensus mandantis constituere vnum tantum actum numero in genere moris.

Ratio quare Matrimonium contractum per procuratorem est validum, petitur ex hoc, quòd Christus eleuans hunc contractum naturalem & ciuilem ad esse Sacramenti non mutauit rationem eius; vnde quia contractus ille factus per procuratorem, vel litteras, est legitimus contractus, ideò talis contractus inter fideles est legitimum Sacramentum. Forma huius Matrimonij qua procurator vti potest, est hæc; recipio te in uxorem nomine Petri, vel Petrus accipit te in uxorem, mediante me; similiter sponsa dicere debet, ego duco Petrum nomine tuo, vel te mediante. An autem Procurator peccet mortaliter contrahendo Matrimonium in peccato mortali, negatur: quia non est minister principalis, nec Sacramentum recipit; mandans verò peccat mortaliter, si negligat se disponere ad recipiendum Sacramentum, quando probabiliter putat procuratorem contracturum matrimonium; similiter etiam gratiam recipit pro illo instanti, si non ponat obicem. Si queratur, an peccet inter dormiendum, si sit in peccato, dum Matrimonium contrahitur, affirmat Sanchez, negant alij, ob inaduertentiam; & credunt quòd potius peccauerit ante somnum, dum prauidens se matrimonium contracturum, præparationem ad illud neglexit.

QVÆSTIO VII.

An Matrimonium clandestinum sit inualidum?

DVplex est Matrimonium, nempe solemne & clandestinum. Primum est illud quod fit coram Parocho & testibus, & denuntiationibus Ecclesiæ præmissis; & hoc dicitur fieri in facie Ecclesiæ, non materiali, sed morali, quia fit coram multitudine fidelium. Clandestinum duplex est, vnum quod fit sine denuntiationibus, attamen coram testibus & Parocho: aliud quod fit sine Parocho & testibus, & hoc est propriè clandestinum. Ante Concil. Trident. vtrumque erat validum, licet prohibitum; post Concil. vero irritum fuit illud quod fit sine præsentia Parocho & testium; ad maiorem scilicet reuerentiam Sacramenti, ob indissolubilitatem strictius obseruandam, & ad vitandas discordias inter amicos contrahentium.

CONCLUSIO.

Matrimonium clandestinum sine Parocho & testibus factum, inualidum est. Sic Conc. Trident. sess. 14. cap. 1. sic Ecclesia reddit votum irritum professionis ante sextum decimum annum, & ante probationem; sic etiam ius ciuile reddit prodigum inhabilem ad contrahendum pro bonis temporalibus: in hoc autem Ecclesia non extendit suum ius super sacramentum immediatè, sed super contractum ciuilem, quem condescensione principum inualidat; & cui Sacramentum ita subest, vt ipso posito, ponatur Sacramentum inter Christianos, & ipso ablato, auferatur.

Matrimonium tamen contractum sine denuntiationibus non est minùs validum post Conc. ac ante; committitur tamen peccatum mortale, nisi in certis casibus. Primò, si timeretur Matrimonium malitiosè impediendum à parentibus & tutoribus, vt eorum bona absument, vel eos iungant indignis; tunc si non possit adiri Episcopus, aut rogatus noluerit ex odio dispensationem dare, proclamationibus omissis, potest contrahi. Secundò, quando ex proclamationibus oriretur scandalum, v. g. quando vir & foemina,

na,

na, qui c eduntur matrimonio coniuncti, attamen viuunt tantum in concubinato, postea contrahere volunt, non requiritur pro tunc vlla proclamatio. Tertiò, quando Episcopus dat licentiam, quòd tamen ordinariè non facit absolutè; iubet enim saltem vnàm fieri, ne lateant impedimenta. Quartò, quando vir moribundus in vxorem vult ducere suam concubinam ad prolem legitimandam. Sunt & aliæ exceptiones cognitu faciles.

QVÆSTIO VIII.

Quales debeant esse Parochus & testes?

L Ex Concilij, de qua locuti fuimus in quæstione antecedenti, quæ exigit præsentiam Parochi & testium, aliquas patitur exceptiones. Primò, respectu infidelium; est enim illa lex merè Ecclesiastica, & sic non obligat infideles; si vnus tamen est fidelis, Matrimonium nullum est. Secundò, respectu fidelium, qui prius contraxerunt in facie Ecclesiæ, sed inualidè, ob occultum impedimentum, postea clam contrahere possunt. Aliqui dicunt, ignorantiam etiam dispensare ab hac lege, sed falsò. Tertiò, respectu eorum qui contrahunt in loco, vbi Concil. non est receptum, etiamsi transeant tantum; imò etiamsi hunc locum accedant eo fine, vt contrahant Matrimonium; qui vult enim contractum ciuilem facere, vbicumque ipsum inire potest, & fraus tunc non fit legi: potest enim quilibet iure suo vti: habet verò ius eo eundi: peccat tamen mortaliter, quia ante Conc. matrimonium occultum prohibitum erat, & nunc adhuc est, vbi non recipitur Conc. Exceptis his casibus, requiruntur Parochus & testes; sed videamus, quales esse debebant.

CONCLUSIO.

Parochus debet esse proprius parociæ sponsi aut sponsæ, vel alter ex eius licentia: potest etiam esse Episcopus vel Vicarius generalis Episcopi: qui vnàm personam constituit cum illo, cuius vices gerit: vel Capitulum sede vacante, vel Legatus Pontificis in terris suæ legationis, vel à fortiori Sum-

na, qui c eduntur matrimonio coniuncti, attamen viuunt tantum in concubinato, postea contrahere volunt, non requiritur pro tunc vlla proclamatio. Tertiò, quando Episcopus dat licentiam, quòd tamen ordinariè non facit absolutè; iubet enim saltem vnam fieri, ne lateant impedimenta. Quartò, quando vir moribundus in vxorem vult ducere suam concubinam ad prolem legitimandam. Sunt & alia exceptiones cognita faciles.

Q V Æ S T I O V I I I.

Quales debeant esse Parochus & testes?

L Ex Concilij, de qua locuti fuimus in quaestione antecedenti, quæ exigit præsentiam Parochi & testium, aliquas patitur exceptiones. Primò, respectu infidelium; est enim illa lex merè Ecclesiastica, & sic non obligat infideles; si vnus tamen est fidelis, Matrimonium nullum est. Secundò, respectu fidelium, qui prius contraxerunt in facie Ecclesiæ, sed inualidè, ob occultum impedimentum, postea clam contrahere possunt. Aliqui dicunt, ignorantiam etiam dispensare ab hac lege, sed falsò. Tertiò, respectu eorum qui contrahunt in loco, vbi Concil. non est receptum, etiamsi transeant tantum; imò etiamsi hunc locum accedant eo fine, vt contrahant Matrimonium; qui vult enim contractum civilem facere, ubicumque ipsum inire potest, & fraus tunc non fit legi: potest enim quilibet iure suo vti: habet verò ius eo eundi: peccat tamen mortaliter, quia ante Conc. matrimonium occultum prohibitum erat, & nunc adhuc est, vbi non recipitur Conc. Exceptis his casibus, requiruntur Parochus & testes; sed videamus, quales esse debebant.

C O N C L V S I O.

Parochus debet esset proprius parocciæ sponsi aut sponsæ, vel alter ex eius licentia: potest etiam esse Episcopus vel Vicarius generalis Episcopi: qui vnam personam constituit cum illo, cuius vices gerit: vel Capitulum sede vacante, vel Legatus Pontificis in terris suæ legationis, vel à fortiori Sum-

mus Pontifex . Quoad Archiepiscopos in suffraganeorum Diœcesibus, nihil in hoc possunt , nisi cùm actu visitant, aut quando causa ad eos deuoluitur per appellationem. Quoad vagos contrahere debent coram Parocho loci, in quo hospitantur; etiamsi non sit Sacerdos; Conc. enim exigit tantùm Parochum. Quòd si Conc. dicat matrimonium non aliter debere fieri nisi coram Parocho, vel alio Sacerdote, ex hoc non debet inferri quòd Parochus debeat esse Sacerdos; nam ly, alius, sæpe refertur ad aliquid diuersæ qualitatis, vt Luc. 23. *Ducebantur autem & alij duo nequam cum illo*. Licet Parochus sit excommunicatus non toleratus, valide tamen assistit, quia non est actus iurisdictionis, sed testis. Quòd si excommunicatus non possit esse testis; hoc est in causis communibus non in grauib, vbi infames possunt adh beri. Quòd si Parochus vel eius Vicarius habens commissionem administrandi Sacramenta, dent licentiam alteri; hoc debet fieri alteri Sacerdoti. Debet non esse euocata hæc delegatio, & tam Parochus quam commissus debent assistere modo humano, idest attendere ad contractum; & sic dormiens, amens, & similes assistere nequeunt.

Quoad testes, debent esse præsentia, etiam morali, & attendere ad ea quæ fiunt; licet tamen assistant inuiti, non minus sunt legitimi testes vt declarauit congregatio Cardinalium. Porro, qualescumque testes præsentia esse possunt. et amsi illis desint conditiones in iure requisitæ; vnde infames, excommunicati, parentes, consanguinei; familiares, famuli, fornicariæ recipi possunt; tales enim non reijcit Conc. & sic non est ratio cur excipiantur; fauores enim sunt ampliandi, & matrimonium est materia fauorabilis.

Q V Æ S T I O I X.

An matrimonium sit indissolubile?

Hoc potest intelligi vel respectu status innocentiz, vel respectu status legis Mosaicæ, vel denique respectu Euangelicæ legis. Quoad tempus intermedium inter statum innocentiz, & tempus legis Mosaicæ, non loquimur de illo, quia nulla fuit in eo lex

lex particularis Quoad statum innocentiz, in eo Matrimonium fuit indissolubile; quia pro tunc tale fuit, quale erat ex institutione diuina, sed ex institutione diuina erat indissolubile; ex intentione enim Dei & naturæ ordinabatur ad educationem prolis, non solum ad breue tempus, sed per totam vitam ipsiusmet prolis: ergo parentes debebant simul manere. Quod si Abraham & Moyses dimiserint uxores suas, hoc fuit ex dispensatione Dei; Abraham enim iussu Dei repudiavit Agar quæ serua erat, & accepit Sara quæ erat libera, vt significaret se repudiaturum Synagogam, & accepturum Ecclesiam, Licet tamen Matrimonium ex se sit indissolubile, potest tamen quæri, vtum fuerit aliquando dissolutum ex dispensatione diuina.

CONCLUSIO.

IN lege Mosaica sicut in Euangelica Matrimonium erat indissolubile, & est adhuc; in illa tamen ex concessione diuina licitum fuit iusta de causa Matrimonium soluere, etiam quoad vinculum.

Pro lege Mosaica, patet; quia in omni lege tale fuit Matrimonium, quale fuit ex institutione sua; sed vt diximus, ex institutione sua est indissolubile: ergo tale remansit in lege Mosaica. Constat tamen ex Deuteronomij 24, quod ex concessione diuina solutum aliquando fuerit; ibi enim habetur: *Si acceperit homo uxorem, & habuerit eam; & non inuenerit gratiam ante oculos eius propter aliquam seditatem, scribet libellum repudiij, & dabit in manu eius, & dimittet eam de domo sua. Cumque egressa alterum maritum duxerit, & ille quoque oderit eam, dederitque libellum repudiij, & dimiserit de domo sua, vel certe mortuus fuerit, non poteris amplius eam prior maritus recipere in uxorem.* Nec refert, quod Matth. 19. dicatur, hoc Deum Iudæis permisisse propter duritiem cordis; sequeretur enim Deum verè non concessisse hanc solutionem: sed eam tantum reliquisse impunitam; quod falsum est, & pugnat cum verbis supradictis, maximamque dedisset Iudæis occasionem peccandi, quippe qui omnes credebant lege hoc sibi esse licitum. Matth. ergo mox allegatus ostendere tantum intendit, quod pronitas Iudæorum ad peccandum fuerit causa cur Deus eorum imbecillitati subuenire cupiens, tale repudium illis

concefferit, licet verè & sincerè. Quòd si etiam habeatur Deuteronomij 24. mulierem repudiatam alteri nuptam fieri abominabilem; hoc est in quantum est repudiata (per hoc enim infamiam incurrit) non in quantum nupta est.

Quantum ad legem Evangelicam, Matrimonij indissolubilitas habetur Matth. 19. *Quod Deus coniunxit, homo non separet; & qui dimissam duxerit, mæchatur*: habetur etiam Matth. 19. *Relinquit homo patrem & matrem, & adhærebit uxori suæ*. Ratio nostra est; quia in lege gratiæ Matrimonium est Sacramentum significans unionem Christi cum Ecclesia per incarnationem; illa autem unio perpetua est, unde Matth. cap. 18. dicens, *Qui dimiserit uxorem, nisi ob fornicationem, mæchatur*, intelligendus est de dimissione quoad thorum, non quoad vinculum.

Reperiuntur tamen quædam occasiones, in quibus matrimonium potest dissolui. Primò, quando contractum est inter infideles, & alter coniugum ad fidem conuer titur, pro tunc fidelis potest cum alio inire, non est enim obstrictus infideli; & in hoc casu Deus ipse dispensat. Secundò, quando matrimonium inter fideles contractum tantummodo ratum est, & altera partium religionem ingreditur ante consummationem matrimonij. Huius rei causa est voluntas Christi declarata per traditionem Ecclesiæ; & hoc habetur in Conc. Trid. sess. 14. can. 6. *Si quis dixerit; Matrimonium ratum non solum per solemne votum professionis, Anathema sit*: unde eo ipso quo quis professus est Religionem approbatam, siue militarem, siue regularem, coniux potest cum alio contrahere; & professus ita liber est, quòd si Papa dispensaret supra votum, posset aliam ducere, inquit aliqui. Non potest tamen dissolui Matrimonium ratum per receptionem Ordinis sacri, nec etiam Episcopatus, ut habetur in extrauag. antiqua de voto, hoc enim priuilegium soli professioni datum est. Tertiò, potest dissolui matrimonium ratum per dispensationem Summi Pontificis; dispensat enim in vota solemnia religionis quæ sunt maiora: deinde, hoc fecit aliquando; non est autem verisimile ipsum errasse in tanto negotio. Dixi, iusta de causa, sine causa enim inualide dispensaret; nam in his quæ sunt de iure diuino, non est Dominus, sed dispensator: dispensatio autem rei alic-

alienæ sine iusta causa & contra voluntatem domini, nulla est,

Q V Æ S T I O X.

An Matrimonium sit necessarium unius cum una?

Montanistæ & Nouatiani secundas nuptias negantes esse licitas, contradicunt Apostolo dicenti ad Roman. 7. *Si mortuus fuit vir eius, liberata est à lege viri; ut non sit adultera, si fuerit cum alio;* & primæ ad Timoth. 5. *Volo iuniores viduas nubere.* Dicendum ergo est, quod si in Neocæsariensi Conc. prohibeantur Presbyteri interesse celebritati secundarum nuptiarum, cum pœnitentia iniungenda sit illis qui sæpius nubunt: hoc ideo dicitur, quia ut ait D. Thomas, hoc est signum incontinentiæ, & ideo parum honorificum est. Quod si Chrysostomus secundas nuptias fornicationem appellet; hoc reperitur tantum in Opere imperfecto, cuius non est auctor, quippe qui multis refertus est erroribus; ipse autem contrarium sentit Homil. 2. ad Ephes. ubi dicit, se non damnare secundas nuptias: quæstio ergo nostra non intelligitur, an Matrimonium sit unius cum una successiuè, sed simul & semel; ita quod homini liceat habere simul plures uxores, & hoc est quærere, an Polygamia sit licita.

C O N C L U S I O.

Non possunt si nūl plures uxores duci, Polygamia enim est absolutè illicita: nā repugnat primæ institutioni Matrimonij, quoniam Genes. 1. habetur, *Masculum & feminam fecit eos;* aliquo modo etiam est contra legem naturæ (non absolutè, quia de ea non posset fieri vlla dispensatio) nam in primo Matrimonio traditur maritus uxori, & contra legem naturæ videtur esse, quod res vni tradita tradatur adhuc alteri. Licet tamen Polygamia sit illicita, nihilominus ex dispensatione Dei concessa est; non quidem ante diluuium, sed post. Non ante diluuium; quia eo tempore solus Lamech habuit duas uxores Genes. 5. qui ob hoc reprehenditur ut adulter à Nicolao Papa. Post diluuium plures sanctissimi viri plures habuerunt.

runt vxores, vtpote Abraham, Iacob, Elcana, Dauid, & alij: illi autem vixissent in perpetuo concubinato, si ex dispensatione diuina Polygamia illis non licuisset. Nec refert, quòd illæ vxores concubinæ dicantur; concubina enim & vxor vsurpabantur pro eodem; & in hoc solum stabat distinctio, quòd illa quæ dicebatur vxor, sumebatur simul in coniugium & in administrationem familiæ; sic erat Sara in Domo Abrahæ, sic Lia & Rachel in domo Iacob; concubinæ autem dicebantur illæ, quæ erant tantum assumptæ in ordine ad generationem. Porro, in lege gratiæ reductum est Matrimonium ad primam sui institutionem, idest, ad vnicam vxorem, vbi animaduertendum quòd licet fuerit in veteri lege licitum viro habere plures vxores, nusquam tamen habuit eadem vxor plures viros.

Q V Æ S T I O XI.

Quanam sint bona Matrimonij?

Confunduntur vulgò bona Matrimonij cum effectibus eius; vnde postquam diximus quòd Sacramentum Matrimonij conferat gratiam habitua-lem illis, qui obicem non ponunt, sicut & gratiam actua-lem seu Sacramentalem, quæ consistit in auxilijs quibusdam actualibus à Deo collatis pro loco & tempore, vt onera Matrimonij portentur; postquam etiam asseruimus, hoc Sacramentum inter fideles contractum legitime, & ab illis consummatum, producere indissolubilitatem; nobis dicendum remanet de bonis ipsius Matrimonij; si prænotauerimus, quod ad gratiam habitua-lem per hoc Sacramentum recipiendam non requiritur vt tollatur obex peccati mortalis per confessionem; nulla enim lex hoc præcipit, sed ad hoc sufficit contritio, vel vera, vel existimata; si enim sit vera, peccatum tollit, & pro tunc confessio non est necessaria necessitate medijs, nec præcepti; si verò est tantum existimata, contrahens vi Sacramenti de attrito fit contritus.

CONCLUSIO.

TRia communiter assignantur bona Matrimonij; nempe donum Sacramenti consistens in charitate, & in indissolubilitate, de qua egimus: bonum Fidei, bonum denique Proles. De istis superest loquendum.

Ad fidem conjugalem tria exiguntur: Primò, ut sponsi simul cohabitent & administrent familiam cum hoc ordine, ut viro subdita sit mulier in tali administratione; & vir teneatur præstare vxori & familiæ alimēta & alia necessaria. Ex illa ratione tenetur vxor sequi habitationē viri, nisi in hoc pateretur graue incommodum, ut si ad bellum proficisceretur. Secundò; ut alter alteri debitum reddat 1. Corinth. 7. *Vxori vir debitum reddat, similiter & vxor viro*: & ad hoc tenentur ex iustitia; nam vterque coniux contrahendo tradit alteri potestatem sui corporis, 1. Cor. 7. *Mulier sui corporis potestatem non habet, sed vtr; similiter autem vir sui corporis potestatem non habet, sed mulier*. Coniux ergo qui negaret debitum coniugi petenti siue tacitè, siue expressè, iret contra iustitiam; petere autem tacitè censetur mulier, quando vir cognoscit in ea voluntatem petendi, quam præ verecundia non explicat. Tertiò, requiritur ad fidem conjugalem, ut coniux viuente coniuge, cum alia persona non contrahat; esset enim adulterium. Rom. 7. *Viuentis viro, vocabitur adultera, si fuerit cum alio viro*; vnde, ut altera partium ad alias nuptias conuolet, debet haberi certum testimonium de more suæ partis, nec quantumlibet tempus absentia ad hoc sufficit.

Licet ad fidem conjugalem cohabitatio requiratur, impediri tamen potest per diuortium, in hoc distinctum à repudio, in quo fiebat solutio Matrimonij quoad vinculum, quòd in diuortio fit tantum solutio quoad thorum & cohabitationem: fieri autem potest quoad thorum, propria autoritate; sed quoad habitationem, tantum autoritate Ecclesiæ, cap. Porro, de diuort. Potest diuortium fieri ex pluribus causis remanente vinculo; scilicet ob ingressum vtriusque partis in religionem, ob adulterium, hæresim, perditos mores, denique ob scuitiam, & morbum contagiosum. Ista tamen impediunt, quæ-

minus coniux possit separari à coniuge propter adulterium; si adulterium sine crimine sit, ut quando mulier patitur violentiam, vel alium virum cognoscit quem credit suum coniugem; si uterque coniux reneatur eodem crimine; si coniux sit coniugi adulterandi causa, si denique post adulterium vnus cum alio rem habuerit.

Plura similiter coniuges dispensant à debito reddendo, quæ prolixius retexere non intendo, tum quia hoc meæ menti repugnat, tum quia hæc omnia d. u. facili haberi possunt à Canonistis; dicam tamen insequentibus casibus posse à traditione debiti dispensari. Primo, quando coniux petit beneuolè, non intendens coniugem adstringere ad hoc, sicut quando amicus petit rem sibi debitam ab amico, non intendens illum obligare. Secundo, quando coniux adulterium commisit, coniux innocens potest illi negare debitum. Tertio, excusatur à peccato, qui raro negat, vel qui peritus differt redditionem per breue tempus; & hoc ob paruitatem materiz, modò non sit periculum incontinentiæ; pro tunc enim non potest cessare obligatio debiti. Quarto, quando vna partium frequentius petit, quam par sit; debet enim in omnibus modus seruari. Denique ob furorem, morbam contagiosum & metum mortis in partu, iustum & rationabilem; non verò quando timetur filiorum multiplicatio, nisi coniuges mutuo consensu & sine periculo incontinentiæ cedant iuri suo, aut quando non habent vnde filios alant; tunc enim vnâ posse alteri debitum negare sentiunt Doctores.

Q V Æ S T I O XII.

Quenam sint impedimenta Matrimonij?

Nemo dubitat, quin Papa possit impedimenta statuere, quæ dirimant Matrimonium; hoc enim habetur in Concil. Trident. sess. 24. can. 3. & 4. Non quòd habeat potestatem super Matrimonium, ut Sacramentum est, sed ut est contractus ciuilis, quem potest (non tamen sine iusta causa) irritare; non tantùm in terris vbi dominatur temporaliter, sed per totam Ecclesiam; quia talis potestas circa res matrimoniales ablata est Principibus

tem-

temporalibus in iure canonico, & reservata est Ecclesiæ, ut patet ex Conc. Trid. sess. 24. ca. 12. excepta causa dotis & matrimonij infidelium, de quibus contractibus possunt cognoscere Principes seculares. Ratio quare talis potestas reservata est Ecclesiæ, est quia Matrimonium non est tantum contractus civilis, sed Sacramentum & res spiritualis, quæ debet iudicari ab Ecclesiâ. Quantum ergo ad principes fideles, præcisè statuere possunt impedimenta ad Matrimonium, ut est contractus civilis; sed illa potestas ab eis sublata est, & tantum illis reservata causa dotis & Matrimonij infidelium & hæreticorum, quod non habet rationem Sacramenti, sed contractus civilis. Quantum ad principes infideles, possunt statuere impedimenta; tum quoad subditos infideles, respectu quorum Matrimonium est tantum contractus civilis, tum quoad fideles, inter quos Matrimonium non est verè Sacramentum, nisi sit verè contractus civilis: non esset autem legitimus contractus civilis, si leges civiles iuste quæ cedunt in rei pub. utilitatem, illum prohiberent. Porro, Iudæi non possunt talia impedimenta condere; quia nec habent rempubl. nec principem legitimam, nec possunt uti legibus ceremonialibus Mosaicis, quia abrogatæ sunt.

Constat ergo Ecclesiâ posse statuere impedimenta ad Matrimonium, & multa reuera condidisse, quorum aliqua impediunt nè fiat, factam tamen non dirimunt: alia verò faciendum impediunt, dirimuntque factum. Sunt autem quinque specialiter quæ faciendum Matrimonium impediunt, quorum primum est tempus prohibitum ab Ecclesiâ; unde peccarent mortaliter qui à primò die Adventus usque ad diem Epiphaniæ, & à feria quarta Cinerum usque ad octavam Paschæ inclusivè contraherent; hoc enim prohibitum est à Concil. Trid. sess. 24. cap. 10. Quod si ibi prohibeantur tantum solemnitates nuptiarum; per illas intelliguntur benedictio coniugum in Ecclesiâ & traditio sponsæ, non tamen consummatio Matrimonij. Potest dispensare Ordinarius, ut sine solemnitatibus fiat. Secundum impedimentum est interdictum seu prohibitio, ut quando Episcopus vel Parochus, vel iudex iuste prohibent, nè una persona cum alia contrahat, vel hoc tempore aut illo. Testi-
tium

tium est votum castitatis, aut ingrediendæ religionis, aut suscipiendi Ordines sacros, aut non nubendi; peccat enim qui facit contra votum in re graui. Quartum petitur ex sponsalibus celebratis cum alia persona. Quintum denique est crimen; multa autem crimina Matrimonium impediunt quæ videri possunt apud Bonaciam. Hæc quinque impedimenta duobus his versibus continentur.

Tempora, Mandatum, Votum, Sponsalia, Crimen,

Impediunt fieri, permittunt facta teneri.

Quantum ad impedimenta dirimentia, fuerunt semper quoddecim expressa in versibus sequentibus, quibus duo adiunxit Concil. Triden, impedit enim, quominus Matrimonium clandestinum sit legitimum, sicut & illud quod contrahitur inter raptorem & raptam, quamdiu manet in potestate raptoris.

Error, conditio, votum, cognatio, crimen,

Cultus disparitas, vis, ordo, ligamen, honestas:

Si sis affinis, si forte coire nequibis:

Hæc facienda vetant connubia, facta retractant.

CONCLUSIO.

Error cadere potest vel in substantiam personæ, ut quando quis credens ducere Annam, ducit Mariam; & tunc inualidum est Matrimonium, iure etiam naturali; contrahens enim non consentit cum illa persona; vnde non valeret apud infideles. Hoc intelligitur, etiam si error esset concomitans, ut quando quis ducit Annam putans ducere Mariam, quam tamen duceret, si cognosceret illam; quia non consentit actu circa illam; & consensus actualis requiritur. Vel potest error esse circa qualitatem personæ, ut quando aliquis ducit Mariam, quam putat diuitem, formosam, nobilem, & talis non est; Matrimonium est validum, nisi talis qualitas apponatur per modum conditionis, vel transeat in errorem personæ. Ratione primi, si quis dicat: duco te in uxorem, si tu es nobilis, & non sit reuera, Matrimonium nullum est; defectus enim conditionis, sine qua non factus fuisset contractus, inualidat contractum. Ratione secundi, non valeret Matrimonium, si Maria sponsaret Petrum se fingente esse filium regis Galliarum, in quem illa consentit sicut in filium.

filium regis, qui reuera talis non est; tunc enim error censetur versari circa determinatam personam; valeret autem si contraheret cum Petro, qui se fingit esse filium regis simpliciter; consentit enim in determinatam personam quam presentem ducit; & error tantum cadit supra qualitatem.

Conditio est secundum impedimentum Matrimonij; sumitur autem conditio non latè, de ea enim loquuti fuimus antea; sed strictè, pro seruitute; & de ea dicitur quòd Matrimonium contractum cum errore conditionis seruilis sit inualidum, modo conditio errantis sit deterior; sic qui contrahit cum serua, quam putat liberam, inualidè contrahit, licèt cum illa contraheret, si illam cognosceret seruam: si tamen seruus contraheret cum serua, quam putat liberam; aut cum libera, quam putat seruam, contraheret validè; quia conditio eius non fit deterior. Hoc impedimentum inductum est ab Ecclesia, vt tollatur inæqualitas inter contrahentes, & ne fiat iniuria contrahenti. Seruitus extendi potest ad illos qui damnati sunt ob crimina ad remos perpetuos, vel perpetuo carceri, quia sunt serui pœnæ.

Votum tertio Matrimonium dirimit, nimirum solemne, quale in professione religionis & in sacrorum Ordinum receptione emittitur; simplex autem votum castitatis tantum impedit, excepto apud R.R. PP. Societatis Iesu, qui elapso biennio, emittunt votum simplex castitatis, quod non tantum impedit & dirimit Matrimonium respectu illorum, sed de facto excommunicationem incurrunt, si contrahant.

Cognatio, quartum impedimentum est dirimens Matrimonium; & est triplex nempe legalis, spiritualis, & naturalis. Cognatio legalis est quædam propinquitas inter certas personas proveniens ex adoptione; Adoptio autem est legitima assumptio personæ extraneæ in filium aut filiam; illa cognatio impedimentum est, primò, inter ascendentes & descendentes vsque ad quartum gradum inclusiue; secundò, inter adoptatum & filios adoptantis; tertio, inter adoptatum & uxorem adoptantis; & inter adoptantem & uxorem adoptati; primi sunt cognati in linea recta; secundi in linea transversali; & terrij per modum affinitatis legalis. Cognatio spiritualis est

est propinquitās inter quasdam personas ex Baptismo & Confirmatione proueniens: & triplex est, nempe Paternitas inter baptizantem & baptizatum, & inter leuantem & leuatū, sic de confirmato: Compaternitas, inter baptizantem, confirmantem, patrinum, & patres carnales baptizati aut confirmati; denique est Confraternitas inter baptizatum seu confirmatum & filios baptizantis, confirmantis & patrinorum; sed ablata est Fraternitas per Concil. Trid. & remanserunt sola Paternitas & Compaternitas, quæ ex eodem Concil. non amplius se extendit ad susceptores & etiam limitatur ad vnum & ad vnā. Ad cognationem spiritualement multa requiruntur. Primò, vt teneatur infans in Baptismo; vnde si domi est baptizatus, qui tenet, dum suppleuntur solemnitates in Ecclesia, non contrahit. Secundò, vt quis teneat in primo Baptismo; vnde si rebaptizetur, susceptores non contrahunt cognationem, nisi probabile esset primum fuisse inualidam; probabiliter enim esset cognatio. Tertiò, debet teneri infans in baptismo solemnī; & si teneatur tantū domi, nulla est cognatio, quia Ecclesia non instituit susceptores nisi in Bapt. solemnī. Quartò, susceptores suscipere debent puerum de manibus baptizantis, statim ac baptizatus est, aliās non dicerentur leuare de fonte sacro: vnde mulier suscipiens puerum, non de manibus baptizantis sed patrini, non contrahit; & etiam, si susceptores tangant puerum tantū digito, non dicuntur propterea tenere; ex quo patet contactum physicum esse necessarium, siue sit proprius vel alienus; qui enim suscipit per procuratorem, contrahit, vt maior pars Doctorum sentit: non ipse procurator, vt declarauit congregatio Cardinalium; qui tamen constituit alium, vt suo nomine baptizet, non ipse contrahit, sed designatus.

Quantū ad cognationem naturalem, nil aliud est, quā propinquitās personarum descendentiū ex eodem stipite proximo per unitatem generationem. Distinguitur per lineas & gradus. Linea est series seu ordo personarum ascendentiū vel descendentiū ab eodem stipite; stipēs autem est illa persona ex qua fit descensus. Gradus est distantia maior vel minor, quā vna persona magis vel minus distat ab alia. Linea duplex est, recta & collateralis; illa est sequa-

dum quam plures personæ ita à stipite descendunt, ut una sit genita ab alia; hoc est, quia plures personæ ab eodem stipite descendunt, non tamen quod una sit ab alia. Ut cognoscatur quot gradibus una persona distet ab alia, accipiendæ sunt hæ tres regulæ. Prima: In linea recta ascendentium & descendantium tot sunt gradus, quot personæ, una dempta, scilicet stipite, sic Pater & Filius sunt in primo, quia dempto patre qui est stipes, remanet tantum una persona; sicque est tantum unus gradus; pari iure Nepos est in secundo gradu consanguinitatis cum Patre; Pronepos in tertio, &c. Secunda regula. In linea collateralis & transversa tot gradibus distant personæ inter se, quot distant à stipite; sic quia duo fratres distant à Patre vno gradu, distant inter se vno gradu. Tertia regula hæc est. Si in linea transversa, duæ personæ distent inæqualiter à stipite, quot gradibus distat persona remotior, tot gradibus inter se distant; unde si una sit in secundo gradu distans à stipite, & alia in tertio, sunt inter se distantes in tertio. Hoc posito, dico primò, Matrimonium esse inualidum intra quartum gradum consanguinitatis, tum in linea recta, tum in collateralis; sed hoc est tantum de iure Ecclesiastico, quod olim illud prohibebat fieri intra septimum. Dicò secundò, quod aliqui sentiant, prohibitum esse Matrimonium in omni gradu lineæ rectæ, & hoc de iure naturæ; quia contractus & usus Matrimonij repugnant reuerentiæ, quæ debetur parentibus: alij tenent esse tantum de iure naturæ prohibitum in primo gradu, iuxta illud *Leuitic. 18. Turpitudinem patris tui vel matris tue ne discooperias; mater enim tua est*: Vnde, si Matrimonium intra quartum gradum ascendentium prohibetur, hoc est tantum de iure Ecclesiastico. Ad aduersarios respondentes, dicunt quod maxima reuerentia debeat tantum principio immediato, nempe patri; non mediato scilicet aui. Dico tertio, in linea transversa Matrimonium esse prohibitum de iure naturæ in primo gradu, v. g. inter Fratrem & Sororem; inter illos enim est maximus pudor, cui aduersatur usus Matrimonij. Quod si initio mundi contrahebant Fratres cum Sororibus, hoc erat ad conseruandam speciem humanam, quod præceptum cuiuslibet alteri præponderat; unde si eadem necessitas rediret, posset Pater con-

trahere cum Filia, & Frater cum Sorore.

Quintum impedimentum Matrimonium dirimens, est *Crimen*: illud autem crimen duplex est, nempe homicidium & adulterium. Ratione criminis, si vir & mulier simul machinentur mortem alterius coniugum, aut si unus eorum machinetur mortem suæ coniugis, ut Matrimonium ineat cum alia, Matrimonium iniuri non potest. Ratione secundi, si adulteri sibi inuicem promiserint fidem de Matrimonio iucundo post mortem coniugis, contrahere matrimonium non possunt; quia videntur mortem alterius coniugis procuraturi: sic nec illi qui contraxerunt vivente altero coniuge; Matrimonium tamen non est irritum, si unus fingat alteri suam partem esse mortuam, & illum decipiat, & inducat ad adulteriū. Non etiam irritatur Matrimonium, si v.g. Petrus occidat ex vindicta maritum Annæ, non verò ut cum illa contrahat. Non etiam irritatur, si solus Petrus occidat maritum Annæ ut eam ducat, modo illa non concurrerit, nec præcesserit adulterium cum homicidio.

Sexto impeditur Matrimonium per *cultus disparitatem*: Unde fidelis contraheret invalidè cum infidele non baptizato, etiam catechumeno; validè tamen contrahit cum hæretico; hoc enim nulla lege cautum est, licet si graue peccatum, propter prohibitionem Ecclesiæ & periculum subuersionis: quod intelligendum est de locis in quibus hæretici non sunt tolerati; alibi enim, ut in Gallia, cessante periculo peruersionis & scandalo (quæ raro absunt) non esset peccatum mortale de se. Illud impedimentum est tantum de consuetudine Ecclesiæ, quæ non fuit tempore Augustini, cuius mater Monica virum duxerat infidelem: Quod si 1. Corinth. 7. Paulus permittat mulierem fidelem manere cum viro infideli; loquitur de muliere facta fidele post Matrimonium.

Impeditur septimò Matrimonium per *metam extrinsecum* cadentem supra constantem virum. Dicitur primò, per metam extrinsecum, qualis incuti potest à causa extrinseca libera, ut ab homine; non à causa intrinseca, qualis est ille qui incutitur à periculoso morbo, à morte, à feris animalibus, &c. Matrimonium enim initum ut hæc omnia vitentur, validum est: sic validum est Matrimonium filii medici nolentis curare ægrotum, nisi ducat ægrotus illam filiam

liam; metus enim non inquitur à medico, sed à morbo: Valet etiam dum contrahitur ob metum inferni. Dixi secundò, cadentem supra constantem virum, seu grauem. Grauis metus à leui in hoc differt; quod grauis est ille qui cogit eligere minus malum, vt maius vitetur: leuis ex opposito est ille quo aliquis cogitur eligere maius malum vt minus deuitetur: posito graui metu vt extorqueatur consensus, Matrimonium Inualidum est. Ad metum grauem reducitur metus mortis, mutilationis, atrocis cruciatus, carceris diuturni, exilij, stupri, amissionis partis notabilis bonorum, infamiae, &c. Quoad metum reuerentialem, nisi sit grauis, id est, coniunctus cum minis grauib; verberibus & similibus, Matrimonium non inualidat.

Octauò, Matrimonium inualidatur per *Ordines maiores* susceptos validè, & hoc tantum ex præcepto Ecclesiastico, non diuino; aliàs Ecclesia Romana non permetteret Sacerdotibus Græcis vsum Matrimonij. Licet tamen matrimonium Ordines maiores subsequens inualidum sit propter votum solemne illis implicitè adiunctum, ex decreto Ecclesiae: non tamen susceptio sacrorum Ordinum Matrimonium antea contractum inualidat. Dixi, susceptos validè; si enim quis inualidè Ordinatur, v.g. nolens, aut ab Episcopo non intendente Ordinationem, validè posset contrahere Matrimonium. Si quis Ordinem sacrum susceperet, nesciens illi annexum esse votum castitatis, ad illam teneretur, qui vult enim statum, vult ea quæ sunt annexa statui, vt illud votum: Quod si intentionem haberet positiuam non vouendi, ad castitatem nihilominus teneretur; non ratione voti, quia nullum est, sed præcepti Ecclesiastici matrimonij ordinati prohibentis. An ille qui ordinatus est Ordine sacro ante vsum rationis, teneatur castitatem seruare, dum sit adultus; omnes respondent negatiuè, nisi Ordinem ratificauerit. sed controuertuntur de ordinato ante ætatem pubertatis, seu sexdecim annorum: affirmatiuam probabiliorē tenet Bonacina.

Per *ligamen* nonò Matrimonium impeditur: Per ligamen autem intelligitur vinculum prioris matrimonij, quo stante, nullus potest aliam vxorem ducere. Vinculum hoc inualidat matrimonium ex iure natura-

12, in quantum repugnat quieti & paci familiæ, vnde super illud non potest dispensare Summus Pontifex. Quod si in veteri Testam. licita fuerit Polygamia, seu pluralitas vxorum, hoc factum fuit ex Dei dispensatione; & sic hoc præceptum pertinet tantum ad secundarium ius naturæ, quoniam Deus in illud dispensat, quæ dispensatio ablata est à Christo, Mat. 19. *Quicumque dimiserit uxorem, & aliam duxerit, mœchatur*; si enim mœchatur, dimissa alia, à fortiori mœchatur, illa retenta. Quoniam iure naturæ plures vxores prohibentur, à fortiori prohibentur plures viri vnius vxoris; hoc enim repugnat fini primario Matrimonij, nempe procreationi prolis, quæ impeditur ex seminum commixtione. Ex nostra conclusione sequitur, certitudinem moralem requiri de morte coniuges, ut superstes ad nouum matrimonium conuolent; & illa certitudo non censetur haberi per multorum annorum absentiam viri, nec per famam solam, nec per vnum testem, nisi hæc coniungantur cum indicijs ita euidentibus, ut nullus remaneat dubitandi locus, quod relinquendum est iudicio prudentis viri. Mulier quæ existimato mortuo coniuge, alium duxit, cognoscens certò primum esse viuentem, à primo recedere debet; si verò tantummodò dubitat, non potest petere debitum, tenetur tamen reddere. Porro, licet Polygamia, quæ consistit in possessione plurium vxorum, illicita sit; Bigamia tamen, qua plures habentur successiue, non est illicita, ad Rom. 7. *Si mortuus fuerit vir eius, soluta est à lege viri, ut non sit adultera, si fuerit cum alio viro*: imò secundæ nuptiæ sunt Sacramentum, licet ille qui ad eas transit, fiat irregularis, quia per secundas nuptias non significatur perfectè coniunctio vnius Christi cum vnica Ecclesia.

Inualidat decimò matrimonium publica honestas, quæ est propinquitas quædam orta ex validis sponsalibus de futuro, vel ex matrimonio rato, non consummato; cum hac differentia, quod prima, quæ extendebatur vsque ad quartum gradum inclusiue, limitetur ad primum: secunda verò ad quartum gradum protendatur. Istud impedimentum vocatur publicæ honestatis; quia indecens est, ut frater ducat filiam, quæ fuit sponsa fratris sui mortui.

Vndecimò, irritatur matrimonium per *affinitatem*, quæ est propinquitas personarum proueniens ex car-

nali copula, siue licita, siue illicita si oriatur ex licita extendit se ad quartum gradum; sic ex illicita, ad primum limitatur. Cognoscuntur gradus affinitatis per hanc regulam. Quo gradu aliquis est consanguineus viro, eo gradu est affinis mulieri. Licet autem consanguinei viro sint affines vxori eius, non tamen consanguinei viro sunt affines consanguineis vxoris; & sic duo fratres possunt in Matrimonium ducere suas sorores, & pater & filius contrahere possunt cum matre & filia. An affinitas Matrimonium dirimat iure Ecclesiastico vel naturali? Resp. dirimere iure Ecclesiastico vsque ad quartum gradum; iure verò naturæ aliqui dicunt dirimere in primo gradu lineæ rectæ; & sic Papam non posse dispensare, vt aliquis contrahat cum patre & filia, si filia sit orta ex copula licita, secus si ex illicita: alij in nullo gradu sentiunt Matrimonium esse prohibitum iure naturæ; sed omnes conueniunt in hoc, quod lege naturæ validum sit Matrimonium in primo gradu lineæ transuersæ; vnde Genes. 29. Iacob duas sorores sibi iunxit, & summum Pontifex dispensauit cum Rege Angliæ Henrico VIII. vt sponsaret Catharinam vxorem fratris sui; licet eam postea repudiauerit ex prætextu, quòd talis dispensatio esset inualida: vnde propter hoc excommunicatus fuit. Quod si Ioann. Baptista Herodem reprehenderit, dicens: *Non licet tibi habere uxorem fratris tui*, hoc est, quia illam habebat, viuente fratre, & quia hoc prohibitum erat lege diuina positiua, Léuitic. 18. *Turpitudinem fratris tui non reuelabis*; quæ abrogata est per nouam: vnde nunc tale Matrimonium est tantum prohibitum lege Ecclesiastica.

Inualidatur Matrimonium duodecimò per *impotentiam*, modò sit perpetua, & respectu cuiuscumque personæ, & Matrimonium præcesserit. Impotentia censetur perpetua, quæ per triennium durauit ex iure canon, & quæ non potest tolli arte humana, vel sine vitæ periculo: sic ille censetur impotens perpetuus, qui potens reddi non potest, nisi per miraculum, aut arte magica, aut committendo aliquod peccatum: vt quando mulier à viro cognosci non potest; nisi ab alio antea cognoscatur: sic mulier censetur impotens quæ non potest reddi apta, nisi per incisionem viri

periculum inducentem. Quod si impedimentum sit tantum respectu vnius personæ, respectu talis personæ est quidem inualidum, non respectu aliarum; & sic facto diuortio autoritate Ecclesiæ, eum alio contrahi potest: sed debet illa impotentia probari per triennium. Quod si impotentia sit antecedens Matrimonium, irritatur; quia finis Matrimonij est, vt coniuges per copulam possint fieri vna caro: si verò superueniat Matrimonio consummato, non dirimit; quia iam facti sunt vna caro per copulam: licet autem potestas ad copulam sit de essentia Matrimonij, non tamen copula actualis ad essentiam eius spectat. Ex hoc sequitur, Matrimonium contractum ab Eunuchio perfecto, qui omnino caret semine, esse inualidum etiam de iure naturæ; quia copulam habere non potest, quæ consistit in emissionem seminis; steriles verò inter quos potest esse vera copula, validè contrahunt; non verò senex decrepitus, si sit omnino impotens ad seminationem; & ad hoc non possit iuari aliqua arte. Quando cognoscitur ut impotentia perpetua, separari debent coniuges, nè sit periculum incontinentiæ in tactibus & osculis, quæ tantum licent in ordine ad copulam: secluso tamen scandalo & illo periculo, vir potest habere sororem, quam non potest habere uxorem. Superiunt duo impedimenta, quæ Matrimonium insuper irritant à Conc. Triden. inducta, quorum vnum est absentia Parochi & testium, & secundum est raptus. De primo diximus antea; de rapto dicam Matrimonium non posse contrahi, sed esse inualidum, si fiat cum puella rapta, quamdiu manet in raptoris potestate.

Quantum denique ad potestatem dispensandi in impedimentis Matrimonij, summus Pontifex dispensare potest in impedimentis dirimentibus matrimonium iure Ecclesiastico, nam habet summam potestatem in tota Ecclesia; non debet tamen hoc facere nisi iuxta ex causa, maxime in his quæ sunt magni momenti, & quæ occasionem scandali præberent: in illis autem impedimentis quæ apponuntur iure naturæ, aut diuino, dispensare non potest. Quoad impedimenta quæ Matrimonium non dirimunt, sed tantum prohibent, Episcopus dispensare potest, licet inducta à superiore sint, hoc enim consuetudine receptum est; excipe tamen votum castitatis & religionis. Episcopus etiam

etiam dispensare potest super impedimenta dirimentia, quando sunt occulta; & Matrimonium publicum, coniugesque sine scandalo separari non possunt, nec facile ad Summum Pontificem recurrere. Potest insuper Episcopus dispensare super impedimenta dirimentia, quæ Matrimonio superueniunt, & impediunt ne petatur debitum: ut quando illa aduenire potest, quando sponsus cognouit consanguineam sponsæ; & cognatio spiritualis, quando sponsus extra necessitatem suum filium baptizauit.

Q V Æ S T I O V L T I M A.

Quid dicendum sit de Sponsalibus?

Sponsalia, quæ à spondendo, seu promittendo dicta sunt, sumuntur primò pro futuri Matrimonij promissione: secundò pro contractu Matrimonij rato, non consummato; unde venit nomen sponsi & sponsæ; unde etiam Luc. 2. Maria dicitur fuisse Iosepho desponsata vxor: tertio pro muneribus quæ olim à sponso dabantur sponsæ. Hic sumuntur Sponsalia primo modò, in quibus tres conditiones requiruntur. Prima, ut sit promissio futuri matrimonij; secunda, ut sit inter personas habiles ad contrahendum; tertia, ut manifestetur signis aut verbis. De his tribus dicendum est.

Quantum ad primum, dico quòd illa promissio futuri matrimonij debeat esse deliberata, mutua, & facta inter præsentes. Debet primò esse *deliberata*, id est facta cum tali aduertentia, quanta requiritur ad opus meritorium, vel demeritorium. Si Sponsalium promissio fiat ex iracundia, aut alia passione, dicendum est, quòd si illa passio ita perturbet rationem, ut aduertentiam requisitam impediat, tantam quantum requirit commissio peccati mortalis, illa promissio non sufficit. quòd si cessante illo motu, promissionis sponsum pœniteat (nulla alia superueniente ratione) signum est non fuisse sufficientem deliberationem. Quando sponsalia fiunt fictè, & aliquis promittit exterius, non tamen habet animum promittendi aut se obligandi, sponsalia nulla sunt. Quando, quis habet voluntatem promittendi & se obligandi non tamen adimplendi promissum, valida sunt sponsalia;

salia. Quando aliquis habet intentionem promittendi, non tamen se obligandi, controuertuntur Doctores, an illa promissio sit valida, & vtramque partem existimant probabilem. Quando quis promittit Matrimonium contrahendum cum aliqua, etiam cum iuramento, non tamen habet animum promittendi aut iurandi, non tenetur contrahere ratione fraudis aut iniuriæ, quia nulla fit; posset tamen teneri, si in violatione fidei intercederet scandalum; si autem sub promissionis & iuramenti prætextu aliquis Virginem violauerit, non sufficit illi dotem constituere, sed eam ducere debet: modò scandalum graue superueniat, aut modò vir notabiliter mulierem non excefferit, aut nisi ex circumstantijs eidentibus potuerit mulier cognoscere fictionem promissionis; videretur enim pro tunc consensisse fraudi.

Debet secundò, promissio Sponsalium esse *mutua*; Sponsalia enim sunt promissio futuri matrimonij, & matrimonium requirit consensum vtriusque partis. Debet, inquam, esse mutua; vnde quando sponsum alter matrimonium promittit, & alter non re-promittit, sed tantum promissionem alterius acceptat, inualida sunt sponsalia; per hoc enim iste acceptat quidem voluntatem promittentis, sed non intendit re-promittere; nec pro tunc tacendo videtur consentire in re-promissionem, sed tantum in acceptionem. An ille qui promittit matrimonium, alio non re-promittente, obligetur ad illud, quando alter postea re-promittit? alij dicunt obligari, non ex vi sponsalium, sed promissionis liberalis; alij sentiunt non obligari, quia illa promissio est onerosa; fit enim sub onere seu conditione re-promissionis quæ non fuit: alij dicunt quòd si aliter paulo post re-promittat; ita vt sit continuitas moralis & voluntas in alio perseveret, iste obligetur reuera.

Debet tertio promissio Sponsalium fieri *inter presentes*: vnde si promissio matrimonij futuri facta alicui foeminae absenti, nullo pro illa talem promissionem acceptante, reuocari potest ante absentis acceptionem; & hæc acceptatio promittenti innotescere debet per litteras, vel per nuntium acceptantis. Quod si aliquis illam promissionem acceptet nomine absentis, reuocari non potest: modò tamen illa promiss-

promissio fiat præsenti, ut quando quis diceret, promitto tibi me ducturum Annam; si enim promissio fieret directè absenti, dicendo, promitto Annæ me illam ducturum, posset reuocari illa promissio, antequam acceptaretur ab absente. Quod si acceptans non habet commissionem specialem repromittendi pro absente, ipse absens potest illam promissionem acceptatam non ratificare, quia acceptans non acceptauit illam nomine proprio, sed sub beneplacito absentis. Porro non omnes pro absente acceptare possunt, sed tantùm illi qui commissionem habent, vel qui sunt absenti consanguinitate, aut affinitate coniuncti, vel qui ex illa Promissione aliquando commodum reportant, vel qui subsunt absenti aut præsunt; ut filius pro patre, seruus pro domino, princeps pro subdito, tutor pro pupillo, &c.

Quantùm ad secundum, Sponsalia fieri debent inter personas habiles ad contrahendum; sponsalia enim ad Matrimonium ordinantur; vnde qui habent inhabilitatem perpetuam ad Matrimonium, habent etiam ad Sponsalia. Dixi *perpetuam*; nam impuberes, & illi qui voto Castitatis obstringuntur ad tempus, possunt Sponsalia emittere de Matrimonio contrahendo, elapso illo tempore. Quoad ætatem, septem anni completi requiruntur ad Sponsalia, & quatuordecim ad Matrimonium in viris, duodecim verò in foeminis. Non requiritur diuersa ætas in Sponsalibus, benè autem in Matrimonio; quia ad sponsalia sufficit vsus rationis, qui eodem tempore cunctis aduenit; ad Matrimonium verò requiritur virtus generandi, quæ tardius aduenit viris. Si sponsalia fiant ante completum septennium, inualida sunt, modo malitia non suppleat ætatem; malitia autem censetur ætatem præuenire, si contrahentes possint cognoscere naturam contractus quem faciunt, & si sint doli capaces. Quod si vltima dies septennij sit inchoata, hoc sufficit ad Sponsalia; in fauorem Matrimonij, sicut sufficit in Testamento fauorem.

Quantùm ad tertium; Sponsalium promissio debet esse externa; nam promissio fit homini, & ab homine acceptari debet; non potest autem homo promissionem sibi factam acceptare, nisi sibi manifestetur aliquo signo exteriori. Votum ergo, quia fit Deo, potest consistere in promissione interna; Sponsalia verò, quia

fiunt homini, debent habere promissionem externam. Ad Sponsalia non sufficit votum factum Deo de contrahendo matrimonio cum tali foemina, quia votum est de meliori bono; erit tamen validum, si matrimonium necessarium sit, vt quando aliquis aliquam deflorauit sub promissione matrimonij, vel quando ex tali matrimonio contrahendo aduenit magna utilitas reipublicæ, ratione cuius matrimonium est melius coelibatu. Promissio Sponsalium non satis exprimitur per taciturnitatem; si enim vna regula iuris habeat; *qui tacet, consentire videtur*; in alia habetur, hoc esse verum, quando consensus est in sui fauorem, non verò quando est in sui præiudiciu; tradere autem alteri potestatem sui corporis, hoc non est in fauorem tradentis, sed illius cui fit illa traditio. Debet ergo consensus Sponsalium manifestari verbis, aut signo aliquo habente verborum æquipollentiam, v. g. per nutum; annuli autem subarrhatio est signum de se æquiuocum; quod non semper promissionem matrimonij significat, cum possit annulus dari ratione simplicis amicitie; vnde non est signum sufficiens consensus; sufficit tamen in locis vbi matrimonium futurum significat, vel vbi verba vnius partis præcesserint, si postea fiat ab vna immissio annuli, & ab alia receptio eius; si etiam, habito contractu de matrimonio inter amicos, vna pars alteri mittat arrhas vel iocalia, nihil aliud exprimendo, & altera recipiat, hoc sufficit; sicut quando vir promittit matrimonium per verba, & foemina sponte manum dederit; qui tacet enim, consentire videtur, vbi aduenit aliquis actus positivus; hæc enim omnia verbis æquivalent: verba autem quibus exprimitur Sponsalium promissio, sunt ista, aut similia, *Accipiam te in uxorem, vel promittore daturum in sponsam, &c.*

Quantum ad obligationem Sponsalium, certum est illa sub peccato mortali obligare; quia contractus Sponsalium est obligatorius in materia graui; ergo sub mortali peccato obligat, etiam iure naturæ, quo aliquis ex fidelitate tenetur promissis stare, & ex iustitia debet reddere alteri quod suum est. Quod si in Sponsalium promissione non determina-

tum fuerit tempus, quo contrahi debeat Matrimonium, non tenetur sponsus aut sponsa illud contrahere, nisi alter id petat, modò audeat petere; ex lege enim debitor non tenetur soluere, nisi à creditore requisitus; quod si sponsa non audeat petere, adimpletionem Sponsalium, debet sponsus contrahere eo tempore quo prouidet sponsam velle exigere Matrimonium. Non est eadem ratio de voto quod aliquis emittit de ingressu religionis; debet enim data opportunitate, statim impleri, quia Deus semper illud exigit. Quod si Sponsalia facta sint à parentibus & tutoribus pro filiis aut pupillis suis, qui septimum annum non attigerunt, quod fieri potest in magna necessitate; sunt quidem valida, modò accesserit consensus expressus vel tacitus illorum, dum habent vsum rationis; non tamen obligant illos ad consensum: non tenentur enim regulariter filij parentibus obedire in his quæ statum matrimoniale concernunt; vnde si iura dicunt, filium factum puberem teneri ad matrimonium contrahendum quod pater promisit pro illo, dum nondum adultus esset; hoc verum est de debito honestatis, non de debito obligatorio sub peccato mortali.

Quantum denique ad Sponsalium solutionem, multæ communiter afferuntur rationes, ob quas dirimuntur. Primò, per religionis ingressum factum bona fide, siue sequatur professio, siue non; licet etiam sponsalia firmata fuerint iuramento, illo non obstante, aliquis religionem ingredi potest; promissio enim illa & iuramentum, quod illam sequitur, censentur fieri sub tacita conditione, quòd status melior non eligatur: quòd si tamen virtute Sponsalium copulam habuerit cum Sponsa, religionem ingredi non potest; quia resarcire iniuriam, est de iure naturali, & religio tantum de consilio. Quòd si post votum de religione factum virginem deflorauit aliquis, contrahere cum ea tenetur, quia vinculum iustitiæ fortius est vinculo charitatis; hoc intellige, si votum erat ignotum mulieri. Secundò dirimuntur etiam per votum simplex castitatis, siue antecesserit Sponsalia, siue illis successerit; nam in contractu Sponsalium semper supponitur conditio hæc, modò status me-

seruari in foro externo, in interno enim ius canonicū
nullum tempus præscribit. Octauè, dirimuntur per
fornicationem; illa enim sufficit ad separationem
thori; quod intellige, etiamsi vim passa fueris
sponsa, ex cap. *Raptus* 27. *quæst.* 2. tunc
enim fit notabilis mutatio in persona.

Denique dissoluntur ob impedimen-
tum dirimens quod superuenit;

ut est affinitas; ob notabi-

lem scditatem, vel

grauem morbum;

ob sponforum

inimici-

tiam; ob conuersationis

antipathiam; ob pau-

peritatem super-

uenientem,

& simi-

lia.

22





DE ACTIBVS HVMANIS COMPENDIOSA TRACTATIO.

Cum Philosophis Moralibus incumbat necessitas loquendi de Actibus humanis ex professo, Theologi illorum explicationem ex Philosophia supponentes, de ijs tantum agere tenentur, in quantum sunt veluti fundamentum peccatorum & virtutem, quæ ad considerationem Theologorum per se spectant; unde prolixitatis inutilitatem deuitare cupientes, philosophicas difficultates ad Philosophiam remittimus, quædam solum dicturi de Actibus humanis, quæ & necessaria videntur, & breui appendice explicari possunt.

Dico primo, quod actus humanus sumitur latissime, pro omni actione quæ ab homine fit, siue etiam fiat à plantis & brutis, vt nutritio, augmentatio, visio, &c. Sumitur verò late pro actione illa, quæ fit tantum ab homine, vt locutio, intellectio, &c. Denique vsurpatur propriè pro actione quæ fit ab homine agente per deliberationem, seu cum ratione & libertate. Iste actus vocatur actus humanus; illi autè dicuntur tantum actiones humanæ. Actus humanus propriè sumptus definitur, operatio hominis voluntaria, seu omissio eius; non tantum enim ille dicitur agere, qui bonum operatur; sed etiam qui bonum, ad quod tenetur, omittit.

Dico, secundo, quod vis, seu coactio, quæ fit ab extrinseco, tollat libertatem; vis enim affertur passo non consentienti, sed repugnant i; unde voluntas non potest cogi, nec violentari in actibus elicitis: eo enim ipso

ipſo quo vult aliquid, & in illud conſentit, libera eſt libertate ſaltem eſſentiali ; quam explicuimus ſol. 195. primæ partiſ: poteſt tamen cogi in actibus imperatis, licet enim manui imperetur vt quieſcat, poteſt ipſa manus moueri violenter ab extrinſeco . Quoad concupiſcentiam, non tollit, ſed minuit libertatem ; quanto magis enim concupiſcentia ad aliquid faciendum allicit, magis ad hoc ſe ſponte & delectabiliter voluntas applicat, in quo ſtat libertas eſſentialis ; quia tamen ad libertatem requiritur obiecti cognitio, cum perturbet concupiſcentia aliquammodo iudicium rationis, idèò libertatem minuit hoc habetur ſol. 347. ſecundæ partiſ. Quantum ad ignorantiam, videantur ea quæ habentur ſol. 348. 2. par. Quantum denique ad metum, etiam diximus in præcitatis, quòd voluntarium & liberum non tollat, ſed minuat : non tollit quidem, quia metus v.g. naufragij adducit conſenſum in mercatore, vt merces in mare proſiciat ; & vbi eſt conſenſus voluntatis, ibi eſt libertas ; illa tamen minuitur, quia talis proſectio ſit cum repugnantia & diſſipientia voluntatis .

At per metum ita minuatur liberum & voluntariũ, vt promiſſio ſic facta adimplenda ſit. Reſpõdet Dom. Gamacheus per tres ſequentes regulas, quarum prima eſt hæc, *quæ ſunt metu interno, debent conſeri ſimpliciter voluntaria ; unde promiſſio per talem metum facta adimplenda eſt.* Metus intrinſecus vocatur ille, qui ab intrinſeco tantum impellimur ; vt quando quis metu mortis eleemoſynam vouet, tale votum obligat, quia nemo cogit, ſed homo ſibi imponit legem ; & licet ſit æqualis repugnantia in voluntate actus, tamen volendi præualeat actui nolendi. Secunda regula iſta eſt: *Quæ ſunt ex metu interno, ſunt voluntaria & obligatoria in rebus honeſtis & indifferentibus, vbi Eccleſia non declarauit illa eſſe irrita.* Si quis ergo ſeriò iurauit ſe daturum pecuniam latroni aliunde mortem allaturo, tenetur illam ſoluere, quia iuramētum non eſt de re mala reſpectu iurantis, licet ſit mala ex parte vexantis: hoc habetur cap. *debitores*. Quòd ſi votum & matrimonium per metum grauem facta, ſint inualida ; hoc eſt, quia Eccleſia illa irritauit. Tertia regula ſequitur: *Omnis actio & omiſſio metu externo elicta voluntaria eſt, & ad culpam imputatur, ſi eſt contra legem Dei vel naturæ negatiuam, vt eſt lex, non mentiris,*

non occides , &c. Si autem est contra legem humanam , Ecclesiasticam vel politicam , non solet ordinariè facere hominem reum coram Deo , quando est metus grauis , nisi legistatur hunc metum prauident , excipere noluerit , vnde dux belli imperare potest militi , vt pugnet cum vitæ periculo . Quoad legem Dei positiuam , non obligat , præsentem metu graui , modò absit scandalum ; in hoc enim differunt lex positua & negatiua , quod negatiua obliget pro semper , positua autem vrget tantum data opportunitate , & certo tempore , quo si adueniret grauis metus incussus ab extrinseco , non obligaret . Per grauem metum intelligitur ille qui sufficeret ad turbandos constantes viros , v.g. metus infamiæ , mortis , aut notabilis detrimenti ; ob hoc dicitur metus cadens in constantem virum .

Dico tertio , bonitatem actus humani desumi ex bonitate obiecti , finis & circumstantiarum . Duplex est finis actus humani , nimirum finis operis , seu intrinsecus , & est ille quem immediate respicit actio ; & finis operantis , seu extrinsecus , qui respicitur ab agente : quando quis v. g. furatur , finis operis qui essentialis est furto , est ablatio rei alienæ ; quando verò furatur ad fornicandum , fornicatio , quæ est accidentalis furto , est finis operantis . Quoad circumstantias , nihil aliud sunt , quàm quædam formalitates extrinsecæ substantiam operis circumstantes , & illæ continentur hoc versu , *Quis , Quid , Vbi , Quibus auxilijs , Cur , quomodò , Quando* . Illarum aliquæ augent bonitatem actus intra eandem speciem , vt colere Deum , & colere maiori affectu , vtrumque spectat ad virtutem religionis : alix addunt actui interiori bonitatem specie distinctam , vt dare eleemosynam pauperi sacerdoti ; eleemosyna pertinet ad charitatem , quòd verò detur sacerdoti ad religionem spectat . Quando actus ex obiecto indifferens , reddi potest à fine bonus vel malus ; vt quando quis Ecclesiam ingreditur vt Deum colat , vel ob vanam gloriam . Quando actus est bonus ex obiecto , & refertur in bonum finem , ita vt bonitas finis sit diuersa à bonitate obiecti , actus desumit nouam rationem bonitatis ab illo fine ; vnde , qui daret eleemosynam Sacerdoti , vt Deum deprecaretur , ille actus esset bonus ex charitate , & ex religione , modò ametur illa eleemosyna propter se , & propter finem qui honestus est ,

Dico

Dico quartò, eodem modo philosophandum esse de malitia ac de bonitate actuum humanorum; quod scilicet desumatur vel ex obiecto, vel ex fine, vel ex circumstantijs; cum hoc discrimine tamen, quod bonitas obiecti, finis & circumstantiarum sint tres conditiones requisitæ ad bonitatem actus; ad malitiam verò defectus vnius tantum conditionis sufficit; vnde, si in aliquo eorum sit turpitudine, iam actus non erit bonus, sed malus; *bonum enim est ex integra causa, & malum ex quocumque defectu*; si ergo actus sit bonus ex obiecto, & malus ex fine, non est dicendum partim bonus & partim malus, sed malus simpliciter censendus est. Quantum ad circumstantias quæ reddunt actum malum vel bonum; dicendum est quod si sumantur formaliter, vt circumstantiæ sunt, non addant nouam nouitatem aut malitiam essentialem actui, sed tantum illam augment intra suam speciem, vt furari decem aut centum nummos; quia vt sic, sunt tantum accidentariæ in ipso actu, vnde supponunt, non verò faciunt actum habere talem malitiam vel bonitatem essentialem: Quod si sumantur circumstantiæ, vt sunt obiectum actus humani, addunt illi bonitatem & malitiam essentialem; vt quando quis furatur in loco sacro, vel ob fornicationem.

Dico quintò, quod actus exterior non addat nouam bonitatem aut malitiam essentialem actui interiori, licet aliquem accidentalem adijciat. Primum patet ex Genes. 22. *Quia fecisti hanc rem, & non peperisti unigenito filio tuo propter me, benedicam tibi*, vbi Deus factum reputat quod tantum volitum est, & tanquam factum remunerat: ergo est æqualis meriti & bonitatis: Ratio est, quia actio externa non est bona, aut mala, nisi quia actus internus à quo procedit, bonus aut malus est. Secundum constat primò, quia sepe accedente actu externo, internus repetitur, & augetur illius bonitas vel malitia: secundò, quia diuturnior mora reperitur in actu interno dum exterior coniungitur, & sic bonitas vel malitia augetur: tertio, delectatio quæ in exercitio actus mali reperitur; & difficultas quæ est in exercitio actus boni, actum internum iutendunt; sicque illum faciunt peiorem vel meliorem; vnde regulariter martyr actu magis meretur, quam martyr desiderio. Ex his sequitur quod licet actus internus & externus sint duæ actiones phy-

sicae.

sic; sunt tamen vna tantum actio in genere moris, & vnum tantum peccatum formaliter: estò dicantur aliquando duo peccata materialiter & denominatiue, in quantum vna & eadem malitia denominat actum internum & externum, malum. Si dicatur contra primam partem: ergo non debuit Christus diuersis præceptis prohibere actum internum & externum, quod tamen fecit, dicendo: *Bonum proximi non concupisces*, & *non furtum facies*: ergo etiam frustra suadentur opera externa: ergo denique sufficit dicere in confessione, adulterari volui. Resp. ad primum, hoc sic fecisse Christum, vt doceret iudeos Iudæos, non solum furtum esse peccatum, sed & solam vel tionem furti esse peccaminosam. Resp. ad secundum, idè bona opera suaderi, quia sunt occasio augendi affectum & reiterandi actum internum. Ad tertium dico, actum externum debere exprimi in confessione, vt appareat censura, reservatio, obligatio restituendi, firma determinatio voluntatis ad malum, quæ sine actu externo potuisset esse forsan tantum simplex peccandi velleitas: denique actus externus explicari debet, quia voluit Christus, vt in pœnitentia peccatum aperiretur secundum suam totam entitatem, quæ completur ex actu interno & externo, tanquam ex materiali & formali.

Dico sexto, quod bonitas vel malitia formalis prius competat actibus internis, quàm externis: quia actus internus causat actum externum, rāquam suum effectum, v. g. volitio eleemosynæ causat ipsius largitionem; sed sicut causa est prior effectui, sic bonitas causæ est prior bonitate effectus: ergo prius competit bonitas actui interno, quàm externo. Deinde, bonitas & malitia sunt proprietates actus humani, sed actus humanus est actus voluntatis, qui interior est: ergo bonitas & malitia competunt formaliter primo actui interno, & postea actui externo, quatenus scilicet informatur quodammodo à bonitate actus interni. Dixi quod bonitas & malitia formalis conueniant primò actibus internis, si enim questio intelligeretur de bonitate & malitia obiectiua, dici debet quod bonitas & malitia obiectiua prius competit actibus externis: sic v. g. actio furti prius est mala obiectiue, in quantum est dissona rationi, quàm volitio furandi, quæ non est mala, nisi quia furtum
malum

malum est ; sed ipsa actio furti non est mala formaliter, nisi adueniat actio interna, seu volitio furandi ; ante enim non est actio humana ; sed eo ipso, quod actui interiori aduenit actio externa, actio externa incipit esse humana ; & proinde bona vel mala ; ita quod postea vna & eadem bonitas informet tum actum interiore, tum exteriorem ; cum hoc tamen ordine, quod prius competat actui interiori , & deinde externo . Quod si dicat Vasquez primario prohiberi actionem externam, v.g. Furtum, Homicidium, &c. hoc est, quia prohibendo actionem externam, prohibetur interna, sine qua externa non esset mala ; quippe non esset humana : quoniam actio humana est operatio voluntaria hominis . Si etiam actio externa dicatur primario dissona rationi : ergo & primario mala . Vtrumque verum est obiectiue & fundamentaliter, non formaliter ; a solo enim actu voluntatis concomitante, actum externum, ipse actus externus humanus est, & consequenter bonus vel malus .

Dico septimò, quod bonitas moralis sit convenientia actus liberi cum natura rationali, vt tali ; idest, quatenus ex ratione operatur : Sicut enim illud dicitur bonum alicui, quod est illi conueniens ; sic ille actus hominis dicitur bonus, qui conuenit illius nature : ergo bonitas moralis consistit in convenientia . Consistit, inquam, in convenientia cum natura rationali, vt tali ; idest, vt operanti secundum rectam & prudentem rationem ; unde non sunt actus moraliter boni in brutis, quia licet operentur conformiter nature sue, non tamen eliciunt actus suos secundum rationem, cum illa taceat . Actus etiam hominis indeliberati, licet sint materialiter boni, nimirum ex obiecto, non sunt tamen boni formaliter ; quia bonitas formalis est convenientia actus liberi ; & illi non sunt liberi quia non sunt ex deliberata intentione : possunt tamen ex non moraliter bonis, fieri moraliter boni, dum ex non liberis fiunt liberi, vt quando moribus primo prauis aduenit adulescentia rationalis, quando continuantur . Porro, vt actus sit propriè moraliter bonus, non sufficit quod sit liber libertate essentiali, que consistit in determinatione voluntatis ad aliquem actum cum præiussa cognitione ; sed requiritur vt sit liber libertate indifferentiæ, ita quod necessitati excludat ; vbi enim reperitur neces-

fitas agendi, actus censeri non debet laus de vel vituperio dignus; nec consequenter bonus aut malus moraliter dicendus est, nisi tantum latè & improprie. Ex his apparet quòd bonitas actus moralis sit entitas respectiua realis. Est primò respectiua, quia est conuenientia actus cum ratione, & conuenientia est relatio: est deinde realis & non tantum denominatio merè extrinseca, aut ens rationis, vt voluerunt aliqui; nam à parte rei actus qui dicitur bonus, est conformis rectæ rationi.

Dico octauò, quod malitia moralis sit disconuenientia & repugnantia actus liberi cum rationali natura, seu cum natura operante per rationem; discurrendum est enim de malitia; sicut de bonitate; sed animaduertendum est, quod ratio peccati & malitia moralis distinguuntur in hoc, quod malitia peccati consistat in oppositione ad legem Dei: definitur enim *aliquid dictum, factum, vel concupitum contra legem Dei*; malitia autem moralis consistit in oppositione ad rationem præcisè, licet enim omnis actus malus repugnet aliquo modo legi diuinæ, qua omne malum prohibetur; sunt tamen aliqui actus de se moraliter malicia specialis Dei prohibitionem, ut odium Dei, blasphemia, & similes; qui ideo prohibentur à Deo, quia mali sunt de se; alij autem ideo mali sunt, quia prohibentur iure positivo. An autem malitia moralis & malitia peccati consistat in aliquo positivo reali, aut tantum in priuatiuo; Respondendum est, non tantum malitiam quæ reperitur in omissione actus præcepti esse quid priuatum, vt ipsa actus omisio; sed etiam malitiam quæ est in actu positivo peccati, vt quando aliquis furatur, consistit formaliter in priuatiuo; licet materiale actionis sit quid posituum. Vtrumque patet ex hoc quod peccatum definitur, *dictum, factum, vel concupitum contra legem Dei*; ubi dum dicitur, *factum, dictum, vel concupitum*, indicatur materiale actionis; dum additur verò, *contra legem Dei*, ostenditur negatio & repugnantia cum voluntate diuinæ præcipiente, vel prohibente actum. Ob hoc dicunt Theologi, peccare nihil aliud esse, quam deficere à bono, & asserunt Philosophi, loquentes de concursu, peccatū non habere causam efficientem, sed deficientem; similiterque bonum & malū non opponi contrariè, nisi quoad materiale actus;

sed

sed opponi tantum priuatiue, quantum ad formale.

Dico nonò, dari actus indifferentes, nedum in specie, sed & indiuiduo: Per actus indifferentes in specie, intelliguntur actus in se considerati, qui ex sua natura nec boni nec mali sunt, vt spuerè, ambulare: per actus indifferentes in indiuiduo intelliguntur iidem actus, quatenus eliciuntur ab homine, qui cum debeat in omnibus actibus suis se conformare rationi, ideò aliqui dicunt, quod licet dentur actus indifferentes secundum speciem, idest, secundum se, non dantur tamen actus indifferentes in indiuiduo, quia in illis vel homo se conformat rationi, & tunc boni sunt; vel rationi non se conformat, & tunc sunt mali: Non obstante tamen hac ratione, dicimur dari actus indifferentes in indiuiduo: sic Alensis, Bonauentura, Scotus, & plurimi. Probat ex Hieronymi Epistola ad Augustinum; quæ est secunda inter Epistolas Augustini; *Bonum est, ait, Continentia, malum Luxuria, inter utrumque indifferens ambulare; capitis purgamenta naribus projicere, sputis rheumata iacere, hoc nec bonum, nec malum est; siue enim feceris, siue non feceris, iustitiam non habebis, nec iniustitiam.* Quæ intelligi debent de actibus in indiuiduo sumptis; non enim, *siue id feceris, siue non feceris*: & sic spectantur non tantum in se, sed vt eliciuntur ab homine, quod est considerare illos in indiuiduo. Ratio nostra est, quia illi actus sunt indifferentes etiam in indiuiduo, qui eliciuntur ab homine cum aduertentia rationis, & feruntur in obiectum quod neque bonum neque malum est; sed plures eliciuntur tales actus, vt v.g. actus scribendi, ambulandi, &c. non enim sunt boni, quia non sunt honestatis gratia; nec mali, quia licet ea persequi quæ sunt commoda naturæ, modò non prohibeantur. Si quis dicat, actum illum in indiuiduo esse malum, cui deest conditio finis honesti, si autem sit ex fine honesto, pro tunc esse bonum: ergo nullum dari actum humanum indifferenter in indiuiduo. Resp. hominem non semper debere sibi finem honestum præfigere, sed sufficere aliquando quòd non agat contra finem honestum, licet agat propter finem utilem tantum, aut delectabilem. Si Dicat Paulus 1. Corint. 10. *Omnia in gloriam Dei facite.* Resp. esse ibi consilium, non præceptum; quòd si sit præceptum, est tantum negatiuum, quo prohibetur nè quid contra glo.

gloriam Dei faciamus, vel quòd non possit in gloriam Dei referri. Si Matth. 12. habeatur, quòd de omni verbo otioso reddenda sit ratio: hoc intelligitur de verbo otioso quod mendacium & calumniam includit, inquit Chrysostomus & Theophylatus; vel hoc intelligitur de eo quod est absolute otiosum & nullum habet finem: illud autem quod fit ob utilitatem, vel recreationem, vel necessitatem, non censetur pure otiosum, cuiusmodi sunt actus nostri indifferentes, qui licet non fiant ob finem honestum, & ob hoc non dicantur boni; fiunt tamen ob utilem aut delectabilem finem. Si quis inestet actionem esse malam, quæ non est consentanea rationi; & illam esse bonam, quæ est rationi consentanea, quia ratio est regula actuum humanorum: ergo omnis actio vel bona vel mala est: Resp. vt actio non sit mala, sufficere quod sit consentanea rationi negativè, ita quod illi non repugnet; non requiritur autem quod sit consentanea positivè. Deinde, actus indifferentes sunt conformes, aliquo modo rationi, quæ iudicat illos esse conformes naturæ rationali, vt rationalis est; quia non fiunt ob finem honestum, sed sistant in fine utili vel delectabili, non tamen prohibito. Si quis urgeat, actiones illas esse bonas, quia fiunt ob finem honestum; nam recta ratio dicat esse v. g. ambulandum ad conservandam sanitatem; Resp. illam actionem cum tali respectu esse reuera bonam & honestam; sed loquimur de actione quæ sistit pure in commodo, vel utili, quærentes v. g. vtrum calefacere se, præcisè quia frigus corpori molestum est, sit moraliter bonum; quod nos asserimus esse actum indifferentem, qui bonus non est, quia non est quid honestum; nec malus, quia non est prohibitus; vnde, inter bonum & malum mediat non bonum. His omnibus non obstantibus, Christianissimum semper erit omnes actiones suas in gloriam Dei referre, iuxta D. Paulum dicentem: *Sive manducatis, sive bibitis, sive quid aliud facitis, omnia in gloriam Dei facite.*

Dico deinde, quòd vt actiones humanæ bonæ sint, debent esse conformes legi æternæ, voluntati diuinæ, & conscientiæ agentis. Debent primò esse conformes legi æternæ, quia ista est prima & radicalis regula omnium agendorum: vnde peccatum definitur ab Augustino, *distum, factum, vel concupitum*.

contra.

contra legem Dei æternam lib. 22. contra Faustum cap. 7. Debent secundò esse conformes diuinæ voluntati; ex intellectu enim diuino & diuina voluntate resultat exemplar primum, & regula quædam vniuersalis, quibus conformari debent actiones nostræ, vt bonæ sint. Debent tertio esse conformes conscientiz agentis; quod enim est contra conscientiam, est peccatum, ex Paulo, *Omne quod non est ex fide, peccatum est*; id est, quod non sit secundum dictamen conscientiz. Sicut ergo lex æterna est prima & immediata regula faciendorum, ita conscientia est proxima & mediata regula eorum, quæ facere aut vitare debemus. Conscientia propriè sumpta dicitur actus intellectus, quo iudicamus aliquid esse hic & nunc faciendum, vel non faciendum. Quod si attribuitur aliquando voluntati, cum aliquis dicitur bonæ vel malæ conscientiz, quia benè vel malè operatur per voluntatem; hoc est latè, & consequenter, in quantum conscientia excitat ad benè operandum; formaliter tamen est actus intellectus. Conscientia dicitur nguitur à synderesi & à ratione in hoc, quod synderesis sit habitus intellectus, quo cognoscuntur prima principia practica, v. g. *bonum est faciendum, malum fugiendum*; *alteri ne facias quod tibi fieri non vis*. Ratio verò est discursus, mediante quo, conclusio deducitur, & conscientia est ipsamet conclusio dictans aliquid esse faciendum hic & nunc. Hoc patet in isto syllogismo practico, *Omne bonum est faciendum; sed elemosyna est bona: ergo facienda est hic & nunc*. Prima propositio est à synderesi, secunda à ratione distante elemosynam esse bonam; conclusio est à conscientia. Conscientia diuidi solet in rectam seu infallibilem, erroneam, probabilem, dubiam, & scrupulosam. Recta seu infallibilis est ea, quæ cognoscendo obiectum sicuti est per media infallibilia, dictat faciendum quod reuera faciendum est. Erronea est illa quæ cognoscendo obiecta aliter quàm sunt, dictat facienda quæ non sunt facienda. Probabilis est ea, quæ cognoscendo obiecta per media probabilia cum formidine falsi, dictat aliquid esse faciendum. Dubia est illa quæ ex diuerso dictamine practico ita fluctuans remanet, vt in neutram partem se determinare queat. Scrupulosa denique illa est, quæ assentitur vni parti cum formidine alterius ob-

leuissimas & incertas coniecturas. De conscientia recta seu infallibili nihil est dicendum, nisi quod actiones, quæ sunt ex ipsius dictamine, sunt infallibiliter bonæ; de alijs dicemus aliqua scitu necessaria.

Dico vndecimò, non esse licitum agere contra conscientiam errantem, faciendo quod ipsa prohibet, vel omittendo quod præcipit. Ratio est, quia non licet velle malum iudicatum vt malum; qui autem operatur contra conscientiam errantem, vult malum iudicatum vt malum: ergo non licet agere contra conscientiam errantem. Si quis dicat, conscientiam erroneam non esse rectam regulam: non est recta regula respectu intellectus, cuius iudicium erroneum est; sed est recta regula respectu voluntatis quæ tenetur conscientiam semper sequi. Nec qui obijciat, ergo poterit quis gaudere de actu præteritos qui malus cognoscitur, quando cognitus est error. Resp. posse quidem gaudere de actu voluntatis, quo Petrus v.g. dedit pecuniam quam credebat suam, quia calis largitio bona fuit; non potest tamen gaudere de obiecto; nempe de largitione pecuniæ alienæ, dum cognoscitur aliena. Si conscientia erronea iudicet ex ignorantia inuincibili aliquid esse faciendum aut vitandum, quod neutrum tamen est, tenetur se conformare illi iudicio erroneo; & si non faciat, peccabit, quia voluntas iudicium intellectus tenetur sequi tanquam suam regulam. Peccabit, inquam, mortaliter in materia graui, venialiter in materia leui. Dum aliquis ex ignorantia vincibili iudicat aliquid esse præceptum quod tale non est, voluntas debet sequi dictamen illius conscientiæ; debet enim sequi suam regulam, nempe tale iudicium. Licet tamen voluntas exequatur id quod ex ignorantia vincibili credebat bonum, & tale non erat, in hoc non bene operatur; imò malè agit, quando malum operatur quod putabat bonum; quia ignorantia vincibilis non excuset à peccato, sicut ignorantia inuincibilis; vnde debuit sic agens perquirere an quod agit, bonum sit vel malum, & deponere conscientiam errantem, quantum potest; quamdiu tamen perseuerat illa conscientia errans, debet voluntas illam sequi ex quantumque ignorantia erret. Nec dicendum est, ergo sic agens necessariò peccat, siue agat ex conscientia erronea

nea vincibili, sine illi non se conformet. Hoc falsum est; quia vel potest deponere suum errorem, & sic potest non peccare; vel non potest adhibita omni diligentia deponere suum errorem, & pro tunc illa ignorantia est inuincibilis: & operari ex ignorantia inuincibili, non est peccatum.

Duodecimò, conscientiam opinatiuam distinguì à dubia in hoc, quod in dubia fluctuet intellectus, nec ulli parti assensum tribuat; in opinante verò intellectus ad vnam partem se determinet, sed ob motuum tantum probabile, cui falsum subesse potest. Nullus dubitat quin inter opiniones æquè probabiles alterutram sequi liceat, imò communis opinio est, quod non teneamur necessariò probabiliori adherere, cum possimus relicta probabiliori, sequi probabilem, quæ peritis & doctis placet: sic inter alios Dom. Gamachus in 1. 2. quæst. 19. fol. 157. Quod intelligendum est cum hac restrictione, modò non immineat periculum aliquod, ad quod vitandum charitas vel iustitia excitet, vt probabiliozem sequamur; modò etiam probabilis sententia suam probabilitatem non amiserit, vel ideò quia antiquata est, vel ob rationem nouam auctoribus contrariæ sententiæ ignotam, quam putamus insolubilem. Per probabilem opinionem non intelligimus illam, quæ plures habet auctores simpliciter; sed quæ plures habet auctores classicos, probos & peritos, qui ex professo quæstionem examinent, & perpensis vtriusque partis rationibus, vnam è contradictorijs opinionibus determinent. Quòd illa probabilis opinio seligi possit, patet; quia si teneremur probabiliozem eligere, maximè angeremur in perquirenda opinione probabiliori, & non est verisimile quòd ad tantam anxietatem nos Deus reducere voluerit; imò credibilius est, quòd ille qui prudentum opinionem sequitur, non peccet, cum prudenter & rationabiliter agat. Ratione distinctionis appositæ, nullus potest in administratione Sacramentorum vti materia, aut forma, aut intentione dubia, licet sint probabiles; nisi in casu necessitatis, vbi materia certa v.g. aqua pura haberi non potest, sed tantum lixiuium: Ratio huius est, quia in hoc casu imminet salutis periculum ad quod vitandum Charitas & Iustitia excitant, vt qui libet probabiliozem partem sequatur. Eadem ratione
medi-

medicus habens pharmacum certò profuturum agrotò, non potest adhibere pharmacum tantum probabiliter profuturum, aliàs censeretur imprudenter agere in re magni momenti; & in his occasionibus verum censetur hoc axioma, *in dubio tutior pars eligenda est.*

Dico tertio decimò, illam conscientiam esse dubiã, quando intellectus neutri parti assentitur, sed fluctuans in æquilibrio manet, vel ex ignorantia iuris, vel ex ignorantia facti, vel ex diuersis authorum opinionibus. Ignorantia iuris est quando v. g. aliquis ignorat, an mendacium sit licitum: ignorantia autem facti est quando aliquis dubitat an tale verbum sit mendacium. Conscientia potest esse dubia, vel speculative, vel practice. Est dubia speculative quando quis dubitat in genere, an aliquid licitum sit vel illicitum: est dubia practice, quando quis in ipso exercitio dubitat, an talis actus in particulari sit licitus: quando miles v. g. dubitat an bellum in se sit licitum, conscientia est speculative dubia; quando verò dubitat an hoc bellum in quo est, sit licitum, est dubia practice. Debet regulariter conformari iudicium practicum iudicio speculatiuo intellectus, nisi aliqua ratio adueniat in obiecto, propter quam obiectum varietur; sic qui cognoscit in genere, furtum esse illicitum, debet scire hic & nunc non licere furari; qui tamen scit furtum esse illicitum, iudicare potest, licitum esse surripere rem alienam in extrema necessitate. Nunquam licet agere ex conscientia practice dubia, id est, dubitante, an hoc sit hic & nunc licitum; sed determinatè debet intellectus dictare, hoc mihi licet: primò, quia qui sic ageret in humanis, frangeret leges amicitia; secundo, quia qui sic agit, se exponit peccandi periculo, quod est male operari; tertio, quia voluntas non potest dici à ratione dirigi, quamdiu ratio non se determinat ad alterutram partem. Peccat ergo qui agit ex conscientia practice dubia; peccat, inquam, tali peccato, quale est dubium; id est, si dubitat an peccatum sit mortale aut veniale, an sit peccatum furti, vel homicidij; contrahitur huiusmodi peccatum. Debet ergo dubium deponi antequam fiat actio: hoc est debet intellectus ad alterutram partem se determinare ratione aliqua. Quod si occurrant duo præcepta

pta impossibilia, vt audire sacrum, vel moribundo assistere; examinandum est quodnam magis obliget, & illud debet praeligi, deposito dubio: Si vndequeque sit periculum peccandi quod vitari non potest, eligatur quod apparet minus, ait Gregor. 23. Moral. & tunc non eligitur malum vt malum est, sed vt minus malum, & idem vt bonum. Si denique sit æquale periculum peccandi æqualiter, nec possit dubium deponi, attamen necessarium sit alterutrum agere, vtrumque licitum est; & adueniente bona fide, quis non peccabit, cum faciat in tali euentu quod in se est. Aliquando licet operari ex conscientia speculatiue dubia, quando practice ad vnum est determinata; quia regula voluntatis non est scientia speculatiua, sed iudicium practicum intellectus: sic aliquis potest dubitare speculatiue, an bellum hoc sit iustum; & esse certus practice, quod sibi liceat certare in tali bello, cum sciat non suum esse iudicare de iustitia belli, sed debere Principi obedire, donec appareat de belli iniustitia, & ibi est certitudo practica cum dubitatione speculatiua. Quando quis dubitat speculatiue de honestate alicuius actionis, & postquam consuluit Iurisperitos, si res spectet ad dispositionem iuris, vel inquisiuit consuetudines locorum, si pertineat ad ius particulare loci; vel denique interrogauit Doctores Ecclesiasticos in rebus morum, vel fidei, & nondum apparere possit de honestate actionis, illa actio omittenda est.

Dico vltimò, in hoc differre conscientiam probabilem & scrupulosam; quòd illa fundamenta habeat rationabilia suæ probabilitatis, v.g. authores famæ, vel rationem aliquam firmam; ista verò fundatur tantum in suspitione orta ex leuibus fundamentis & motiuis. Nomen scrupuli per metaphoram desumitur à paruo quodam lapillo in calceo pedem vrgente, qui ob hoc scrupulus dicitur. Ille conscientiam dicitur habere scrupulosam, qui licet practice iudicet aliquid sibi esse licitum, speculatiue tamen timet & dubitat ex leuibus fundamentis, nè illicitum sit. Licet bonum sit scrupulosam conscientiam deponere, antequam fiat actio de qua habetur scrupulus; potest tamen actio illa bene fieri, manente scrupulo: Ratio est, quia hic scrupulus non inducit dubitationem practicam, sed tantum speculatiuam, ortam

ortam ex leui motiuo: cum ergo iudicium practicum distans aliquid esse bonum, habeat rationale fundamentum, & iudicium speculatiuum, distans illud non esse bonum, nitatur leui fundamento; qui sequitur iudicium illud practicum, censetur bene & prudenter agere, piaferendo firmum motiuum leui fundamento: si tamen scrupulus ille deponi queat, deponendus est. Scrupuli suboriuntur communiter ex melancholia, qua homo in omnibus timidus efficitur: ex ignorantia, qua stante, non potest verum à falso discerni: ex suggestionem diaboli angustias inducentis in animam, vt pax interior perturbetur: ex ieiunijs nimijs, vigilijs, & alijs corporis macerationibus, quæ cerebrum exsiccentes, iudicium perturbant, ex conuersatione cum scrupulosis; denique ex superbia, quam Deus punire intendens, subortum scrupulorum & anxietatis animæ permittit. Inter alia scrupulorum remedia, vtilissimum est, vt ille qui scrupulis torquetur; primò Deum frequenter oret, ad implorandum ipsius auxilium: secundò, vt cum omni meritis humilitate has animi molestias acceptet, indignum se reputans, qui conscientia serenitate perfruatur, ob sua peccata, & neglectum gratia: tertio, vt deponat suum iudicium, & non obstantibus suis ratiocinationibus, se humiliter submittat iudicio docti & probi Confessarij.

T R A C T A T V S.

De Legibus, & de poenis Ecclesiasticis contra infractores legum; seu de Censuris.

DVplicem habemus regulam, cui conformari debent actus humani, quarum prima est interna, scilicet conscientia; alia verò est externa, nempe Lex, quæ facienda præcipit, & prohibet vitanda. Postquam ergo de actibus humanis in bonum dirigibilibus, & de conscientia, quæ est ipsorum, directiua intrinsecè, dictum est; non ineptè agendum venit de Legibus, quæ ipsosmet humanos actus extrinsecè regulant, acturi postea de Censuris, quæ sunt eertz quædam poenæ infligæ ab Ecclesia in suarum legum infractores. Hoc fiet in tribus Disputationibus; quarum vna erit de Legibus in genere, secunda

de

DISPUTATIO PRIMA.

De Legibus.

Nomen Legis vel à *ligando* habetur, in quantum homines ad aliquid obligantur per legem, vel à *legendo*, quia lex editur & scribitur, vt sæpius legatur ad instructionem subditorum; vel denique à *deligendo*, quatenus docet quæ sunt deligenda & eligenda. Videamus aliquid de Legibus in communi.

QVÆSTIO PRIMA.

Quid sit Lex?

Nec de existentia, nec de utilitate legis vllus dubitare potest; quantum enim ad existentiam, constat ab orbe condito datas fuisse leges & Angelis & hominibus; imò ab æterno etiam idæ quædam in mente diuina existentes, ad quas Deus tanquam ad certas leges respiciens, in tempore omnia creauit, & ordinauit, & conduxit, sicut decreuerat ab æterno. Quoad legum utilitatem, clarior adhuc est; quomodo enim sine legibus posset humana societas subsistere; nisi per leges improborum malitia refrænaretur, & excitaretur bonorum labor & virtus; Argendum est ergo solum de ipsa Legum definitione, & quæ sit illarum diuisio.

CONCLUSIO.

Lex est regula quædam perseverans, indita vel præscripta ab eo qui potestatem habet obligandi communitatem, in cuius utilitatem cedit, actiones humanas conducens in bonum & auertens à malo, sufficienter promulgata. Dicitur primò, *regula*: quia actus humani diriguntur per legem: sed an illa regula sit actus intellectus aut voluntatis, controuertuntur Doctores: Thomistæ enim volunt legem ad intellectum pertinere; Scotistæ verò melius illam ad

ad voluntatem referunt, vis enim obligandi ad voluntatem formaliter spectat, licet præsupponi debeat actus intellectus legislatoris, iudicantis, an quod per legem fertur, bonum sit & vtile. Dicitur secundo, *perferuans*; in quo à præcepto distinguitur, quod modo adest, modo abest, & semper cessat per mortem præcipientis, vbi leges perseverant & sunt stabiles regulariter ratione sui, licet aliquando mutantur ratione finis ob quem conditæ sunt: sic leges ceremoniales veteris Testamenti abrogatæ fuerunt per legem nouam, quia institutæ erant ad figurandam legem nouam; & dum præsens est veritas, figura cessare debet: aliquando etiam mutantur ratione subiecti cui feruntur leges, vt patet de legibus iudicialibus legis antiquæ, quæ datæ erant populo in seruitutem redactæ; cessante autem illa seruitute, tales leges rigorosæ cessare debuerunt. Dicitur tertio, *indita, vel præscripta*; vt includantur in hac definitione, tum lex naturalis, quæ à natura est; tum positiua, quæ à legislatore præscribitur. Dicitur quarto, *ab eo qui potestatem habet obligandi communitatem*; nullus enim potest alium obligare, nisi legitimam in illum habeat authoritatem; cum ergo lex vim habeat obligandi communitatem, ferri debet ab eo qui potestatem obligandi habeat. Additur quinto, *in cuius utilitatem cedit*; leges enim in bonum commune cedunt, siue mediatè, siue immediatè, v. g. cum leges feruntur in fauorem pupillorum & minorum, hoc mediatè vergit in bonum communitaris; nam bonum partis conducit ad bonum totius: lex etiam tributorum, quæ solum utilitatem Regis concernit, vertitur in bonum commune; si enim debite Princeps non sustentaretur, non posset onera reipublicæ sustinere. Adiungitur sexto, *actiones humanas conducent*; licet enim ad aliquid faciendum vel omittendum astringi possint Angeli lege & præcepto, de actionibus tamen Angelicis hic loqui non intendimus, sed tantum de humanis. Adijcitur septimo, *Conducent ad bonum, & remouens à malo*, excitare enim ad bonum & à malo remouere, sunt præcipui fines legum. Additur vltimo, *sufficienter promulgata*; quia nullum superioris imperium inferiorem obligare potest, nisi in subditorum notitiam deducatur: sed hæc est differentia inter leges; quod lex naturalis sufficienter singulis

lis promulgentur per iudicium naturale quod possident, quo iudicant naturaliter Deum esse colendum, parentes honorandos, &c. positivæ verò externam requirant promulgationem.

QVÆSTIO II.

Quotuplex sit Lex?

Aliter respondent Iuristæ, aliter Theologi. Illi ius cum lege confundentes, ipsam diuidunt in ius naturale, ius gentium, & ius ciuile. Ius naturale est illud, quod est commune & brutis & hominibus, vt procreatio prolis, coniunctio maris & foeminae. Ius gentium est illud quod est propositum solis hominibus, & illis ferè omnibus commune est, vt cultus erga Deum, honor erga parentes, vim vi repellendi licentia, &c. Ius ciuile est illud quod est proprium aequi regno, seu reipublice; vt v. g. ius Atheniensium, ius Lacedæmonum, ius Gallorum; sed præsertim ius Romanorum nomine iuris ciuilis simpliciter gaudet. Quoad Theologos, alio modo leges diuidunt, quod explicabit

CONCLUSIO.

Lex primò diuiditur in legem naturalem & positivam. Lex naturalis subdividitur in legem naturalem sacram, moralem, & politicam. Lex positiva in legem æternam, diuinam, & humanam.

Lex naturalis est iudicium naturale, quo ratio nobis dicitur bonum esse faciendum, & malum fugiendum. Ex illo principio practico multa alia deducuntur, quorum alia sunt faciliora, alia difficiliora. Quòd si illa principia practica quæ distantur à iudicio naturali, Deum respiciant, ad legem naturalem sacram pertinent; vt v. g. quando lex naturalis dicitur Deum esse colendum & cum summa humilitate adorandum. Si illa principia præscribant hominì modum, quo debeat mores componere in ordine ad finem vltimum, spectant ad legem naturalem moralem; Si denique illa principia lumine naturali cognita dirigant hominem in ordine ad societatem communem, legem naturalem politicam concernunt.

per

gloriam Dei faciamus, vel quod non possit in gloriam Dei referri. Si Matth. 12. habeatur, quod de omni verbo otioso reddenda sit ratio: hoc intelligitur de verbo otioso quod mendacium & calumniam includit, inquit Chrysostomus & Theophylatus; vel hoc intelligitur de eo quod est absolute otiosum & nullum habet finem: illud autem quod fit ob utilitatem, vel recreationem, vel necessitatem, non censetur pure otiosum, cuiusmodi sunt actus nostri indifferentes, qui licet non fiant ob finem honestum, & ob hoc non dicantur boni, fiunt tamen ob utilem aut delectabilem finem. Si quis inestet actionem esse malam, quæ non est consentanea rationi, & illam esse bonam, quæ est rationi consentanea, quia ratio est regula actuum humanorum: ergo omnis actio vel bona vel mala est: Resp. ut actio non sit mala, sufficere quod sit consentanea rationi negative, ita quod illi non repugnet; non requiritur autem quod sit consentanea positive. Deinde, actus indifferentes sunt conformes aliquo modo rationi, quæ iudicat illos esse conformes nature rationali, ut rationalis est; quia non fiunt ob finem honestum, sed sistant in fine utili vel delectabili, non tamen prohibito. Si quis urgeat, actiones illas esse bonas, quia fiunt ob finem honestum; nam recta ratio dicitur esse v. g. ambulandum ad conservandam sanitatem; Resp. illam actionem cum tali respectu esse reuera bonam & honestam; sed loquimur de actione quæ sistit pure in commodo, vel utili, quæ rentes v. g. utrum calefacere se, præcisè quia frigus corpori molestum est, sit moraliter bonum; quod nos asserimus esse actum indifferentem, qui bonus non est, quia non est quid honestum; nec malus, quia non est prohibitus; unde, inter bonum & malum mediat non bonum. His omnibus non obstantibus, Christianissimum semper erit omnes actiones suas in gloriam Dei referre, iuxta D. Paulum dicentem: *Sive manducatis, sive bibitis, sive quid aliud facitis, omnia in gloriam Dei facite.*

Dico decimò, quod ut actiones humane bonæ sint, debeant esse conformes legi æternæ, voluntati divinæ, & conscientiæ agentis. Debet primò esse conformes legi æternæ, quia ista est prima & radicalis regula omnium agendorum: unde peccatum definitur ab Augustino, *dictum, factum, vel concupitum contra*

contra legem Dei æternam lib. 22. contra Faustum cap. 7. Debent secundò esse conformes diuinæ voluntati; ex intellectu enim diuino & diuina voluntate resultat exemplar primum, & regula quædam vniuersalis, quibus conformari debent actiones nostræ, vt bonæ sint. Debent tertio esse conformes conscientie agentis; quod enim est contra conscientiam, est peccatum, ex Paulo, *Omne quod non est ex fide, peccatum est*; id est, quod non sit secundum dictamen conscientie. Sicut ergo lex æterna est prima & immediata regula faciendorum, ita conscientia est proxima & mediata regula eorum, quæ facere aut vitare debemus. Conscientia propriè sumpta dicitur actus intellectus, quo iudicamus aliquid esse hic & nunc faciendum, vel non faciendum. Quod si attribuitur aliquando voluntati, cum aliquis dicitur bonæ vel malæ conscientie, quia benè vel malè operatur per voluntatem; hoc est latè, & consequenter, in quantum conscientia excitat ad benè operandum; formaliter tamen est actus intellectus. Conscientia dicitur nguitur à synderesi & à ratione in hoc, quod synderesis sit habitus intellectus, quo cognoscuntur prima principia practica, v. g. *bonum est faciendum, malum fugiendum*; alteri ne facias quod tibi fieri non vis. Ratio verò est discursus, mediante quo, conclusio deducitur, & conscientia est ipsamet conclusio dictans aliquid esse faciendum hic & nunc. Hoc patet in isto syllogismo practico, *Omne bonum est faciendum; sed eleemosyna est bona: ergo facienda est hic & nunc*. Prima propositio est à synderesi, secunda à ratione dictante eleemosynam esse bonam; conclusio est à conscientia. Conscientia diuidi solet in rectam seu infallibilem, erroneam, probabilem, dubiam, & scrupulosam. Recta seu infallibilis est ea, quæ cognoscendo obiectum sicuti est per media infallibilia, dictat faciendum quod reuera faciendum est. Erronea est illa quæ cognoscendo obiecta aliter quàm sunt, dictat facienda quæ non sunt facienda. Probabilis est ea, quæ cognoscendo obiecta per media probabilia cum formidine falsi, dictat aliquid esse faciendum. Dubia est illa quæ ex diuerso dictamine practico ita fluctuans remanet, vt in neutram partem se determinare queat. Scrupulosa denique illa est, quæ assentitur vni parti cum formidine alterius ob-

leuissimas & incertas coniecturas. De conscientia recta seu infallibili nihil est dicendum, nisi quod actiones quæ sunt ex ipsius dictamine, sunt infallibiliter bonæ; de alijs dicemus aliqua scitu necessaria.

Dico vndecimò, non esse licitum agere contra conscientiam errantem, faciendo quod ipsa prohibet, vel omittendo quod præcipit. Ratio est, quia non licet velle malum iudicatum vt malum; qui autem operatur contra conscientiam errantem, vult malum iudicatum vt malum: ergo non licet agere contra conscientiam errantem. Si quis dicat, conscientiam erroneam non esse rectam regulam: non est recta regula respectu intellectus, cuius iudicium erroneum est; sed est recta regula respectu voluntatis quæ tenetur conscientiam semper sequi. Nec qui obijciat, ergo poterit quis gaudere de actu præteritis qui malus cognoscitur, quando cognitus est error. Resp. posse quidem gaudere de actu voluntatis, quo Petrus v.g. dedit pecuniam quam credebat suam, quia calis largitio bona fuit; non potest tamen gaudere de obiecto; nempe de largitione pecuniæ alienæ, dum cognoscitur aliena. Si conscientia erronea iudicet ex ignorantia inuincibili aliquid esse faciendum aut vitandum, quod neutrum tamen est, tenetur se conformare illi iudicio erroneo; & si non faciat, peccabit, quia voluntas iudicium intellectus tenetur sequi tanquam suam regulam. Peccabit, inquam, mortaliter in materia graui, venialiter in materia leui. Dum aliquis ex ignorantia vincibili iudicat aliquid esse præceptum quod tale non est, voluntas debet sequi dictamen illius conscientiæ; debet enim sequi suam regulam, nempe tale iudicium. Licet tamen voluntas exequatur id quod ex ignorantia vincibili credebat bonum, & tale non erat, in hoc non bene operatur; imò male agit, quando malum operatur quod putabat bonum; quia ignorantia vincibilis non excuset a peccato, sicut ignorantia inuincibilis; vnde debuit sic agens perquirere an quod agit, bonum sit vel malum, & deponere conscientiam errantem quantum potest; quamdiu tamen perseverat illa conscientia errans, debet voluntas illam sequi ex quarumque ignorantia erret. Nec dicendum est, ergo sic agens necessario peccat, siue agat ex conscientia erronea.

nea vincibili, sine illi non se conformet. Hoc falsum est; quia vel potest deponere suum errorem, & sic potest non peccare; vel non potest adhibita omni diligentia deponere suum errorem, & pro tunc illa ignorantia est inuincibilis; & operari ex ignorantia inuincibili, non est peccatum.

Duodecimò, conscientiam opinatiuam distinguere à dubia in hoc, quod in dubia fluctuet intellectus, nec ulli parti assensum tribuat; in opinante verò intellectus ad vnam partem se determinet, sed ob motuum tantum probabile, cui falsum subesse potest. Nullus dubitat quin inter opiniones æquè probabiles alterutram sequi liceat, imò communis opinio est, quod non teneamur necessariò probabiliori adherere, cum possimus relicta probabiliori, sequi probabilem, quæ peritis & doctis placet: sic inter alios Dom. Gamachus in 1. 2. quæst. 19. fol. 151. Quod intelligendum est cum hac restrictione, modò non immineat periculum aliquod, ad quod vitandum charitas vel iustitia excitet, vt probabiliozem sequamur; modò etiam probabilis sententia suam probabilitatem non amiserit, vel ideò quia antiquata est, vel ob rationem nouam auctoribus contrariæ sententiæ ignotam, quam putamus insolubilem. Per probabilem opinionem non intelligimus illam, quæ plures habet authores simpliciter; sed quæ plures habet authores classicos, probos & peritos, qui ex professo quæstionem examinent, & perpenſis vtriusque partis rationibus, vnam è contradictorijs opinionibus determinent. Quòd illa probabilis opinio seligi possit, patet; quia si teneremur probabiliozem eligere, maximè angeremur in perquirenda opinione probabiliori, & non est verisimile quòd ad tantam anxietatem nos Deus reducere voluerit; imò credibilis est, quòd ille qui prudentum opinionem sequitur, non peccet, cum prudenter & rationabiliter agat. Ratione distinctionis appositæ, nullus potest in administratione Sacramentorum vti materia, aut forma, aut intentione dubia, licet sint probabiles; nisi in casu necessitatis, vbi materia certa v.g. aqua pura haberi non potest, sed tantum lixiuium: Ratio huius est, quia in hoc casu imminet salutis periculum ad quod vitandum Charitas & Iustitia excitant, vt qui libet probabiliozem partem sequatur. Eadem ratione
medi-

medicus habens pharmacum certò profuturum agrotò, non potest adhibere pharmacum tantùm probabiliter profuturum, aliàs censeretur imprudenter agere in re magni momenti; & in his occasionibus verum censeretur hoc axioma, *in dubio tutior pars eligenda est.*

Dico tertio decimò, illam conscientiam esse dubiã, quando intellectus neutri parti assentitur, sed fluctuans in æquilibrio manet, vel ex ignorantia iuris, vel ex ignorantia facti, vel ex diuersis authorum opinionibus. Ignorantia iuris est quando v. g. aliquis ignorat, an mendacium sit licitum: ignorantia autem facti est quando aliquis dubitat an tale verbum sit mendacium. Conscientia potest esse dubia, vel speculatiuè, vel practice. Est dubia speculatiuè, quando quis dubitat in genere, an aliquid licitum sit vel illicitum: est dubia practice, quando quis in ipso exercitio dubitat, an talis actus in particulari sit licitus: quando miles v. g. dubitat an bellum in se sit licitum, conscientia est speculatiuè dubia; quando verò dubitat an hoc bellum in quo est, sit licitum, est dubia practice. Debet regulariter conformari iudicium practicum iudicio speculatiuo intellectus, nisi aliqua ratio adueniat in obiecto, propter quam obiectum varietur; sic qui cognoscit in genere, furtum esse illicitum, debet scire hic & nunc non licere furari; qui tamen scit furtum esse illicitum, iudicare potest, licitum esse surripere rem alienam in extrema necessitate. Nunquam licet agere ex conscientia practice dubia, id est, dubitante, an hoc sit hic & nunc licitum; sed determinatè debet intellectus dictare, hoc mihi licet: primò, quia qui sic ageret in humanis, frangeret leges amicitia; secundò, quia qui sic agit, se exponit peccandi periculo, quod est male operari; tertio, quia voluntas non potest dici à ratione dirigi, quamdiu ratio non se determinat ad alterutram partem. Peccat ergo qui agit ex conscientia practice dubia; peccat, inquam, tali peccato, quale est dubium; id est, si dubitat an peccatum sit mortale aut veniale, an sit peccatum furti, vel homicidij; contrahitur huiusmodi peccatum. Debet ergo dubium deponi antequam fiat actio: hoc est debet intellectus ad alterutram partem se determinare ratione aliqua. Quod si occurrant duo præcepta

pra impossibilia, vt audire sacrum, vel moribundo assistere; examinandum est quodnam magis obliget, & illud debet praeligi, deposito dubio: Si vnde quaque sit periculum peccandi quod vitari non potest, eligatur quod apparet minus, ait Gregor. 23. Moral. & tunc non eligitur malum vt malum est, sed vt minus malum, & idcò vt bonum. Si denique sit æquale periculum peccandi æqualiter, nec possit dubium deponi, attamen necessarium sit alterutrum agere, vtrumque licitum est; & adueniente bona fide, quis non peccabit, cum faciat in tali euentu quod in se est. Aliquando licet operari ex conscientia speculatiuè dubia, quando practicè ad vnum est determinata; quia regula voluntatis non est scientia speculatiua, sed iudicium practicum intellectus: sic aliquis potest dubitare speculatiuè, an bellum hoc sit iustum; & esse certus practicè, quod sibi liceat certare in tali bello, cum sciat non suum esse iudicare de iustitia belli, sed debere Principi obedire, donec appareat de belli iniustitia, & ibi est certitudo practica cum dubitatione speculatiua. Quando quis dubitat speculatiuè de honestate alicuius actionis, & postquam consuluit Iurisperitos, si res spectet ad dispositionem iuris, vel inquisiuit consuetudines locorum, si pertineat ad ius particulare loci; vel denique interrogauit Doctores Ecclesiasticos in rebus morum vel fidei, & nondum apparere possit de honestate actionis, illa actio omittenda est.

Dico vltimò, in hoc differre conscientiam probabilem & scrupulosam; quòd illa fundamenta habeat rationabilia suæ probabilitatis, v.g. authores famæ, vel rationem aliquam firmam; ista verò fundatur tantum in suspitione orta ex leuibus fundamentis & motiuis. Nomen scrupuli per metaphoram desumitur à paruo quodam lapillo in calceo pedem urgente, qui ob hoc scrupulus dicitur. Ille conscientiam dicitur habere scrupulosam, qui licet practicè iudicet aliquid sibi esse licitum, speculatiuè tamen timet & dubitat ex leuibus fundamentis, nè illicitum sit. Licet bonum sit scrupulosam conscientiam deponere, antequam fiat actio de qua habetur scrupulus; potest tamen actio illa benè fieri, manente scrupulo: Ratio est, quia hic scrupulus non inducit dubitationem practicam, sed tantum speculatiuam,

qrtam

ortam ex leui motiuo: cum ergo iudicium practicum distans aliquid esse bonum, habeat rationabile fundamentum, & iudicium speculatiuum, distans illud non esse bonum, nitatur leui fundamento; qui sequitur iudicium illud practicum, censetur benè & prudenter agere, piaferendo firmum motiuum leui fundamento: si tamen scrupulus ille deponi queat, deponendus est. Scrupuli suboriuntur communiter ex melancholia, qua homo in omnibus timidus efficitur: ex ignorantia, qua stante, non potest verum à falso discerni: ex suggestionem diaboli angustias inducentis in animam, vt pax interior perturbetur: ex ieiunijs nimijs, vigilijs, & alijs corporis macerationibus, quæ cerebrum exsiccentes, iudicium perturbant, ex conuersatione cum scrupulosis; denique ex superbia, quam Deus punire intendens, subortum scrupulorum & anxietatis animæ permittit. Inter alia scrupulorum remedia, vtilissimum est, vt ille qui scrupulis torquetur; primò Deum frequenter oret, ad implorandum ipsius auxilium: secundò, vt cum omni mentis humilitate has animi molestias acceptet, indignum se reputans, qui conscientia serenitate perfruatur, ob sua peccata, & neglectum gratia: tertio, vt deponat suum iudicium, & non obstantibus suis ratiocinationibus, se humiliter submittat iudicio docti & probi Confessarij.

T R A C T A T V S.

De Legibus, & de pœnis Ecclesiasticis contra infractores legum; seu de Censuris.

DVplicem habemus regulam, cui conformari debent actus humani, quarum prima est interna, scilicet conscientia; alia verò est externa, nempe Lex, quæ faciendæ præcipit, & prohibet vitanda. Postquam ergo de actibus humanis in bonum dirigibilibus, & de conscientia, quæ est ipsorum, directiua intrinsecè, dictum est; non ineptè agendum venit de Legibus, quæ ipsosmet humanos actus extrinsecè regulant, acturi postea de Censuris, quæ sunt certæ quædam pœnæ inflictæ ab Ecclesia in suarum legum infractores. Hoc fiet in tribus Disputationibus; quarum vna erit de Legibus in genere, secunda
de

de Legibus in specie, tertia de Censuris, vbi & de Irregularitate.

DISPUTATIO PRIMA.

De Legibus.

Nomen Lègis vel à *ligando* habetur, in quantum homines ad aliquid obligantur per legem, vel à *legendo*, quia lex editur & scribitur, vt sapius legatur ad instructionem subditorum; vel denique à *deligendo*, quatenus docet quæ sunt diligenda & eligenda. Videamus aliquid de Legibus in communi.

QVÆSTIO PRIMA.

Quid sit Lex?

Nec de existentia, nec de vtilitate legis vllus dubitare potest; quantum enim ad existentiam, constat ab orbe condito datas fuisse leges & Angelis & hominibus; imò ab æterno erant idæ quædam in mente diuina existentes, ad quas Deus tanquam ad certas leges respiciens, in tempore omnia creauit, & ordinauit, & conduxit, sicut decreuerat ab æterno. Quoad legum vtilitatem, clarius adhuc est; quomodo enim sine legibus posset humana societas subsistere; nisi per leges improborum malitia refrænaretur, & excitaretur bonorum labor & virtus; Agendum est ergo solum de ipsa Legum definitione, & quæ sit illarum diuisio.

CONCLUSIO.

Lex est regula quædam perseverans: indita vel præscripta ab eo qui potestatem habet obligandi communitatem, in cuius vtilitatem cedit, actiones humanas conducens in bonum & auertens à malo, sufficienter promulgata. Dicitur primò, *regula*: quia actus humani diriguntur per legem: sed an illa regula sit actus intellectus aut voluntatis, controuertuntur Doctores: Thomistæ enim volunt legem ad intellectum pertinere; Scotistæ verò melius illam ad

lis promulgentur per iudicium naturale quod possident, quo iudicant naturaliter Deum esse colendum, parentes honorandos, &c. positivæ verò externam requirant promulgationem.

QVÆSTIO II.

Quotuplex sit Lex?

Aliter respondent Iuristæ, aliter Theologi: Illius cum lege confundentes, ipsum diuidunt in ius naturale, ius gentium, & ius ciuile. Ius naturale est illud, quod est commune & brutis & hominibus, vt procreatio proles, coniunctio maris & foeminae. Ius gentium est illud quod est propositum solis hominibus, & illis ferè omnibus commune est, vt cultus erga Deum, honor erga parentes, vim vi repellendi licentia, &c. Ius ciuile est illud quod est proprium aequi regno, seu reipublice; vt v. g. ius Atheniensium, ius Lacedæmonum, ius Gallorum; sed præsertim ius Romanorum nomine iuris ciuilis simpliciter gaudet. Quoad Theologos, alio modo leges diuidunt, quod explicabit

CONCLUSIO.

Lex primò diuiditur in legem naturalem & positivam. Lex naturalis subdividitur in legem naturalem sacram, moralem, & politicam. Lex positiva in legem æternam, diuinam, & humanam.

Lex naturalis est iudicium naturale, quo ratio nobis dictat bonum esse faciendum, & malum fugiendum. Ex illo principio practico multa alia deducuntur, quorum alia sunt faciliora, alia difficiliora. Quòd si illa principia practica quæ dictantur à iudicio naturali, Deum respiciant, ad legem naturalem sacram pertinent; vt v. g. quando lex naturalis dictat Deum esse colendum & cum summa humilitate adorandum. Si illa principia præscribant homini modum, quo debeat mores componere in ordine ad finem vltimum, spectant ad legem naturalem moralem: Si denique illa principia lumine naturali cognita dirigant hominem in ordine ad societatem communem, legem naturalem politicam concernunt.

per

per quam v. g. vir & vxor sibi mutuam fidem seruate debent, ad prolis educationem & instructionem tenentur parentes, filij ad parentum reuerentiam, Reges ad conseruationem legatorum alterius principis, ciues permanere debent in facta agrorum diuisione, &c.

Lex positiua est ea quæ præscribitur à legislatore; & hæc, vt diximus, duplex est, diuina & humana; Lex enim æterna, quæ nihil aliud est, quàm decretum Dei æternum, quo statuit homines & Angelos, sic esse in tempore regulandos, non est propriè Lex; ab æterno enim non sunt subditi, & Lex dicitur per respectum ad subditos; vnde si vocetur Lex, hoc est, quia est regula practica, non actu, sed aptitudine. Lex positiua diuina est, ea quam Deus præscripsit ratione videntibus, illis tradens modum quo possint peruenire ad cœlestem beatitudinem, quæ est finis hominis. Deus illam dedit vel per se, vt in nouo Testamento, in quo Deus homo factus multa præcepit quæ legem gratiæ integrant: vel illam contulit Angelorum ope, vt Lex vetus, quam Deus dedit Moyfi in summitate montis Sinai per Angelos tradentes eam nomine Dei. Lex positiua humana est regula quædam præscripta ab homine habente publicam authoritatem, præscribens subditis aliquid faciendum, vel prohibens aliud. Alia est lex Ecclesiastica, quæ ad bonum supernaturale dirigit; alia est civilis, quæ tendit in bonum naturale. De his omnibus dicere conabimur.

QVÆSTIO VI.

*De materia, proprietatibus, fine, & affectibus
Legis?*

Quantum ad materiam legis; quæstio potest intelligi, vel de materia *in qua*; idest, de subiecto in quo lex residet; vel de materia *circa quam* leges versantur.

CONCLUSIO PRIMÆ.

Materia *in qua*, seu subiectum in quo primariò leges resident, est intellectus antecedenter, & formaliter voluntas; quando enim superior aliquis legem condere intendit, cognoscit primò id quod statuere vult, an scilicet sit bonum & utile, & illud iudicium est in intellectu; deinde præscribit suis inferioribus id quod sibi congruum & illis utile videtur, in quo stat formalis ratio legis; & hoc decretum in voluntate, tanquam in suo subiecto, remanet: & sic materia *in qua* legis, saltem primaria est intellectus & voluntas legislatoris. Legis materia secunda *in qua*, est, vox, tabula, liber, scriptura, & alia id genus: postquam enim leges stabilitæ sunt in mente legislatoris, vt habent suam essentiam, non physicam, sed moralem, quæ consistit in vi obligatiua, debent inferioribus manifestari per talia instrumenta: Materia denique *circa quam* versantur leges, sunt actiones humanæ, quæ sub legem cadunt, vt bonæ fiant, & declinent à malo.

CONCLUSIO SECUNDA.

Tres assignantur communiter proprietates legis, nimirum autoritas, veritas & bonitas; lex enim habet principium, formam & finem. Ratione principij condentis legem, debetur legi autoritas; quia nullus potest legem edere, nisi autoritate pollear. Ratione formæ, debetur legi veritas, seu restitudo; nam lex iniusta non est lex, sed tyrannis. Ratione finis, legi debetur bonitas, quia lex non ordinatur nisi in bonum commune hominum, & in bonum particulare Dei; si enim quærat, quare punitur Petrus; aptè respondetur, vt obseruetur lex, si secundò quærat, qualem talem punitionem lex præscribit? meritò, dicitur propter bonum communitatis, quæ detrimentum pateretur, & non puniretur malefactores; si perquiratur vltèrius, propter quod est bonum communitatis? hoc est, propter bonum Dei, qui est omnium creatorum finis vltimus. Per hoc patet responsio ad tertiam partem tituli quæstionis,

nimirum de fine legis, qui alius non est, quam rei-
publ. utilitas.

CONCLUSIO TERTIA.

Effectus legis duplex est. Primo obligat, & se-
cundo nata est subdito reddere bonos. Quod
leges naturæ sint reddere subditos bonos; hoc intel-
ligitur de lege morali, quæ instituitur ad mores com-
ponendos: si aliquando subditi boni non efficiantur
per legem, imò fiant præuicinatores hoc; est per acci-
dens, contra naturam legis & legislatoris intentio-
nem. Quod etiam leges obligent subditos; constat;
quia essentia moralis legis est, quod obliget, & illa
obligatio duplex est, vna sub peccato, seu in foro in-
terno; alia sub pœna temporali, seu in foro externo.
Obligatio legis supponit promulgationem, vt dixi-
mus; nullus enim tenetur ad id quod ignorat, nec
scire potest; non est autem necesse, vt lex obliget,
maximè in foro externo, quod singulis intimetur;
sed sufficit, quod illius publicatio fiat in singulis Pro-
uincijs regni; non obligat tamen in conscientia, nisi
eos ad quorum aures peruenit, sed pro tunc ignoran-
tia excusat, modò non fuerit crassa & vincibilis;
ita quod subditus talem legem audire potuerit &
debuerit, assistendo, v. g. missis parochialibus in
quibus proclamantur præcepta Ecclesiæ, maximè cir-
ca festa & ieiunia. Quoad legis receptionem à sub-
ditis, hoc non requiritur; legislator enim vim
obligandi habet independentem à populo, & popu-
lus maiori authoritate polleret, si legem principis
posset impedire: si tamen non fuit in usu per de-
cennium, censetur abrogata per desuetudinem,
modo cesus observandi legem aliquoties aduenerit
intra illud tempus.

QVÆSTIO IV.

Quis leges condere valeat?

Constat quidem, patrem posse imponere præce-
pta suis liberis, maritum suæ uxori, dominum
suis seruis aut famulis, sicut & iudices inferiores
intra terminos suæ iurisdictionis; quia omnes illi
habent

habent potestatem æconomicam : cum tamen non habeant potestatem publicam , nec iurisdictionem vniuersalem super omnia membra reipublicæ , leges propriè dictas instituere nequeunt ; nam legislatio est præcipuus actus , quo gubernatur respublica : ergo fieri tantum potest ab eo qui auctoritate pollet publica super rempublicam ; idèò erit .

CONCLUSIO.

Ille tantum habet auctoritatem condendi leges , qui iurisdictionem publicam habet , qualem habet Deus super Angelos & homines , summus Pontifex in omnes Christianos . Respublica in suos ciues , & Reges in suos subditos . Deus habet à seipso suam auctoritatem , Pontifex immediatè à Deo , & Reges iure successiuo , vel electionis ; cum enim communitas seu respublica sit corpus quoddam liberum , habet naturaliter ius regendi seipsam , unde vel tale ius sibi reseruare potest , vel in alium transferre sine limitatione , vel cum limitatione . Ex hoc multa sequuntur .

Primò ; Summus Pontifex potest leges Ecclesiasticas instituere in toto orbe Christiano , Christus enim absolutè dixit Petro , *Quodcumque ligaueris super terram , erit ligatum & in cælis* , &c. Quantum ad leges ciuiles & politicas , nullas potest ferre , nisi in suo territorio , in quo potestatem politicam & Ecclesiasticam in eadem persona coniungit . Sic dicendum est de Archiepiscopis & Episcopis in suis Diæcesibus , & de Cardinalibus in subditos dependentes ab Ecclesia sui tituli . Concilia generalia si fiant auctoritate Summi Pontificis , leges vniuersales totam Ecclesiam obligantes instituere possunt ; & hoc iuxta potestatem illis traditam , & non amplius . Quod si celebrentur independenter ab illo , talem potestatem non habent ; Christus enim non dedit illam potestatem cœtui Ecclesiæ sine capite , sed Petro ; *Quacumque ligaueris* , &c. Concilia Nationalia , quæ fiunt auctoritatè Primatis vel Archiepiscopi , præsentibus Episcopis nationis , non possunt concedere leges , quæ obligent extra nationem ; sicut nec Prouincialia extra prouinciam ; nisi hæc Concilia generaliter approbet Summus Pontifex , & satis declare

se velle vt tales leges ad totam Ecclesiam se extēdāt. Quoad Generales Ordinum, leges condere possunt in Capitulo Generali, sicut & Prouiciales in Prouinciali, in his scilicet quæ obseruantia regulæ spectāt

Secundò, Imperator legitimè electus p̄cressatē obtinet condendi leges, in regnis & prouincijs sibi subditis tantum. Dixi, *Legitimè electus*, quia si per viam iniustam & illegitimam imperium inuaserit, deest illi iusta autoritas, quæ ad cōdendas leges requiritur, nisi paulatim populi consentiant; & ablata fuerit potestas legitimi Superioris, v.g. per mortē eius, & hæredū legitimorum carentiam, in quorum præiudicium nihil prodest subditorum cōsensus in fauorem vsurpatoris. Adiunxi, *In suis prouincijs tantum*; obligare enim potest tantum subditos: vnde si vocetur, v. g. Imperator Occidentis, non est quod ius habeat in omnia Occidentis regna; sed idē taliter vocatur, quia est Imperator in Occidente, & aliquam præcedentiam habet in Concilijs ante alios reges & præfides.

Tertiò, Reges in suis regnis leges ciuiles & politicas ferre possunt; habent enim authoritatem publicam in suos subditos, sicque ius habent dirigendi illos & legibus coercendi. Sic dicendum est de alijs supremis principibus, qui in iurisdictione temporali superiorem non agnoscunt. Regina etiam regni dominæ leges possunt ferre; quia potestatem regiam habent; vnde si in lege habeatur, quod foemina remota sint ab omnibus officijs publicis & ciuilibus; hoc verum est de foeminis ordinarijs, quæ publicam iurisdictionem non habent. An contractio Matrimonio reginæ cum aliquo, stet potestas condendi leges apud reginam vel regem, quando iure hæreditario dominium pertinet ad reginam; controuertuntur Doctores, quorum maior pars sustinet remanere apud reginam; nec Matrimonium transferre dominium regni in maritum, nec tale ius posse dari in dotem, nec alienari posse. Quòd si vir sit caput mulieris, & mulier sit sub illius potestate; hoc est, quantum ad vsum matrimonij, seu quantum ad œconomicum regimen familiaris; non verò quantum ad ius regium, & politicam administrationem regni.

Quartò, communitates perfectæ, quæ respublicæ vocantur, leges statuere possunt; ipsis enim competit suprema authoritas, quam vel apud se conseruant, aut

aut magnatibus, aut duci transferunt, aut denique mediam faciunt inter ducem & ciues: ita ut nec dux sine communitate, nec communitas sine duce leges statuere possint, seu caput cum membris. Est autem magna differentia inter duces illos qui regulariter præfunt istis rebus publicis, & reges qui suis subditis dominantur; quod tales duces in sua potestate limitati sint, tum quoad terminum, tum quoad qualitatem authoritatis; reges verò plenariam, ut plurimum, habeant authoritatem, & præsertim Rex noster Christianissimus, qui in omnibus, quæ iusta sunt, plenissimum habet imperium, & de omnibus quæ agit nullam aliam affert rationem, nisi solummodò hæc verba, *talis est voluntas nostra*. Porro, licet subditi authoritatem dederint suis principibus, illam tamen pro libito reuocare nequeunt; quia illam subditi concesserunt in perpetuum, & hoc repugnaret paci & tranquillitati regnorum, frequenterque motus & seditiones excitaret.

QVÆSTIO V.

Qui Legibus subijci possint?

Quantum ad legem naturalem & diuinam, omnes omnino homines, siue etiam sint iustissimi, illis subiiciuntur, quicquid dicant Lutherus & Caluinus, putantes iustos & probos viros nulla lege, diuina aut humana constringi; quantum ad reatum & imputationem, modò habeant singularem fiduciam in Deum, & credant se esse iustos, licet multa peccata commiserint; quia, inquit, *iustus non est lex posita*. Sed hoc est directè contra D. Paulum Roman. 13. *Omnis anima potestatibus sublimioribus subdita sit*; & Hebr. ult. *Obedite præpositis vestris*. Si ergo idem Apostolus 1. Timoth. 1. dicat, *iustus non est lex posita*; id est, iustus non indiget coactione legis, sed obedire paratus est ex solo Dei amore. Non est ergo nobis quæstio de subiectione hominum, respectu legis diuinæ aut naturalis; sed respectu legis humanæ, siue sit ciuilis, siue Ecclesiastica; ubi difficultas esse potest respectu regum, infidelium, amentium, puerorum, indigenarum & peregrinorum.

CONCLUSIO PRIMA.

P Rincipes seculares aut Ecclesiastici non tenentur ex vi coactiua ad seruandas leges quas ipsi , aut predecessores condiderunt ; sed tenentur ex vi directiua ad illarum obseruantiam . Non tenentur primò ad illas ex vi coactiua ; quia lex obligat tantum subditos , & nullus est sibi subditus ; deinde , actus legislatorius inuoluit iurisdictionem , & nullus in se habet iurisdictionē , al às esset simul dominus & subditus ; tandem , hoc habetur in lege , *princeps , de legibus* , ubi dicitur , *Princeps legibus solutus est* : tenentur tamen legibus contractuum , quia in contrahendo agunt potius personam priuatam , quàm publicam . Tenentur secundò ad obseruationem legis ex vi directiua , & æquitate fundata in iure naturæ ; quia debent alios suo exemplo mouere , & magis excitant facta , quàm dicta : Deinde , caput debet se conformare membris . Terriò , non videtur leges obseruari posse , quando publicè à legislatore videntur violari . Quartiò , quia absurdum est , vt princeps aliter agat , & aliter iubeat actiones fieri . Quintò denique , quia Christus Matth. 23. arguit illos *qui dicunt , & non faciunt* . Dum ergo dicit lex , solum esse Principem à legibus : hoc verum est directè & formaliter ex vi illarum legum , quatenus ab illo lata sunt ; falsum est verò indirectè & mediatè , nimirum ex vi iuris naturalis , quatenus ex ipso , si non teneantur ad leges ex vi coactiua , in quantum non subiacent pœnis latis contra transgressores legum , tenentur tamen ex vi directiua ad illarum obseruationem , propter rationes allatas . Si quæratur , an legislatore peccet mortaliter , dum suas leges non obseruant : Ad hoc respondent primò omnes , ipsos peccare reuerà non seruando leges taxantes pretia rerum : quia de iure naturæ est , ne res pluris vendatur , aut minoris ematur , quàm valet communiter ; tantum autem præsumitur valere , quantum per legem determinatur . Idem dicendum est de contractibus , in quibus debet esse æqualitas ex utraque parte contrahentium , & sic leges de contractibus obseruare debent sub peccato . Respondetur secundò , principes legem ferentes non teneri ad eas leges , quæ non habent materiam vniuersalem , nec principi accom-

mo-

modatam; sic quando prohibent, ne quis arma deferat, aut palatium ingrediatur cum ense, vel ceruos venetur in sylua, ad talia non tenentur; hoc est enim contra maiestatem & auctoritatem principis. Respondent aliqui, legislatorem non peccare, dum legem infringit, quæ materiam habet vniuersalem & legislatori accommodatam, vt quando Papa non ieiunat, non recitat horas, aut committit simoniam, iuris tantum humani; sed longè melius tenent alij, ipsum peccare, non quidem directè ex efficacia propria legis, quia non potest se directè obligare, cum habeat in se directam iurisdictionem; sed indirectè, in quantum lex à seipso lata, est conditio, quæ posita, lex naturæ obligat principem ad præstandum id quod alij præscripsit.

CONCLUSIO SECUNDA.

PVeri vsu rationis carentes nullis legibus tenentur; ligantur tamen legibus ebrij, amentes, dormientes, & legem inuincibiliter ignorantes: Infideles verò & Catechumeni illis nullo modo subiiciuntur. Probaturs prima pars de pueris, quia leges imponuntur illis tantum, qui possunt eas intelligere; ipsique præbere obedientiam; hoc autem fallum est de pueris vsu rationis carentibus, ergo legibus non subiiciuntur: vnde tempore ieiunij possunt vti carnibus; & adulti possunt illis carnes porrigere, modò non sit specialis prohibitio Ecclesiæ, quæ viget in Gallia; possunt etiam sacris interesse tempore interdicti: quod si priuentur sepultura Ecclesiastica, illo durante; hoc est in pœnam aliorum, vel ob incapacitatem loci; possunt etiam introduci in Monasteria Monialium; seclusa speciali prohibitione; vnde si Concilium Tridentinum excommunicationem pronuntiet in introducentes personas alterius sexus; intelligitur de personis ratione pollentibus. Probaturs secunda pars; quia licet ebrij, amentes, dormientes, & legem ignorantes nequeant per accidens intelligere legem, nec illam obseruare ex accidenti: per se tamen afficiuntur legibus, legesque ad illos, velut ad subditos diriguntur per se, quia de se sunt vsu rationis capaces: non peccant tamen actu, defectu aduertentiæ; sed quis illis porrigeret carnes tempore ieiunij, peccaret.

lis promulgentur per iudicium naturale quod possident, quo iudicant naturaliter Deum esse colendum, parentes honorandos, &c. positivæ verò externam requirant promulgationem.

QVÆSTIO II.

Quotuplex sit Lex?

Aliter respondent Iuristæ, aliter Theologi. Illi ius cum lege confundentes, ipsum diuidunt in ius naturale, ius gentium, & ius ciuile. Ius naturale est illud, quod est commune & brutis & hominibus, vt procreatio prolis, conjunctio maris & foeminae. Ius gentium est illud quod est propositum solis hominibus, & illis ferè omnibus commune est, vt cultus erga Deum, honor erga parentes, vim vi repellendi licentia, &c. Ius ciuile est illud quod est proprium aequi regno, seu reipublice; vt v. g. ius Atheniensium, ius Lacedæmonum, ius Gallorum; sed præsertim ius Romanorum nomine iuris ciuilis simpliciter gaudet. Quoad Theologos, alio modo leges diuidunt, quod explicabit

CONCLUSIO.

LEx primò diuiditur in legem naturalem & positivam. Lex naturalis subdividitur in legem naturalem sacram, moralem, & politicam. Lex positiva in legem æternam, diuinam, & humanam.

Lex naturalis est iudicium naturale, quo ratio nobis dicitur bonum esse faciendum, & malum fugiendum. Ex illo principio pratico multa alia deducuntur, quorum alia sunt faciliora, alia difficiliora. Quòd si illa principia practica quæ distantur à iudicio naturali, Deum respiciant, ad legem naturalem sacram pertinent; vt v. g. quando lex naturalis dicitur Deum esse colendum & cum summa humilitate adorandum. Si illa principia præscribant homini modum, quo debeat mores componere in ordine ad finem vltimum, spectant ad legem naturalem moralem: Si denique illa principia lumine naturali cognita dirigant hominem in ordine ad societatem communem, legem naturalem politicam concernunt.

per

per quam v. g. vir & vxor sibi mutuam fidem seruare debent, ad prolis educationem & instructionem tenentur parentes, filij ad parentum reuerentiam, Reges ad conseruationem legatorum alterius principis, ciues permanere debent in facta agrorum diuisione, &c.

Lex positiua est ea quæ præscribitur à legislatore; & hæc, vt diximus, duplex est, diuina & humana; Lex enim æterna, quæ nihil aliud est, quàm decretum Dei æternum, quo statuit homines & Angelos, sic esse in tempore regulandos, non est propriè Lex; ab æterno enim non sunt subditi, & Lex dicitur per respectum ad subditos; vnde si vocetur Lex, hoc est, quia est regula practica, non actu, sed aptitudine. Lex positiua diuina est, ea quam Deus præscripsit ratione videntibus, illis tradens modum quo possint peruenire ad coelestem beatitudinem, quæ est finis hominis. Deus illam dedit vel per se, vt in nouo Testamento, in quo Deus homo factus multa præcepit quæ legem gratiæ integrant: vel illam contulit Angelorum ope, vt Lex vetus, quam Deus dedit Moyfi in summitate montis Sinai per Angelos tradentes eam nomine Dei. Lex positiua humana est regula quædam præscripta ab homine habente publicam authoritatem, præscribens subditis aliquid faciendum, vel prohibens aliud. Alia est lex Ecclesiastica, quæ ad bonum supernaturale dirigit; alia est civilis, quæ tendit in bonum naturale. De his omnibus dicere conabimur.

QVÆSTIO VI.

*De materia, proprietatibus, fine, & affectibus
Legis?*

Quantum ad materiam legis; quæstio potest intelligi, vel de materia *in qua*; idest, de subiecto in quo lex residet; vel de materia *circa quam* leges versantur.

CONCLUSIO PRIMA.

Materia *in qua*, seu subiectum in quo primario leges resident, est intellectus antecedenter, & formaliter voluntas; quando enim superior aliquis legem condere intendit, cognoscit primò id quod statuere vult, an scilicet sit bonum & utile, & illud iudicium est in intellectu; deinde præscribit suis inferioribus id quod sibi congruum & illis utile videtur, in quo stat formalis ratio legis; & hoc decretum in voluntate, tanquam in suo subiecto, remanet: & sic materia *in qua* legis, saltem primaria est intellectus & voluntas legislatoris. Legis materia, secundaria *in qua*, est, vox, tabula, liber, scriptura, & alia id genus: postquam enim leges stabilitæ sunt in mente legislatoris, vt habent suam essentiam, non physicam, sed moralem, quæ consistit in vi obligatiua, debent inferioribus manifestari per talia instrumenta. Materia denique *circa quam* versantur leges, sunt actiones humanæ, quæ sub legem cadunt, vt bonæ fiant, & declinent à malo.

CONCLUSIO SECUNDA.

Tres assignantur communiter proprietates legis, nimirum authoritas, veritas & bonitas; lex enim habet principium, formam & finem. Ratione principij condentis legem, debetur legi authoritas; quia nullus potest legem edere, nisi authoritate polleat. Ratione formæ, debetur legi veritas, seu restitudo; nam lex iniusta non est lex, sed tyrannis. Ratione finis, legi debetur bonitas, quia lex non ordinatur nisi in bonum commune hominum, & in bonum particulare Dei; si enim quærat, quare punitur Petrus; aptè respondetur, vt obseruetur lex, si secundò quærat, qualem talem punitionem lex præscribit? meritò, dicitur propter bonum communitatis, quæ detrimentum pateretur, & non puniretur malefactores; si perquiratur vltèrius, propter quod est bonum communitatis? hoc est, propter bonum Dei, qui est omnium creatorum finis vltimus. Per hoc patet responsio ad tertiam partem tituli quæstionis,

nimirum de fine legis, qui alius non est, quam reipubl. utilitas.

CONCLUSIO TERTIA.

Effectus legis duplex est. Primo obligat, & secundo nata est subditoa reddere bonos. Quod leges naturæ sint reddere subditos bonos; hoc intelligitur de lege morali, quæ instituitur ad mores componendos: si aliquando subditi boni non efficiantur per legem, imò fiant præuicinatores hoc; est per accidens, contra naturam legis & legislatoris intentionem. Quod etiam leges obligent subditos; constat; quia essentia moralis legis est, quod obliget, & illa obligatio duplex est, vna sub peccato, seu in foro interno; alia sub pœna temporali, seu in foro externo. Obligatio legis supponit promulgationem, vt diximus; nullus enim tenetur ad id quod ignorat, nec scire potest; non est autem necesse, vt lex obliget, maxime in foro externo, quod singulis intimetur; sed sufficit, quod illius publicatio fiat in singulis Præuincijs regni; non obligat tamen in conscientia, nisi eos ad quorum aures peruenit, sed pro tunc ignorantia excusat, modò non fuerit crassa & vincibilis; ita quod subditus talem legem audire potuerit & debuerit, assistendo, v.g. missis parochialibus in quibus proclamantur præcepta Ecclesiæ, maxime circa festa & ieiunia. Quoad legis receptionem à subditis, hoc non requiritur; legislator enim vim obligandi habet independentem à populo, & populus maiori authoritate polleret, si legem principis posset impedire: si tamen non fuit in usu per decennium, censetur abrogata per desuetudinem, modo celsus obseruandi legem aliquoties aduenerit intra illud tempus.

QVÆSTIO IV.

Quis leges condere valeat?

Constat quidem, patrem posse imponere præcepta suis liberis, maritum suæ uxori, dominum suis seruis aut famulis, sicut & iudices inferiores intra terminos suæ iurisdictionis; quia omnes illi habent

habent potestatem æconomicam: cum tamen non habeant potestatem publicam, nec iurisdictionem vniuersalem super omnia membra reipublicæ, leges propriè dictas instituere nequeunt; nam legislatio est præcipuus actus, quo gubernatur respublica: ergo fieri tantum potest ab eo qui auctoritate pollet publica super rempublicam; idè erit.

CONCLUSIO.

Ille tantum habet auctoritatem condendi leges, qui iurisdictionem publicam habet, qualem habet Deus super Angelos & homines, summus Pontifex in omnes Christianos. Respublica in suos ciues, & Reges in suos subditos. Deus habet à seipso suam auctoritatem, Pontifex immediatè à Deo, & Reges iure successiuo, vel electionis; cum enim communitas seu respublica sit corpus quoddam liberum, habet naturaliter ius regendi seipsam, vnde vel tale ius sibi reservare potest, vel in alium transferre sine limitatione, vel cum limitatione. Ex hoc multa sequuntur.

Primò; Summus Pontifex potest leges Ecclesiasticas instituere in toto orbe Christiano, Christus enim absolutè dixit Petro, *Quodcumque ligaueris super terram, erit ligatum & in cælis*, &c. Quantum ad leges ciuiles & politicas, nullas potest ferre, nisi in suo territorio, in quo potestatem politicam & Ecclesiasticam in eadem persona coniungit. Sic dicendum est de Archiepiscopis & Episcopis in suis Diæcesibus, & de Cardinalibus in subditos dependentes ab Ecclesia sui tituli. Concilia generalia si fiant auctoritate Summi Pontificis, leges vniuersales totam Ecclesiam obligantes instituere possunt; & hoc iuxta potestatem illis traditam, & non amplius. Quod si celebrentur independenter ab illo, talem potestatem non habent; Christus enim non dedit illam potestatem cœtui Ecclesiæ sine capite, sed Petro; *Quacumque ligaueris*, &c. Concilia Nationalia, quæ fiunt auctoritate Primatis vel Archiepiscopi, præsentibus Episcopis nationis, non possunt concedere leges, quæ obligent extra nationem; sicut nec Prouincialia extra prouinciam; nisi hæc Concilia generaliter approbet Summus Pontifex, & satis declare

se velle vt tales leges ad totam Ecclesiam se extēdāt. Quoad Generales Ordinum, leges condere possunt in Capitulo Generali, sicut & Prouiciales in Prouinciali, in his scilicet quæ obseruantiam regulæ spectāt.

Secundò, Imperator legitimè electus p̄estatem obtinet condendi leges, in regnis & prouincijs sibi subditis tantum. Dixi, *Legitimè electus*, quia si per viam iniustam & illegitimam imperium inuaserit, deest illi iusta autoritas, quæ ad cōdendas leges requiritur, nisi paulatim populi consentiant; & ablata fuerit potestas legitimi Superioris, v. g. per mortē eius, & haredū legitimorum carentiam, in quorum præiudicium nihil prodest subditorum cōsensus in fauorem vsurpatoris. Adiunxi, *In suis prouincijs tantum*; obligare enim potest tantum subditos: vnde si vocetur, v. g. Imperator Occidentis, non est quod ius habeat in omnia Occidentis regna; sed idē taliter vocatur, quia est Imperator in Occidente, & aliquam præcedentiam habet in Concilijs ante alios reges & præfides.

Tertiò, Reges in suis regnis leges ciuiles & politicas ferre possunt; habent enim auctoritatem publicam in suos subditos, sicque ius habent dirigendi illos & legibus coercendi. Sic dicendum est de alijs supremis principibus, qui in iurisdictione temporali superiorem non agnoscunt. Regina etiam regni dominæ leges possunt ferre; quia potestatem regiam habent; vnde si in lege habeatur, quod foemina remotæ sint ab omnibus officijs publicis & ciuilibus; hoc verum est de foeminis ordinarijs, quæ publicam iurisdictionem non habent. An contractio Matrimonio reginæ cum aliquo, stet potestas condendi leges apud reginam vel regem, quando iure hareditario dominium pertinet ad reginam; controuertuntur Doctores, quorum maior pars sustinet remanere apud reginam; nec Matrimonium transferre dominium regni in maritum, nec tale ius posse dari in dotem, nec alienari posse. Quod si vir sit caput mulieris, & mulier sit sub illius potestate; hoc est, quantum ad vsum matrimonij, seu quantum ad œconomicum regimen familiaræ; non verò quantum ad ius regium, & politicam administrationem regni.

Quartò, communitates perfectæ, quæ respublicæ vocantur, leges statuere possunt; ipsis enim competit suprema auctoritas, quam vel apud se conseruant, aut

aut magnatibus, aut duci transferunt, aut denique
 mediam faciunt inter ducem & ciues: itant nec dux si-
 ne communitate, nec communitas sine duce leges
 statuere possint, seu caput cum membris. Est autem
 magna differeⁿtia inter duces illos qui regulariter præ-
 sunt istis rebus publicis, & reges qui suis subditis do-
 minantur; quod tales duces in sua potestate limitati
 sint, tum quoad terminum, tum quoad qualitatem
 authoritatis; reges verò plenariam, vt plurimum,
 habeant authoritatem, & præsertim Rex noster Chri-
 stianissimus, qui in omnibus, quæ iusta sunt, ple-
 nissimum habet imperium, & de omnibus quæ agit
 nullam aliam affert rationem, nisi solummodò hæc
 verba, *talis est voluntas nostra*. Porro, licet subditi au-
 thoritatem dederint suis principibus, illam tamen
 pro libito reuocare nequeunt; quia illam subditi
 concesserunt in perpetuum, & hoc repugnaret paci
 & tranquillitati regnorum, frequenterque motus &
 seditiones excitaret.

QVÆSTIO V.

Qui Legibus sub-ijci possint?

Quantum ad legem naturalem & diuinam, om-
 nes omninò homines, siue etiam sint iustissi-
 mi, illis subiiciuntur, quicquid dicant Luth-
 rus & Caluinus, putantes iustos & probos viros nul-
 la lege, diuina aut humana constringi; quantum ad
 reatum & imputationem, modò habeant singularem
 fiduciam in Deum, & credant se esse iustos, licet
 multa peccata commiserint; quia, inquit, *iusto*
non est lex posita. Sed hoc est directè contra D. Pau-
 lum Roman. 13. *Omnis anima potestatibus sublimiori-*
bus subdita sit; & Hebr. vlt. *Obedite præpositis vestris*.
 Si ergo idem Apostolus 1. Timorh. 1. dicat, *iusto*
non est lex posita; id est, iustus non indiget coactione
 legis, sed obedire paratus est ex solo Dei amore.
 Non est ergo nobis quæstio de subiectione hominum,
 respectu legis diuinæ aut naturalis; sed respectu le-
 gis humanæ, siue sit ciuilis, siue Ecclesiastica; vbi
 difficultas esse potest respectu regum, infidelium,
 amentium, puerorum, indigenarum & peregrino-
 rum.

modatam; sic quando prohibent, ne quis arma deferat, aut palatium ingrediatur cum ense, vel ceruos venetur in sylua, ad talia non tenentur; hoc est enim contra maiestatem & auctoritatem principis. Respondent aliqui, legislatorem non peccare, dum legem infringit, quæ materiam habet vniuersalem & legislatori accommodatam, vt quando Papa non ieiunat, non recitat horas, aut committit simoniam, iuris tantum humani; sed longè melius tenent alij, ipsum peccare, non quidem directè ex efficacia propria legis, quia non potest se directè obligare, cum habeat in se directam iurisdictionem; sed indirectè, in quantum lex à seipso lata, est conditio, quæ posita, lex naturæ obligat principem ad præstandum id quod alijs præscripsit.

CONCLUSIO SECUNDA.

PVeri vsu rationis carentes nullis legibus tenentur; ligantur tamen legibus ebrij, amentes, dormientes, & legem inuincibiliter ignorantes: Infideles verò & Catechumeni illis nullo modo subiiciuntur. Probatur prima pars de pueris, quia leges imponuntur illis tantum, qui possunt eas intelligere; ipsique præbere obedientiam; hoc autem fallum est de pueris vsu rationis carentibus, ergo legibus non subiiciuntur: vnde tempore ieiunij possunt vti carnibus; & adulti possunt illis carnes porrigere, modò non sit specialis prohibitio Ecclesiæ, quæ viget in Gallia; possunt etiam sacris interesse tempore interdicti: quod si priuentur sepultura Ecclesiastica, illo durante; hoc est in pœnam aliorum, vel ob incapacitatem loci; possunt etiam introduci in Monasteria Monialium; seclusa speciali prohibitione; vnde si Concilium Tridentinum excommunicationem pronuntiet in introducentes personas alterius sexus; intelligitur de personis ratione pollentibus. Probatur secunda pars; quia licet ebrij, amentes, dormientes, & legem ignorantes nequeant per accidens intelligere legem, nec illam obseruare ex accidenti: per se tamen afficiuntur legibus, legesque ad illos, velut ad subditos diriguntur per se, quia de se sunt vsu rationis capaces: non peccant tamen actu, defectu aduertentiæ; sed quis illis porrigeret carnes tempore ieiunij, peccaret

ret mortaliter; quia concurreret ad actionem materialiter malam; sicque illas administrans peccaret formaliter; non verò ebrij aut amentes illis vtendo, ob defectum aduertentiæ. Tertia pars euidentis est pro Infidelibus & Cathecumenis; non sunt enim subditi Ecclesiæ: ergo nec ligari possunt legibus Ecclesiasticis, vnde non peccant manducando carnes in ieiunio Ecclesiæ, nec illi qui eas administrarent ipsis, quia nō concurrunt ad actionem malam formaliter aut materialiter; peccarent tamen qui alimenta verita porrigerent hæreticis, quia ratione Baptismi subditi sunt Ecclesiæ.

CONCLUSIO TERTIA.

CLerici primò non subiiciuntur Principium sæcularium authoritati in causis Ecclesiasticis; idest, in illis causis quæ non pendent ex legibus ciuilibus, sed ex Euangelio, aut Concilijs, aut Pontificum Constitutionibus. Hoc asserit Iustinianus Nouella. 83. & Concilium Mileuitanum Can. 3. & Matifconense Can. 8. quæ pronuntiant, puniendos esse grauiter Clericos, qui causam Ecclesiasticam ad iudicium Imperatoris deferunt. Secundò, clerici nullomodo sunt exempti à legibus ciuilibus quæ non sunt contra libertatem Ecclesiasticam, sed ordinantur ad bonum regimen Reipublicæ; vt cum princeps pretia rebus venalibus constituit, prohibet nè quis noctu cum armis incedat, aut frumentum transferat ad inimicos; nam clerici, præterquam quòd clerici sint, sunt adhuc partes & ciues reipublicæ politicæ, sicque politicas leges obseruare tenentur. Tertiò, Clerici leges ciuiles violando, non possunt regulariter à iudice seculari puniri, ex Tit. de foro competenti, & Tit. de immunitate Ecclesiarum. Sic etiam Iustinianus in Nouellis Constitutionibus 79. 83. & 123. vnde Concilium Agathense Can. 32. habet, *Clericum nullus presumat apud sacularem iudicem, Episcopo non permittente, pulsare.* sic & Concilia Carthag. 3. Can. 9. & Tolet. 3. Can. 13. Dixi, regulariter; nam aliquando contrarium vsitatur per priuilegia, vt in isto regno, vbi vigent immunitates Ecclesiæ Gallicanæ. Quartò, bona clericorum non subiiciuntur regulariter legibus tributarijs; sic in Conc. Lateran. part.

r. c. 19. sic in cap. *Quonquam*, de censibus in 6. & in Tit. de immunitate Ecclesiarum; item ex L. *sancimus de Sacrosanctis Ecclesiis*. Vnde Genes. 47. Ioseph voluit omnes Egyptios certum tributum soluere Pharaoni, exceptis Sacerdotibus, quos immunes ab illis debere esse iudicauit. Hoc intelligitur adhuc, secluso priuilegio; per conventionem enim factam inter summos Pontifices & Reges Galliae, isti exigunt ius reale super quaedam Ecclesiae sui regni bona.

CONCLUSIO QVARTA.

Quando aliquis extra territorium suum versatur, non amplius tenetur legibus sui territorij; modo sint particulares pro illo; Sic habetur cap. *Vt animarum* 2. *Constit. in 6.* Vnde Augustinus Epist. 118. ad Ioan. cap. 2. refert hæc verba Ambrosij, *Cum Romam venio, Sabbato ieiuno; cum Mediolani sum, non ieiuno: sic & tu, ad quamcumque Ecclesiam forte ueneris; morem illius serua, si cuiquam non vis esse scandalo, nec quemquam tibi.* Ratio est, quia lex est quædam regula pro bona gubernatione territorij instituta, quæ proinde non inuoluit subditos in alieno territorio existentes. Ex quo sequitur, delinquentes extra Dioecesim non incurrere censuram annexam delicto in Dioecesi. Sic qui transit è loco in quo festum est, ad alium ubi non festiuatur; potest ibi operari, non ieiunare, & manducare carnes. Quantum verò ad auditionem sacri, aliqui putant, quòd debeat illam præuenire, si exeat eodem mane quo festum agitur; quia, inquit, præceptum audiendi missam non est determinatum ad certam aliquam horam, & sic obligat vt quamprimum impleatur, si postea implendum non est: alij sentiunt nullum ad hoc teneri, quia hoc præceptum non limitatur ad certam horam, sed se extendit vsque ad meridiem; vnde vt obliget, debet quis manere intra illud spatium in loco, ubi festum agitur: primum tutius est, & consulerem in praxi. An ille qui ex territorio suo, ubi ieiunium est, transmeat ad illud ubi non est ieiunium, peccet manducando carnes in isto, quando venit in illud cum animo eximendi se à lege ieiunij; controuertuntur Doctores; Suarez, Sanchez, Basiliius, Pontius.

Bonacina, Lessius, hoc licitum esse tenent; quia cundo ex territorio suo, suo iure vitur, & dum est extra territorium, licite vitur in priuilegio: alij tamen contrarium sentiunt, in quantum talis exitus fit in fraudem legis, & scandalum generare potest; quod peccatum est saltem veniale, & necessario vitandum.

Quantum ad peregrinos & aduenas; tenentur primo legibus generalibus Ecclesie, quae obligant fideles vbicumque sint. Tenentur secundo legibus particularibus loci in quo sunt pro contractibus faciendis; unde contractus facti in tali loco sine formalitatibus, quas talis locus exigit, nulli sunt; sicque vir & mulier manentes in territorio vbi non recipitur Concil. Tridentinum; valide contrahunt in eo sine praesentia Parochi; si contrahant vero vbi receptum est; inualide contrahunt, licet sint in territorio, vbi non recipitur. Tenentur tertio ad pretium taxatum in venditione & emptione, quia est quid sequens naturam contractus. Tenentur quarto legibus particularibus loci in quo sunt, v.g. ieiunio, festis, &c. statim atque ad illum accesserunt cum animo constituendi ibi suum domicilium; animum autem constituendi domicilium alicubi habet ille, qui actu in tali loco inabitat, & intendit ibi manere pro maiori anni parte, aiunt aliqui, vel pro mora notabili, aiunt alij; quod si hoc desit, tales leges non obligant aduenas, nisi ratione scandalum, quod vt vitetur, debet quisque se conformare legibus loci in quo est, iuxta illud Prouerbum, *Cum fueris Roma, &c.* Ex quibus patet, scholares posse & tueri Sacramenta recipere in loco, in quo sunt pro studiis faciendis, licet nondum in eo manserint pro maiori anni parte, modum talem intentionem habeant.

Quantum ad vagos, qui sine certa habitatione huc & illuc diuertunt, tenentur legibus loci in quo sunt; alias nullis ligarentur legibus, cum nullum territorium habeant.

DISPUTATIO SECVNDA.

De qualibet Lege in particulari.

Non pauca remanent dicenda de legibus in genere; sed quia vel de facili intelligi possunt, vel intelligentur ex ijs, quæ sumus dicturi de legibus in specie, quælibet à nobis examinanda remanet.

QVÆSTIO PRIMA.

De Lege naturali.

LEx naturaliter dupliciter sumitur, vel prout est in Deo, estque actus diuini intellectus & diuinæ voluntatis, quo Deus iudicat & vult homines viuere & regulari secundum rationem: vel prout est in nobis, estque actus humanæ mentis, quo iudicamus nos debere viuere conformiter rationi. Ex quo patet, quòd si primo modo sumatur, idem sit lex naturalis, ac pars quædam legis æternæ, quæ se extendit ad omnes creaturas; at lex naturalis tantum creaturas rationales respicit, prout à nobis hic spectatur, vt regulatiua actuum humanorum: secundo modo debemus illam considerare in presenti quæstione.

CONCLUSIO.

LEx naturalis est dictamen rationis practicæ, quo perlumen naturale euidenter cognoscimus faciendâ esse illa, quæ cum ratione conueniunt, & vitanda esse illa quæ rationi aduersantur; & sic ex conuenientia vel disconuenientia rei cum recta ratione oritur essentia legis naturalis, sicut ex conformitate vel difformitate actionis cum lege diuina oritur ratio legis diuinæ. Vnde distinguitur ius naturale à iure gentium, in quantum ius naturale, vt hic à nobis sumitur, conuenit creaturæ rationali, vt sic consideratæ; ius gentium verò competit creaturæ rationali, quatenus in societate ciuili versatur. Quia diximus legem naturalem consistere in conuenientia vel disconuenientia cum ratione; idè licet multa præcipiantur & prohibeantur à Deo quæ sunt de iur-

naturali, citra illam iussione[m] essent semper bona, vel mala: vnde pertinent ad legem naturalem, quatenus sunt conuenientia aut disconuenientia rationi; & ad legem diuinam spectant, prout à Deo expresse præcipiuntur, aut prohibentur.

Primum & generalius principium legis naturalis est, bonum esse prosequendum & malum fugiendum; sicut enim intellectus non potest affectari nisi vero, sic nec voluntas potest aliud prosequi, nisi bonum sit. Ex hoc principio tanquam ex fonte deriuantur ista; *Quid tibi fieri non vis, alteri ne faceris; Deus est colendus, parentes honorandi, vita conseruanda, subleuandi miseri, adulterium vitandum, furtum non est committendum*; & in genere omnia Decalogi præcepta. Licet lex naturalis habeat plura ista principia practica, manet tamen in se vna, vnitatem saltem genericam; in quantum omnia illius præcepta ad generale istud reducuntur, *Bonum est prosequendum & malum fugiendum*; vnde alix dicuntur conclusiones deductæ ex illo principio, quarum alix sunt faciliores, alix difficiliore[s]. Quia autem à principiis communioribus legis naturalis certæ quædam conclusiones sunt remotæ, quæ non possunt elici nisi cum difficultate; ideo dicitur: quod lex naturalis sit vna apud omnes, quantum ad principia communiora & conclusiones faciliores; non tamen sit vna apud omnes, quantum ad singulares conclusiones.

Quod est de iure naturali tantum permissiue, mutari potest, introducendo scilicet contrarium illius, quod natura non præcipit aut prohibet: vnde quia natura permittebat tantum omnia esse communia, & non præcipiebat, ideo potuit fieri agrorum diuisio; potest etiam quis propriam libertatem vendere. Quod autem est de iure naturali positiue præceptum aut prohibitum, mutari non potest manentibus iisdem circumstantiis; quia lex naturalis consistit in rebus ipsis qui habent conuenientiam, vel disconuenientiam cum recta ratione; si autem circumstantiæ rerum non mutantur, semper habent conuenientiam vel disconuenientiam cum ratione: ergo non mutatis circumstantiis, lex naturalis mutari non potest. Si autem circumstantiæ mutantur, mutari potest ad quod aliunde erat de iure naturali: sic li-

cet de iure naturæ honorandi sint parentes, potest hoc mutari, si sint iurati patriæ hostes: licet homicidium prohibeatur, licitum sit, dum patratum auctoritate Dei habentis ius in mortem & vitam; vel auctoritate publica, cui tale ius per commissionem competit in subditos; vel denique ad conseruationem sue propriæ vitæ, quæ aliter conseruari non potest: Licet res aliena restituenda sit domino, non tamen gladius furioso reddendus est; licet furtum prohibeatur, in extrema tamen necessitate constituto permittitur.

Deus non potest dispensare in vlla lege naturali, siue sit in Decalogo, siue extra; dispensare enim est concedere alicui, vt agat contra legem, etiam quatenus obligat: benè autem facere potest Deus, vt mutatis aliquibus circumstantijs, lex naturalis non obliget; sicque quando Deus dispensare videtur in aliquibus præceptis naturalibus; hoc est, quatenus declarat in talibus circumstantijs illa præcepta non obligare. Quando, v. g. lex naturalis prohibet homicidium; hoc est, quando fit priuata auctoritate, non publica, aut diuina, aut in conseruationem suæ propriæ vitæ; sic Deus cum Abrahamo non dispensauit super præceptum, *non occides*; non obligat enim in eo casu vbi homicidium fit auctoritate diuina. Quando etiam iussit Osee, vt adiret mulierem fornicationis, non dispensauit super præceptum, *non mœchaberis*; non iussit enim, vt illam cognosceret ante contractum, sed vt cum illa contraheret. Quando iussit Israelitis, vt auferrent bona Ægyptiorum, non dispensauit super præceptum, *non furtum facies*: non concessit enim vt acciperent bona illorum, tanquam aliena; sed tanquam sibi propria per donationem Dei, qui omnium bonorum Dominus erat, & qui poterat tale dominium transferre ad Israelitas, qui pro toto labore Ægyptijs reddito verbera solum reportauerant. Quando Deus concessit Polygamiā, non dispensauit super legem naturalem, sed abtulit circumstantiam, qua ablata cessat obligatio legis naturalis, nempe inhabilitatem viri; inhabilis est enim, vt tradat dominium sui corporis secundæ vxori, postquam tradidit primæ: Deus autem vt supremus Dominus facit illum de inhabili habilem, permittendo, vt dominium corporis viri sit commune duabus vxori-

naturali, citra illam iussionem essent semper bona, vel mala: vnde pertinent ad legem naturalem, quatenus sunt conuenientia aut disconuenientia rationi; & ad legem diuinam spectant, prout à Deo expressè præcipiuntur, aut prohibentur.

Primum & generalius principium legis naturalis est, bonum esse prosequendum & malum fugiendum; sicut enim intellectus non potest affectiri nisi vero, sic nec voluntas potest aliud prosequi, nisi bonum sit. Ex hoc principio tanquam ex fonte deriuantur ista; *Quid tibi fieri non vis, alteri nè faceris; Deus est colendus, parentes honorandi, vita conseruanda, subleuandi miseri, adulterium vitandum, furtum non est committendum*; & in genere omnia Decalogi præcepta. Licet lex naturalis habeat plura ista principia practica, manet tamen in se vna, vnitatem saltem generica; in quantum omnia illius præcepta ad generale istud reducuntur, *Bonum est prosequendum & malum fugiendum*; vnde aliæ dicuntur conclusiones deductæ ex illo principio, quarum aliæ sunt faciliores, aliæ difficiliore. Quia autem à principijs communioribus legis naturalis certæ quædam conclusiones sunt remotæ, quæ non possunt elici nisi cum difficultate; idè dicitur: quod lex naturalis sit vna apud omnes, quantum ad principia communiora & conclusiones faciliores; non tamen sit vna apud omnes, quantum ad singulares conclusiones.

Quod est de iure naturali tantum permissiue, mutari potest, introducendo scilicet contrarium illius, quod natura non præcipit aut prohibet: vnde quia natura permittebat tantum omnia esse communia, & non præcipiebat, idè potuit fieri agrorum diuisio; potest etiam quis propriam libertatem vendere. Quod autem est de iure naturali positiue præceptum aut prohibitum, mutari non potest manentibus iisdem circumstantijs; quia lex naturalis consistit in rebus ipsis qui habent conuenientiam, vel disconuenientiam cum recta ratione; si autem circumstantiæ rerum non mutantur, semper habent conuenientiam vel disconuenientiam cum ratione: ergo non mutatis circumstantijs, lex naturalis mutari non potest. Si autem circumstantiæ mutantur, mutari potest ad quod aliunde erat de iure naturali: sic li-

cet de iure naturæ honorandi sint parentes, potest hoc mutari, si sint iurati patriæ hostes: licet homicidium prohibeatur, licitum sit, dum patratum auctoritate Dei habentis ius in mortem & vitam; vel auctoritate publica, cui tale ius per commissionem competit in subditos; vel denique ad conseruationem suæ propriæ vitæ, quæ aliter conseruari non potest: Licet res aliena restituenda sit domino, non tamen gladius furioso reddendus est; licet furtum prohibeatur, in extrema tamen necessitate constituto permittitur.

Deus non potest dispensare in vlla lege naturali, siue sit in Decalogo, siue extra; dispensare enim est concedere alicui, vt agat contra legem, etiam quatenus obligat: bene autem facere potest Deus, vt mutatis aliquibus circumstantijs, lex naturalis non obliget; sicque quando Deus dispensare videtur in aliquibus præceptis naturalibus; hoc est, quatenus declarat in talibus circumstantijs illa præcepta non obligare. Quando, v. g. lex naturalis prohibet homicidium; hoc est, quando fit priuata auctoritate, non publica, aut diuina, aut in conseruationem suæ propriæ vitæ; sic Deus cum Abrahamo non dispensauit super præceptum, *non occides*; non obligat enim in eo casu vbi homicidium fit auctoritate diuina. Quando etiam iussit Osee, vt adiret mulierem fornicationis, non dispensauit super præceptum, *non mœchaberis*; non iussit enim, vt illam cognosceret ante contractum, sed vt cum illa contraheret. Quando iussit Israelitis, vt auferrent bona Ægyptiorum, non dispensauit super præceptum, *non furtum facies*: non concessit enim vt acciperent bona illorum, tanquam aliena; sed tanquam sibi propria per donationem Dei, qui omnium bonorum Dominus erat, & qui poterat tale dominium transferre ad Israelitas, qui pro toto labore Ægyptijs reddito verbera solum reportauerant. Quando Deus concessit Polygamiā, non dispensauit super legem naturalem, sed abtulit circumstantiam, qua ablata cessat obligatio legis naturalis, nempe inhabilitatem viri; inhabilis est enim, vt tradat dominium sui corporis secundæ uxori, postquam tradidit primæ: Deus autem vt supremus Dominus facit illum de inhabili habilem, permittendo, vt dominium corporis viri sit commune duabus uxori-

vxoribus; & in hoc casu lex naturalis non obligat, quoniam obligat tantum personas inhabiles. Quando similiter alias vir repudiabat uxorem, Deo permittente, non contradicebat legi naturali; quia lex naturalis prohibebat tantum eiectionem uxoris, & coniunctionem cum alia, stante prioris vinculo; illud autem vinculum dissolvebatur auctoritate diuina, mediante libello repudij, sicut nunc per mortem dissoluitur. Ex his patet, quod Deus non dispenset propriè in lege naturali, sed aduenientibus certis circumstantijs, lex naturalis non obliget.

Idem dicendum est à fortiori de summo Pontifice, quod non dispenset in illis, quæ sunt de lege naturæ, sed aliquando tollit certas circumstantias, quibus ablati, cessat obligatio legis naturalis, quod vocatur dispensare, sed largè, ob rationem antea allatam. Redditio voti, v.g. & impletio iuramenti, sunt de iure naturali, quia supponunt promissionem Deo factam & non relaxatam, & manente illa promissione non relaxata, nec Deus, nec summus Pontifex dispensare possunt, quin impleatur; Deus autem, vel Pontifex eius vices gerens talem promissionem relaxat, & sic cessat obligatio voti reddendi; idem fit apud homines, ubi promissio est de iure naturali adimplenda, quamdiu non relaxatur. Eodem modo dispensare dicitur summus Pontifex supra residentiam pastorum, quæ est de iure diuino naturali, ex Concil. Trid. sess. 23. cap. 1. de *Reform.* non quod dispenset propriè, sed remittit Pastori obligationem residendi nomine Ecclesiæ, cui per pactum ad residendum se addixit, saltem tacitè, suscipiendo curam animarum; sed hoc non debet fieri nisi ob magnam vtilitatem Ecclesiæ, aut grauem necessitatem Pastorum. Pariter agit Ecclesia, quando Matrimonium ratum dissoluit occasione ingressus religionis approbatæ; tollit enim nomine Dei vinculum Matrimonij; & tali vinculo ablato, ille qui antea coniugatus erat, religionem approbatam suscipere potest.

Porro sciendum est, quod licet aliqua legis naturæ præcepta non obligent in certis quibusdam circumstantijs, ut vidimus; sunt tamen aliqua quæ immutabiliter obligant, quibus contradicere nunquam licet, & illa sunt, mendacium, periurium, odium Dei & idolatria.

QVÆSTIO II.

De Lege diuina.

PRæter legem naturalem, quam Deus impressit ita fortiter menti hominum, vt nulla virtute expungi valeat; superaddidit multa præcepta positiua, quæ diuersa fuerunt pro diuersitate statuum, in quibus versati fuerunt homines. In statu innocentiae præceptum fuit Adæ, Euz, & vtriusque posteris, ne manducarent de fructu vetito. In statu legis naturæ viguit præceptum de vsu remedij contra peccatum originale, & de non comedenda carne cum sanguine, Genes. 9. Postea præcepit Circumcisionem familiæ Abrahami. Deinde feligens filios Iacob, seu Israelitas in populum suum tulit illis certam præceptorum congeriem, quæ vocata fuit Lex vetus. Tandem per Filium suum, Legem nouam, seu gratiæ condidit. Diuina meritò dicitur vtraque, quia nomine Dei data est; prima Ministerio Angelorum, & per ipsum Deum hominem factum innotuit secunda. De qualibet dicemus.

CONCLUSIO PRIMA.

Lex vetus fuit bona, sancta, & iusta; contra! Manichæos, volentes ipsam esse malam, non à bono Deo, sed à malo conditam. Nostra conclusio habetur ad Roman. 7. *Lex quidem sancta, & mandatum sanctum, iustum & bonum.* Vbi dicitur *sancta*, propter præcepta cæremonialia; *iusta*, propter iudicialia; & *bona*, propter moralia. Triplex ergo fuit lex vetus; nempe moralis, cuius præcepta generatim continentur in Decalogo: cæremonialis, quæ determinabat ritus & cæremonias, quibus Deus esset colendus; & iudicialis, quæ dictabat quomodo iustitia esset reddenda proximo. Si contra conclusionem habeatur Ezech. 20. *Dedit illis legem non bonam*: hoc est comparatè ad legem Euangelij. Si 1: Corinth. 3. vocatur lex vetus, *Ministratio mortis & damnationis*: hoc est per accidens in quantum præbebat occasionem peccati, non per se, sed ex peruersa hominum inclinatione. qui concupiscentiam legi præferebant, & ob hoc dicit

Paulus

Paulus Rom. 4. *Lex iram operatur*; quod ipsemet explicat, ad Rom. 1. ubi habet, *Occasione accepta*, Si ad Hebr. 3. in Græco idiomate habeatur. *Vetus Testamentum non vacasse culpa*: hoc est, non vacasse defectu; licet enim illa lex fuerit bona & sancta & utilis, quia nos, tanquam Pædagogus, conducebat ad cognitionem faciendorum, non fuit tamen perfecta, quia non conferebat gratiam ex opere operato; unde Paulus ad Galat. 4. vocat ceremonias legis, *infirmas & vacua elementa*. Si dicant Manichæi, Deum permisisse usuram saltem cum Gentilibus, Deuter. 23. *Non fœneraberis fratri tuo, sed alieno*: D. Thomas respondet 2. 2. quæst. 78, permissam fuisse usuram, non quoad forum internum, quasi caruisset peccato; sed quoad forum externum, in quantum non puniebatur: Alij respondent, posita illa permissione D. Iudæos potuisse accipere aliquid supra sortem, non ratione mutui, in quo consistit usura, sed ratione donationis diuinæ, quatenus Deus dabat illis tale auctuarium, cum sit supremus omnium Dominus: & hoc ita fecit Deus, nè Iudæi fratres suos per usuram exhaurirent. Sic permisit libellum repudiij, nè suas vxores, quas repudiare non possent, occiderent: fuit tamen talis libellus licitus, quia Deus suprema autoritate potuit soluere vinculum Matrimonij, vt habetur in quæst. præcedenti. Si addant Manichæi, talem legem fuisse tyrannicam, ob hoc quod habetur Exod. 31. *Oculum pro oculo, dentem pro dente, manum pro manu*: ex hoc concludi tantum potest; quod fuerit feruilis & accommodata statui Iudæorum, qui cum essent serui, debebant deterreri à peccatis metu poenarum. Si denique Matth. 19. declaret Deus se odio habere sacrificia illorum; hoc non erat ratione sacrificij, talia enim præcipiebat; sed ratione offerentium, qui nolebant à peccato abstinere.

Lex vetus, sicut & noua Deum agnoscit authorem: Sic Concil. Trident. Sess. 4. vnde Matth. 4. lex Mosaica vocatur mandatum Dei, *læritum feci tuis mandatum Dei propter traditiones vestras*. Ratio est quia lex Evangelica est finis legis Mosaicæ; & lex Mosaica est medium ad legem Evangelicam disponens, tanquam minus perfectum ad perfectius, & tanquam figura ad veritatem; eiusdem autem est proponere media & finem: ergo idem Deus qui dedit legem

Euan-

Euangelicam, dedit & veterem. Neutram tamen Deus promulgauit per se, sed primam per Angelos ad Galat. 3. *Lex ordinata est per Angelos in manu mediatoris*; id est, Moïsis: & secundam per Christum suum, ad Hebr. 1. *Multifariam, multisque modis olim Deus loquens patribus in Prophetis, nouissime diebus istis locutus est nobis in Filio*. Lex vetus data fuit in monte Sinai die 50. ab egressu filiorum Israel ex Aegypto. Et hoc latè describitur Leuitici 26. Sed notandum est, quod in illo die data fuerit lex vetus quantum ad præcepta moralia contenta in Decalogo, & hoc in summitate montis Synai; præcepta verò iudicialia & ceremonialia data fuerunt in radice montis, successiue per varios dies.

Lex vetus quantum ad obligationem diuersimodè considerari potest; in quantum enim continebat præcepta moralia, ceremonialia, & iudicialia, obligabat solos Iudæos, Deuter. 4. *Quæ est alia gens sic inclinata, ut habeat ceremonias, iustaque iudicia & uniuersam legem?* Psal. etiam 147. *Non fecit taliter omni nationi & iudicia sua non manifestauit eis*. Poterat tamen quilibet gentilis se adiungere populo Dei per Circumcisionem, quæ erat ianua veteris legis, sicut Baptismus ianua nouæ; & pro tunc obligabatur legi veteri. Exod. 12. *Si quis peregrinorum in vestram voluerit transire coloniam, circumcidetur prius omne masculinum; & tunc erit sicut indigena terra*. Si autem lex vetus sumatur præcisè quantum ad præcepta moralia, obligat etiam Gentiles, quia talia præcepta erant legis naturæ, & quilibet ad legem naturæ tenetur. Lex vetus obligabat Iudæos ex genere suo sub peccato mortali, non tantum quoad præcepta moralia, sed & quoad ceremonialia & iudicialia; quia horum materia erat satis grauis, ut de se obligationem induceret; addunt tamen Doctores communiter, illam non obligasse cum periculo mortis regulariter nisi quoad præcepta moralia negatiua, quæ continentur in Decalogo, & quæ prohibent aliquid intrinsecè malum. Dixi, *regulariter*, ut significetur quòd si observatio legis ceremonialis aut iudicialis esset necessaria ad vitandum contemptum Dei, vel religionis, periculum mortis non excusaret; vnde 2. Machab. c. 9. & 7. Eleazarus, & septem fratres cum matre sua mori potius elegerunt, quàm porcinas carnes mādūcare.

Lex

Lex vetus abrogata est de facto, non quidem quantum ad præcepta moralia, quæ adhuc perseverant; sed quantum ad ceremonialia & iudicialia, quidquid dicant Cerinthiani, Ebionitæ & Nazaræi. Hoc probatur pluribus ex locis, sed præsertim ad Galatas 3. *Lex Pedagogus noster fuit in Christo; at ubi venit fides, iam non sumus sub Pedagogo.* Fuit autem abrogata, non per Ioannem, sed per Christum, fuit enim umbra, & umbra cessare non debet, nisi adveniente lumine, quod est Christus: unde si habeatur Luc. 16. *Lex & Prophetæ usque ad Ioannem;* non est quod pro tunc cessauerit, sed quasi mori inceperit; inchoatio enim Prædicationis Euangelij, fuit initium mortis legis veteris. Non est abrogata ante mortem Christi, ipse enim illam observavit; sed cessavit eius obligatio in ipsius morte, ubi dixit Christus, *Consummatum est,* & ubi scissum est velum templi: ad denotandum nullam postea deberi templo reuerentiam, & omnia esse communia inter Iudæos & Gentiles. Quod si dicant aliqui, non cessasse illam legem, nisi in promulgatione Euangelij, facta die Pentecostes: Resp. quod sicut rex satis promulgare censetur legem, quando illam in palatio suis proceribus exponit; sic Christus in nocte cœnæ satis visus est promulgare Euangelium, dum illud proposuit Apostolis; unde in tali tempore obligabat Euangelium, eos qui illud audierant; & promulgatio quæ facta fuit in die Pentecostes, non erat de essentia legis, sed tantum conditio sine qua Euangelium non obligabat illos, qui de eo nihil audierant: sic Augustinus, Hieronymus, & multi alij, contra nonnullos. Aliqui putant, veterem legem non cessasse à morte Christi quoad utilitatem, licet cessauerit quoad obligationem; sed verisimilius est veterem legem cessasse quoad utrumque; extinctum enim fuit Sacerdotium Aaronicum ad præsentiam sacrificij Christi, quod euacuavit omnem efficaciam sacrificiorum antiquorum. quod intelligendum est respectu eorum, quibus Euangelium promulgatum erat, quales erant Apostoli.

Lex vetus à Hieronymo creditur ab eo tempore mortifera & prohibita sub peccato, ac fuit mortua; ita quod sicut à morte Christi, vel ut dicunt alij, à die Pentec.

Pentecostes, fuit mortua, seu cessauit; ita ab illo tempore fuit mortifera, & prohibita sub peccato mortali. Augustinus contrarium docet, affirmans quod licitus adhuc esset vsus legalium paulo post publicationem Euangelij, non animo ostendendi talem vsum esse necessarium aut vtilem; sed vt ostenderetur tales ceremonias fuisse bonas & à Deo institutas, non verò à dæmonibus, vt erant Gentilium ceremoniæ: & hoc est quod dicitur communiter, Synagogam cum honore debuisse sepeliri; & hoc ad differentiam Gentilium, quorum ceremoniæ nunquam toleratæ fuerunt post eorum conuersionem; vbi ceremoniæ Iudæorum fuerunt aliquamdiu permittæ, vt Synagoga sepeliretur cum honore. Augustinum sequuntur passim Scolastici, & iure merito, quia Paulus circumcidit Timotheum Act. 16. & cum Iudæis purificatus est Act. 21. Nec respondeat Hieronymus, Paulum hoc fecisse animo simulandi; simulatio enim est species mendacij, & mendacium est intrinsecè malum, vnde nunquam licitum est. Quod si Paulus reprehenderit Petrum, quia tales ceremonias obseruabat, vnde dixit ad Galat. 2. *Cum autem venisset Cephas Antiochiam, in faciem restiti ei, quia reprehensibilis erat*: hoc est, quia Petrus volebat vt Gentiles, antequam Euangelium susciperent, obseruarent ceremonias Iudæorum; addit enim, *Dixi Cepha coram omnibus, Quomodo gentes cogis Iudæizare?* & in hoc potuit Petrus inconsideratè agere, & peccare mortaliter; licet non potuerit peccare mortaliter, quia erat confirmatus in gratia, inconsideratè, inquam, egit, quia licet essent adhuc licita Legalia pro Iudæis, vt Synagoga cum honore sepeliretur eo modo quo diximus, non tamen ipsis legalibus vti debebant Gentiles, qui immediate transibant de lege naturali ad Euangelium; vnde Paulus Timotheum conuersum circumcidit, quia erat ex matre Iudæa; non Titum qui ex Gentilibus erat ortus, Hoc habetur in Conc. Ierosolomitano, vbi super quæstionem factam, an Gentiles conuersi deberent circumcidi, & obseruare legalia? Patres responderunt, *Visum est Spiritui sancto & nobis, non ultra vobis imponere oneris, quàm hac necessaria, vt abstineatis vos ab immolatis simulachrorum, & sanguine, & suffacato, & fornicatione*, Hæc prima autem non prohibebantur absolutè, quasi retenta essent de lege

lege Mosaica sed vt facilius Gentiles coalescerent cum Iudæis, qui propter antiquatam suam legem abominabantur sanguinem & suffocata; ne etiam manducando carnes immolatas idolis, darent occasionem iudicandi quòd vellent ad sua idola redire. Porro, si Gentilibus conuersis prohibeatur specialiter fornicatio; hoc est, quia non credebant illam esse peccatum.

Lex vetus Synagogam continebat, quæ licet aliquando sumatur in Scriptura pro conuentu malignantium, aliquando pro ædificijs in quibus Iudæi solebant legere & explicare Scripturas: sumitur tamen communiter pro tota congregatione seu Ecclesia Iudæorum. Moises ædificauit Synagogam, sicut Christus Ecclesiam; illa tamen erat ancilla, & ista libera, ad Galat. 4. *Non sumus filij ancilla, sed libera.* Synagoga continebat ministros ordinarios, nempe Leuitas, Sacerdotes, & summum Pontificem: continebat ministros extraordinarios, nempe Prophetas; continebat certos quosdam religiosos: continebat denique sectarios, scilicet Phariseos, Saduceos, & Essenos; de his omnibus dicendum est aliquid. Primò, Leuitæ Sacerdotibus ministrabant; Sacerdotes offerebant victimas super altare holocausti, nutriebant ignem perpetuum, subministrando ligna, adolebant incensum super altare Thimiamatis, concinnabant lucernas iuxta illud existentes, singulis sabbatis ponebant panes duodecim calidos super mensam propositionis, & auferabant veteres quos comedebant; adiuuabant mulieres in casu Zelotypiæ, discernebant inter lepram & lepram, mundabant leprosos & seminiuios & puerperas & menstruatas, denique legem Dei interpretabantur. Quoad Pontificem, qui erat ex sola familia Aaronis consecrabat Leuitas & Sacerdotes, in controuersijs legalibus agebat supremum iudicem, & illius sententiæ tenebantur omnes acquiescere sub poena mortis; in solempni die Expiationis Sanctuarium introibat & publicam expiationem instituebat super omnia peccata legalia populi & immunditias toto anno contractas; denique in rebus magni momenti Deum consulebat, & ab eo accipiebat respòsum: Aliqui dicunt per Angelum quasi voce humana loquentem, alij per occultam

ram Spiritus sancti reuelationem, & Iosephus cum alijs, per gemmarum splendorem in rationali existentium supra pectus Pontificis; ita quòd si gemmæ plus solito splenderent, signum erat fœlicis successus; si minus solito, signum erat mali; si more naturali, nec magis, nec minus, signum erat Deum non velle respondere. Secundò erant in Synagoga Ministri extraordinarij, nempe Prophetæ, qui erant certi quidam homines, vel ex sacerdotibus, vel aliunde assumpti à Deo, quorum officium erat docere populum & reformare in cultu veri Dei, illosque arguere qui à tali cultu & religione recedebant: ipsorum etiam erat prædicere futura, siue ad consolationem, siue ad terrorem populi; denique occulta reuelabant ordinariè, probabantque se esse à Deo missos ad reformandum populum; & hoc per miracula & veras prædictiones. Tertiò duæ species erant religiosorum, qui à communi populo distinguebantur, nimirum Nazaræi & Rechabitz; quorum illi ex utroque sexu erant qui se Deo consecrabant voto, siue in perpetuum, siue ad tempus, ut erant Samson, & Samuel, & similes. Dicebantur Nazaræi, quia erant separati, & nouacula non ascendebat super capita eorum, nisi quando cessabat illorum votum; abstinebant se ab omni potu inebriante, ab aceto, & à quibuscumque vuis; illorum institutum descriptum est Numer. 6. Rechabitz sic dicti sunt à Rechab patre Ionadab, qui præcepit filijs & filiabus & cunctis posteris suis, ut non biberent vinum, ut manerent in tabernaculis, nec domos adificarent; ut denique nec seminarent, nec meterent; quod exactè obseruarunt. Quartò denique, erant in Synagoga Sectarij, nimirum Pharisei, Saducei, & Esseni. Pharisei sic dicti sunt à verbo Hebraico *Pharase*, quod significat diuidere; vestes enim & modo viuendi ab alijs diuidebatur illorum secta. Sic orti sunt Pharisei. Moises in monte Sinai nedum accepit legem quam scripsit, sed & intelligentiam legis quam non scripsit; illam autem tradidit Iosue successori suo viva voce; Iosue senioribus populi qui cum sequuti sunt, hi prophetis, isti viris magnis Synagogæ, ex quibus orti sunt Pharisei. Dogmata Phariseorum quæ acceperant à lege & Prophetis, alia erant vera; & de illis dixit Christus, *Quaecumque dixerint vobis, facite*; alia verò erant falsa, & erronea

& erronea, vnde etiam dixit, *Caute à fermento Pharisæorum*. Docebant omnia fato euenire, traditiones antiquiorum præferebant præceptis legis, animas iustorum volebant transmigrare de corpore in corpus, vnde dicebant Christum esse Heliam, Ieremiam, aut vnum ex Prophetis, putantes animam alicuius istorum migrasse in corpus Christi. In hoc distinguebantur à Scribis quod Scribæ non constituerent sectam particularem, licet vtique essent legis periti. Saducæi erant hæretici quidam, sic dicti à Sadoch eorum authore; solum Pentateuchum pro vera Scriptura admittebant, & nullam volebant traditionem, nec interpretationem factam à Moise, vel Prophetis, aut Doctoribus. In omnibus erant contrarij Christo & aduersabantur Pharisæis in hoc, quod nec immortalitatem animarum, nec mortuorum resurrectionem, nec spiritum, aut Angelos crederent. Esseni denique componebant sectam omnino similem cœtui religiosorum; manebant enim cœlibes, bona habebant communia, albis utebantur vestibus, sine viatico incedebant, accuratè seruabant silentium, nouitios probabant quadriennio, & similia faciebant pietati consona.

CONCLUSIO SECUNDA.

Lex noua, quæ lex Euangelij vocatur, à Christo Domino est instituta, iuxta id quod habetur canon. 21. *Si quis dixerit, Christum Iesum à Deo hominibus datum fuisse ut redemptorem, cui fidant, non etiam ut legislatorem, cui obediant, Anathema sit.* Illam instituit non tantum pro Iudæis, sed pro toto mundo, Marc. ult. *Euntes in mundum uniuersum, predicate Euangelium omni creatura:* Et ratio est, vt qui erat omnium redemptor, legem institueret pro omnibus, per quam ad salutem peruenire possent. Quod si Ioan. 1. habeatur; *Lex per Moysen data est, & gratia per Christum:* per hoc non est intelligendum quod Christus sit tantum collator gratiæ, & non institutor legis; sed quod Moises dederit solum legem & non gratiam, Christus verò & legem dederit & gratiam, per quam lex observari possit; per Sacramenta scilicet, quæ illam conferunt ex opere operato.

Lex noua triplicia continet præcepta; nempe Moraliam,

ralia, Sacramentalia & Theologalia. Dedit, inquam, moralia, vt patet ex Matth. 5. 6. & 7. vbi præcepta Decalogi renouat & perficit, prohibetque diuortium, quæ omnia spectant ad mores. Dedit secundò præcepta Sacramentalia, de Sacramentis scilicet administrandis & recipiendis; v. g. de Baptismo, Ioann. 3. *Nisi quis renatus fuerit*; de Pœnitentia, Ioann. 20. *Quorum remiseritis peccata, &c.* de Eucharistia Ioa. 6. *Nisi manducaueritis, &c.* Tertio, dedit præcepta Theologalia, quæ respiciunt actus virtutum Theologicarum, Marci 16. *Qui crediderit & baptizatus fuerit saluus erit; qui vero non crediderit, condemnabitur: & Luc. 10. Diliges Dominum Deum tuum.* Præcepta Sacramentalia absolute fuerunt à Christo instituta; de nostris enim Sacramentis nihil fuit præceptum in lege naturæ, aut veteri. Præcepta moralia, quæ sunt præcepta Decalogi, vel ad illum reducuntur, non sunt tam instituta à Christo, quàm explicata; quoniam erant de lege naturæ. Præceptum Theologale de fide fuit auctum; nam Christi Natiuitas, Mors, Passio & eius mysteria obscure & implicite tantum credebantur à Iudæis; nunc autem distinctè & explicitè credi debent à Christianis.

Licet ad hæc tria præceptorum genera teneantur Christiani, non minus tamen libertatem Christianam, quam introduxit Christus, conseruant; non consistit enim in hoc, quòd liberi sumus ab obseruatione mandatorum Dei, sed in duobus principaliter posita est: nimirum in libertate à seruili peccato. Ioann. 8. *Omnis qui facit peccatum, seruus est peccati: si ergo vos filius liberauerit, verè liberi eritis;* & ad Roman. 6. *Liberati à peccato, serui facti estis iustitia.* Posita est etiam in libertate à iugo legis veteris, quantum ad ceremonialia & iudicialia, ad Galat. 4. *Quomodo iterum conuertimini ad infirma & egena elementa, quibus denuò seruire vultis?* Licet ergo Paulus ad Rom. 6. dicat, *Non estis sub lege*, non minus tamen sumus in lege; imò ipsemet 1. Corinth. 9. dicit, *Se non esse sub lege, sed in lege*: vnde est differentia, inquit Augustinus in Psalm. 1. *inter esse sub lege, & in lege.* Iudæi erant sub lege, quia tanquam serui subditi erant pœnis legalibus; nos verò sumus in lege, quia tanquam filij obseruamus legem ex amore, per gratiam scilicet, quam confert ipsa lex Christi, & quam non conferebat

ferbat lex Mosaica; sic Augustinus lib. de Continen-
tia cap. 1.

Sicut diximus ex mente Patrum, legem veterem
cessasse in morte Christi, sic lex Euangelica pro tunc
incoepit obligare vniuersum orbem, quoad autheri-
tatem & vim obligandi; non tamen obligauit quoad
reatum, seu sub peccato nisi post sufficientem Euange-
lij promulgationem, quæ in communi facta est in die
Pentecostes, & particulariter dum Apostoli illud pu-
blicaerunt per totum mundum, iuxta id. *In omnem
terram exiuit sonus cornu*. Quod vim habuerit obli-
gandi in ipsa morte Christi, constat per hoc, quod de-
sinente lege veteri, lex noua debuerit incipere, & aliàs
sine lege positiua remansissent homines. Incoepit, in-
quam, illa lex Euangelica obligare illos quibus inno-
tuit, non alios, quibus non fuit promulgata, sed in
die Pentecostes sufficienter publicata fuit, maxime
respectu Iudeorum, quorum aliqui ex qualibet tribu
& natione conuenerant Ierusalem; respectu verò
Gentilium, expectari debuit prædicatio Euangelij, vt
posset obligare eos sub reatu peccati. Licet lex noua
sit duratura in æternum, vt patet ad Hebr. 13. & ex
consecratione calicis, vbi regnum Christi & testa-
mentum eius dicitur æternum; tamen abrogari potest
authoritate Dei, quia sicut illam non dare potuit, ita
& illam abrogare valet, demptis præceptis quæ sunt
de iure naturæ: Abrogari tamen non potest authorita-
te humana; in illis enim quæ sunt à Deo, inferiores
non possunt dispensare, nisi specialem habeant con-
cessionem, quod non apparet de dispensatione Euan-
gelij; vnde dictum Matth. 16. *Quodcumque ligau-
eris super terram*, intelligi debet de iurisdictione ac-
commodata suo statui, non de potestate vniuersali.
Porro, licet lex noua explicationem patiatur, non
patitur tamen Epijkiam. Ratio primi est, quia lex
positiua non est menti hominum inscripta quoad om-
nes eius circumstantias; vnde potest sensus legis ver-
bis explicari. Ratio secundi petitur ex hoc, quod
Epijkia est emendatio legis generalis in aliquo ca-
su, quem legislator iudicatus non fuisse comprehen-
surus, si illum præuidisset; Deus autem omnes ca-
sus præuidit: ergo in lege Dei non debet admitti E-
pijkia.

In multis lex vetus & noua differunt: primò, ra-
tione

tionem causæ , quia illa fuit data ministerio Angelorum , ista ex ore filij prodiiit . Secundò, differunt in materia; quia mysteria , quorū fides præcipiebatur in veteri, erant imperfectè tantū cognita; in noua autem sunt apertè reuelata, & sacrificijs veteribus successit admirabile sacrificium crucis & altaris. Tertiò differunt in forma; illa enim gratiam non includebat ad obseruationem mandatorum, benè ista. Quartò, differunt in fine; quia noua erat finis veteris, & consummatio eius. Quintò, lex vetus erat seruorum, vnde Deus agit cum illis , quasi cum mercenarijs quibus promittit bona temporalia , Esai. 1. *Si audieritis me, bona terra comedetis*; lex vetò noua est lex filiorū, quibus promittitur hæreditas, Matt. 5. *Beati pauperes spiritu quoniam ipsorum est regnum cælorum*. Sextò, denique, lex vetus maximè rigorosa est, vnde ad Gal. 5. vocatur iugum importabile; noua autem vocatur Matt. 11. *Iugum suauis, & onus leue*, denique differunt in subiecto; vetus enim data est in tabulis lapideis , Exod. 24. & Deuter. 4. & 5. & noua ab Apostolo ad Heb. 8. dicitur scripta in cordibus nostris, *Dabo leges meas in mentem ipsorum, & in corde eorum superscribam*; non quòd lex Mosaica non fuerit scripta in cordibus Iudæorum, qui illius habebant notitiam; non etiā quòd lex noua non sit scripta in libris; sed noua dicitur scripta in cordibus; à gratia Spiritus sancti, quam confert ex operato, & quæ dicitur esse in nostris cordibus, Rom. 5. *Charitas Dei diffusa est in cordibus nostris per Spiritum Sanctum, qui datus est nobis*; lex autem vetus non sic continebat gratiam.

QVÆSTIO III.

De Lege humana.

DE lege humana nobis superest loquendum, quæ diuiditur in temporalem seu ciuilem, & in spiritualem siue Ecclesiasticam, Illa procedit à temporali potestate, & ordinatur ad bonum politicum & temporale reipublicæ; ista emanat à iurisdictione spirituali, redditque ad bonum spirituale. De vtraque erit differendum.

CONCLUSIO PRIMA.

AD legum humanarum cognitionem, præsupponendum est quid sit ius in se, quod à Iuris peritis definitur, *Ars & iusti & boni*; id est ars præscribens quod iustum & bonum est. Præcepta iuris in vniuersum sunt tria; nempe *honestè viuere, alterum non ladere, denique suum cuique tribuere*. Diuisio iuris fit in ius naturale, quod natura omnibus animantibus indidit, de quo antea diximus; in ius gentium, quo omnes gentes vtuntur; & ius ciuile, quod legibus alicuius regni vel prouinciæ constat, de quo differere intendimus. Nationes diuersæ sibi diuersas leges constituerunt; vnde aliud est ius Lacedæmonium, aliud Atheniense, aliud Hispanorum, aliud Gallorum, & aliud ius Romanorum; quod per Antonomasiam ius commune vocatur, illud tamen non admittitur in Gallia; nisi in ijs quæ videntur rationi conformia.

Aliud est ius non scriptum quod in Consuetudinibus localibus consistit, quæ multis in locis in scriptis redactæ sunt; & aliud scriptum, quod apud Romanos in legibus, *Senatus-consultis rebus, iudicatis, auctoritate iurisperitorum, plebiscitis, principum placitis, prætorum edictis & responsis, prudentum consisibat*. Lex est id quod populus Romanus constituebat, interrogante senatorio magistratu seu consule, penes enim populum stabat auctoritas; vnde interrogabatur, an vellet hoc vel hoc fieri, & quando illud habebat ratum, vim legis habebat. *Plebiscitum* est id quod plebs, quæ erat tertia pars populi, constituebat, interrogante magistratu plebeio seu Tribuno, sine patritijs & senatoribus. *Senatus-consultum* est id quod senatus constituebat vice populi, qui suam auctoritatem ad Senatores dimiserat. *Placita principum* erant principum constitutiones, seu edicta & rescripta imperatorum; quod enim placet principi vim habet legis, vt patet in nostris regibus, decretis suis addentibus, *Quia ita nobis placet*. Prætorum edicta emanabant; non à populo, sed ab ipsis Prætoribus vi auctoritatis propriæ, qua poterant vti in vtilitatem populorum. *Responsa* denique prudentum erant sententiæ aliquorum iurisperitorum, quibus auctoritate principis licebat de iure re respondere, itaut

ut aut iudices non possent à tali sententia recedere. His omnibus leges duodecim tabularum addiderunt Romani, quas per deputatos exquisierunt ab Atheniensibus, quibus tot successiue addiderunt alias & diuersas leges, quòd tempore Iustiniani inscitis propè volumina legibus referta extiterint.

Iustinianus tali legum multiplicitati remedium adhibere percipiens, tribus iuris peritis iussit, nimirum, Triboniano, Dorotheo, & Theophilo, ut iustas, & necessarias leges colligerent, supprimerentque superfluas; vnde volumen vnum composuerunt quatuor libris digestum, vbi compendiose iuris elementa habentur, & illud vocatum *Instituta* vel *Institutiones Iustiniani*: sic verò citari solent illæ institutiones, *Instit. de iustitia & iure*; hoc est, in libris Institutionum sub titulo *de iustitia & iure*; & si titulus constet pluribus paragraphis, addi potest Paragraphus, citando prima illius verba. Aliud volumen composuerunt, vocatum *Pandectæ*, quia omni scientiarum genere refertum est; vocatur etiam *Digesta*, quia in illo digesta sunt præcipua capita veteris Iurisprudentiæ. Quinquaginta libri in eo continentur, in quibus sunt plures tituli, qui vocantur à veteribus *rubricæ iuris*, propterea quòd minio notantur; vel croco. His additus fuit *Codex Iustiniani* duodecim libros continens, in quibus agitur de Constitutionibus imperialibus. Accesserunt *Novellæ Constitutiones Iustiniani*, quæ vocantur alio nomine *Authenticæ collationes*, libros nouem continentes; *edicta Iustiniani* sub titulis tredecim; *Novellæ Iustini* sub quinque titulis; *Constitutiones Tiberij* sub totidem titulis; *Volumen aliud* quatuor titulis digestum, in quo sunt Constitutiones Iustiniani, Iustini & Tiberij, *Novellæ Leonis*; *specimen Imp.* vbi repetiuntur 113. tituli vocati Constitutiones, *Constitutiones imperiales* 37. numero; *Tractatus denique de feudis* antea incognitis. Porro vltra præcedentia, quæ apud Romanos vim legis habebant, iuris adhuc duplex species admittebatur, nempe, *ius Quiritum*, seu ciuium, quo ciues Romani regebantur & distinguebatur ab alienigenis; & *ius Prætorium*, quod prætores introducebant in qualibet prouincia, ut suppleretur ius ciuile, vel adiungeretur, illius observatio.

Cum Gallia sit regnum, cuius princeps & impe-

CONCLUSIO PRIMA.

AD legum humanarum cognitionem, præsupponendum est quid sit ius in se, quod à Iuris peritis definitur, *Ars & iusti & boni*; id est ars præscribens quod iustum & bonum est. Præcepta iuris in vniuersum sunt tria; nempe *honestè viuere, alterum non ledere, denique suum cuique tribuere*. Diuisio iuris fit in ius naturale, quod natura omnibus animantibus indidit, de quo antea diximus; in ius gentium, quo omnes gentes vtuntur; & ius ciuile, quod legibus alicuius regni vel prouinciæ constat, de quo differere intendimus. Nationes diuersæ sibi diuersas leges constituerunt; vnde aliud est ius Lacedæmonium, aliud Atheniense, aliud Hispanorum, aliud Gallorum, & aliud ius Romanorum, quod per Antonomasiam ius commune vocatur, illud tamen non admittitur in Gallia; nisi in iis quæ videntur rationi conformia.

Aliud est ius non scriptum quod in Consuetudinibus localibus consistit, quæ multis in locis in scriptis redactæ sunt; & aliud scriptum, quod apud Romanos in legibus, *Senatus-consultis rebus, iudicatis, auctoritate iurisperitorum, plebiscitis, principum placitis, prætorum edictis & responsis, prudentum consistebat*. Lex est id quod populus Romanus constituerebat, interrogante senatorio magistratu seu consule, penes enim populum stabat auctoritas; vnde interrogabatur, an vellet hoc vel hoc fieri, & quando illud habebat ratum, vim legis habebat. *Plebiscitum* est id quod plebs, quæ erat tertia pars populi, constituerebat, interrogante magistratu plebeio seu Tribuno, sine patritijs & senatoribus. *Senatus-consultum* est id quod senatus constituerebat vice populi, qui suam auctoritatem ad Senatores dimiserat. *Placita principum* erant principum constitutiones, seu edicta & rescripta imperatorum; quod enim placet principi vim habet legis, vt patet in nostris regibus, decretis suis addentibus, *Quia ita nobis placet*. Prætorum edicta emanabant; non à populo, sed ab ipsis Prætoribus vi auctoritatis propriæ, qua poterant vti in vtilitatem populorum. *Responsa* denique prudentum erant sententiæ aliquorum iurisperitorum, quibus auctoritate principis licebat de iure respondere, itaut

ita ut iudices non possent à tali sententia recedere. His omnibus leges duodecim tabularum addiderunt Romani, quas per deputatos exquisierunt ab Atheniensibus, quibus tot successiue addiderunt alias & diuersas leges, quòd tempore Iustiniani infinita propè volumina legibus referta extiterint.

Iustinianus tali legum multiplicitati remedium adhibere percipiens, tribus iurisperitis iussit, nimirum, Triboniano, Dorotheo, & Theophilo, ut iustas, & necessarias leges colligerent, supprimerentque superfluas; vnde volumen vnum composuerunt quatuor libris digestum, vbi compendiose iuris elementa habentur, & illud vocatum *Instituta* vel *Institutiones Iustiniani*: sic verò citari solent illæ institutiones, *Instit. de iustitia & iure*, hoc est, in libris Institutionum sub titulo *de iustitia & iure*; & si titulus constet pluribus paragraphis, addi potest Paragraphus, citando prima illius verba. Aliud volumen composuerunt, vocatum *Pandectæ*, quia omni scientiarum genere refertum est; vocatur etiam *Digesta*, quia in illo digesta sunt præcipua capita veteris Iurisprudentiæ. Quinquaginta libri in eo continentur, in quibus sunt plures tituli, qui vocantur à veteribus *rubricæ iuris*, propterea quòd minio notantur; vel croco. His additus fuit *Codex Iustiniani* duodecim libros continens, in quibus agitur de Constitutionibus imperialibus. Accesserunt. *Novellæ* Constitutiones Iustiniani, quæ vocantur alio nomine *Authenticæ collationes*, libros nouem continentes; *edicta Iustiniani* sub titulis tredecim; *Novellæ Iustini* sub quinque titulis; *Constitutiones Tiberij* sub totidem titulis; *Volumen aliud* quatuor titulis digestum, in quo sunt Constitutiones Iustiniani, Iustini & Tiberij, *Novellæ Leonis* spectantibus Imp. vbi repetiuntur 113. tituli vocati Constitutiones, *Constitutiones imperiales* 37. numero; *Tractatus denique de feudis* antea incognitis. Porro vltra præcedentia, quæ apud Romanos vim legis habebant, iuris adhuc duplex species admittebatur, nempe, *ius Quiritum*, seu ciuium, quo ciues Romani regabantur & distinguebatur ab alienigenis; & *ius Prætorium*, quod prætores introducebant in qualibet provincia, ut suppleretur ius ciuile, vel adiungeretur, illius observatio.

Cum Gallia sit regnum, cuius princeps & impe-

rator supremam possidet authoritatem, iura Romanorum nullomodo agnoscit, nisi in quantum sunt conformia rationi, quæ pro legum fundamento agnoscitur; plura tamen ius Gallicum continet iuribus Romanorum non dissona. Huiusce ergo regni iura, quæ apud omnes regnicolas obseruantur, Regum edictis & Senatus-consultis coalescunt sicut & cuiuscumque prouinciæ consuetudinibus de trium ordinum consensu introductis, & pro principem approbatis. Regis solius est iustitiam administrare, & hoc in signum supremæ suæ authoritatis; aliquando per se ius reddebat singulis, sed per rerum multiplicitatem, quæ augebatur in dies, Pro ministros in qualibet prouincia & singulis oppidis regulariter instituit. Quod ut clarius pateat, sciendum est vniuersum regnum diuidi in tres ordines; primus Ecclesiasticorum est, secundus Nobilium, & tertius plebeiorum, qui tertij ordinis nomen retinet. Dum Franci in Galliam copias traduxerunt, de omnium militum consensu Pharamundum instituerunt in regem; Postquam verò ex Francis & Gallis vna gens resultauit, in duos ordines distincta est, quorum primus ex præcipuis bellicis ducibus componebatur, qui nunc vocantur Nobiles & apud Romanos Patritij; alius verò de Primatibus populi factus est, qui est secundus ordo, apud Romanos plebeiorum ordo vocatus: dum denique fidem Christianam susceperunt reges nostri, pro ordine primario sui imperij Ecclesiasticos instituerunt.

Omnia totius regni bona & possessiones à Rege dependent immediatè vel mediatè, singula enim vel sunt in manu regis, & sic regium patrimonium constituunt; vel possidentur à Proceribus regni, & tunc iure clientelæ Regi obstringuntur, vel denique pertinent ad tertij ordinis viros; tanquàm plebeia prædia, quæ sub clientela Procerum existunt. Vnde duplex est dominium in prædiis; vnum vt ille, ad illos perti-
nens qui prædijs fruuntur; aliud directum; quod ad Regem spectat, vel Proceres. Quoad bona Ecclesiastica, quæ Ecclesiasticis donata sunt, eandem naturam, sub qua erant in manu donatorum, retinent. Prædia nobilia, regni Procerum, vel sunt Ducatus, aut Marchionatus, vel comitatus, vel Baronatus, aut certa quædam feuda, quæ in Normania præfer-
tim

in feuda loricata nuncupantur, Gallicè, *Fiefs de Heubert*. His prædijs ordinariè coniuncta est dicendi iuris potestas; vnde apud nos reperitur iurisdictio duplex, quarum prima est regia, & si dari ita liceat, dominialis altera: hæc verò in superiorem, mediam & infimam subdiuiditur. Iurisdictio dominialis superior de omnibus ciuilibus & capitalibus iudicat inter subditos, demptis quibusdam casibus, qui regij nuncupantur. Media agit tantùm de rebus mobilibus inter clientes. Infima ius dicit super clientelarias functiones & obsequia solùm.

Quantùm ad iurisditionem regiam, longè nobiliorem dominiali; Reges nostri causarum multitudinem videntes sibi sanctius Consilium referuarunt, & pro capitalibus & ciuilibus iudicandis certum quemdam Senatorum numerum præfecerunt, qui vltimæ cognitionis proferrent iudicia & horum iudicium congregatio, quibus Pares Franciæ adnumerantur, supremus Senatus, seu parlamentum dictum est. A Pipino an. Dom. 377. institutum est istud Parlamentum, sed deambulatorium, quia vbique sequebatur principem; fixum autem stetit Parisijs auctoritate Philippi, dicti *le bel*, qui palatium in sedem iustitiæ construi iussit. Ille autem perillustis Senatus tantum sibi nomen vendicauit, tum apud exteros, tum apud indigenas; vt Papæ, Imperatores, & alij Reges & Principes, augustissimi huiusce cœtus sententijs se libenter subiecerint; teste Imperatore Federico cum Innocentio VII. summo Pontifice; teste etiam rege Castellæ cum rege Lusitanæ, & similibus. Prædictus Philippus duos tantùm confessus quolibet anno instituit; quorum primus celebrabatur in diebus festiuis Natiuitatis Domini; alter verò die Purificatæ B. V. M. Senatum distribuit etiam in duo tantùm conclauias; in conclaue scilicet primum, seu *Grand'Chambre*, aliàs *Grand-vouste*; & in Conclaue inquisitionum, seu *des Enquêtes*; & in horum conclaui primores maioris momenti agebantur.

Senatus ille Parisiensis, qui Parium Franciæ Curia vocatur, hisce temporibus decem conclauias obtinet. Hæc sunt: Conclaue primum, Capitalium causarum conclaue, seu ex circuitu; edictale conclaue, sic nominatum; quia per edictum pacificationis erectum.

est in fauorem hæreticorum ; duo supplicum conclauia , & quinque inquisitionum . In supremo conclauis sunt octo infulati præfides , & senatores quamplurimi . In capitalium causarum conclauis sunt duo præfides infulati , & sex vel octo Senatores ex primo conclauis assumpti , & duo ex quolibet conclauis inquisitionum , qui cum ad hanc curiam vicissim accedant , ob hoc dicitur classis ex circuitu . Edictale conclauis duos habet infulatos præfides cum sexdecim senatoribus , assumptis ex conclauis primo & inquisitionum ; & h. quolibet biennio à Cancellario regni & generali deputatio præsumptæ reformationis eliguntur . In quolibet requisitionum conclauis duo sunt præfides , & circiter decem senatores . à quorum iudicio ad superius conclauis prouocatio seu appellatio fieri potest ; vnde non sunt vltimæ cognitionis iudices . Quodlibet denique conclauis inquisitionum duobus præfidebus & senatoribus triginta componitur . Prima classis appellationes iudicat , quæ procedunt ex sententijs super lites sine scriptis instructas ortis , & de abolitionibus criminum viris nobilibus concessis . Classis ex circuitu reos iudicat , demptis nobilibus . Classis edictalis lites in quibus vocantur hæretici , quos tollerat Gallia , componit . Classis inquisitionum appellationes sententiarum quæ ex rationibus tutorum oriuntur ; vel litium quæ scriptis instruuntur , dirimit . Curia verò supplicum , priuilegiatorum causas iudicat .

Præter Senatum Parisiensem , sunt & alij nouem in Gallia . Secundus omnium est Tolosanus , quem erexit Philippus IV. dictus Pulcher , an. 1302. & stabilem esse iussit Carolus VII. anno 1463. Tertius est Rothomagensis , quem erexit Carolus VII. anno 1443. & fixum reddidit Ludouicus XII. anno 1503. Quartus est Gratianopolitanus per Carolum VII. erectus anno 1453. Quintus est Burdegalensis , quem creauit Ludouicus XI. Sextus an. 1476. à Ludouico XI. Diuione institutus est . Septimus Aquisextanus , sub Ludouico XII. an. 1501. Octauus Rhedonensis sub Henrico II. anno 1533. Nonus Palensis à Ludouico XII. dum regionem adiit Bearniam : antea tamen Henricus primus Navarrae Rex , Henrici IV. tritauus sedem iurisdictionis iupreme in hac vrbe Paulo instituerat . Tandem decimus fuit Metensis , Tulli olim

olim sedens, ab ipso met Ludouico XIII. creatus. In qualibet vrbē reperiuntur vtplurimum diuersæ iurisdictiones inferiores; nempe Prætorialis, Tribunalis, Tributarij Iudicij Præfectura, Aquis regijs Præfectura, & Præfectura Capitalium, Prætores de rebus ciuilibus & capitalibus agunt inter Nobiles & Ecclesiasticos, & de ijs quæ spectant ab Beneficia, Decimas, Patronatus, regia Priuilegia, & de alijs rebus quæ ipsis attribuuntur per regum Edicta & Prouinciarum consuetudines scriptas. Tribunii de litibus inter tertio ordine subortis iudicant. A Tribuno fiunt Appellationes ad Prætores; & ab isto, ad Præsidiales iudices in ciuilibus tantum: quando enim de criminibus agitur, ad supremum Senatum debet fieri appellatio, etiam à iurisdictione Tribuni, qui ex incidenti de crimine aliquando iudicat. Si res ciuilis, de qua agitur apud Prætores, sit prouisorie iudicata de mobilibus, quæ non excedant quingentas libras, ad Præsidialem curiam debet fieri appellatio; sicut quando res definitiue est iudicata in mobilibus & non excedit libras ducentas & quinquaginta: Aliàs si agatur de prædio, vel si prædictus pecuniæ numerus excedatur, ad supremam Parlamenti curiam debent appellationes deferri. Tributarij iudices agunt de Tributis, Subsidijs, Impositionibus, & Salarijs vectigabilibus; & huius curiæ appellationes ad rei tributariæ summum tribunal deuoluuntur. Aquis regijs Præfecti, nemorum & aquarum in quibus fiunt navigationes, curam habent; & dum appellationes ab illorum iudicio fiunt, hæ ad sedem marmoream spectant. Quantum ad capitales Tribunos, ipsis regiones latronibus & grassatoribus expurgate incumbit, de certis quibusdam criminibus iudicant, modò iudices præueniant ordinarios; illa crimina sunt furta quæ fiunt in vijs regijs, virginum stupratio, domorum infractiones, & ipsorum incendia.

Sunt & alia tribunalia, de quibus pauca tantum referemus; nimirum, Magni Consilij Curia, Rationum Principis Curia, Tributarij Senatus conclauis, Monetæ Curia, Galliæ Mareſcallorum præfectura, præfectura rei maritimæ. Curia magni consilij præfertim agit de rebus quæ ad beneficia spectant, de subsidijs supra merces impositis, de Edictorum contrarietatibus, de controuersijs inter supre-

mos senatus obortis, & litigijs quę inter Castrenſium præſectorum capitales Tribunos. *Preuoſt des Mareſchaux*, naſcuntur. Rationum Principis curiæ clientelę profeſſiones accipit à Prælatis, Principibus, Ducibus, & alijs regni proceribus, qui ratione prædiorum regi obſtringuntur per clientelę iura; de regio patrimonio, ipſius alienatione & conſeſſione facta, aliquando iudicat; Archiepiſcoporum, Episcoporum, regionum Abbatum ſacramentum, iuſiurandum, & clientelę profeſſionem in commentarios refert, modo iuri regio ſubiſciantur, & pro tunc horum vacantia cenſetur à morte Prælati, uſque ad talem inſcriptionem iuris iurandi alterius, quo interuallo beneficiorum fruſtus ad Regem pertinent. Huius Curię iudices inſuper verificant officiorum & magiſtratum creationes, priuilegia ciuitatum, & prouinciarum, nobilium titulos, Ducum, Marchionum, Comitum & Baronum dignitates creatas. Ad conclauē ſenatus Tributarij ſpectat iudicium de Veſtigalibus ordinarijs & Tributis. Monetaliſ curia ſuper legitimam nummorum compositionem, valorem, & pōdus pronuntiat, de fabricatoribusque improbę monetę ſine appellatione decernit. Mareſcallorum iuriſdictio exercetur per Prætorem, Proprætorem, & Prępoſitos generales, quorum ſententię feruntur ſub nomine Comitis ſtabuli & Mareſcallorum. Horum primarius Comitis ſtabuli vices gerit; de diſſentionibus inter Nobiles excitatis iudicant, de litigijs inter milites obortis ratione ſtipendiorum, de militari diſciplina decernunt; & ſuper crimina eorum qui caſtra ſequuntur, ſententias ferunt. Iuriſdictio denique rei maritimę præſecti ſimiliter per Prætorem; Proprætorem, Tabularium; & Apparitorem adminiſtratur, ad quos ſpectat iudicium de rebus omnibus quę nauigationem concernunt.

His omnibus adiſciendum eſt vtrumque Regis Conſilium; quorum aliud vocatur publici ſtatus & regię pecunię conſilium, *Conſeil d'Eſtat & des Finances*, aliud verò conſilium ſanctius, *Conſeil Priuè, ou des Partier*. In primo agitur de regiã pecunia, & in eo aſſident Rex pro libito ſuo, regni Cancellarius, poſtea Principes, deinde duces regni, Pares, ærarij Tribuni, regię pecunię Directores, publici ſtatus Senatores, *Conſeillers d'eſtat*, ſupplicum libellorum magi-

magistrorum Decanus actualis & anterior, duo summi Censores, regie pecunie Tribuni ordinarij, sanctioris ararij Tribunus, *Tresorier de l'Espargne*, & supplicum libellorum Magistri; cum hac distinctione, quod præcedentes sedent, isti verò stent à posteriori parte senatorum publici status, cooperto capite. Eorum officium est causas referre, & dum ipsas referunt, stant à tergo Regis, capite detecto: huiusce consilij secretarij eundem locum habent ac supplicum libellorum Magistri. Sanctius consilium eodem modo componitur ac præcedens, demptis summo ararij Tribuno, Tribunis ordinarijs, Directoribus & Censoribus, adesse tamen possunt in illo pecunie Directores, tanquam Senatores publici status. Eundem locum obseruant supplicum libellorum Magistri, qui sunt numero duo & septuaginta, octodecim in quolibet trimestri; per tres menses in palatij supplicibus libellis exercent, & tribus sequentibus mensibus in utroque præfato consilio: in prima classe Parliamenti locum obtinent post præsides insulatos, sed tantum quatuor in qualibet vice: omnium Prætorum & Seneschallorum sedes occupare, & ius dicere possunt. In hoc sanctioris consilij tribunali præsertim agitur de euocationibus quæ fiunt ab aliquo senatu supremo, & ad alium accessus datur litigantibus.

CONCLUSIO SECVNDA.

Ius Canonicum est illud, quo vtimur in rebus Ecclesiasticis; & vocatur Canonicum à nomine græco, *Κανον*, quod est regula, in quantum per tale ius, seu per talem legem viri Ecclesiastici regulari debeant. Aliud est non scriptum, quod in consuetudine Ecclesiastica consistit; aliud est scriptum, quod vel ab Episcopis, vel à Summo Pontifice emanauit, siue in Concilijs, siue extra Concilia. Communiter ius Canonicum scriptum sumitur pro illo, quod continetur in *Decreto Gratiani*, in *Epistolis Decretalibus Gregorij noni*, in *sexto Decretalium Bonifacij octauo*, in *Clementinis* & *extrauagantibus Ioannis vigesimi secundi*, & aliorum Pontificum.

Decretum, quod Gratianus monachus, ex ordine Benedictinorum compilauit anno 1150. & quod approbavit Eugenius III. & confirmauit postea Gregorius

XII. tres partes habet. Prima continet distinctiones centum & vnam, quæ subdividuntur in capita, seu canones; loca autem ex illa parte desumpta, sic citantur. *Canon*, vel *c. humanum dist. 1.* Secunda pars causas triginta sex complectitur, quæ diuiduntur in quæstiones, & quæstiones in capita, sic de illa parte fiunt citationes, *Can.* vel *c. Quicumque studet, 1. quæst. 1.* id est, capite vel canone qui incipit per illa verba, causa prima, quæstione prima. Tertia pars habet tractatum de Consecratione; qui diuiditur in quinque distinctiones, & quælibet distinctio in capita; & sic citari debent ista capita, *Canon*, vel *c. vasa, de Consecrat. dist. 1.* In prima parte agitur de iure in genere, in viginti scilicet primis capitibus, & de personis seu ministris Ecclesiasticis, in omnibus reliquis. In secunda parte; de iis quæ concernunt formam iudiciorum Ecclesiasticorum agitur; in causa tamen trigesima tertia, quæstione tertia, continetur tractatus de *Pœnitentia*, diuisus in septem distinctiones, quæ subdividuntur in capita; & iste tractatus sic debet citari, *Can.* vel *c. reper iuntur, de pœnit. distinct. 3.* Tertia pars agit de Consecratione Ecclesiarum, de Missarum celebratione, de Eucharistia, Festis, Ecclesiasticis ceremonijs, Baptismo, Confirmatione, & Ieiunijs.

Decretales compilatæ fuerunt de mandato Gregorij noni, per Remundum de Pennaforti, Ordinis Prædicatorum, huiusce Pontificis Capellanum & Pœnitentiarium sanctæ Ecclesiæ Romanæ; exhaustæ autem fuerunt ex Gregorij IX. & aliorum Pontificum Epistolis & Constitutionibus; vnde vocatæ fuerunt *Decretales* Epistolæ, quæ distinguuntur in hoc à Decreto Gratiani, quod multò magis compilatæ sint ex Epistolis Pontificum, quàm ex Concilijs; contra verò Decretum Gratiani plus nititur Conciliorum decretis, quàm Epistolis, aut Constitutionibus Pontificum. Quinque libros complectuntur *Decretales*, in quibus iuris Canonici materia exponitur. Primus liber agit de Personis quibus competit iurisdictio aliqua, & de iudiciorum preparatorijs. Secundus explicat iudiciorum Ordinem. Tertius agit de rebus Ecclesiasticis quæ in iudicium venire solent. Quartus de Sponsalibus & Matrimonio. Quintus de Criminibus & Pœnis. *Decretales* aliàs vocabantur, *extra* quia

quia erant extra Decrerum Gratiani quod antea digestum erat; vnde apud antiquiores sic citabantur, *extra de Iudaïs, cap. etsi Iudaos*: nunc autem, vbi ingrediuntur corpus iuris Pontificij citantur sine adiecto, sic scilicet v. g. c. *Tua, nos de iureiurando*, & prout intelliguntur libri Decretalium per excellentiam, & non citantur distinctiones, nec causæ, vt in decreto.

His quinque Decretalium libris *sexto* addidit Bonifacius VIII. ex Concilio Lugdunensi, Decretalibus Epistolis Pontificum successorum Gregorij, nonnullis ipsiusmet Gregorij nouellis Constitutionibus, & multis etiam suis proprijs compilatum, & hic liber vocatur *sexto Decretalium*, constans etiam libris quinque, cuius citatio fit eodem modo quo citantur Decretales, excepto quod capita & tituli huius libri citentur cum addito; dicendo scilicet, in sexto; sic v. g. *Volentes; de priuilegijs, in 6. Clemens V.* paulò post Constitutiones edidit, partim suas, partim ex Concilio Viennensi, cui præfuit, desumptas, quas ipso mortuo, absoluit & publicare fecit Ioann. XXII. Ab ipsorum authore *Clementina* dictæ sunt, sicque citantur, *Clem. dudum, de sepulturis*; idest, *Clementina*, quæ incipit per hanc vocem; *dudum*, titulo, *de sepulturis*. Postea denique Ioannes XXII. Constitutiones edidit viginis; & post ipsius obitum diuersæ à diuersis Pontificibus exierunt, quæ *extrauagantes*, dictæ sunt; quia licet nunc sint de corpore iuris, tamen aliquandiu extra illud, quasi sede incerta, vagantes extiterunt: illæ autem sic solent citari, *extrauag. unigenitus*, idest constitutione extrauaganti, sub titulo, *unigenitus*.

QVÆSTIO IV.

Verùm Lex humana obliget in conscientia?

Intelligitur hæc quæstio tam de lege ciuili, quam de Ecclesiastica, proponi etiam potest de lege pœnali, ac de præceptiua; vbi lex præceptiua est illa, quæ sancit aliquid esse faciendum, vel omittendum, nulla constituta pœna; & lex pœnalis est illa, quæ aliquid præcipitur vel prohibetur sub tali pœna, quam iudex constituit, vt illi qui ad obseruationem

legis non trahuntur amore, timore poenæ ad illam pertrahantur, Denique, quandoquidem lex ex dicendis, modò obligat sub peccato mortali, modò sub veniali; dicemus vnde cognosci queat legem obligare sub mortali, vel veniali tantum.

C O N C L V S I O P R I M A.

Leges ciuiles & Ecclesiasticæ habent vim obligandi subditos in conscientia, ita quòd eorum transgressio sit vel peccatum mortale aut veniale, etiam secluso scandalo & contemptu. Hoc habetur Roman. 13. *Subditi estote, non solum propter iram, sed etiam propter conscientiam;* & antea eodem capite; *qui potestati resistunt, ipsi sibi damnationem acquirunt;* damnatio autem non acquiritur, nisi propter peccatum mortale. Quòd autem hoc debeat intelligi, nedum de legibus Ecclesiasticis, sed etiam de ciuilibus, patet ex 1. Petri 2. *Subiecti estote omni humana creatura propter Deum, siue regi quasi præcellenti, siue ducibus tanquam à Deo missis, quia sic est voluntas Dei.* Ratio quam affert D. Thomas, est hæc validissima; quia leges humanæ, si iustæ fuerint, habent suam auctoritatem à lege æterna, à qua deriuantur, ad Roman. 13. *Omnis potestas à Deo est, & qui potestati resistit, Dei ordinationi resistit;* atqui lex æterna habet vim obligandi in conscientia & sub peccato mortali: ergo & lex humana, siue sit Ecclesiastica, siue ciuilis. Nec dicant, omnia esse præcepta aut prohibita per legem æternam: ergo nil posse præcipi per humanam. Resp. licet nihil præcipiatur aut prohibeatur, quod non sit consentaneum legi æternæ & diuinæ: tamen plura humanitus præcipiuntur, vt ieiunia auditio sacri, observatio festorum, & plura prohibentur, vt cessatio ab opere manuali in die festo, & vsus carnum in Quadragesima, quæ tamen non præcipiuntur formaliter, nec prohibentur per legem æternam. Dixi in conclusione quòd leges humanæ obligent sub peccato, etiam secluso scandalo, contemptu, aut transgrediendi consuetudine, quamuis contrarium attribuitur Caietano; certum enim est, Catholicum peccare mortaliter, qui semel tantum, sine contemptu & scandalo, voluntariè omittit communionem Paschalem; sicut & Sacerdotem, qui horarum

rum canonicarum lectionem prætermittit.

Obijcit Caluinus lib. 4. Instit. c. 10. non posse condi ab hominibus leges ciuiles, quæ obligent in conscientia; primò quia potestas principum sæculariū est merè temporalis: ergo nullam habent potestatem super conscientias. Sed ad hoc respondetur quòd licet illorū potestas sit temporalis ratione obiecti, est tamen per accidens spiritualis, ratione obligationis; in quantum pro eodem instanti quo aliquid præcipiunt quod pacem temporalem sui regni concernit, illicò Deus vult vt illis obediatur, sicut probat conclusio.

Obijcit secundò, principes sæculares non iudicare nisi de externis, & non de conscientia. Resp. quòd nō iudicent propriè de internis, sed solus Deus; attamen leges externas statuunt, quæ obligant conscientiam.

Obijcit tertiò, Regem non posse infligere pœnam spiritualem, nec ligare conscientiam, Resp. vt prius, posse vtrumque facere consequenter; quia potest condere leges, quæ, si non obseruentur, ligant infractorum conscientiam; vtitur enim potestate quam indidit illi Deus, qui dicit; *Per me regnant, per me principes imperant, &c.* Prou. 8.

Obijcit quartò, principem non intendere, quòd subditi ad peccatum obligentur. Resp. quòd intendat obligare simpliciter ad legē; & non potest hoc intendere, nisi intendat consequenter obligare ad peccatum.

CONCLUSIO SECUNDA.

NEdum leges præceptiux obligant in conscientia; sed etiam leges pœnales, quibus aliquid præcipitur, adiecta pœna transgressoribus: sunt tamen aliquæ leges metè pœnales, quæ nihil præscribunt, nec imperant, nisi solā pœnam, si quis hoc vel illud egerit; idest, non prohibet aliquid fieri, sed si factū sit, illud puniūt, prout enim, inquit Gamaehæus, nō cēsentur legislatores obligare in conscientia, quandoquidē actū non prohibent, sed tantum actui pœnam præparant: sic quādo in iure habetur, *Sì per negligentiam custodum euaserint Rei, leuiter puniātur*; ibi est lex merè pœnalis, quæ nō obligat in conscientia, quoniam tales euasores nullo modo peceant: sic etiam, inquit D. Thomas, sunt statuta quorundam Religiosorum, quæ ex intentione expressa Fundatorum ad nullam obligant culpam, dem-
pto

pro contemptu, vt habetur in nostra Religione; obligant tamen ad pœnam. Nec dicatur esse ridiculum, quod vbi nulla est culpa, infligatur aliqua pœna: nam licet in allatis exemplis & similibus nulla sit culpa moralis, quæ coincidit cum peccato; est tamen ciuilis, seu indecentia; decet enim & honestum est in vita ciuili, vt Superiori obediamus, qui præcipit aliquid sub pœna tantum, & non sub culpa.

Probatur vtraque pars conclusionis, quod scilicet & lex præceptiua, & lex pœnalis obligent in conscientia; quia vbi est iustum Superioris præceptum, ibi debetur obedientia, 1. Petri 2. *Subditi estote omni creaturae propter Deum*: & alibi, *Obedite Præpositis vestris, etiam Discipulis*: & hæc obedientia in conscientia debetur, ad Roman. 13. *Subditi estote, non solum propter iram, sed etiam propter conscientiam*; sed tum in lege præceptiua, tum in pœnali interuenit præceptum Superioris: ergo, vbi iustum & legitimum est, interuenit obligatio in conscientia, sub pœna peccati mortalis vel venialis, iuxta qualitatem materiæ. Hinc sequitur præceptum recitandi horas canonicas, datum initiatum tantum tonsura clericali sub pœna amissionis fructuum beneficii, obligare in conscientia, sicut & præceptum regis de iustis vestigalibus soluendis. Sed quia antea diximus, aliquas leges esse merè pœnales, quæ non obligant in conscientia & hic dicimus, leges pœnales obligare regulariter in conscientia, licet præcipiant tantum sub pœna, & non sub culpa; dignoscendum est, quandonam leges pœnales obligent tantum sub pœna, & quandonam obligent sub culpa & pœna simul: ad quam difficultatem soluendam, affert Gamachus has regulas; *Omnes leges obligant sub culpa, quæ præcipiunt iuste aliquid fieri, vel fieri vetant*; quia ibi præcipitur actus, & tali præcepto debetur obedientia sub peccato. *Leges quæ nil præbent aut iubent fieri, sed solum decernunt pœnam, si hoc vel illud fiat, non ad culpam, sed ad pœnam obligant*; quia ibi non est mandatum Superioris cadens super actum, sed tantum pœna irrogatur, actus si fiat; & sic debet tantum subditus subire pœnam, & non teneretur ad actum sub culpa, modo non adsit scandalum aut contemptus. Contrarium sentit Nauarrus, præsertim de lege pœnali ciuili, quam cum multis alijs, quos citat Bo-

nacina, putat non obligare sub mortali, quando decernitur in ea tantum pœna temporalis aut corporalis, etiamsi grauis sit, vt pœna capitis & amissionis bonorũ: quia, inquit, lex pœnalis est odiosa, ergo restringenda est ad solã pœnam; quia deinde legislator apponens pœnam temporalem, censetur excludere æternam: ex regula iuris, *qui unum exprimit & aliud tacet, censetur excludere quod tacet*, quia insuper subditi credere possunt, legislatorem contentum esse pœna quam expressit, & non exigere culpam de qua tacet. Bonacina autem, Suarez, Toletus, & alij, tenent nobiscum, legem pœnalem, etiam ciuilem, obligare in conscientia, nisi aliter constet de mente legislatoris, propter rationem allatam, vel nisi cognoscatur, illam esse merè pœnalem per regulam præallegatam. Ad rationes aliorum respondet Bonacina; primò, legem rigorosam esse restringendam, nisi aliunde constet de mente legislatoris; constat autem, saltem implicite, quòd mens legislatoris præcipiens actum sub pœna, sit obligare sub culpa; quia, vt diximus, præceptum est, & præcepto debent subditi obedire sub culpa. Ad secundum dicò, qui unum exprimit & aliud tacet; istud excludit, si istud non sit implicitum sub alio, concedo; cum autem quis præcipit actum sub pœna, censetur illum implicite præcipere sub culpa, ratione præcepti, cui subditus in conscientia obedire debet. Ad tertium; si parum instructi sint subditi, non debent credere quòd illud non obliget in conscientia, quod præcipitur simpliciter sub pœna; imò culpa infertur ex præcepto sub pœna, quia actus præcipitur, & præcepto debetur obedientia sub pœna peccati.

CONCLUSIO TERTIA.

VT cognoscatur qualitas peccati, sub quo lex obligat, recurrendum est ad voluntatem legislatoris; qui si intendat obligare sub peccato mortali, aut veniali, taliter obligat; modò voluntas illius iusta sit; non potest enim in materia quæ est levis in se & in effectibus, obligare sub peccato mortali: licet in materia graui possit obligare tantum sub veniali.

Ratio

Ratio huius est, quia actiones agentium moralium non operantur ultra intentionem illorum. Et ratio primi petitur ex hoc, quod lex esset iniusta, quæ leui materię poenam æternam imposeret. Si dicatur quod in Religionibus res leues (v.g. observatio silentij) præcipiantur sub peccato mortali; & esum pomi sub reatu poenæ æternæ Deum prohibuisse Adamo: Respondendum est, res illas in se leues esse, & graues ratione finis intenti à legislatore; superiores enim religionum intendunt conducere Religiosos ad perfectionem, & hoc per diuersa media; quorum alia, licet fiat in se leuia, graua tamen sunt ratione finis, quia ad illam perfectionem sunt maximè vtilia. Sic dicendum est de prohibitione pomi, quæ grauis erat ratione finis; nam præcepit Deus illam abstinentionem in tributum & testificationem humanæ subiectionis ad Deum, quam posuit Deus exigere ab Adamo sub poena æterna.

Si autem non possit consuli voluntas legislatoris, vt sciatur sub quo peccato aliquid præceperit; hoc habebitur ex sequentibus. Primò, quando legislator, qui prudens esse debet, aliquid præcipit aut prohibet in materia absolutè leui; signum est, quod obliget tantum ad veniale; quando verò materia est grauis, signum est, quod obligare intendat sub mortali; licet enim materiam grauem possit prohibere, vel præcipere venialiter tantum; hoc tamen inusitatum est legislatoribus. Secundò, quando legislator prudens imponit grauem poenam, siue æternam, siue temporalem, aut corporalem transgressoribus, vt cum v.g. illos capite plecti iubet, aut spoliari bonis, aut priuari beneficijs, hoc redolet mortale esse offensam; pro leui enim culpa iniustum esset grauem irrogare poenā; nisi hoc fiat in terrorem aliorum; v.g. quando princeps venationem leporum prohibet, sub pena capitis; tunc non committitur peccatum mortale, nisi aliquando ex adiunctis circumstantijs. In materia graui obligatio censetur esse sub peccato, quando lex fertur sub verbis præceptiuis qualis sunt ista; *tubemus, obligamus, præcipimus, mandamus, prohibemus, interdiciamus, debeant, teneantur non potest, non licet, faciant, caueant, audiant: dicant, abstineant, &c.* A fortiori cum dicitur, *præcipia in virtute sanctæ obedientiæ; sub interminatione diuini iudicij, sub indignatione Dei aut sanctorum Apostolorum, sub pena æterna, sub pena* excom-

excommunicationis maioris. Quando lex fertur sub verbis istis, *moneo, hortor, rogo*, non contrahitur obligatio ad peccatum mortale; non enim sunt verba præcepti, sed potius consilij. Quoad verbum *oportet*; multi sentiunt illud non importare grauem obligationem, etiam in materia graui; nisi illa appareat ex antecedentibus & consequentibus: alij volunt rectius illud importare regulariter obligationem ad peccatum mortale, nisi aliud constet de mente legislatoris per antecedentia & subsequenta: est enim illud verbum nota præcepti; vnde in materia graui probabilius est, quod obliget sub peccato mortali. Quando, attentis his omnibus, aliquis dubitat, an lex obliget sub mortali, vel sub veniali; probabile tenet Nauarrus, obligare tantum sub veniali; sed probabilius tenent Toletus, Medina, Valentina & alij, taliter dubitantes obligari ad illam legem, ac si illa lex obligaret sub mortali.

QVÆSTIO V.

An Leges humana obligent cum vita periculo?

Aliqui putant omnem legem humanam obligare cum periculo vitæ: Sic Caietanus, cuius ratio est quod lex humana obliget sub pœna peccati mortalis, & potius moriendum est, quam peccatum admittere. Alij volunt legem humanam non posse obligare cum periculo vitæ; quia conseruare vitam, est de lege naturæ: & lex naturæ præferenda est legi humanæ. Media est

CONCLUSIO.

Aliquando Leges humanæ obligant cum dispendio propriæ vitæ, aliquando non. Vtrumque patet exemplo; primum scilicet exemplo Ducis, qui in bello imperare potest militi, vt agat excubias in tali loco, nec stationem deserat, quocumque occurrente casu; etiamsi immineat periculum vitæ; lex autem illa est verè humana formaliter, licet radicaliter emanet à lege naturali, ratione fidelitatis in obseruando pacto, quod obligauit miles ad defendendam rempublicam, etiam

etiam cum dispendio vitæ: Est, inquam, naturalis radicaliter, quia oritur immediatè à Ducis præcepto, sine quo non plus teneretur ille miles agere excubias, quàm alter; nec manere potius in hoc loco, quàm in alio: Exemplificatur de secundo; in lege ieiunij & præcepto audiendi Sacrum, dispensamur ob necessitatem, infirmitatem & plurimas rationes. Nec dicat Caietanus, nunquam licitum esse peccatum; quia in his casibus transgressio legis non est peccaminosa: nam in his occasionibus cessat ipsius obligatio, nec censetur legislator istos casus comprehendisse sub præcepto. Hoc patet ex lege diuina; Christus enim v.g. præcepit integritatem Confessionis, à qua tamen dispensamur ob timorem legitimum reuelationis, & alias rationes de quibus egimus, loquentes de Confessione: à fortiori lex humana non censetur obligare semper cum periculo vitæ, vel alicuius grauis damni, quod iudicari debet tale per prudentem virum: sunt v.g. amissio membri, iactura famæ, detrimentum notabile boni temporalis perturbatio pacis etiam inter priuatos; hæc omnia tollunt obligationem legis humanæ.

Si quæratur autem, ex quo conijci possit, legem humanam obligare cum periculo vitæ: Afferunt Doctores duas responsiones. Primò, leges humanæ obligant cum periculo vitæ, quando observatio legis est moraliter necessariâ ad conseruandum bonum commune reipublicæ; naturalis enim ratio postulat vt quælibet pars exponi possit periculo ad conseruationem totius, vt patet de quolibet homine, qui exponit manus, brachia, & pedes, vt totum conseruet; vnde grauitè miles peccaret, nedum contra pactum, sed etiam contra præceptum Ducis, si stationem desereret in periculo subuersionis exercitus per hostes. Respondent secundo, legem esse seruandam cum dispendio vitæ, quando ipsius violatio cedit in contemptum fidei, aut legis & potestatis Ecclesiasticæ; ita vt, si quis Catholicus manducaret carnes in Quadragesima, vt mortem vitaret, quam ipsi minatur hæreticus, peccaret mortaliter; quia censetur contemnere religionem, quod est intrinsecè malum, & nunquam licitum; vnde Machabæi mortem prætulerunt manducationi carnis porcine.

Caietanus probare intendens legem humanam obli-

obligare cum periculo vitæ, affert plures leges, quæ taliter obligare videntur. Prohibetur, inquit, primò Sacerdoti, nè sine veste sacra & calice consecrato celebret; sed hoc non sic prohiberi respondeo, nisi hæreticus ad hoc cogeret in contemptum Religionis. Dicit secundò, absolutè prohiberi Matrimonium cum consanguinea, vbi dico licitum esse contrahere cum illa externo ritu; sed non licet consummare illud Matrimonium: primum inquam licet, quia tale Matrimonium in gradu prohibito ab Ecclesia prohibetur tantum iure humano, quod non obligat cum periculo vitæ: consummare verò illud non licet; quia, cum Matrimonium illud nullum sit, ob metum grauem, non potest consummari sine fornicatione. Vult tertio, quòd miles teneatur manere in sua statione, vbi imminet mortis periculum; & Pastor in sua parochia tempore pestis, sed hoc verum est ob bonum commune, quòd postulat, vt potius consulatur aliorum vitæ spiritali, quam suæ corporali, si alio modo ipsorum saluti succurri non potest; vnde Ioan. 10. habetur, *Bonus pastor animam suam ponit pro ouibus suis*: de milite respondimus antea. Adijcit quartò Innocentium III. declarare, ex metu non licere communicare cum excommunicato; sed Pontifex loquitur de metu leui: quòd si hoc intelligat de metu graui, hoc est de communicatione in crimine, quæ nunquam licet; non loquitur autem de alia communicatione, quoniam in multis hoc licet casibus, qui enumerabuntur; loquendo de censuris. Quintò tandem proponit, Carthusianos non posse carnes manducare ad suæ vitæ conseruationem; ad quod respondent multi, ad vitandam mortem Carthusianos non tantum posse, sed debere carnibus vri, modò non esset periculum scandali; quòd scilicet hoc fieret in contemptum religionis: sic Couarruias, Azorius, Salas, & alij; quia inquit Nicolaus III. cap. *exijt*, ab omni lege exempta est extrema necessitas; & vt ait Azorius, in voto abstinendi à carnibus, subintelligitur naturaliter ista conditio, nisi usus carniū vitæ sit necessarius. Alij dicunt, & rectius, ni fallor, quòd licet ad talem carniū manducationem non teneantur; tamen possunt illis vri in tali occasione, licet sanctius faciant, si abstinendo moriantur; quia non tenentur vitam quouis modo con-

conseruare , sed illam postponere possunt sanctitati suæ professionis , ad conseruandam vitæ disciplinam , & dandum virtutis exemplum .

Quæres , an aliquando liceat legem interpretari ? Antea notandum est , duplicem esse interpretationem legis : Prima est simplex , qua in aliquo casu particulari explicatur mens , quam habuit Legislator in lege condenda : secunda vocatur ad æquitatem , seu per *Ep̃kiam* , qua explicatur mens , quam legislator habuisset in aliquo casu , si illum præuidisset ; & est ex Arist. 5. Ethic. 1. c. 10 quædam emendatio legis vniuersalis , in aliquo casu particulari , in quo deficere videtur , & quem casum non præuidit legislator. Verbi gratia si lex prohibeat nè ciues noctu arma deferant per urbem ; potest aliquis audiens hostes conscendere muros ciuitatis ipsam deuastaturos , domo exire armatus vt hostes depellat , & in hoc legem non violat ; sed illam exponit per *Ep̃kiam* , seu emendat in hoc casu , ne summum ius sit summa iniuria .

Respondeo primò , in lege naturali , diuina & humana potest fieri simplex interpretatio . In lege Naturali constat , vbi Doctores interpretantur de homicidio prohibito iure naturali , quòd possit fieri auctoritate diuina , & publica , sicut & ob conseruationem vitæ propriæ . De Lege diuina constat ; per illam enim præcipitur integritas Confessionis , à qua quis censetur excusari , dum adest periculum reuelationis peccati , quòd sit per interpretationem . De Lege humana clarum est ; quia si possit fieri interpretatio in lege diuina & naturali , à fortiori in lege humana .

Respondeo secundò , quòd interpretatio , quæ dicitur ad æquitatem , seu per *Ep̃kiam* , locum non habeat in lege naturali , nec diuina , sed in humana . Non habet locum primò in lege naturali , quia interpretatio ex æquitate est emendatio legis in aliquo casu particulari in quo deficit , vt patet in exemplo præallato ; sed lex naturalis non deficit , quia non præcipit aliquid absolutè , sed cum debitis circumstantijs , aliàs non obligat : ergo interpretatio per *Ep̃kiam* non cadit in legem naturalem . Neque etiam in legem diuinam ; quia talis interpretatio , seu correctio supponit defectum in aliquo casu particulari , quæ non præ-

præuidit legislator ; nullus autem est casus particularis, quem Deus præuiderit. Quòd verò cadat *Epŷkia* in legem humanam, patet ; quia legislator humanus condens legem generalem pro tota communitate , non potest præuidere omnes casus particulares euenturos , nec proinde legem omnibus accommodare ; vnde aliquando corrigenda est per *Epŷkiam*.

Respondeo tertio, vt pateat ad quem spectet legem interpretari quòd si euident sit legem aliquam in aliquo casu non obligare , non est opus ad Superiorem recurrere, sed subditus potest illam exponere, & agere in isto casu contra verba legis : Si non sit euident, an lex obliget, & subditus maneat dubius, Superiorem consulere debet, si potest ; si non potest, debet agere iuxta verba legis, nè agat contra conscientiam dubiam. Si subditus magis inclinet probabiliter in vnā partem, debet adhuc recurrere ad superiorem, si adiri possit ; si non possit adiri, probabiliorē sequatur. Si quærat, an liceat interpretati Concilium Tridentinum, cū hoc prohibeat Pius IV. in Bulla confirmationis Concilij; Resp. affirmatiuè, vnde Pontifex intelligendus est de commentarijs authoritatiuè factis super Concilium ; non de illis quæ reuerenter in re dubia fiunt communiter. Si quærat, an declarationes Cardinalium Concilij interpretum habeant vim legis ; Resp. negatiuè, nisi publicentur in forma ; vnde Urbanus VIII. decreuit die 11. Aug. an. 1632. nullam fidem illis esse adhibendam, neque in iudicio, neque extra iudicium, nisi solito sigillo, & subscriptione Cardinalis Præfecti, ac Secretarij eiusdem Congregationes munitæ fuerint.

Quæres, in quibus cesset obligatio legis? Respondeo, legem cessare vel ab intrinseco, id est cessante fine quæ est anima legis ; vel ab extrinseco ; & hoc fit pluribus modis ; nimirum per reuocationem, per contrariam consuetudinem, per dispensationem, & per priuilegium quibus addi potest non vsus ; si lex enim per decennium non fuerit ad vsum reducta, cessasse videtur ; modò intrā illud tēpus casus aliqui interuenerint, in quibus lex potuisset vŷtari. De his omnibus dicendum est

Primò, cessante causa finali legis, cessat ipsa lex ;
ces-

cessante enim causa, cessat effectus. Sed notandum est, quòd si causa & finis legis esset tantum pro tempore aliquo, lex sopitur tantum, & non desinit; sed elapso tempore, nouas resumit vires, & non indiget noua promulgatione. Si etiam sint plures causæ & fines legis, cessante vna non cessat lex; sed ratione causarum remanentium suum robur semper retinet. Quòd si causa legis cesset pro vno particulari, & maneat pro alijs, lex non minus obligat illam particularem personam: Lex, v.g. prohibet certam vestium pompam, ne depauperentur familiæ; ille qui tali periculo non subest, non minus legem obseruare debet. Sic ob periculum incontinentiæ prohibetur egressus monialium, & ingressus ad illas; & ob periculum peruersionis prohibetur vniuersaliter lectio librorum hæreticorum; hæc leges afficiunt illas personas & illos casus, vbi non subest specialiter periculum, quod generaliter natum est subesse, finis enim legis est tollere & vitare periculū generale quòd manet, & non tantum speciale quod cessat: Vnde ridiculi planè videntur illi qui dicunt cessare legē ieiunij respectu eorum, qui non tot experiuntur motus concupiscentiæ manducando carnes, quot sentiunt piscibus vtendo: Ridiculi sunt, inquam; quia licet in tali lege absit finis extrinsecus ieiunij, nempe carnis mortificatio; non tamen deest finis intrinsecus, nempe honestas Temperantiæ. Ad id quod allegant, vsum piscium augere concupiscentiam; respondendum est, illum in ieiunio non præcipi.

Secundò, per reuocationem, seu per abrogationem leges desinere solent. Abrogatio autem fieri potest per illum qui tulit legem, per successorem, aut illius superiorem; successor enim & superior legislatori æquivalent. Quòd Legislator legem abrogare possit, patet; quia lex, & vis obligandi legis pendet à legislatore, qui antea voluit condere legem, & postea illam reuocare peroptat. Reuocatio fieri solet ob ingenij humani imbecillitatem, subditorum mutationem, & legum multitudinem. Ob ingenij nostri tenuitatem; quia cum omnia considerata non perspicuè attendamus, temporis successu videmus aliqua esse inutelia, quæ antea videbantur vtilia. Ob subditorum mutationes; illorum enim ingenia, inclinationes, occupationes, & negotia tot

mutationibus sunt obnoxia, vt leges modò illis profint, modò obfint. Ob multitudinem denique legum, certas quasdam reuocant legiflatores, nè populi onus nimium fit & importabile. Licet Legislator reuocare poffit legem fuam vel prædecefforis, etiamfi fit confirmata per fuperiorem, v.g. per Papam (quia talis confirmatio eft tantum regulariter accidentalis, ad legis maiorem authoritatem) non fatis derogare cenfetur legifpeciali, nec priuilegio conceflo, per claufulas generales, vt patet ex hac regula iuris, *generi per speciem derogatur*, id eft ex glosfa & doctõribus, lex fpecialis præcedens derogat legi generali fubfequenti. Hoc determinauit Bonifacius VIII. c. 1. *de conflit. in 6.* vbi exprefse pronuntiat, ftatuta & constitutiones fpeciales non reuocari per legem generalem, nifi de illis fiat fpecialis mentio. Hoc notandum eft contra priuilegiorum impugnatores.

Tertiò, per confuetudinem contrariam irritantur leges; confuetudo enim habet vim legis, ff. *de legibus lib. 1. tit. 1. lege 33. diuturna confuetudo pro iure & lege obferuari folet*: ficut ergo lex posterior priorem abrogat, fic confuetudo legem. Hoc tamen intellige de legibus humanis; fi enim fuerit confuetudo contraria legi naturali aut diuinæ, eft potius corruptela, quàm confuetudo, & tanto peior, quanto antiquior. Vocatur autem confuetudo ius quoddam moribus inftitutum, quod pro lege fufcipitur, cum deficit lex, inquit Ifidorus apud Gratianum. Vel fecundum alios, eft ius non fcriptum, quod ex longo & continuo vfu receptum eft. Tria facere poteft confuetudo; nimirum veterem legem abrogare nouam inftituere, dubiam interpretari. Vt hæc omnia faciat, debet efle rationabilis, antiqua & aliquo modo obinere confenfum principis. Debet primò efle iufta, c. *finali, de confuetudine*; quia habet vim legis & lex iufta efle debet, fed quomodo iufta efle poteft, cum abroget legem principis, quæ iufta eft? Refpondeo, vtramque poffe cenferi iuftam, propter diuerfas rationes probabiles; deinde lex potuit efle iufta ab initio, & poftèa propter varias mutationes potuit definere efle iufta & vtilis; unde iuftior aliquando fequitur confuetudo, quæ etiamfi inceperit cum peccato, excufat tamen à peccato, quan-

quando legitimè & iustè introducta est: iusta autem censetur & rationalis, quando ex vna parte est vtilis Communitati, & ex alia non est contra legem naturalem aut diuinam. Quantum ad tempus quo consuetudo vim acquirit, distinguendum est; si introducatur à populo cum consensu expresso principis, nullum tempus requiritur, quia sufficientem vim dat illi voluntas principis. Si introducatur de consensu tantum tacito vel præsumpto principis, iura exigunt regulariter decem annos contra legem civilem & quadraginta contra Ecclesiasticam. Non tamen hoc sic intellige, quòd subditi peccent toto illo tempore quod antecedit illos decem vel quadraginta annos, si admittant actus contra legem, & consuetudo non sit perfectè introducta: Sed hoc explicari debet de foro externo, quod scilicet subditi subijcerentur poenis, si ante decem vel quadraginta annos violarent legem; licet in foro interno non peccarent, quando consuetudo ita inualuit, ut plerique viri iusti, docti, & prudentes illam sequantur. Porro, lex prohibens consuetudinem, abrogari potest per consuetudinem; nisi illa consuetudo quæ prohibetur per legem, sit reprobata à lege, tanquam iniqua & irrationabilis, inquit Doctores; aliàs illa clausula quam addit legislator, *non obstante ulla consuetudine*, intelligenda est de præexistente consuetudine: quòd si loquatur de subsequenti, in hoc casu lex non prohibet consuetudinem, nisi quamdiu principi placet, & non amplius illi placet quando consuetudo contraria introducta est; quia censetur illam approbare tacitè, vel expressè.

Quartò, per dispensationem legis obligatio cessat, dispensatio enim est actus iurisdictionis, quo aliquis eximitur ab obligatione legis, perseverante adhuc obligatione respectu aliorum; in quo dispensatio differt à legis revocatione, in qua obligatio desinit quantum ad omnes. Dispensatio aliquando fit ad tempus & tunc habet rationem suspensionis legis; aliquando in perpetuum, & tunc est exceptio legis. Aliquando fit in totum, ut quando alicui relaxatur culpa & poena; aliquando tantum in partem, ut cum vnum solum remittitur, & retinetur aliud. Quòd rationalis possit fieri legis dispensatio, patet ex praxi continua Ecclesiæ, quæ regula-

rater dispensat ; & ex vulgari vsu principum , qui respectu multarum suarum legum obligationem suspendunt. Patet denique ex Concil. Trident. *sess. 25. cap. 18. de Reformat.* vbi docet expedire , quod legis vinculum aliquando relaxetur . Soli Superiores habentes iurisdictionem in foro externo dispensare possunt ; vti sunt Papa , Episcopi saltem confirmati, Prælati regularium , imò & ipsorum Confessarij , ex speciali priuilegio , & Principes sæculares ; non autem Parochi regulariter , nisi ex commissione : quia non sunt Prælati , nec habent iurisdictionem in foro externo : possunt tamen aliquando declarare suas oues esse legitimè dispensatas propter necessitatem à lege ieiunij , auditionis sacri , & vacationis à seruilii opere in die festo . Ad dispensationem requiritur voluntas interior dispensantis , quia actus agentium moralium non operantur vltra intentionem eorum ; vnde cum aliquis cognoscit se ficto animo esse dispensatum , non potest vti dispensatione , antequam renouetur serio . Requiritur postea , quod voluntas interior dispensantis manifestetur exterius ; non posset enim quis exercere actum prohibitum , nisi sibi constaret se dispensatum esse à lege prohibente. Dispensatio tacita superioris aliquando sufficit ; vt si pontifex præcipiat irregulari vt Missam celebret, cognoscendo illum esse irregularem ; censetur enim ipsum tacite dispensare, iubendo actionem, quæ non potest fieri sine dispensatione & ablatione impedimenti . Vt superior licite dispense , iusta causa requiritur , ex Cõc. Trid. *sess. 24. cap. 5. de Reformat. Matrim.* vbi ordinat, dispensationes Matrimonij non nisi ex causa concedi debere , & *cap. 18. sess. 25.* docet , dispensationes concedere sine iusta causa , nil aliud esse , quàm vnique ad leges transgrediendas præbere aditum ; vnde non sunt omittenda præclara D. Bernardi verba ; lib. 3. de Considerat. cap. 4. in fine , *vbi necessitas urget , rationalis dispensatio est ; vbi utilitas prouocat , dispensatio laudabilis est : utilitas dico , communis , non propria ; nam cum nihil horum est , non planè fidelis dispensatio est , sed crudelis dissipatio.* Ratio huius est , quia dispensatio talis sine causa vergit in contemptum legis , in disciplinæ Ecclesiasticæ ruinam , & in iustitiæ distributiue detrimentum ; distribuendo onera imparij ; vnde hoc est nocere bono communi . Causæ quæ

iustæ censentur ad concedendam dispensationem, sunt gloria Dei, bonum commune vel proximi, reparatio honoris, utilitas priuata animæ & corporis illius qui dispensatur, eiusdem fragilitas & similes, quæ iustæ censentur prudentum arbitrio; vbi attendendum est ad commune axioma, *Quòd sit melius de nimia pietate, quàm de seueritate redargui*. Addunt Doctores pro causa extrinseca, impositionem alicuius maioris pecuniæ pro bono communi Ecclesiæ distribuendæ; & hæc causa vulgò locum habet in dispensationibus circa Matrimonium. Quamuis illicita sit dispensatio quæ datur sine causa, & sine cognitione causæ, tamen valida est, quando fit in lege humana, à se lata, vel ab habente iurisdictionem æqualem; sicut enim lex à legislatore pendet in fieri, sic & in conseruari; & sicut illam non condere potuit, sic & de illa dispensare valer. Quia tamen hoc licitè facere non potest, non debet quis ab illo talem dispensationem exigere, ne ad peccatum proximum suum inducat. Quantum ad potestatem dispensandi; diximus antea quòd ipsa competat omnibus iurisdictionem externam habentibus; & apud illos etiam delegandi potestas residet, & non apud alios; *L. More. ff. de iurisdictione*, vbi habetur, *more maiorum ita comparatum est, ut is demum iurisdictionem mandare possit, qui eam suo iure, non alieno beneficio habet*. Potest ergo quilibet Superior ordinario iure dispensare super legem à se latam, idemque potest in iurisdictione successor, aut Superior. Dicit, Superior in iurisdictione; & ob hoc, quia Archiepiscopi non sunt suis suffraganeis superiores in iurisdictione; nisi in casu appellationis, sed tantum in dignitate quadam; idèò super leges istorum non possunt illi dispensare. Vtrum Papa dispensare possit super ea omnia quæ continentur in iure canonico, & quæ sūt Concilij generalibus confirmata; hoc pendet ex illa questione, an Papa sit supra Concilium. An verò inferiores Prælati possint dispensare super leges Superiorum; hoc nequeunt regulariter, dispensatio enim est actus iurisdictionis, & nullam Episcopi, v.g. habent in Papam; vnde, si Episcopi dispenseret regulariter in votis communibus; hoc illis conceditur ex v su Ecclesiæ, quæ rectum iudicauit, vt Episcopi nomine Dei talia vota relaxent, ob frequentes casus qui

eueniunt. Aliquando tamen in legibus Papæ possunt dispensare Episcopi: Primò, quando in iure conceditur indefinite potestas dispensandi; hoc potest intelligi de Episcopis, quia fauores sunt ampliandi. Secundò, quando materia est leuis; non est enim verisimile quòd pro leuibus astringat S. Pontifex, vt Romanam quis adeat. Tertiò, quando dispensandi occurrat frequens necessitas, vt in legibus ieiunij, festorum, & similibus; tunc enim ob bonum commune Papa censetur illam potestatem concessisse. Quartò, quando occurrit grauis necessitas, vt pauperies, periculum hostium, honoris periclitatio in mulieribus, &c. Nec in his casibus tenentur Episcopi procurare suis sumptibus dispensationem; vnde pro impedimenti occultis ante & post Matrimonium dispensare possunt in foro conscientie. Porro, licet superiores suos subditos extra territorium dispensare possint; an possint alienigenas dispensare in suo territorio existentes, distinguere debet, hoc posse quidem facere in legibus communibus & municipalibus; idest, quæ spectant ad talem locum, vt sunt ieiunia, festa, & similes; non posse verò in particularibus istis, scilicet iuramenti, voti, irregularitatis, ista enim omnia quasi personalia videntur, & super exteriorum personas Episcopi non habent iurisdictionem.

Per priuilegium denique cessare videntur leges, vt patet per etimologiam nominis; priuilegium enim ita dicitur, quia priuat lege, vel quia est lex priuata, à lege communi dispensans. Priuilegium differt à lege in his; quòd lex ex sua natura sit perpetua, concedatur Communitati perfectæ, solemniter promulgari debeat, vergat in bonum commune, & subditum obliget; Priuilegium verò ad tempus concedi valeat, concedatur Communitati imperfectæ, v.g. religionibus, non sit promulgandum, vergat in bonum priuatum, & priuilegiatum non obliget (quia est gratia, non onus) nisi hoc præcipiatur in priuilegio, aut nisi per illud priuilegiatus habilis fiat ad actum lege præscriptum; & sic Regulares per priuilegium exempti à communi interdicto, tenentur vti illo, vt missam audiant die festo. Aliud est priuilegium contra ius, quod scilicet dispensat à lege imposita, vt quando quis dispensatur à lege ieiunandi; aliud verò est non contra, sed præter ius quod permittit aliquid.

Q a quod

quod non erat ex iure concessum; vt facultas prædicandi, absoluendi, dispensandi, &c. Priuilegium ergo latius patet dispensatione; quia Dispensatio est contra ius, seu contra legem: dispensatio enim fit à lege obligante; & Priuilegium se extendit tum ad ea quæ sunt præter ius; tum ad ea quæ sunt contra ius. Forma interna priuilegij est intentio concedentis, externa verò regulariter est scriptura; vnde vocatur aliquando Rescriptum, vel Indultum, aut Breue, aut Bulla: hoc tamen non impedit quin concedi possint priuilegia verbo tenus, quibus vti possint priuilegiati in foro conscientiarum. Priuilegium est vel personale quod immediatè conceditur Personæ ratione sui, v. g. Petro, Paulo, &c. vel reale quod confertur directè alicui domo, templo, dignitati Episcopali, officio particulari, personæ sistæ, qualis est religio & religiosi, aut pupilli; pro tunc enim priuilegia conceduntur non tam personis ratione sui, quàm ratione qualitatis & conditionis in qua sunt. Si in forma priuilegij apponatur dignitas, & non fiat mentio personæ, vt quando dicit Sedes Apostolica, *concedo Episcopo Baiocensi talem gratiam*, illud priuilegium censetur reale, & transit ad successores; si verò dirigatur expressè ad personam, vel si innotescat, ad illam dirigi, per aliquas circumstantias præcedentes vel subsequentes, vt si habeatur, *tuam diligentiam agnoscentes, tibi Episcopo Baiocensi concedimus*; priuilegium est personale, & ipso mortuo, moritur. Quòd si hoc dignosci nequeat, Doctores respondent, priuilegium debere censi tale, si non sit in præiudicium tertij, nec sit contra ius commune; quia tunc est beneficium ampliandum: si verò sit contra ius commune, aut tertio noceat, censi debet personale & expirans in morte priuilegiati: quia est priuilegium odiosum, quod restringi debet. Priuilegium ille solus concedere valet, qui auctoritatem obtinet publicam; & ille solus potest illud accipere, qui est superiori subditus: pro tunc autem potest vti priuilegio extra territorium concedentis, vt patet de illo qui licentiam habet audiendi Confessiones in Diocesi Baiocensi, & potest audire quoscumque huius Diocesis extra illam; intellige hoc, modò non limitetur priuilegium ad talem locum. Dupliciter conceditur priuilegium; nimirum ad instantiam, & ex motu
pro-

proprio. Primum innotescit ex narratione supplicationis, quæ solet præcedere; secundum patet ex his verbis, *motu proprio, ex mera nostra liberalitate, non ad instantiam*: quæ si non exprimuntur, priuilegium censetur datum ad instantiam. Quando datur motu proprio, sebreptitium nunquam censendum est; sed ut tale potest haberi, si detur ad instantiam; quia potest sub falsa enuntiatione postulari. Priuilegia non cessant per mortem concedentis, quia sunt gratia, & gratia semel accepta non dependet in conseruari ab influxu donantis, nisi hoc exprimatur in concessione. Non cessant etiam per cessationem causæ; sicut nec aliæ donationes; unde donatio Decimarum alicui monasterio ob paupertatem, non cessat, cessante pauperie illius. Sed cessant priuilegia primò per renuntiationem exterius factam & acceptatam; unde si quis renuntiauerit tantum animo, vel non acceptetur renuntiatio externa, potest adhuc priuilegio frui, si velit: quòd si priuilegium sit in commodum alicuius status, non potest priuata persona renuntiare suo priuilegio; unde qui percuteret Clerum consentientem, non minus excommunicatione incurreret. Priuilegium non cessat per non usum priuatiuum; quia habens priuilegiū non tenetur eo uti, nec ulli conceditur, sub hac restrictione; quòd si eo non utatur, illud amittat; si sit tamen in grauamē alterius, potest cessare per non usum, sufficienti elapso tempore, per quod præscriptio currere potest, sicut in quolibet alia seruitute. Ad præscriptionem contra Laicos, decem anni requiruntur inter præsentēs, & viginti inter absentes; contra Ecclesiam requiruntur quadraginta anni, & centum contra Ecclesiam Romanam; contra Regulares iure communi requiruntur quadraginta anni, & ex priuilegio Eugenij IV. sexaginta; imò, in cōcessione facta Benedictinorū monasterio sancti Pauli extra muros Romæ, centum requiruntur; illi autem priuilegio participant per communicationē alij Regulares. Amittitur priuilegium postea per abusum; nam *ex cap. ubi, dist. 74. priuilegium meretur amittere, qui permissa sibi abutitur potestate*; sed ille abusus debet declarari per sententiam iudicis, qui respectu Regularium est supremus Pontifex. Tandem priuilegia cessare dicuntur per reuocationem succedentis, & ipsius successoris aut superioris, maxime

si sint gratuito concessa; si enim sunt remuneratoria, absolute quidem reuocari possunt, requiritur tamen grauis & vrgens causa, vt rationabiliter reuocentur; priuilegia autem Regularium remuneratoria sunt; vt patet ex Bulla Pij V. *& si mendicantium Ordines*, vbi habet, *pro suis sanctis studijs, honestisque laboribus, proque salute animarum ab Apostolica sede (cuius continue pacem & dignitatem Ordines ipsi fortiter tutati sunt) tam spiritualia, quam temporalia subsidia acceperint*; sic etiam loquuntur alij Pontifices.

Quantum ad priuilegia Regularium, dicam tantum, illa non esse reuocata, quidquid dicant Antiregulares, hoc factum fuisse primo in Concilio Lateranensi, & deinde in Tridentino. Si enim in Lateranensi aliqua priuilegia modificata fuerint, precipua tamen in eo confirmata fuerunt, v.g. quod possint audire Confessiones secularium, etiam si iniuste neget illis Episcopus approbationem, & hoc in omni tempore, etiam vt satisfiat precepto annue Confessionis; imo & in infirmorum domo, dum ab illis postulantur, absque eo quod Pastores hoc impedire valeant, nec alia Sacramenta egrotantibus negare. Hoc habetur in Bulla, *dum intra*, in Conc. 5. Lateran. Sess. 11. Quoad Concil. Trid. vere quidem aliqua reuocauit, praesertim illa quibus ab Episcoporum examine regulares erant liberi, sicut a presentatione sui coram illis, vt acciperent absoluendi potestatem, dum ipsi Episcopi erant ultra duas dextas; postea tamen Sess. 25. de Regular. addit Concilium, *in ceteris omnibus, praefatorum Ordinum priuilegia & facultates, quae ipsorum personas, loca, & iura concernunt, fixa sint & illa sa.* Videant ergo aduersarij, quod in praedictis Concilijs abrogata non fuerint, sed confirmata Regularium priuilegia. Quod si Gregorius XIII. in Bulla quae incipit *in tanta rerum*, certas quasdam gratias à Pio V. regularibus concessas reuocauerit; ipsemet paulo post in Bulla *quanto fructuosius*, quae est 26. apud Rodericum generaliter confirmauit ex certa scientia omnia priuilegia antea regularibus concessa, non obstantibus quibuscumque contrarijs Constitutionibus. Si etiam Gregorius XV. priuilegia regularium restringat in Bulla *inscrutabili*; illico agnoscit, hoc non debere fieri; vnde Cardinalibus Concilij Tridentini interpretibus praecipit, vt *Regulares conseruent in suis pristinis libertatibus*

ratibus & priuilegijs ; hæ autem declarationes in Bullario Romano existunt post præcedentem constitutionem . Adde quòd Urbanus VIII. in Bulla *alias felicitis* sub data 7. Febr. an. 1625. omnes & singulos articulos prædictæ constitutionis Gregorij XV. reuocauerit , in his quæ contraria sunt exemptorum priuilegijs : in bulla etiam *in plenitudinem* , ex certa scientia confirmauit Mendicantium priuilegia , & præ cæteris *Mare magnum* . Porro , si alicubi per regulas generales , omnia ad ius commune reuocantes , videantur talia priuilegia abrogari : Notandum est , priuilegia particularia non censi reuocata , nisi eorum reuocationis fiat expressa mentio , sub his aut similibus verbis ; *non obstantibus quibuscumque priuilegijs , etsi in illis expressè caueatur , quòd non censeantur reuocata , nisi de verbo ad verbum fiat illorum mentio* . Hoc habetur *cap. veniens , de præscript.* vbi habetur , *priuilegijs non existit derogatum , cum de ipsis nulla sit mentio* . Quod etiam confirmat regula iuris Canonici , *generi per speciem derogatur , non è contra* ; hoc est , lex particularis derogat quidem legi vniuersali ; sed lex generalis particulari non derogat , nisi fiat de ista mentio expressa ; cuius ratio esse potest , quòd legislator possit præsumi legem particularem ignorasse , & proinde non reuocasse , quando legem vniuersalem condidit . Si quarant aliqui , an Regularium priuilegia à Rege nostro recepta fuerint , respondebitur illico , D. Ludouicum Religiosos Mendicantes Parisijs acceptasse cum omnibus suis priuilegijs ; Ludouicum XIII. inter alios permisisse per sui Consilij edictum ann. 1634. vt Regulares Rothomagæi vterentur omnibus priuilegijs à summo Pontifice concessis ; & nuper Ludouicum XIV. per Edictum , datum an. 1641. die 11. Martij executioni mandari iussisse Breue Innocentij X. quo Regularibus Burdegalensibus licet absolvere intra quindenam Paschalem ; quod quidem Breue incipit : *exponi nobis nuper fecerunt* , 7. Febr. 1645.

DISPUTATIO TERTIA.

De Censuris.

Quoniam diximus aliàs, triplicem esse legem; præceptiuam scilicet, qua aliquid iubetur sub culpa tantum, & non sub poena; poenalem aliam, quæ non præcipit actum, sed tantum poenam pronuntiat, si elicitus fuerit actus, ut cum dicitur, si quis hoc fecerit, tali poenæ subiaceat; tertiam denique, quæ mixta dicitur, quia præcipit actum sub aliqua poena, vel illum prohibet; & tunc qui talem violant, & culpam contrahunt, & poenæ subijciuntur; Ex his sequitur, transgressores legum aliquibus poenis subiacere; ciuilibus nimirum, si leges, quæ infringuntur, ciuiles sint; & canonicis, si leges sint Ecclesiasticæ. Postquam ergo de legibus loquuti fuimus in vtraque disputatione præcedenti, in prima siquidem de legibus in genere, in secunda verò de qualibet lege in particulari; nunc de poenis contra infractores legum dicere superest, maxime de Canonicis, quæ Censuræ Ecclesiasticæ nominantur; aliæ enim ad nostrum institutum non spectant. Dicemus autem de illis, & in genere & in specie, per multas inquisitiones, quas quæstionibus generalibus subijciemus breuitatis causa & claritatis.

QVÆSTIO PRIMA.

De Censuris in genere.

Sicut duplex est forum in Ecclesia, interius scilicet & exterius; sic duplex est potestas, quæ nomine clauium Ecclesiæ designatur; prima est potestas interna, quæ extenditur ad remittendum & retinendum peccatum in foro Poenitentiae; secunda est exterior, quæ extenditur ad ligandum vel soluendum per censuras Ecclesiasticas. Ut potestas vtraque ritè exerceatur, duplex requiritur actus, quorum vnus consistit in discussione causæ, & dicitur clauis scientiæ; alius verò consistit in valida, & licita pronun-

munitione sententiæ, & vocatur clavis potestatis.
Hoc posito.

Quæres primò, quid sit Censura secundùm nomen?
Resp. nomen censuræ deduci à censorum munere; Censores autem apud Romanos erant morum magistri, à censendo & arbitrando sic dicti; ad illorum quippe officium pertinebat ciuium mores perquirere, malos emendare, & indignos ab honoribus deponere. Ab illo ergo munere vox censuræ deriuatur, quæ idem est ac seuera correctio, seu multa aliqua, quæ loco poenæ imponitur ab Ecclesia, ad Ecclesiasticæ disciplinæ manutenentiam.

Quæres secundò, an sit in Ecclesia potestas ferendi Censuram. Resp. affirmatiuè; Matthæi enim 16. collata est potestas Apostolis ligandi, his verbis scilicet; *quodcumque ligaueritis super terram, erit ligatum & in caelis*: verba autem ista sunt generalia, inquit Belarminus lib. 1. de Summo Pontif. cap. 15. & alij: ergo possunt extendi ad forum externum, in quo feruntur Censuræ, quando hoc exigit bonum Ecclesiæ regimen. Hoc confirmatur ex Concilio Constantiensi, in quo Vicleffus hoc negans condemnatus fuit; sicut ex communi usu Pontificum; imò Urbanus primus in Epistola Decretali ad vniuersos Episcopos, mentionem facit Excommunicationis; & ante ipsum Pontificem, Canon Apostolorum quartus decimus, vbi habetur, *si quis clericus in caupona cibum capere deprehensus fuerit, à communione excludatur*. Hoc & habetur in pluribus alijs Apostolorum Canonibus. Sic Patres tradunt, Paulum 1. Cor. 5. incestuosum excommunicasse, dum ibi dixit; *iudicatis congregatis vobis in nomine Domini, & meo spiritu cum virtute Iesu Christi, trahere huiusmodi hominem Sathana in interitum, ut spiritus saluus sit in die Domini nostri Iesu Christi*. Primæ etiam ad Timoth. 1. excommunicauit Alexandrum & Himenæum, dicens; *ex quibus (qui circa fidem naufragauerunt) est Himenæus & Alexander, quos tradidi Sathara ut discant non blasphemare*.

Quæres tertio, quid sit Censura? Resp. quod sit poenæ spiritualis, priuans hominem baptizatum usu aliquorum bonorum spiritualium; non quidem perpetuam;

sed quæ posita emendatione, tolli debeat; & hoc in ordine ad salutem. Poena tenet locum generis, quia omnis Censura est poena, non tamen omnis poena est Censura, ut patet de irregularitate, suspensione, degradatione, & cessatione à diuinis, quæ sunt poenæ spirituales, non tamen sunt censuræ, ut diximus. Dicitur secundo, *spiritualis*; quia est poena animæ, quæ nunquam imponitur, nisi ratione criminis. Dicitur tertio, *priuans hominem baptizatum*; subiectum enim censuræ est fidelis, qui per Baptismum fit subditus Ecclesiæ; non infidelis, qui cum non sit intra Ecclesiam, ipsius iurisdictioni non subijcitur. Dicitur quarto, *priuans usu aliquorum bonorum spiritualium*; non tendit enim ad temporalia per se, ut leges ciuiles, quæ poenas temporales imponunt, pecuniarias scilicet vel corporeas; ubi leges Ecclesiasticæ priuant aliquibus bonis spiritualibus, ut usu Sacramentorum, suffragiorum participatione, Ecclesiasticorum, munerum exercitio, &c. non tamen omnibus bonis priuant, sed tantum externis; non internis, qualia sunt carактер, gratia, virtutes, actiones meritoria; hæc enim omnia non possunt auferri ab homine inuito; vnde excommunicatus aliquis potest actum contritionis elicere circa omnia sua peccata, & circa illud propter quod excommunicationem contraxit; & pro tunc censetur absolutus in foro interiori, eritque in gratia, & poterit mereri, licet non sit absolutus in foro exteriori ab excommunicatione, quæ cum remaneat aliquando post recuperatam gratiam, priuat adhuc hominem etiam iustificatum bonis spiritualibus externis. Quod si illum priuet bonis temporalibus, nimirum usu beneficii, salutatione, honore, aliorum communicatione, hoc est semper in ordine ad spiritualia. Dicitur quinto, *non perpetua, sed quæ possit tolli, posita emendatione*, Censuræ enim sunt poenæ medicinales, quæ relaxari debent posita sanitate; vnde depositio & degradatio, quæ de se perpetuæ sunt, non sunt Censuræ; quia priuant hominem, non tantum usu, sed potestate vtendi bonis spiritualibus. Subiungitur denique, *in ordine ad salutem*; ut ostendatur mens Ecclesiæ, quæ non intendit per Censuras animæ damnationem, sed resipiscentiam à contumacia, & abstinentiam à peccatis, in quorum poenam iniungitur Censura.

Quæres quartò; quoruplex sit Censura? Multi sentiunt sex esse Censuras; nempe Excommunicationem, suspensionem, interdictum, depositionem, degradationem, & irregularitatem, maximè illam, quæ contrahitur ex delicto. Melius tamen est, si dicamus, tres tantum esse; nimirum Excommunicationem, suspensionem, & interdictum; Innocentius enim III. *cap. quarenti, de verborum significatione*, interrogatus, quid nomine Censuræ in Pontificum rescriptis esset intelligendum, respondit, non solum interdictum, sed & Excommunicationem & suspensionem intelligi debere; si autem præter has essent aliæ, non sufficienter Pontifex quæstioni propositæ respondisset. Dicendum ergo est quod irregularitas non sit propriè Censura; quia non tam est poena, quàm Inhabilitas & indecentia quædam ad Ordines suscipiendos, & exercendos, & ad Ecclesiastica munera obeunda. Depositio & degradatio non sunt etiam censuræ; nam censura ex sua institutione aufertur, posita resipiscentia: Degradatio verò & depositio carent spe remissionis, & si daretur cum spe, illas reuocandi ad tempus, essent aliquod genus suspensionis; sed communiter degradati & depositi non reabilitantur, vnde istæ poenæ vocantur vinculum indissolubile, & censuræ vinculum dissolubile. Distinguuntur depositio & degradatio secundum magis & minus; si enim aliquis amoveatur à particulari & determinato gradu Clericali, alio remanente, illa poena vocatur degradatio: sic quando quis priuatur celebratione Missæ, potest adhuc officium Diaconi exercere: si ab omnibus gradibus amoveatur, est depositio, Quoad cessationem à diuinis; non est Censura; quia non imponitur per modum poenæ, sed per modum luctus ob iniuriam Deo vel Ecclesiæ illatam. Porro licet Excommunicatio, Sensusio & Interdictum priuent iisdem bonis spiritualibus; diuersæ tamen sunt censuræ, quia diuersa subiecta respiciunt. Interdictum enim respicit loca sacra in ordine ad personas, quæ dum morantur in loco interdicto, arcentur ab auditione sacri v.g. vel celebratione; Sensusio respicit Clericos; & Excommunicatio tum Clericos tum Laicos.

Quæres quintò, quis possit ferre Censuras? Respa.

primò, quod potest ordinaria ferendi Censuras resideat penes illos, qui habent iurisdictionem ordinariam in foro externo, quales sunt Summus Pontifex, respectu omnium fidelium; Episcopi, respectu Dioecesanorum; Legati Pontificis, in provincia suae legationis; Vicarius Episcopi, quia habet idem tribunal cum Episcopo; Capitulum sede vacante, quia Episcopo succedit in iurisdictione; Vicarius Capituli, eandem cum Capitulo habens iurisdictionem: Abbates & Archipresbyteri, quibus ex iure speciali communicata est in certis locis iurdictio Episcopalis; Concilia Generalia & Prouincialia; Capitula Generalia & Prouincialia; Regularium Generales, Prouinciales, & Prælati locales, quales sunt Guardiani, ut habetur in Statutis Generalibus nostri Franciscani Ordinis, cap. 6. ff. 20. Parochi autem, qui non sunt prælati, nec habent iurisdictionem externam, ferre Censuras non possunt. Resp. secundò, commissionem ferendi Censuras non posse delegari nisi viatori; quia Censura est gladius iurisdictionis Ecclesie militantis, quo non potest percutere nisi ille qui existit in Ecclesia militante. Nō potest etiam delegari illi qui caret usu rationis, cum non possit habere actum iurisdictionis, ad quem requiritur cognitio causæ. Non potest deinde ad Censuram ferendam deputari infidelis: cum enim non habeat Baptismum, qui est ingressus Ecclesie, iurisdictione Ecclesiastica uti non potest. Nec Laicus, ut patet ex cap. *decernimus, de iudicijs*, sicut & ex cap. *Ecclesia, de constitutionibus*. Nec femina, cap. *de monialibus, de sentent. excommuni.* ubi habetur, illas non posse à Censuris absolue subditas: ergo nec ferre Excommunicationem. Unde si legatur, Abbatissas suspendisse, respondet Bonacina cum alijs, non fuisse veram Censuram, quia violata, incurreretur irregularitas; sed fuit tantum quidam prohibitio emanans, non à iurisdictione; sed à quadam simplici commissione, quam habent ab Ecclesia in ordine ad correctionem & disciplinam domesticam subditarum. Ob hoc Doctores apud Bonacinam citati, sentiunt Prælatas Moniatium non posse sub peccato mortali præcipere id quod non esset aliàs peccatum, nisi ex potestate domestica, & economica gubernatione. An autem Summus Pontifex possit absolute iurisdictionem illam conferre

fœminæ, affirmat Bonacina cum multis, aliqui negant. Resp. tertio, quemcumque Clericum posse ex commissione ferre Censuras; habens enim tantum primam tonsuram, est capax Ecclesiasticæ iurisdictionis; modò non sit coniugatus, quia coniugati non possunt admitti ad negotia Ecclesiastica. Idem dicendum est de Religiosis professis non clericis, ac de laicis sæculi, quòd non possint ferre censuras, nisi ex dispensatione Summi Pontificis, qui potest in iure humano dispensari, non verò Episcopi, qui non potest dispensare supra legem Superioris.

Quæres sexto, qui possit Censuris ligari? Respondeo primò, quòd debeat esse viator; vnde mortuus ligari non potest Censura, nam Matth. 18. habetur, *Quicumque ligaueritis super terram, &c.* mortui autem non sunt super terram. Dùm ergo Ecclesia priuat peccatorem publicum sepultura & suffragiis, & eum absoluit post mortem ab Excommunicatione contracta ante mortem; non est quòd Ecclesia illum liget Excommunicatione directè, sed tantum indirectè; non habet enim in mortuos, nisi iurisdictionem indirectam vnde mortuos non excommunicat; sed prohibet, nè vini pro illis orèt, aut donent illis sepulturam; nec etiam absoluit; sed concedit viuèntibus, vt pro illis orent & ipsum sepeliant. Resp. secundò quòd debeat esse baptizatus; non baptizati enim non subiiciuntur legibus, nec pœnis Ecclesiasticis, etiamsi Cathumeni sint, quia nondum sunt in Ecclesia: secus dicendum est de Hæreticis, quia manent sub Ecclesiæ iurisdictione, ratione caracteris, qui indolebilis est. Resp. tertio, debere esse adultum; pro tunc enim peccare potest mortaliter: ergo & ligari Censura in pœnam peccati lata, sine sit lata à iure, siue ab homine; cum hac tamen distinctione quòd adulti impuberes, idest ante duodecimum annum pro fœminis, & quartumdecimum pro masculis, non possint licitè ligari Excommunicatione ab homine, illicitè possint validè sicut licitè & validè possunt subiei interdicto quod non est tam grauis pœna, ac Excommunicatio. Resp. quarto, Censuram Excommunicationis non posse ferri nisi in determinatam personam, non verò in Capitulum aut Communitatem. c. *Romana de sentent. Excommunicationis in 6.* Suspensio autem & interdictum in communitatem ferri

ferri possunt. Ratio huius est; quia Excommunicatio est grauis pœna, quæ priuat suffragijs & auxilijs Ecclesie, animæ multum necessarijs: ergo non debet ferri indifferenter in reos & innocentes; Suspendio autem priuat tantum ab officio & beneficio, & interdictum à celebratione & auditione diuinorum officiorum; vnde non est contra iustitiam, si per accidens ferantur in innocentes.

Quòd si aliquando feratur Excommunicatio in Collegium, semper exprimitur peccatum ob quod fertur Excommunicatio, & sic ligat tantum reos, non alios; vt si v.g. ferretur Excommunicatio in Parisienses non obediētes Pontifici; hoc est excommunicare personas priuatas quæ parere recasunt. Resp. quintò, quòd debeat esse subditus illi qui fert censuram; vnde habentes priuilegium à summo Pontifice, quo dispensantur ab Episcoporum iurisdictione, ab illis non possunt ligari censura, sed tantum à superioribus suis, qui ligare possunt suos subditos per præceptum, vbicumque peccent, quia illorum potestas nullo loco arctatur, Episcopi verò subditum extra suum territorium peccantē innodare non possunt vlla censura, c. 2. de Constitutionibus in 6. Si tamen post reditum, ab Episcopo citatus non obediat, ligari potest. Resp. sextò, quod eandem persona pluribus censuris ligari queat siue sint eiusdem rationis; v. g. pluribus Excommunicationibus, siue sint diuersæ, vt Excommunicatione & suspensione; quamuis enim vna censura priuet aliquando bonis omnibus spiritualibus, alia priuat virtualiter, & nouo titulo, sicut peccator per noua peccata actualia nouo titulo gratia priuatur.

Quæres septimò, quanam sit materia ob quam censura possit ferri. Resp. primò, debere esse peccatum mortale, vt feratur grauis censura, v. g. Excommunicatio maior, suspensio, & interdictum ad longum tempus; pro peccato tamen veniali ferri potest Excommunicatio minor, quæ contrahitur ob leuem in ciuilibus communicationem cum nominatim excommunicato; sic dicendum de suspensione & interdicto ad breue tempus. Ratio vtriusque est, quia iustitia distributiva verat, vt leui delicto grauis pœna infligatur. Resp. secundò, quod quando superior actionem ex se indifferentem prohibet sub Excommu-

nicatione, censetur illam prohibere sub peccato mortali, cui pro pœna annectit Excommunicationem; non potest tamen illa actio prohiberi sub Excommunicatione, nec sub peccato mortali, si sit levis in se, & levis maneat in ordine ad finem; ius enim naturale aut diuinum non obligant ad peccatum ob leuem materiam; ergo nec ius humanum. Resp. tertio, quod peccatum debeat esse proprium, vt contrahatur Excommunicatio, quæ est grauissima pœna; licet pro peccato alieno suspensio & interdictum ferri possint, & consequenter suspendi & interdici communitas, non verò excommunicari: in casu autem interdicti & suspensionis, quæ pro peccato alieno feruntur, non puniuntur propriè innocentes, sed delinquentes puniuntur in persona infontium. Resp. quarto, censuram non posse ferri ob peccatum merè internum, de occultis enim non iudicat Ecclesia in foro externo; potest tamen pro actu externo, qui debet informari essentialiter actu interno: sic possunt censura ligari qui officium non recitant cum attentione, qui non confitentur cum dolore, qui ex odio aut spe lucri puniunt innocentem; & tunc non ligatur censura actus internus per se, sed quatenus dicit ordinem ad actum externum quem informat. Quando ergo actus internus est de substantia actus externi, tunc ille qui omittit actum internum, & elicit externum, censura innodari potest, v.g. si esset lata Excommunicatio contra eos qui non audiunt Missam, aut non recitant officium; illi qui non audirent aut recitarent cum attentione, essent excommunicati, quia attentio est de substantia vtriusque: Quando verò actus internus non est de substantia actus externi, qui elicit actum externum sine interno, non incurrit censuram; vnde si ferretur Excommunicatio contra non communicantes & non confitentes in Paschate, indignè communicantes non incurrerent illam; nam substantiam præcepti adimplet indignè communicans; non sic autem de confessione, qui essentialiter requirit quod sit valida; & idè qui confessionem non integram, aut alia circumstantia essentiali carentem ederet, incurreret Excommunicationem. Respondeo quinto, peccatum debere esse completum, & effectum suum habere: leges enim pœnales benignius explicandæ sunt; vnde qui scienter indigauit

quod non erat ex iure concessum; vt facultas prædicandi, absoluendi, dispensandi, &c. Priuilegium ergo latiùs patet dispensatione; quia Dispensatio est contra ius, seu contra legem: dispensatio enim fit à lege obligante; & Priuilegium se extendit tùm ad ea quæ sunt præter ius; tùm ad ea quæ sunt contra ius. Forma interna priuilegij est intentio concedentis, externa verò regulariter est scriptura; vnde vocatur aliquando Rescriptum, vel Indultum, aut Breue, aut Bulla: hoc tamen non impedit quin concedi possint priuilegia verbo tenus, quibus vti possint priuilegiati in foro conscientiarum. Priuilegium est vel personale quod immediatè conceditur Personæ ratione sui, v. g. Petro, Paulo, &c. vel reale quod confertur directè alicui domo, templo, dignitati Episcopali, officio particulari, personæ sistæ, qualis est religio & religiosi, aut pupilli; pro tunc enim priuilegia conceduntur non tam personis ratione sui, quàm ratione qualitatis & conditionis in qua sunt. Si in forma priuilegij apponatur dignitas, & non fiat mentio personæ, vt quando dicit Sedes Apostolica, *concedo Episcopo Baiocensi talem gratiam*, illud priuilegium censetur reale, & transit ad successores; si verò dirigatur expressè ad personam, vel si innotescat, ad illam dirigi, per aliquas circumstantias præcedentes vel subsequentes, vt si habeatur, *tuam diligentiam agnoscentes, tibi Episcopo Baiocensi concedimus*; priuilegium est personale, & ipso mortuo, moritur. Quòd si hoc dignosci nequeat, Doctores respondent, priuilegium debere censi tale, si non sit in præiudicium tertij, nec sit contra ius commune; quia tunc est beneficium ampliandum: si verò sit contra ius commune, aut tertio noceat, censi debet personale & exspirans in morte priuilegiati: quia est priuilegium odiosum, quod restringi debet. Priuilegium ille solus concedere valet, qui authoritatem obinet publicam; & ille solus potest illud accipere, qui est superiori subditus: pro tunc autem potest vti priuilegio extra territorium concedentis, vt patet de illo qui licentiam habet audiendi Confessiones in Diocesi Baiocensi, & potest audire quoscumque huius Diocesis extra illam; intellige hoc, modò non limitetur priuilegium ad talem locum. Dupliciter conceditur priuilegium; nimirum ad instantiam, & ex motu

proprio. Primum innotescit ex narratione supplicationis, quæ solet præcedere; secundum patet ex his verbis, *motu proprio, ex mera nostra liberalitate, non ad instantiam*: quæ si non exprimuntur, priuilegium censetur datum ad instantiam. Quando datur motu proprio, sebreptitium nunquam censendum est; sed ut tale potest haberi, si detur ad instantiam; quia potest sub falsa enuntiatione postulari. Priuilegia non cessant per mortem concedentis, quia sunt gratia, & gratia semel accepta non dependet in conseruari ab influxu donantis, nisi hoc exprimatur in concessione. Non cessant etiam per cessationem causæ; sicut nec aliæ donationes; vnde donatio Decimarum alicui monasterio ob paupertatem, non cessat, cessante pauperie illius. Sed cessant priuilegia primò per renuntiationem exterius factam & acceptam; vnde si quis renuntiauerit tantum animo, vel non acceptetur renuntiatio externa, potest adhuc priuilegio frui, si velit: quòd si priuilegium sit in commodum alicuius status, non potest priuata persona renuntiare suo priuilegio; vnde qui percuteret Clerum consentientem, non minus excommunicatione incurreret. Priuilegium non cessat per non usum priuatiuum, quia habens priuilegiū non tenetur eo uti, nec vlli conceditur, sub hac restrictione; quòd si eo nõ utatur, illud amittat; si sit tamen in grauamē alterius, potest cessare per non usum, sufficienti elapso tempore, per quod præscriptio currere potest, sicut in qualibet alia seruicute. Ad præscriptionem contra Laicos, decem anni requiruntur inter præsentēs, & viginti inter absentes; contra Ecclesiam requiruntur quadraginta anni, & centum contra Ecclesiam Romanam; contra Regulares iure communi requiruntur quadraginta anni, & ex priuilegio Eugenij IV. sexaginta; imò, in cōcessione facta Benedictinorū monasterio sancti Pauli extra muros Romæ, centum requiruntur; illi autem priuilegio participant per communicationē alij Regulares. Amittitur priuilegium postea per abusum; nam *ex cap. ubi, dist. 74. priuilegium meretur amittere, qui permissa sibi abutitur potestate*; sed ille abusus debet declarari per sententiam iudicis, qui respectu Regularium est supremus Pontifex. Tandem priuilegia cessare dicuntur per reuocationem succedentis, & ipsius successoris aut superioris, maxime

si sint gratuito concessa; si enim sunt remuneratoria, absolute quidem reuocari possunt, requiritur tamen grauis & vrgens causa, vt rationabiliter reuocentur; priuilegia autem Regularium remuneratoria sunt; vt patet ex Bulla Pij V. *& si mendicantium Ordines*, vbi habet, *pro suis sanctis studijs, honestisque laboribus, proque salute animarum ab Apostolica sede (cuius continue pacem & dignitatem Ordines ipsi fortiter tutati sunt) tam spiritualia, quam temporalia subsidia acceperunt*; sic etiam loquuntur alij Pontifices.

Quantum ad priuilegia Regularium, dicam tantum, illa non esse reuocata, quidquid dicant Antiregulares, hoc factum fuisse primo in Concilio Lateranensi, & deinde in Tridentino. Si enim in Lateranensi aliqua priuilegia modificata fuerint, praecepta tamen in eo confirmata fuerunt, v.g. quod possint audire Confessiones saecularium, etiam si iniuste neget illis Episcopus approbationem, & hoc in omni tempore, etiam vt satisfiat praecepto annuae Confessionis; imò & in infirmorum domo, dum ab illis postulantur, absque eo quod Pastores hoc impedire valeant, nec alia Sacramenta agrotantibus negare. Hoc habetur in Bulla, *dum intra*, in Conc. 5. Lateran. Sess. 11. Quoad Concil. Trid. verè quidem aliqua reuocauit, praesertim illa quibus ab Episcoporum examine regulares erant liberi, sicut à presentatione sui coram illis, vt acciperent absoluendi potestatem, dum ipsi Episcopi erant ultra duas diuitas; postea tamen Sess. 25. de Regular. addit Concilium, *in ceteris omnibus*, praefatorum *Ordinum priuilegia & facultates, quae ipsorum personas, loca, & iura concernunt, fixa sint & illa sa.* Videant ergo aduersarij, quod in praedictis Concilijs abrogata non fuerint, sed confirmata Regularium priuilegia. Quod si Gregorius XIII. in Bulla quae incipit *in tanta rerum*, certas quasdam gratias à Pio V. regularibus concessas reuocauerit; ipsemet paulò post in Bulla *quanto fructuosius*, quae est 26. apud Rodericum generaliter confirmauit ex certa scientia omnia priuilegia antea regularibus concessa, non obstantibus quibuscumque contrarijs Constitutionibus. Si etiam Gregorius XV. priuilegia regularium restringat in Bulla *inscrutabili*; illicò agnoscit, hoc non debere fieri; vnde Cardinalibus Concilij Tridentini interpretibus praecipit, vt Regulares conseruent in suis pristinis libertatibus

ratibus & priuilegijs ; hæ autem declarationes in Bullario Romano existunt post præcedentem constitutionem . Adde quòd Urbanus VIII. in Bulla *alias felicitis* sub data 7. Febr. an. 1625. omnes & singulos articulos prædictæ constitutionis Gregorij XV. reuocauerit , in his quæ contraria sunt exemptorum priuilegijs : in bulla etiam *in plenitudinem* , ex certa scientia confirmauit Mendicantium priuilegia , & præceteris *Mare magnum* . Porro , si alicubi per regulas generales , omnia ad ius commune reuocantes , videantur talia priuilegia abrogari : Notandum est , priuilegia particularia non censerì reuocata , nisi eorum reuocationis fiat expressa mentio , sub his aut similibus verbis ; *non obstantibus quibuscumque priuilegijs , etsi in illis expresse caueatur , quòd non consentur reuocata , nisi de verbo ad verbum fiat illorum mentio* . Hoc habetur *cap. veniens , de præscript.* ubi habetur , *priuilegijs non existit derogatum , cum de ipsis nulla sit mentio* . Quod etiam confirmat regula iuris Canonici , *generi per speciem derogatur , non è contra* ; hoc est , lex particularis derogat quidem legi vniuersali ; sed lex generalis particulari non derogat , nisi fiat de ista mentio expressa ; cuius ratio esse potest , quòd legislator possit præsumi legem particularem ignorasse , & proinde non reuocasse , quando legem vniuersalem condidit . Si quarant aliqui , an Regularium priuilegia à Rege nostro recepta fuerint , respondebitur illico , D. Ludouicum Religiosos Mendicantes Parisijs acceptasse cum omnibus suis priuilegijs ; Ludouicum XIII. inter alios permisisse per sui Consilij edictum ann. 1634. vt Regulares Rothomagæi vterentur omnibus priuilegijs à summo Pontifice concessis ; & nuper Ludouicum XIV. per Edictum , datum an. 1641. die 11. Martij executioni mandari iussisse Breue Innocentij X. quo Regularibus Burdegalensibus licet absoluerè intra quindenam Paschalem ; quod quidem Breue incipit : *exponi nobis nuper fecerunt* , 7. Febr. 1645.

DISPUTATIO TERTIA.

De Censuris.

Quoniam diximus aliàs, triplicem esse legem; præceptiuam scilicet, quæ aliquid iubetur sub culpa tantum, & non sub poena; poenalem aliam, quæ non præcipit actum, sed tantum poenam pronuntiat, si elicitus fuerit actus, ut cum dicitur, si quis hoc fecerit, tali poenæ subiaceat; tertiam denique, quæ mixta dicitur, quia præcipit actum sub aliqua poena, vel illum prohibet; & tunc qui talem violant, & culpam contrahunt, & poenæ subijciuntur; Ex his sequitur, transgressores legum aliquibus poenis subiacere; ciuilibus nimirum, si leges, quæ infringuntur, ciuiles sint; & canonicis, si leges sint Ecclesiasticæ. Postquam ergo de legibus loquuti fuimus in utraque disputatione præcedenti, in prima siquidem de legibus in genere, in secunda verò de qualibet lege in particulari; nunc de poenis contra infractores legum dicere superest, maxime de Canonicis, quæ Censuræ Ecclesiasticæ nominantur; aliæ enim ad nostrum institutum non spectant. Dicemus autem de illis, & in genere & in specie, per multas inquisitiones, quas quæstionibus generalibus subijciemus breuitatis causa & claritatis.

QVÆSTIO PRIMA.

De Censuris in genere.

Sicut duplex est forum in Ecclesia, interius scilicet & exterius; sic duplex est potestas, quæ nomine clauium Ecclesiæ designatur; prima est potestas interna, quæ extenditur ad remittendum & retinendum peccatum in foro Poenitentiae; secunda est exterior, quæ extenditur ad ligandum vel soluendum per censuras Ecclesiasticas. Ut potestas utraque rite exerceatur, duplex requiritur actus, quorum vnus consistit in discussione causæ, & dicitur clauis scientiæ; alius verò consistit in valida, & licita pronun-

munitione sententiæ, & vocatur clavis potestatis.
Hoc posito.

Quæres primò, quid sit Censura secundum nomen?
Resp. nomen censuræ deduci à censorum munere;
Censores autem apud Romanos erant morum magi-
stri, à censendo & arbitrando sic dicti; ad illorum
quippe officium pertinebat ciuium mores perquire-
re, malos emendare, & indignos ab honoribus
deponere. Ab illo ergo munere vox censuræ de-
riuat, quæ idem est ac seuera correctio, seu
multa aliqua, quæ loco pœnæ imponitur ab Ec-
clesia, ad Ecclesiasticæ disciplinæ manutenen-
tiam.

Quæres secundò, an sit in Ecclesia potestas ferendi
Censuram. Resp. affirmatiuè; Matthæi enim 16. col-
lata est potestas Apostolis ligandi, his verbis scilicet;
*quodcumque ligaueritis super terram, erit ligatum & in
cælis*: verba autem ista sunt generalia, inquit Bel-
larminus lib. 1. de Summo Pontif. cap. 15. & alij;
ergo possunt extendi ad forum externum, in quo fe-
runtur Censuræ, quando hoc exigit bonum Ecclesiæ
regimen. Hoc confirmatur ex Concilio Constan-
tientiensi, in quo Vicleffus hoc negans condemnatus
fuit; sicut ex communi usu Pontificum; imò Urban-
us primus in Epistola Decretali ad vniuersos Epif-
copos, mentionem facit Excommunicationis; & an-
te ipsum Pontificem, Canon Apostolorum quartus
decimus, vbi habetur, *si quis clericus in caupona cibum
capere deprehensus fuerit, à communione excludatur*.
Hoc & habetur in pluribus alijs Apostolorum Cano-
nibus. Sic Patres tradunt, Paulum 1. Cor. 5. in-
cestuosum excommunicasse, dum ibi dixit; *iudicatis
congregatis vobis in nomine Domini, & meo spiritu cum
virtute Iesu Christi, tradere huiusmodi hominem Satha-
næ in interitum, ut spiritus saluus sit in die Domini no-
stri Iesu Christi*. Primæ etiam ad Timoth. 1. excom-
municauit Alexandrum & Himenæum, dicens; *ex
quibus (qui circa fidem naufragauerunt) est Himenæus
& Alexander, quos tradidi Satharæ ut discant non blas-
phemare*.

Quæres tertiò, quid sit Censura? Resp. quòd sit
pœne spiritualis, priuans hominem baptizatum usu ali-
quorum bonorum spiritualium; non quidem perpetuam;

sed quæ posita emendatione, tolli debeat; & hoc in ordine ad salutem. Poena tenet locum generis, quia omnis Censura est poena, non tamen omnis poena est Censura, ut patet de irregularitate, suspensione, degradatione, & cessatione à diuinis, quæ sunt poenæ spirituales, non tamen sunt censuræ, ut diximus. Dicitur secundo, *spiritualis*; quia est poena animæ, quæ nunquam imponitur, nisi ratione criminis. Dicitur tertio, *priuans hominem baptizatum*; subiectum enim censuræ est fidelis, qui per Baptismum fit subditus Ecclesiæ; non infidelis, qui cum non sit intra Ecclesiam, ipsius iurisdictioni non subijcitur. Dicitur quarto, *priuans usu aliquorum bonorum spiritualium*; non tendit enim ad temporalia per se, ut leges ciuiles, quæ poenas temporales imponunt, pecuniarias scilicet vel corporeas; ubi leges Ecclesiasticæ priuant aliquibus bonis spiritualibus, ut usu Sacramentorum, suffragiorum participatione, Ecclesiasticorum, munerum exercitio, &c. non tamen omnibus bonis priuant, sed tantum externis: non internis, qualia sunt caritas, gratia, virtutes, actiones meritorie; hæc enim omnia non possunt auferri ab homine inuito; unde excommunicatus aliquis potest actum contritionis elicere circa omnia sua peccata, & circa illud propter quod excommunicationem contraxit; & pro tunc censabitur absolutus in foro interiori, eritque in gratia, & poterit mereri, licet non sit absolutus in foro exteriori ab excommunicatione, quæ cum remaneat aliquando post recuperatam gratiam, priuat adhuc hominem etiam iustificatum bonis spiritualibus externis. Quod si illum priuet bonis temporalibus, nimirum usu beneficii, salutatione, honore, aliorum communicatione, hoc est semper in ordine ad spiritualia. Dicitur quinto, *non perpetua, sed quæ possit tolli, posita emendatione*, Censuræ enim sunt poenæ medicinales, quæ relaxari debent posita sanitate; unde depositio & degradatio, quæ de se perpetuæ sunt, non sunt Censuræ; quia priuant hominem, non tantum usu, sed potestate utendi bonis spiritualibus. Subiungitur denique, *in ordine ad salutem*, ut ostendatur mens Ecclesiæ, quæ non intendit per Censuras animæ damnationem, sed resipiscentiam à contumacia, & abstinenciam à peccatis, in quorum poenam iniungitur Censura.

Quæres quartò ; quatuorplex sit Censura? Multi sentiunt sex esse Censuras; nempe Excommunicationem, suspensionem, interdictum, depositionem, degradationem, & irregularitatem, maximè illam : quæ contrahitur ex delicto . Melius tamen est, si dicamus, tres tantum esse; nimirum Excommunicationem, suspensionem, & interdictum; Innocentius enim *III. cap. quarenti, de verborum significatione*, interrogatus, quid nomine Censuræ in Pontificum rescriptis esset intelligendum, respondit, non solum interdictum, sed & Excommunicationem & suspensionem intelligi debere; si autem præter has essent aliæ, non sufficienter Pontifex quæstioni propositæ respondisset. Dicendum ergo est quod irregularitas non sit propriè Censura; quia non tam est poena, quam inhabilitas & indecentia quadam ad Ordines suscipiendos, & exercendos, & ad Ecclesiastica munera obeunda. Depositio & degradatio non sunt etiam censuræ; nam censura ex sua institutione aufertur, posita resipiscencia: Degradatio verò & depositio carent spe remissionis, & si daretur cum spe, illas reuocandi ad tempus, essent aliquod genus suspensionis; sed communiter degradati & depositi non rehabilitantur, vnde istæ poenæ vocantur vinculum indissolubile, & censuræ vinculum dissolubile. Distinguuntur depositio & degradatio secundum magis & minus; si enim aliquis amoveatur à particulari & determinato gradu Clericali, alio remanente, illa poena vocatur degradatio: sic quando quis priuatur celebratione Missæ, potest adhuc officium Diaconi exercere: si ab omnibus gradibus amoveatur, est depositio, Quoad cessationem à diuinis; non est Censura; quia non imponitur per modum poenæ, sed per modum luctus ob iniuriam Deo vel Ecclesiæ illatam. Porro licet Excommunicatio, Suspendio & Interdictum priuent iisdem bonis spiritualibus; diuersæ tamen sunt censuræ, quia diuersa subiecta respiciunt. Interdictum enim respicit loca sacra in ordine ad personas, quæ dum morantur in loco interdicto, arcentur ab auditione sacri v.g. vel celebratione; Suspendio respicit Clericos; & Excommunicatio tum Clericos tum Laicos.

Quæres quintò, quis possit ferre Censuras? Resp.

primò, quod potest ordinaria ferendi Censuras resideat penes illos, qui habent iurisdictionem ordinariam in foro externo, quales sunt Summus Pontifex, respectu omnium fidelium; Episcopi, respectu Dioecesanorum; Legati Pontificis, in provincia suae legationis; Vicarius Episcopi, quia habet idem tribunal cum Episcopo; Capitulum sede vacante, quia Episcopo succedit in iurisdictione; Vicarius Capituli, eandem cum Capitulo habens iurisdictionem: Abbates & Archipresbyteri, quibus ex iure speciali communicata est in certis locis iurdictio Episcopalis; Concilia Generalia & Prouincialia; Capitula Generalia & Prouincialia; Regularium Generales, Prouinciales, & Prælati locales, quales sunt Guardiani, ut habetur in Statutis Generalibus nostri Franciscani Ordinis, cap. 6. ff. 20. Parochi autem, qui non sunt prælati, nec habent iurisdictionem externam, ferre Censuras non possunt. Resp. secundò, commissionem ferendi Censuras non posse delegari nisi viatori; quia Censura est gladius iurisdictionis Ecclesie militantis, quo non potest percutere nisi ille qui existit in Ecclesia militante. Nō potest etiam delegari illi qui caret usu rationis, cum non possit habere actum iurisdictionis, ad quem requiritur cognitio causæ. Non potest deinde ad Censuram ferendam deputari infidelis: cum enim non habeat Baptismum, qui est ingressus Ecclesie, iurisdictione Ecclesiastica uti non potest. Nec Laicus, ut patet ex cap. *de carnibus, de iudicijs*, sicut & ex cap. *Ecclesia, de constitutionibus*. Nec femina, cap. *de monialibus, de sentent. excomm.* ubi habetur, illas non posse à Censuris absolueri subditas: ergo nec ferre Excommunicationem. Unde si legatur, Abbatissas suspendisse, respondet Bonacina cum alijs, non fuisse veram Censuram, quia violata, incurreretur irregularitas; sed fuit tantum quædam prohibitio emanans, non à iurisdictione; sed à quædam simplici commissione, quam habent ab Ecclesia in ordine ad correctionem & disciplinam domesticam subditarum. Ob hoc Doctores apud Bonacinam citati, sentiunt Prælatas Moniatium non posse sub peccato mortali præcipere id quod non esset aliàs peccatum, nisi ex potestate domestica, & oeconomica gubernatione. An autem Summus Pontifex possit absolute iurisdictionem illam conferre

fœminæ, affirmat Bonacina cum multis, aliqui negant. Resp. tertio, quemcumque Clericum posse ex commissione ferre Censuras; habens enim tantum primam tonsuram, est capax Ecclesiasticæ iurisdictionis; modò non sit coniugatus, quia coniugati non possunt admitti ad negotia Ecclesiastica. Idem dicendum est de Religiosis professis non clericis, ac de laicis sæculi, quòd non possint ferre censuras, nisi ex dispensatione Summi Pontificis, qui potest in iure humano dispensari, non verò Episcopi, qui non potest dispensare supra legem Superioris.

Quæres sexto, qui possit Censuris ligari? Respondeo primò, quòd debeat esse viator; vnde mortuus ligari non potest Censura, nam Matth. 18. habetur. *Quicumque ligaueritis super terram, &c.* mortui autem non sunt super terram. Dùm ergo Ecclesia priuat peccatorem publicum sepultura & suffragijs, & eum absoluit post mortem ab Excommunicatione contracta ante mortem; non est quòd Ecclesia illum liget Excommunicatione directè, sed tantum indirectè; non habet enim in mortuos, nisi iurisdictionem indirectam. vnde mortuos non excommunicat; sed prohibet, nè vini pro illis orèt, aut donent illis sepulturam; nec etiam absoluit; sed concedit viuentibus, vt pro illis orent & ipsum sepeliant. Resp. secundò quòd debeat esse baptizatus; non baptizati enim non subiiciuntur legibus, nec poenis Ecclesiasticis, etiam si Catechumeni sint, quia nondum sunt in Ecclesia: secus dicendum est de Hæreticis, quia manent sub Ecclesiæ iurisdictione, ratione characteris, qui indelebilis est. Resp. tertio, debere esse adultum; pro tunc enim peccare potest mortaliter: ergo & ligari Censura in poenam peccati lata, siue sit lata à iure, siue ab homine; cum hac tamen distinctione quòd adulti impuberes, idest ante duodecimum annum pro fœminis, & quartumdecimum pro masculis; non possint licitè ligari Excommunicatione ab homine, illicitè possint validè sicut licitè & validè possunt subijci interdicto quod non est tam grauis poena, ac Excommunicatio. Resp. quarto, Censuram Excommunicationis non posse ferri nisi in determinatam personam, non verò in Capitulum aut Communitatem. c. *Romana de sentent. Excommunicationis in 6.* Suspensio autem & interdictum in communitatem ferri

nicatione, censetur illam prohibere sub peccato mortali, cui pro pœna annectit Excommunicationem; non potest tamen illa actio prohiberi sub Excommunicatione, nec sub peccato mortali, si sit levis in se, & levis maneat in ordine ad finem; ius enim naturale aut diuinum non obligant ad peccatum ob leuem materiam: ergo nec ius humanum. Resp. tertio, quod peccatum debeat esse proprium, vt contrahatur Excommunicatio, quæ est grauissima pœna; licet pro peccato alieno suspensio & interdictum ferri possint, & consequenter suspendi & interdici communitas, non verò excommunicari: in casu autem interdicti & suspensionis, quæ pro peccato alieno feruntur, non puniuntur propriè innocentes, sed delinquentes puniuntur in persona infortium. Resp. quarto, censuram non posse ferri ob peccatum merè internum, de occultis enim non iudicat Ecclesia in foro externo; potest tamen pro actu externo, qui debet informari essentialiter actu interno: sic possunt censura ligari qui officium non recitant cum attentione, qui non confitentur cum dolore, qui ex odio aut spe lucri puniunt innocentem; & tunc non ligatur censura actus internus per se, sed quatenus dicit ordinem ad actum externum quem informat. Quando ergo actus internus est de substantia actus externi, tunc ille qui omittit actum internum, & elicit externum, censura innodari potest, v.g. si esset lata Excommunicatio contra eos qui non audiunt Missam, aut non recitant officium; illi qui non audirent aut recitarent cum attentione, essent excommunicati, quia attentio est de substantia vtriusque: Quando verò actus internus non est de substantia actus externi, qui elicit actum externum sine interno, non incurrit censuram; vnde si ferretur Excommunicatio contra non communicantes & non confitentes in Paschate, indignè communicantes non incurrerent illam; nam substantiam præcepti adimplet indignè communicans; non sic autem de confessione, qui essentialiter requirit quod sit valida; & idè qui confessionem non integram, aut alia circumstantia essentiali carentem ederet, incurreret Excommunicationem. Respondeo quintò, peccatum debere esse completum, & effectum suum habere: leges enim pœnales benignius explicanda sunt; vnde qui scienter indignum

eli.

eligit, non excommunicatur, nisi ad suum votum sequatur indigni electio; sic habetur *c. perpetuo de elect. in 6.* nisi aliud in lege feratur; unde accuratè attendendus est legis tenor, ita quòd si excommunicatur in lege homicida, percutiens & vulnerans non continentur sub lege; si excommunicatur vulnerans, non ligatur ille qui sine vulnere percutit; si excommunicatur faciens, non innodatur mandans; si autem mandantes excommunicantur, & non sequatur effectus, distinguendum est; si enim effectus est principaliter prohibitus in lege, mandatum verò est tantum accessoriè prohibitum, vt in Excommunicatione lata contra percussores clericorum, mandantes talem percussorem non excommunicantur, nisi sequuto effectus: vbi verò mandatum & consilium principaliter prohibentur sub Excommunicatione, vt in illa quæ fertur contra mandantes homicidium per assassinos, tales mandantes excommunicantur, etiamsi effectus non sequatur: si autem dubitetur, an mandatum vel actus æqualiter prohibeantur; credendum est, mandatum esse tantum accessorium, & sic non incurri Excommunicationem, nisi effectus sequatur; quia rigores benignius sunt explicandi.

Quæres octauò, quænam forma obseruari debeat, dum censura fertur. Resp. primò, censuram ferri debere à iudice, non per solum actum voluntatis, sed per signa externa; quia quamdiu censura non exprimitur, ignoratur; ignorantia autem à censura excusat. Resp. secundò, censuram debere ferri, per verba quæ determinatam personam afficiant, si sit Excommunicatio; vel determinatam communitatem, si sit interdictum; unde Excommunicatio lata sub his verbis, *excommunico, vel excommunicabo ex decem unum, aut unum ex illis qui arma deferunt noctu*, est inualida; cum enim non constet de intentione Superioris, nullus censetur excommunicatus. Resp. tertio, censuram latam sine scriptura aut sine expressione causæ, esse quidem validam, quia omittitur forma tantum accidentalis; est tamen illicita, & peccat mortaliter qui taliter agit; imò incurrit suspensionem ab ingressu Ecclesiæ per mensem, *ex cap. x. cum medicinalis. De sententia Excommunicationis in 6.* vbi etiam suspenditur pro tali tempore ille, qui

qui reo petenti exemplar scripturæ, non tradit intra mensem. Debet autem in scriptis ferri censura, quia per eam ligatus potest ad superiorem recurrere, qui non potest iudicare de censura, nisi illi nota sit. Resp. quartò quod admonitio debeat præcedere Excommunicationem, *ex cap. sacro, de sententia excommunicationis*; debet etiam præcedere suspensionem, *ex cap. reprehensibilis, de appellationibus*; debet denique præcedere interdictum, *ex cap. Statutum, de sententia excommunicationis*. Sed notandum est quòd pro futuris culpis admonitio non sit distincta à lege; quia lex ipsa non ignorata admonet, aliàs nunquam incurreretur censura *ipso facto*, si admonitio à lege distincta requireretur. In censuris autem quæ feruntur pro culpis præteritis, requiritur admonitio distincta à lege; quæ debet fieri ipso reo; aut saltem tali modo, ut reus ad notitiam censuræ pervenire possit, hoc patet *ex cap. Romana, de sententia excommunicationis in 6. & ex cap. sacro, de sententia excommunicationis in 6.* Resp. quintò quod triplex admonitio requiratur ad ferendam censuram, *ex cap. constitutionem, de sententia excommunicationis in 6.* cuius ratio desumitur ex Matth. 18. ubi Christus iubet peccatorem prius corrigi debere secretò, deinde adhiberi testes, & denique denuntiari Ecclesiæ. Plura tamen notanda sunt in hoc. Primò, quod aliquando interdictum & suspensio sumantur, non ut censuræ, sed ut poenæ vindicativæ delicti; & ut sic latæ fuerunt sine admonitione. Secundo, quod quandoque trina monitio virtualis sufficiat; & sic sufficit una monitio ex sententia iudicis, modò inter illam monitionem & fulminationem censuræ tantum spatium temporis detur, quantum daretur, si esset trina monitio; modò etiam hoc exprimat iudex in sua admonitione, aliàs reus posset credere quod essent futuræ aliæ admonitiones, ante quas non esset verè contumax; *cap. constitutionem de sententia excommunicationis in 6.* Tertio quod urgente necessitate, una monitio sufficiat *cap. constitutionem, de sententia excommunicationis in 6.* Quarto quod spatium intermedians duas monitiones, sit duorum dierum saltem, loco enim citato habetur quod observanda sint aliquorum dierum intervalla, quæ tamen potest ampliare iudex.

Quæres nonò, quænam rationes impediunt validitatem censuræ. Resp. primò quod licet feratur à iudice ex prava intentione, v. g. ex odio & invidia, non verò ex amore iustitiæ, valida sit; quia illa mala iudicis intentio nulli nocet, sed tantum sibi. Resp. secundò esse invalidam, quando non servatur ordo iuris necessarius substantialiter, ut iusta causa, iurisdictio, admonitio præcedens: non irritatur tamen ob defectum iuris tantum accidentalis, ut quando non fertur in scriptis, nec exprimitur causa, vel quando præcessit tantum una admonitio; licet enim in hoc graviter peccet iudex, cum extra necessitatem præmittit tantum unam monitionem, quia facit contra prohibitionem iuris in re gravi; non propterea tamen invalida est. Resp. tertio, censuram materialiter iniustam esse invalidam, licet sit formaliter iusta; v. g. probatur per falsos testes aliquod crimen, propter quod iudex Excommunicationem tulit; illa sententia est invalida, quia est iniusta materialiter, cum feratur in materiam iniuste imputatam; est tamen formaliter iusta, quia iudex sufficientia habet testimonia pro censura, licet sint falsa. Resp. quartò, in hoc casu innocentem servare debere censuram in foro externo, si sit periculum scandali, & aliàs videtur contemptor censuræ: ubi autem non daretur scandalum, potest illam servare, & omnia facere in conscientia, quæ ante illam sententiam fecisset. Resp. quintò, quod si iudex non omninò voluntariè, sed per metum censuram ferat, non minus valida sit; modò habeat cum illo metu intentionem illam ferendi, sine qua non esset valida; & in hoc casu metus non tollit simpliciter voluntarium, sed tantum minuit.

Quæres decimò, an ignorantia excuset, ne aliquis censuram contrahat? Notandum est, ignorantiam esse triplicem; nimirum iuris, facti, & pœnæ. Quando nescitur lex, est ignorantia iuris, quando nescitur factum, est ignorantia facti; quando nescitur pœna alligata facto per legem, est ignorantia pœnæ: Petrus nescit, percussione clericum esse prohibitam, adest ignorantia iuris; Petrus hoc sciens, percutit clericum, quem nesciebat clericum, adest cum cognitione iuris ignorantia facti; utrumque sciens, ignorat, an illa percussio sit prohibita sub censura, adest ignorantia-

rantia poenæ. Ignorantia iuris est duplex; vel iuris communis; vel iuris particularis, Petrus ignorat percussorem clerici esse prohibitam sub excommunicatione, est ignorantia iuris communis, quia illa lex est vniuersalis; Petrus ignorat sacerdotes esse suspensos in Diœcesi Baiocensi, qui cauponas ingrediuntur, est ignorantia iuris particularis. Ignorantia tum iuris, tum facti, vltcrius duplex est: nimirum vincibilis, & inuincibilis; prima est ea quæ vici potest per adhibitam diligentiam: sic quando quis dubitat, an tali peccato annectatur censura, debet de illa diligenter exquirere: secunda est quæ vinci non potuit, quia nihil aliquis vnquam audiuit de censura, nec vlllo modo de illa dubitauit. Tandem alia est ignorantia antecedens, quæ si abesset, non fieret actus: v.g. Petrus percutit Paulum, quem ignorat esse clericum, & quem non percuteret, si ipsum clericum sciret: alia est concomitans, quæ si abesset, tamen actus fieret, v.g. Petrus percutit Petrum, quem putat laicum, & clericus est, attamen illum percuteret, etsi sciret ipsum esse Clericum. His positis, Resp. quod ignorantia inuincibilis iuris, siue sit commune, siue sit particulare, excuset à censura; sic habetur *cap. 2. de Constitutionibus in 6.* talis enim ignorantia excusat à peccato; ergo & à poena peccato annexa. Ignorantia etiam facti excusat à censura, *cap. si uerò, de sententia excommunicationis*; non est enim contumacia, dum factum ignoratur; hinc Petrus percutiens Paulum, quem nesciebat esse clericum, non est excommunicatus. Ignorantia iuris aut facti quæ est crassa, affectata, & vincibilis, non excusat à censura, nam habetur *cap. 2. ut animarum, de Constitutionibus in 6.* quod ignorantia, quæ non est crassa, excuset ab omnibus Ordinariorum sententijs: ergo ignorantia crassa non excusat: Hinc Petrus dubitans probabiliter, an ius decernat Excommunicationem contra percussores clericorum, & an Paulus sit clericus; si illum percutiat cum tali dubio, cuius per suam diligentiam cognitionem habere potuit, non excusatur à censura. Ignorantia inuincibilis poenæ, seu censuræ annexæ facto, ab illa excusat, ut patet ex dictis; quod etiam ad irregularitatem extenditur; si proueniat ex delicto, quia talis ignorantia excusat à delicto.

cto, & sic ab irregularitate sequente delictum; alia autem irregularitates non impediuntur per ignorantiam; & iudex qui reum ad mortem condemnauit, non minùs fit irregularis, licèt ignoret talem condemnationem innoluere irregularitatem. Ignorantia antecedens excusat à censura, quia excusat à peccato; ignorantia concomitans etiam excusat, & Petrus percutiens Paulum clericum, quem credebat laicum, sic tamen dispositus est, vt si illum sciret clericum, non minùs illum percuteret, non incurrit censuram. Ratio est, quia censura non incurritur, nisi per opus externum; externa autem illa percussio, non tendit nisi in laicum, [vel saltem in clericum existimatum laicum; ergo non incurritur censura, ex omnibus Doctoribus. Non sic dicendum est in hoc casu, vbi Petrus dicit, loquens de Paulo qui clericus est: Volo occidere Paulum qui est laicus, & etiam si sit clericus, volo adhuc ipsum occidere; in hoc enim casu contrahitur Excommunicatio, quia actus externus qui tendit in clericum, insinuat ab actu interno actuali & voluntario actualiter, qui tendit etiam in clericum, vbi in suppositione casus præcedentis, actus internus actualis, & actualis intentio tendit in laicum, licèt tendere in clericum, si vt clericus cognosceretur. Quòd si Petrus lapidem proiciat vt percutiat Paulum clericum, & post adhibitam diligentiam Iacobum clericum percutiat, non incurrit excommunicationem; quia ad incurrendam censuram duo requiruntur, nempe voluntas & actus externus, vbi ad peccatum sola voluntas sufficit; sed respectu Pauli, fuit quidem intentio percutiendi ipsum, sed non fuit actus, quia non percussus fuit; & respectu Iacobi, fuit quidem actus, quia percussus fuit, sed non fuit intentio: ergo nullibi est excommunicatio: Petrus verò percutiens Iacobum clericum, quem credit esse Paulum etiam clericum; excommunicatur, quia & actus externus & actus internus tendunt semper in clericum.

Quæres vltimò, vtrum impotentia, metus, & consensus partis impediant censuras? Resp. ad primum, impotentiam faciendi id quod præcipitur sub censura, excusare ab illa; excusat enim à peccato & à contumacia; quoniam ille qui non potest

potest soluere debita, non peccat, nec est contumax, nec excommunicationem incurrit latam contra detentores boni alieni. Idem dicendum est, quando præceptum non potest impleri sine graui incommodo. Si tamen teneatur quis intra mensem soluere debitum sub pœna Excommunicationis, & initio mensis soluere valeat, præuideatque fieri impotens vt soluat postea, incurrit excommunicationem, non quidem eo tempore quo consumit pecuniam, quam poterat reddere creditori, sed in fine termini, Resp. ad secundum, Metum grauem dispensare à censura incurrenda; excusat enim à peccato; quoniam Ecclesia non obligat cum tanto rigore; modò metus ille non incutiatur in contemptum fidei & religionis, tunc enim non est dispensatio à peccato aut censura, sed bonum commune religionis præferendum est bono priuato & propriæ vitæ; secus est, si actiones non fiant in contemptum religionis: Hinc Christiani apud Turcas detenti possunt naues remis ducere contra Fideles; & Clerici arma deferre metu mortis, in locis vbi hoc prohibetur sub pœna Excommunicationis: imò, si adulterium esset prohibitum sub censura, posset quis metu mortis illud committere & non ligari illa, licèt peccaret contra castitatem & iustitiam; sic Bonacina & alij, contra Suarem negantem adulterum pro tunc à censura excusari. Resp. ad tertium, illum in cuius fauorem concessa est censura, posse per suum consensum suspendere ipsius effectum; hæc tamen suspensio & prorogatio temporis non est actus iurisdictionis directè, sed tantum indirectè, per subtractionem materiæ ad certum tempus; & hæc est mens interpretatiua iudicis, qui censuram fert in fauorem partis, & sic non intendit ligare, nisi ad mentem eius pro quo censura fertur.

Quantum ad censurarum effectus & absolutionem, dicemus loquendo de illis in particulari.

QVÆSTIO II.

De Excommunicatione.

Postquam in quæstione præcedenti per multas quæstiunculas loquuti fuimus de censuris in se; nunc eodem stilo dicendum est de qualibet, & primò de Excommunicatione.

Quæres primò, quid sit Excommunicatio? Resp. quòd sit censura Ecclesiastica, qua homo Christianus authoritate Ecclesiæ separatur ab Ecclesiastica communione Fidelium. Hoc patet ex nominis significatione; excommunicatus enim idem est, ac extra communionem factus. Interdictum priuat tantum diuinis rebus & officijs, vt dicitur; Suspendio priuat solum Ecclesiastico ministerio; sed his omnibus priuat Excommunicatio, & insuper priuat communionem fidelium; idest, priuat communibus illis bonis, quorum participatio pendet ex speciali intentione Ecclesiæ. Quædam enim sunt bona, quorum participatio non pendet à peculiari intentione Ecclesiæ, sed immediatè pendet à gratia; ita quòd eo instanti quo quis per gratiam est Christo coniunctus, tanquam capiti, & alijs iustis tanquam membris, illicò fit talium bonorum particeps, iuxta illud Psalm. 118. *Particeps ego sum omnium timentium te*. Et patet etiam ex articulo fidei, qui admittit Communionem Sanctorum; illa autem bona opera sunt orationes particulares, ieiunia, satisfactiones, &c. & illis bonis communibus Ecclesiæ non priuat Excommunicatio, nisi ratione peccati mortalis quod inuoluit, & si quis post contractam Excommunicationem contereretur, gratiam recuperaret, & sic licet esset adhuc excommunicatus, talium bonorum esset semper particeps. Sunt verò alia bona communia quorum participatio pendet ex speciali intentione Ecclesiæ, vt externa conuersatio, mutuum colloquium, conuentus in orationibus publicis, Sacramentorum passiuæ & actiuæ participatio, fructus orationum & suffragiorum quæ à ministris Ecclesiæ fiunt nomine eius, his omnibus priuat Excommunicatio, præsertim maior.

Quotuplex sit Excommunicatio. Resp. duplicem esse, maiorem & minorem. Excommunicatio maior est

est ea, quæ priuat participatione actiua & passiua Sacramentorum, & communicatione hominum; ita quòd ille qui sic excommunicatus est, non possit recipere, nec administrare Sacramenta, nec cum hominibus conuersari. Excommunicatio minor est censura priuans tantum participatione passiuâ Sacramentorum, & vocatur minor; quia illa priuat minoribus bonis; excommunicatus enim minori. Excommunicatione, potest administrare Sacramenta & conuersari cum alijs; licet etiam non possit ea recipere & recipiens grauitèr peccet, non tamen recipiendo sit irregularis. Qui contraxit Excommunicationem minorem, non potest eligi ad gradus, dignitates, & officia Ecclesiastica; si tamen ad illa est electus, electio non est irrita, sed irritanda à iudice, vt patet *cap. si celebrat. fin. cit. de Clerico excommunicato ministrante*: vnde, si diximus antea, & si habeatur *cap. à nobis*, quòd tantum à participatione Sacramentorum sit remotus, hoc intelligitur de effectu principali, quod non excludit ea, quæ concomitantur. Excommunicatio minor potest ferri ab homine; hoc tamen non est in usu; imò non incurritur, nisi ob communicationem cum excommunicatis maiori excommunicatione, *cap. nuper, de sentent. excommunicationis*. Quod ipsius absolutionem, dari potest per quemcumque, qui à mortalibus absolvere potest; nam *cap. nuper de sentent. excommunicat.* taliter excommunicatus absolui potest à proprio Sacerdote; & in hac materia proprius Sacerdos est ille, qui à mortalibus absolvere potest. Porro, quando in iure, vel alicubi, fit mentio de Excommunicatione, hoc sonat de maiori, non de minori.

Quæres tertio, an sit in Ecclesia excommunicandi potestas, quis possit excommunicationem ferre, quis excommunicari queat, & quid in Concilijs & iure intelligatur nomine Anathematis? Ad tria prima respondimus in quæstione præcedenti de Censuris in genere. Resp. ad quartum, quod nomen, Anathema, sit æquiuocum: Aliquando enim sumitur pro re aliqua ab usu prophano separata, quæ Deo reseruatur & dicatur; sic Iosue 6. *Sit ciuitas hac anathema, & omnia quæ in ea sunt, Domino*: Aliquando sumitur pro re aliqua execrabili, vt ad Galat. 1. *Licet nos, aut Angelus de cæle euangelizet vobis præter quod euangelizauimus, Anathema*

QVÆSTIO II.

De Excommunicatione.

Postquam in quæstione præcedenti per multas quæstiunculas loquuti fuimus de censuris in se; nunc eodem stilo dicendum est de qualibet, & primò de Excommunicatione.

Quæres primò, quid sit Excommunicatio? Resp. quòd sit censura Ecclesiastica, qua homo Christianus auctoritate Ecclesiæ separatur ab Ecclesiastica communione Fidelium. Hoc patet ex nominis significatione; excommunicatus enim idem est, ac extra communionem factus. Interdictum priuat tantum diuinis rebus & officijs, vt dicitur; Suspendio priuat solum Ecclesiastico ministerio; sed his omnibus priuat Excommunicatio, & insuper priuat communionem fidelium; idest, priuat communibus illis bonis, quorum participatio pendet ex speciali intentione Ecclesiæ. Quædam enim sunt bona, quorum participatio non pendet à peculiari intentione Ecclesiæ, sed immediate pendet à gratia; ita quòd eo instanti quo quis per gratiam est Christo coniunctus, tanquam capiti, & alijs iustis tanquam membris, illicò sit talium bonorum particeps, iuxta illud Psalm. 118. *Particeps ego sum omnium timentium te.* Et patet etiam ex articulo fidei, qui admittit Communionem Sanctorum; illa autem bona opera sunt orationes particulares, ieiunia, satisfactiones, &c. & illis bonis communibus Ecclesiæ non priuat Excommunicatio, nisi ratione peccati mortalis quod inuoluit, & si quis post contractam Excommunicationem contereretur, gratiam recuperaret, & sic licet esset adhuc excommunicatus, talium bonorum esset semper particeps. Sunt verò alia bona communia quorum participatio pendet ex speciali intentione Ecclesiæ, vt externa conuersatio, mutuum colloquium, conuentus in orationibus publicis, Sacramentorum passiuæ & actiuæ participatio, fructus orationum & suffragiorum quæ à ministris Ecclesiæ fiunt nomine eius, his omnibus priuat Excommunicatio, præsertim maior.

Quotuplex sit Excommunicatio. Resp. duplicem esse, maiorem & minorem. Excommunicatio maior est

est ea, quæ priuat participatione actiua & passiua Sacramentorum, & communicatione hominum; ita quòd ille qui sic excommunicatus est, non possit recipere, nec administrare Sacramenta, nec cum hominibus conuersari. Excommunication minor est censura priuans tantum participatione passiuâ Sacramentorum, & vocatur minor; quia illa priuat minoribus bonis; excommunicatus enim minori Excommunicatione, potest administrare Sacramenta & conuersari cum alijs; licet etiam non possit ea recipere & recipiens grauitèr peccet, non tamen recipiendo sit irregularis. Qui contraxit Excommunicationem minorem, non potest eligi ad gradus, dignitates, & officia Ecclesiastica; si tamen ad illa est electus, electio non est irrita, sed irritanda à iudice, vt patet ex *cap. si celebrat. si. cit. de Clerico excommunicato ministrante*: vnde, si diximus antea, & si habeatur *cap. à nobis*, quòd tantum à participatione Sacramentorum sit remotus, hoc intelligitur de effectu principali, quod non excludit ea, quæ concomitantur. Excommunication minor potest ferri ab homine; hoc tamen non est in usu; imò non incurritur, nisi ob communicationem cum excommunicatis maiori excommunicatione, *cap. nuper, de sentent. excommunicationis*. Quod ipsius absolutionem, dari potest per quemcumque, qui à mortalibus absoluerè potest; nam *cap. nuper de sentent. excommunicat.* taliter excommunicatus absolui potest à proprio Sacerdote; & in hac materia proprius Sacerdos est ille, qui à mortalibus absoluerè potest. Porro, quando in iure, vel alicubi, fit mentio de Excommunicatione, hoc sonat de maiori, non de minori.

Quæres tertio, an sit in Ecclesia excommunicandi potestas, quis possit excommunicationem ferre, quis excommunicari queat, & quid in Concilijs & iure intelligatur nomine Anathematis? Ad tria prima respondimus in quæstione præcedenti de Censuris in genere. Resp. ad quartum, quod nomen, Anathema, sit æquiuocum: Aliquando enim sumitur pro re aliqua ab usu prophano separata, quæ Deo reseruatur & dicatur; sic Iosue 6. *Sit ciuitas hac anathema, & omnia quæ in ea sunt, Domino*: Aliquando sumitur pro re aliqua execrabili, vt ad Galat. 1. *Licet nos, aut Angelus de cæle euangelizet vobis præter quod euangelizauimus, Anathema*

thema fit; sic etiam 1. Corinth. 12, *Nemo dicit Anathema Iesu*. In usu tandem Ecclesiæ, significat hominem, non minori, sed maiori excommunicatione ligatum; ubi enim in Concilijs habetur, *si quis dixerit, &c. Anathema fit*; hoc est fit maioris excommunicationis vinculo ligatus; interdum etiam nomen Anathematis sumitur pro ipsa excommunicatione maiori, ut quando habetur, talem hæreticum esse Anathema percussum; hoc est, Excommunicatione maiori ligatum. Non differunt ergo Excommunicatio maior & Anathema quoad substantiam, nec quoad vinculum, licet differant accidentariò, penes gravitatem & solemnitates aliquas extrinsecas. Quoad solemnitates, inquam, differunt, quia Excommunicatio contrahitur, quoties fit peccatum cui annectitur censura, & cum quis Anathematizatur, hoc fit ab homine cum publicis denunciationibus ac ceremonijs exterioribus, quæ terrorem ac execrationem maiorem incuriunt; differunt etiam quoad gravitatem delicti, quia cum iura & Concilia pronuntiant Anathema; hoc est semper contra graviora delicta, & præsertim contra Hæreticos.

Quæres quartò, quotuplex sit Excommunicatio maior. Resp. primò, aliam esse generalem, quæ fertur generaliter quoad personas, ut quando dicitur, quicumque incendiarius sit excommunicatus, illa fertur contra incendiarios omnes; & aliam particularem, quæ fertur in singularem personam, v. g. Petrum, qui tale delictum amisit. Resp. secundò, aliam esse à iure, aliam ab homine; prima est illa quæ fertur mediante Canone, vel lege aliqua permanenti, quæ habet rationem iuris; secunda est illa quæ fertur ab homine, vel per statutum aliquod transitorium; prima non desinit per mortem legislatoris, secunda cessat ipso mortuo, vel amoto ab officio, modò non sit contracta ante ipsius mortem. Resp. tertio, diuidi adhuc in iustam & iniustam; iusta illa dicitur quæ nulla circumstantia caret essentiali aut accidentali; iniusta illa est, quæ habet aliquem defectum. Ista adhuc duplex est, nempe iniusta valida, quæ caret aliqua circumstantia tantum extrinseca & accidentali; & iniusta inualida, cuius defectus est essentialis. Si v. g. Excommunicatio feratur ex odio iudicis, vel sine trina monitione, vel ob peccatum mortale sine

con-

contumacia, tunc Excommunicatio est quidem iniusta, & peccarent mortaliter iudices se excommunicantes, quia regulas iuris violarent in re graui, non est tamen inualida, quia illæ circumstantia sunt tantum accidentales. Si verò feratur Excommunicatione sine intentione iudicis, sine peccato mortali, & sine vna saltem monitione, est iniusta & inualida, quia hæ circumstantiæ sunt essentielles. Resp. quintò, quod alia sit excommunicatio latæ sententiæ, & alia ferendæ sententiæ, quæ aliter vocatur comminatoria. Prima exprimitur sub his verbis, *Præcipio sub pœna excommunicationis ipso facto, ipso iure sub pœna excommunicationis lata sententiæ, sub pœna excommunicationis statim incurrenda*; vel sub his verbis, *Excommunicationi subiaceat, excommunicationem incurrat, sit excommunicatus*; quia talia verba redolent imperatiuum, inquit Baldus contra Nauarrum. Secunda significatur istis vocibus, *præcipio sub pœna excommunicationis, ferendæ scilicet à iudice) qui hoc fecerit, sic excommunicatus, excommunicabitur, communione priuabitur, sub pœna anathematis*.

Quæres quintò, quosnam effectus producat Excommunicatio? Multos certè, grauissimos, & multum timendos. Primò, priuat communionem ciuili Fidelium. Secundò, priuat suffragijs Ecclesiæ. Tertiò, priuat receptione Sacramentorum. Quartò, priuat administratione illorum & celebratione Missæ. Quintò, priuat communionem Ecclesiasticam in diuinis officijs. Sextò, priuat Ecclesiasticam sepultura. Septimò, priuat vsu iurisdictionis. Octauò, arcet à beneficijs & fructibus illorum. Nonò, ab actionibus forensibus remouet. Pauca tantum de his omnibus dicere cogit affectata breuitas.

Quæres sextò, an Excommunicatio maior communionem ciuili Fidelium priuet; Resp. quod excommunicatus duplex sit; alius est vitandus, alius toleratus. Vitandus est ille qui nexum est nominatim excommunicatus per sententiam iudicis, dicēdo, Excommunico Petrū vel talem Dominum, aut Pastorem talem, sed est insuper donuntiatus; hoc enim requirit Conc. Constant. in Constitutione *ad euitanda scandala*, & Lateran. constitutione *statuimus insuper*; vnde post fulminationem Excommunicationis; vbi aliquis nominatim excommunicatur, requiritur sententia altè-

municato, si sit utilitas corporalis aut spiritualis alterutrius; unde potest peti consilium ab excommunicato, si alter id sit; potest ab illo peti debitum, & ipse petere priuatim, non iuridicè, quia non admitti debet in iudicio, licet contrarium fiat; licet petere medicinam à medico excommunicato; licet prosequi societatem antea initam cum excommunicato; licet persuadere excommunicato, vt resipiscat, Idèd ponitur, *lex*; vt denotetur uxorem quæ est sub lege viri, cum illo posse communicare in debito reddendo, in cohabitatione, in mensa, in colloquijs familiaribus, non in diuinis; hoc vicissim licitum est marito; licet non sit sub lege uxoris; quia *cap. si verò; de sentent. excomm.* licet communicare cum excommunicato in societatis contractu antea inito: ergo à fortiori licet communicari in his, quæ sequuntur Matrimonium. Per *utile*: serui, subditi, villici, filij, religiosi, milites possunt communicare cum dominis, heris, patribus, superioribus, ducibus excommunicatis. Quod dicitur de filijs, intelligitur etiam de nepotibus & pronepotibus, & de filijs adoptiuis, & illegitimis, imò & affines qui sunt filiorum loco, vt generi, nurus, priuignus, priuigna, pupillusque cum tutore conuersari possunt; non verò filij spirituales cum patre, nec fratres cum fratribus, nec seruus cum alio seruo, nisi quatenus sunt in eadem domo; hi omnes non possunt communicare simul in diuinis, nisi in his quæ concernunt famulatum. Additur, *resignorata*; vt pateat ignorantiam dispensare, nè aliquis Excommunicationem minorem incurrat ignorando, aut non aduertendo aliquem esse excommunicatum; quando verò aliquis dubitat, an alter sit excommunicatus, non debet illum à consortio arcerè; nefas enim est illum priuare iure suo. Adiungitur, *Necesse*, quia metus grauis & necessitas excofant à peccato, & proinde, à præcepto cauendi ab excommunicatis; prohibetur enim tantum communicatio peccaminosa, & stante necessitate aut graui metu in tali communicatione non esse peccatum, nec excommunicatio minor. Si queratur, an vitari debeant Hæretici qui sunt excommunicati à iure, propter hæresim? Resp. negativè, præsertim in Gallia, Germania, & alijs locis, vbi simul morantur Catholici cum

Hæreticis. Ratio est, quia licet contraxerint excommunicationem à iure, non tamen sunt nominatim excommunicati, nec denunciati; quod utrumque requiritur: Vnde Hieronymus à Sorbo, super compendium priuilegiorum Mendicantium Verb. *excommunicationis*, scribens, ait; *Sed num Catholicis, Gallia, aut Germania, aliorumque regnorum qui cum Hæreticis manifestis participant in externo conuictu, peccent, excommunicationem minorem incurrant, cum tales Lutherani & Culuinista sint notorie excommunicati propter hæresim notoriam, & propter bullam Cœna Domini? Respondetur, illos non peccare, & excusari propter consuetudinē, qua dicitur optima legum interpret. Quæ consuetudo cum sciatur, & toleretur à summis Pontificibus, excusat Catholicos illa vtentes. Sic & Dominicus Soto, Petrus Soto, Suarius, Estius, Laimannus, & alij.*

Quæres septimò, an excommunicatur priuetur suffragijs Ecclesiæ? Resp. non priuari suffragijs Ecclesiæ, quatenus fiunt ex intentione priuata & à priuata persona; sed priuari suffragijs cōmunibus, *ex c. sacris, & ex cap. A nobis, de sententia excommunicationis.* Quod intelligitur etiam de excommunicato contrito, nondum absoluto; quia pro tunc manet excommunicatus & excommunicationis poenæ subditus. An autem hoc verum sit pro excommunicato tolerato, controvertuntur Doctores. Bonacina tenet excommunicatum toleratum non arceri quidem à communicatione ciuili, sed priuari communibus Ecclesiæ suffragijs; Alij autem sentiunt, non priuari etiam suffragijs Ecclesiæ, maximè à tempore Constantiensis Concilij; sed, salua pace istorum, constitutio Concilij Constantiensis nullo modo loquitur de participatione suffragiorum. Hæc tamen poena suspenditur in die Veneris sancta, vbi publicæ orationes fiunt pro Hæreticis & Schismaticis, qui sunt excommunicati; non tamen loquitur de illis sub nomine excommunicatorum, ostendere cupiens, illos sic esse detestandos, vt ab Ecclesiæ ministris nominari noluerit, ex Bernardo tract. de gradibus humilitatis circa finem; Viderint, inquit, in quanto periculo sint, pro quibus Ecclesia orare palā non audeat, qua fidenter etiam pro Iudæis & Hæreticis & pro Gentilibus orat: cum enim in Parasceue nominatim oratur pro quibuslibet malis, nulla tamen mentio fit de excommunicatis. Dicendum ergo est.

est, quod aliquis, ut priuata persona, priuatas preces fundere possit pro Excommunicatis, quia Ecclesia hoc non prohibuit, & nimis durum esset prohibere, prorsusque derogans charitati fraternæ: Idem dicendum est de sacrificio Missæ; quod si primò spectetur, ut oblatum est in persona Christi à Sacerdote, ut ministro ipsiusmet Christi profit excommunicato; quia hoc non impedit Ecclesia; si sumatur autem quantum ad valorem prouenientem ex parte Ecclesiæ & sacerdotis, ut est minister Ecclesiæ, non prodest excommunicato; quia ipsum Ecclesia priuet communibus suffragiis: si denique consideretur sacrificium, ut à persona priuata oblatum, excommunicato prodest, ut diximus.

Quæres octauò, an excommunicatur priuetur receptione Sacramentorum? Resp. ita priuari, ut si durante Excommunicatione, Sacramentum recipiat, peccet mortaliter; quia *ex cap. cum illorum, & cap. si quem, de sent. excommunic.* excommunicatus, prohibetur recipere Sacramenta; dum ergo illa recidit, peccat mortaliter, quia facit contra prohibitionem Ecclesiæ in materia grâti, potest tamen ab illo peccato excusari, quando illa recipit ad vitandam infamiam, vel scandalum, vel periculum mortis; quia Ecclesia non præcepit cum tanto incommodo, & præceptum naturale præponderat Ecclesiastico. Licet Excommunicatus peccet recipiendo Sacramentum, nulla tamen afficitur poena in iure, nisi recipiendo Ordinem, tunc enim fit irregularis. Licet etiam Sacramentum non conferatur Excommunicato licitè, confertur tamen validè, quoad rem Sacramenti, estò non conferatur quoad effectum sacramenti, nempe quod gratiam; quoniam illud recipiens peccat mortaliter. Quòd valida sint Sacramento ab excommunicato ministrata, patet; quia adsunt materia, forma, & intentio ministri, quæ sufficiunt ad Sacramentum conficiendum secundum substantiam. Quòd Sacramentum in hac occasionem non habeat suum effectum, constat, quia ex parte recipientis ponitur obex, nempe peccatum, ut diximus, nisi bona fide illud recipiat, ignorans inculpabiliter, se esse excommunicatum. Quantum ad illos qui Sacramenta Excommunicatis admistrant; dicendum est quod illi

qui ministrant Excommunicato tolerato, peccent quidem mortaliter, quia Sacramentum ministrant indigno; qui verò ea ministrant Excommunicato visitando, nedum peccant, quia ministrant indigno; sed insuper incurrunt excommunicationem minorem, quia communicant in diuinis cum Excommunicato.

Quæres nonò, vtrum excommunicato prohibeatur administratio Sacramentorum? Resp. primò, hoc illi prohiberi per se, *cap. illud, de clerico excommunicato*: per accidens tamen aliquando excusatur, v. g. dum in articulo mortis, deficiente alio, ministrat Baptismum & Pœnitentiam, quæ necessaria sunt ad salutem; sed, supposito, quòd illa ministret extra illum casum, quæri potest, an illa Sacramenta sint valida; ad quod Resp. secundò quod si ministrentur ab Excommunicato tolerato, valida sunt; quia prout constant materia, forma & intentione ministri. Hinc verum est quòd aliàs diximus, validum esse Matrimonium, cui assistit Parochus toleratus & visitandus: Pœnitentia etiam ab Excommunicato tolerato collata, valida est, quia ex parte ministri remanet iurisdictio, & ex parte pœnitentis licitum est communicare cum Excommunicato tolerato, etiam in diuinis. An peccet ille qui ab Excommunicato tolerato petit Sacramenta; respondent aliqui, non peccare; siue ille à quo petuntur sit Parochus aut non; siue sit extra necessitatem, siue in necessitate. Et ratio eorum est, quod Conc. Constant. in Constit. *ad evitanda scandala*, permittat communicationem in Sacramentis Excommunicato tolerato; ergo permittit ab illis peti possint Sacramenta: aliàs, si Fideles peccarent postulando, & excommunicatus toleratus peccaret administrando, tenerentur fideles abstinere à participatione Sacramentorum cum illo, vt vitaretur illud peccatum: vnde dicendum est cum Bonacina, illam constitutionem esse directè in fauorem fidellum, & indirectè in fauorem, excommunicati tolerati, sicque nec ille, nec illi peccare debent in illa communicatione, modo excommunicatus non se ingerat se spontè sua illa ministranda. Hæc opinio mihi videtur probabilissima, licet multi contrarium sentiant. Resp. terriò, Sacramenta ab Excommunicato visitando collata, valida esse, vt diximus in præcedenti quæst. excommunicatus tamen

vitandus qui illa confert, fit irregularis, ut habetur *cap. si Episcopus, & cap. 1. de sentent. & re iudicata in 6.* est enim suspensus ab actibus sui ministerij; & exercens actum sui ministerij, durante suspensione, fit irregularis. Excipiendum est Sacramentum Pœnitentiæ quod ad sui validitatem iurisdictionem exigit in ministrante; omnis autem iurisdictione auferatur ab Excommunicato vitando: ergo absolutio ab illo collata inualida est, excepto articulo mortis, in quo validatur, modo non adsit alius Sacerdos non excommunicatus, licet approbatus non sit. Confessio ergo facta Excommunicato vitando iteranda est; & exprimendum peccatum quod peccator commisit, scienter communicando in diuinis cum excommunicato vitando, & explicanda est excommunicatione minor quam contraxit. Resp. quartò, petentem Sacramenta ab Excommunicato vitando peccare, & incurrere minorem excommunicationem, ut diximus, quæ incurritur per communicationem cum illo; excusatur tamen casus extremæ necessitatis, in quo Baptismus, v.g. qui necessarius est, conferri potest ab excommunicato tolerato, sicut & Pœnitentia: imò, aliqui sentiunt, posse conferri Eucharistiam ab illo, dicentes Ecclesiam nil prohibere cum tanto animæ detrimento; & addunt alij, Extremam Vnctionem, posse ministrari, quando moribundus potest tantum atteri, nec aliud Sacramentum recipere potest; quo de attrito fiat contritus.

Quæres decimò, utrùm Excommunicatus priuetur diuinis officijs? Resp. primò, ipsi prohiberi celebrationem missæ, *c. latentes, c. illud, c. fraternitati, de clerico excommunicato*, etiam si sit toleratus; licet excuset vrgens necessitas, ut metus grauis, periculum infamix, communio moribundi, cui non potest succurri per absolutionem Sacramentalem, nec alio modo, quippe qui est tantum attritus & non potest recipere aliud Sacramentum, quo fiat contritus. Resp. secundò, priuari etiam auditione Missæ, *c. ult. de sentent. excom. in 6.* excusaretur tamen ab illa prohibitionem per necessitatem, & sic non peccaret, inquit Bonacina, inseruiendo Missæ, ubi alius inseruire non potest, & necessariò celebranda est Missa. Non peccat ergo mortaliter, dum Missam non audit: si tamen absolutio de facili possit obtineri, & per ipsum,

vitandus qui illa confert, fit irregularis, ut habetur *cap. si Episcopus, & cap. 1. de sentent. & re iudicata in 6.* est enim suspensus ab actibus sui ministerij; & exercens actum sui ministerij, durante suspensione, fit irregularis. Excipiendum est Sacramentum Pœnitentiæ quod ad sui validitatem iurisdictionem exigit in ministrante; omnis autem iurisdictione auferatur ab Excommunicato vitando: ergo absolutio ab illo collata inualida est, excepto articulo mortis, in quo validatur, modò non adsit alius Sacerdos non excommunicatus, licet approbatus non sit. Confessio ergo facta Excommunicato vitando iteranda est; & exprimendum peccatum quod peccator commisit, scienter communicando in diuinis cum excommunicato vitando, & explicanda est excommunicatio minor quam contraxit. Resp. quartò, petentem Sacramenta ab Excommunicato vitando peccare, & incurrere minorem excommunicationem, ut diximus, quæ incurritur per communicationem cum illo; excusatur tamen casus extremæ necessitatis, in quo Baptismus, v.g. qui necessarius est, conferri potest ab excommunicato tolerato, sicut & Pœnitentia: imò, aliqui sentiunt, posse conferri Eucharistiam ab illo, dicentes Ecclesiam nil prohibere cum tanto animæ detrimento; & addunt alij, Extremam Vnctionem, posse ministrari, quando moribundus potest tantum atteri, nec aliud Sacramentum recipere potest; quo de attrito fiat contritus.

Quæres decimò, utrùm Excommunicatus, priuetur diuinis officijs? Resp. primò, ipsi prohiberi celebrationem missæ, *c. latentes, c. illud, c. fraternitati, de clerico excommunicato*, etiam si sit toleratus; licet excuset virgens necessitas, ut metus, grauis, periculum infamix, communio moribundi, cui non potest succurri per absolutionem Sacramentalem, nec alio modo, quippe qui est tantum attritus & non potest recipere aliud Sacramentum, quo fiat contritus. Resp. secundò, priuari etiam auditione Missæ, *c. ult. de sentent. excom. in 6.* excusaretur tamen ab illa prohibitione per necessitatem, & sic non peccaret, inquit Bonacina, inseruiendo Missæ, ubi alius inseruire non potest, & necessariò celebranda est Missa. Non peccat ergo mortaliter, dum Missam non audit: si tamen absolutio de facili possit obtineri, & per ipsum

staret, quominus absolueretur, non vellem ipsam excusare à peccato ; non quidem ratione omissionis præcepti, sed negligentia notabilis & contemptus censuræ. Licet excommunicatus etiam surdus, cæcus, & mutus peccet mortaliter, dum assistit Missæ, quia est mortaliter præsens ; Sacerdos tamen excommunicatus qui sua autoritate est causa, ut in sui præsentia Missa celebretur, aut aliud diuinum officium, irregularis est. Excommunicatus etiam admonitus à celebrante, ut exeat, incurrit nonam excommunicationem reservatam Papæ, si non exeat. Resp. tertio, quod audientes Missam cum excommunicato vitando, peccent mortaliter, & minorem excommunicationem incurrant, quia participant in diuinis cum excommunicato : & Sacerdos scienter celebrans coram illo, peccat, excommunicationem incurrit minorem, & ulterius interdictur ab ingressu Ecclesiæ, *ex cap. Episcopum, de privilegijs in 6.* Si adsit excommunicatus vitandus, dum Sacerdos celebrat, admonendus est ut exeat ; si nolit, per vim expellendus est, quamuis sit clericus ; & in hoc non erit excommunicatio : si autem sine periculo non possit expelli, deferenda sunt diuina officia, & Missa ante canonem : si post canonem, astantes exire debent, excepto inferuiente, & Sacerdos debet proseguere sacrificium, cuius integritas est de iure diuino ; sumpto tamen Sacramento, in Sacristiam se recipere debet, ut ibi, quasi ab excommunicato sequestratus, orationes perficiat. Hæc omnia non intelliguntur de excommunicato ingrediente Ecclesiam, ut per illam transeat, nec de excommunicato tolerato, post Constantiense Concilium, nec quando excommunicatur vitandus in una capella audit sacrum, & alij in alio aliam Missam audiunt. Resp. quarto, quod etiam excommunicatus vitandus à diuinis alijs officijs arceri debeat, & per diuina officia, intelliguntur horæ canonicæ quæ publicè in choro persoluuntur, oratio publica, benedictiones solemnes, & cantus sollemnis Epistolæ, vel Euangelij : non tamen prohibetur auditio concionis, *ex cap. responso, de sententijs excommunicationis* ; idem sentiunt aliqui de lectione Theologiæ aut Scripturæ. Propter prædicta, non minus tenetur excommunicatus persolvere horas canonicas, quia poena non datur in commodum rei : non debet
tamen

tamen dicere *Dominus vobiscum*, quia sunt verba personæ publicæ, nempe Diaconi cur Sacerdotis; non fieret tamen in hoc irregularis; quidquid dicant Suares & Nauarrus, qui leuitas materiæ excusat à peccato & ab irregularitatibus. Potest insuper quis preces priuatas fundere in templo, vbi orat priuatim excommunicatus vitandus, & tunc non dicitur communicare moraliter cum excommunicato: nam præsentia materialis excommunicati non coniungit moraliter orationes per modum vnius. Resp. quintò, licet participatione in diuinis priuetur excommunicatus, non tamen priuatur omni vsu rerum sacrarum; potest enim templum ingredi, dum diuina officia non persoluuntur publicè; vnde eictio excommunicati ab Ecclesia, non est ab Ecclesia materiali, sed à formali, idest à participatione fidelium. Potest insuper benedicere mensæ, more Laicorum: Eucharistiam adorare & vti imaginibus; an verò possit vti aqua benedicta, hoc negant aliqui, dicentes esse quoddam Sacra mentale.

Quæres vndecimò, an excommunicatio priuet Ecclesiastica sepultura, Resp. affirmatiuè, *c. sacris, de sepult. & Clemente I. eodem tit.* quod tamen intelligitur de vitandis communicatis, qui sepultura Ecclesiastica priuari debent: vnde sepelientes excommunicatum vitandum, peccant mortaliter, & incurrunt maiorem excommunicationem, ex Clementina prima *de sepulturis*. Sacerdos tamen qui inchoauit missam, non tenetur ipsam deferere, dum affertur cadaver excommunicati in Ecclesiam; nec assistentes discedere tenentur, modo nec isti vllam actionem exercent circa illud, v. g. ipsum aspergendo aqua benedicta, aut benedicendo, aut orando pro illo. Sepelientes excommunicatum toleratus non grauitèr peccant; quia in Concil. Constant. tantum prohibetur communicatio cum excommunicatis nominatim denunciatis. Si excommunicatus vitandus sit in loco sacro sequitur, exhumari debet, si alijs discerni possit, *cap. consulisti, de consecrat. Eccles.* & si discerni nequeat, nec consequenter exhumari, locus reconciliari non minus debet. Si excommunicatus ante mortem sufficientia signa doloris dederit, & ante absolutionem excommunicationis sepultus fuerit in loco sacro, potest sine exhumatione absolui, verberato sepul-

chro; si verò nondum inhumatum sit cadaver, ipsum verberandum est. Quamvis Hæretici non denuntiati possint citra violationem sacri loci in illo sepeliri, propter Constitutionem Concilij Constant. priuantur tamen aliunde Ecclesiastica sepultura; quatenus scilicet notoriè mortui sunt in statu impio, nempe crimine Hæresis.

Quæres duodecimò, an excommunicati iurisdictione priuentur? Resp. primò, excommunicatum vitandum carere omni actu iurisdictionis propriæ, c. *audiuimus dist. 24. q. 1. & cap. 1. de officio V. carij. in 6.* Ex quo sequitur excommunicatum vitandum non posse censuram ferre, nec ab ea absoluerè, nec fere sententiam in iudicio Ecclesiastico, siue interno, siue externo, neque delegare; imò cessat ipsius delegatio nisi delegatus rem iam antè inchoauerit. Quantum verò ad vsum iurisdictionis impropriæ, illò non priuatur; vnde potest assistere Matrimonio; & si sit Parochus, potest alteri talem facultatem delegare; potest etiam contractus facere, Matrimonium contrahere licèt cum peccato mortali; professionem emittere; & condere testamentum, nisi excommunicatus sit propter hæresim aut percussio-nem Cardinalium, cap. *felicitis in 6.* Resp. secundò, quòd excommunicati tolerati actus iurisdictionis sunt validi; grauitèr tamen peccat, cum sponte se ingerit illos exercere. Resignatio beneficii facta ab excommunicato tolerato est valida, & etiam talis putatur esse, si fiat ab excommunicato. Electio etiam, presentatio, & collatio beneficii, facta ab excommunicato tolerato, valida est; & inualida, si fiat ab excommunicato vitando.

Quæres tertio decimò, an excommunicatio priuet beneficijs & eorum usu, Resp. primò, inualidam esse collationem & presentationem beneficii factam excommunicato; cap. *postulastis de clerico excommu-nicato.* Quod intelligitur etiam de tolerato, ex doctoribus; neque etiam ab illa inualiditate excusat ignorantia inuincibilis; licèt enim à culpa dispense-t, non tamen supplet defectum conditionis requisitæ ad valorem actus; etiam si Papa motu proprio illud conferret, nisi in illa collatione ad cautelam dispense-t ad hunc effectum, quod nequeunt facere Episcopi ad effectum particularem, Resp. secundò, collationem

beneficij factam ab excommunicato, esse inuvalidam, *cap. unico, nè sede vacante, in 6.* Idem dic de electione & presentatione. Quòd si plures eligant, è quorum numero vnus excommunicatus sit, electio est valida, modò absque suffraggio excommunicati adsit suffragiorum numerus sufficiens; aliàs esset inuvalida. Resp. tertio, inuvalidam esse collationem officij, tùm Ecclesiastici, tùm secularis, habentis annexam iurisdictionem, factam excommunicato; cùm enim prohibitum sit excommunicato actus iurisdictionis secularis exercere, quoniam iurisdictione priuatur, vt colligitur *ex cap. presidentes, de hereticis in 6.* sic etiam debet impediri, nè ad dignitatem perueniat, vbi est iurdictio. Cum duplici restrictione, inquit Bonacina; primò, quod si Papa conferat illi quem scit excommunicatum, dignitatem cui annectitur iurdictio, talis collatio est valida, quia censetur Pontifex cum eo dispensare; secundo, quando quis succedit alicui dominio temporali, cui annexa est iurdictio, illam validè recipit, non potest tamen illa vti iurisdictione. Resp. quarto, validam esse collationem beneficij factam excommunicato; qui excommunicationem contraxit, antequam illud acceptaret, quia iura irritant tantùm collationem & electionem, non verò acceptationem, qui autem excommunicatus erat, dum facta est collatio, & antequam illud acceptet, absoluitur ab excommunicatione, illud retinere non potest; quia non habet titulum validum, & sine titulo beneficium retineri nequit. Si tamen in ipsa acceptatione collatores in sua voluntate maneant; tunc retineri potest beneficium. Resp. quinto, inuvalida censerì à maiori parte doctorum pensionem factam excommunicato; sicut enim est incapax aliorum priuilegiorum, sic & pensionis; vnde obtinenti pensionem a summo Pontifice solet absolutio censurarum concedi ad hunc effectum. Inuvalida etiam est permutatio beneficij facta ab excommunicato; nullum enim ius in beneficium habet. Qui beneficium, vel pensionem obtinuit, dū est excommunicatus, debet perere absolutionem excommunicationis, & postea procurare vt beneficium vel pensio sibi de nouo conferatur. Resp. sexto licet non possit percipere fructus beneficij ille qui illud obtinuit dum est

set excommunicatus; si tamen in excommunicationem inciderit post acquisitum beneficium, non amittit fructus eius ratione censuræ, nisi interueniat sententia iudicis: nam hoc ex nullo iure habetur; imò, *in cap. pastoralis. ff. verum*, habetur, quod fructus subtrahuntur excommunicato; quod denotat, non priuari illis ipso facto, nec excommunicatum teneri se sponte abdicare à preceptione illorum; sed posse expectare iudicis sententiam. Dixi, *ratione censura*; quia si non exequatur munera sui officij, aut si Canonicus absit à choro, etiam propter excommunicationem, tales fructus percipere non debet; si tamen cogatur abesse à choro propter excommunicationem iniustam, illis non priuatur: non est enim poena, ubi non est culpa.

Quæres quartodecimò, quid sit excommunicatio minor, & quos effectum producat? Resp. primò, esse censuram Ecclesiasticam quæ priuat Fidelem excommunicato participatione passiva Sacramentorum tantum; unde illi qui administrant Sacramenta in tali excommunicatione non peccant mortaliter aut venialiter; sed illa recipiens peccat mortaliter, sicut & ille qui ea ipsi ministrat, Resp. secundò, licet excommunicatio minor possit infligi ab homine, hoc tamen non fit; sed tantum contrahitur per communicationem cum excommunicato vitando, excommunicatione maiori irretito: non incurritur ergo ab illo qui communicat cum excommunicato excommunicatione minori. Licet illa communicatio sit tantum venialis, non minus incurritur excommunicatio minor, inquit Doctores, *ex cap. nuper de sentent. excommunicationi*. Resp. tertio, quod duos effectus habeat ista excommunicatio; primus est, priuare excommunicatum participatione passiva Sacramentorum; unde, vt diximus, peccat illa recipiendo, nisi excusetur per ignorantiam, aut scandalum, aut aliud malum imminens; & si recipiat absolutionem, inuálida est, nisi antea ab excommunicatione absolueretur, vt sit communiter à quolibet qui ab hac excommunicatione absolueret potest. Secundus est, quod priuet electione, presentatione, & collatione passiva beneficii aut dignitatis Ecclesiasticæ, quæ irritari debet à iudice, licet presentare, eligere, & conferre possit illa. Cum ex-

com-

communicatio minor habeat tantum hos duos effectus potest taliter excommunicatus communicare cum alijs Fidelibus, diuinis interesse, & absolvere à peccatis & censuris, quia iurisdictione non priuatur.

Quæres quinto decimò quid dicendum sit de præcipuis excommunicationibus maioribus, & primò de illa quæ contrahitur ob percussione[m] clerici. Resp. primò quod in clericum manus violentas iniicientes maiorem incurrant excommunicationem Summo Pontifici reservatam, *ex can. si quis suadente* 13. q. 4. Per violentam manuum iniectionem, intelligitur omnis iniuriosa violentia illata personæ clerici, aut monachi, vel rebus illi ad hærentibus, quæ tanta sit, ut ablata excommunicatione, censeretur peccatum mortale. Vnde, qui clericum occidit, mutilat, vulnerat, percutit, sputum aut puluerem iniicit in faciem, vestimenta ad hærentia dilacerat, violenter detinet, cingulum ephipij incidit, incurrit excommunicationem maiorem; licet his actionibus consentiant clerici, quia semper sunt iniuriosæ statui clericali, *ex cap. contingit* 36. *de sentent. excommunicationis*; & ob hanc rationem excommunicatur clericus se ipsum percutiens ex ira, modò illa percussio attingat grauitatem peccati mortalis. Resp. secundò, nomine clerici & monachi, qui ponuntur in capite præfato, *si quis suadente*, multa intelligi; primò, nomine clerici omnes saltem qui prima tonsura insigniti sunt, etiam si sint coniugati: coniugati enim non bigami, modò deferant tonsuram & habitum clericalem, gaudent priuilegio Canonis. Qui percutit clericum degradatum realiter, excommunicatus non censetur; bene autem si sit degradatus tantum verbaliter. Licet clericus sit suspensus, excommunicatus, & irregularis, ipsum percutiens excommunicatur, tunc enim non amittit nomen clerici, aut priuilegium Canonis. Nomine *monachi*, intelliguntur omnes religiosi & religiosæ, etiam conuersi & conuersæ. c. *Monachi*, c. *de Monialibus*, *de sentent. excomm.* imò & Nouitij; *cap. religioso*, *eodem tit. in 6.* Sicut etiam Tartarij, qui, etsi non sint religiosi, tamen assumpto habitu monachali, se mancipiant obsequijs religiosorū, inquit Bonacina, noster Guilielmus Herinck, & alij. Hoc tamen nō

est verum de Tertiarijs sancti Francisci, qui viuunt extra congregationem. Resp. tertio, multos excusari ab illa excommunicatione; primo, illi qui percutiunt leuiter, ioco, ira ita subitanea, vt peccatum mortale impediatur. Secundo, qui percutit clericum causa correctionis, modo hoc non faciat ex ira, nec odio, nec excedat ita modum correctionis, vt peccet mortaliter; *cap. i. ex tenore, cap. cum voluntate, de sentent. excommunicationis*. Tertio, quando clericus turpiter agit cum sua matre, filia, vxore, sorore; modo illum percutiat in flagranti delicto; *cap. si uero de sentent. excomm.* & ad hoc sufficit quilibet actus turpis. Ratio quare hoc permittit Ecclesia, est, quia hoc non censetur fieri suadente diabolo, sed ex iusto dolore: extra autem illos gradus non excusatur; imò, in istis non excusatur à peccato mortali, quia hoc facit autoritate priuata; excusatur tamen ab excommunicatione. Quarto, excusatur qui clericum percutit, quem inuincibiliter ignorabat esse clericum. Quinto, ille adhuc excusatur, qui cum moderamine inculpatae tutelæ percutit clericum inuaforem, vt defendat vitam, honorem, famam, pudicitiam, & alia bona sua, vel proximi. Denique excusantur illi qui percutiunt clericum non gestantem habitum & tonsuram clericalem, postquam ter ab Episcopo monitus est, vt illam deferat; vel clericum qui ter monitus non desistit à secularibus negotijs & procuracionibus personarum secularium; vel clericum bigamum, quia bigamia priuat priuilegio canonis. Resp. ultimo, quantum ad absolutionem huius excommunicationis, quod triplex sit percussio; leuis scilicet, mediocris, & grauis. Leuis non est ea quæ fit sine peccato mortali, sed quæ fit pugno, palma, pede, baculo, vel lapide; & fit sine vulnere, effractione dentis, suggillatione carnis, effusione multi sanguinis, & euulsione multorum capillorum; aliquando tamen ratione personæ lætæ, de leui fieret mediocris, aut grauis, v. g. si in faciem Episcopi aut Capitis monasterij impingeretur alapa. Mediocris illa est, quæ fit cum his omnibus Grauis denique illa est, quæ fit cum mutilatione, maxima effusione sanguinis ex membris vulneratis, vel cum notabili iniuria personæ notabilis. De excommunicatione ob leuem percussione contracta potest absolueret Episcopus, *cap. peruenit, de*

desentent. excomm. de alijs regulariter solus Summus Pontifex, *cap. si quis suadente diabolo*, aut Legatus à latere; Episcopi verò, quando recursus ad Summum Pontificem est impossibilis, physicè, vel moraliter; vel quando delictum est occultum; Concilium enim Tridentinum sess. 24. capit. 6. concedit Episcopis facultatem dispensandi in censuris occultis.

Queres sextodecimò, quid dicendum sit de Excommunicatione, quæ contrahitur ex omiſſa reuelatione in monitorijs. Sunt multæ notatæ dignæ excommunicationes, præter antecedentem. Prima est ea, quæ incurritur ob hæresim exterius manifestatam; si quis enim in mente tantum de Fide malè sentiat, non est excommunicatus, quia Ecclesia non iudicat de internis. Illa iure antiquo reſeruabatur Summo Pontifici, & Episcopi de ista tantum absoluebant, tamquam deputati à Summo Pontifice: de iure autem nouo, hoc ad ipsos competit, & ad illam absolutionem deputare valent; & hæc censura extenditur ad fautores & defensores eorum, effectu sequuto. Secunda est illa, quæ incurritur à legentibus libros damnatos ob suspicionem hæresis, aut falsi dogmatis; & de ista potest quilibet Cõfessa ius absolvere, quia non est reſeruata in iure; modò non sint libri Hæresiarchæ, vel de religione agant, aut contineant hæresim, aut falsum dogma contra mores; si enim vnum horum in illis reperitur, excommunicatio regulariter Papæ reſeruatur. Hoc etiam extenditur ad detinentes & legentes curiositatis gratia, & ad legentes libros qui continent diuinationes & sortilegia. Tertia incurritur propter duellum, quod qui committunt, excommunicantur illicò, vt habetur ex Concil. Trid. sess. 25. cap. 19. & ex varijs Summorum Pontificum Constitutionibus. Hæc excommunicatio, à qua absolvere possunt Episcopi, extenditur ad reges & dominos locorum, qui illud non prohibent; ad illos qui proponunt duellum, & illud acceptant; statim atque vtrumque fit; ad socios, patrilinos, & spectatores ex industria. Quarta est contra cogentes fœminam, viduam, aut virginem, vt monasterium ingrediatur (supple. ad religionem amplectendam) vel habitum suscipiat, vel emittat professionem. Hæc excommunicatio habetur in Conc. Trid. sess. 25. cap. 18. & illa non extenditur.

tenditur ad illos qui ad hoc viros cogunt, de hoc enim nullam mentionem facit Concilium, & odia sunt restringenda; nec ad illos qui incutiunt tantum metum leuem, aut grauem, ad quem non sequitur effectus. Ab hac excommunicatione nemini reservata absolueri potest quilibet Confessarius; sicut & ab illa quæ habetur loco Concilij citato contra illos qui impediunt foeminas, nè monasteria ingrediantur, ve Moniales fiant. Quintam incurunt *domini temporales & magistratus*, inquit Concilium Tridentinum sess. 24. cap. 9. *quorum oculi mentis terrenis cupiditatibus ita affecti sunt, ut viros & mulieres sub eorum iurisdictione degentes, qui diuites sunt, minis & pœnis adigant cum illis Matrimonium inuitos contrahere, quos ipsi domini vel magistratus illis præscripserunt. Quare, cum maximè nefarium sit Matrimonij libertatem violare, & ab eis iniurias nasci, à quibus iura expectantur; præcipit sancta Synodus omnibus, cuiuscumque gradus, dignitatis, & conditionis existant, sub Anathematis pœna, quam ipso facto incurrunt, nè quouis modo, directè, vel indirectè, subditos suos, vel quoscumque alios cogant, quominus liberè Matrimonia contrahant. Hæc sunt verba Concilij notatu dignissima.*

Aliud est solemne genus Excommunicationis, quam Concilium Tridentinum vocat *ad finem reuelationis*, sess. 25. cap. 3. *de reformatione*; vbi notandum est, quòd sicut ille qui aliena detinet, ea restituere tenetur, sic & ille ad quod bonum iniuste usurpatum pertinet, iure merito per quævis licita media contra detentores procedere valet, ut sibi fiat restitutio; cum autem in foro ciuili testificationes illi desint, tanquam Christianus qui rem habet cum Christiano, ad Ecclesiasticam iurisdictionem recurrit: Ecclesia autem ius vnicuique suum reddere percipiens, Excommunicationem decernit contra iniustos detentores, & in eadem censura præcipit sub pœna excommunicationis ipso facto incurrendæ post tres monitiones, omnibus & singulis rei detentæ & detentorū notitiam habentibus, ut factum reuelent; quod si exequi noluerint, excommunicationis vinculo ligantur; sicut & ipse iniustus detentor, qui non tenetur quidem se prodere, ne detrimentum famæ patiatur; sed partis læsæ damnum resarcire debet, aliàs excommunicationi subiacebit. Hoc vltimum habetur ex Nauarro. in
ma;

manuali. cap. 7. num. 100. *Author verò incendiij, aut alterius delicti manifesti occultus, non potest pœna excommunicationis compelli ad se manifestandum, sed ad restitutionem debitam faciendam. Sic dicendum est de socio delicti.*

Quæres ergo decimoseptimò. qui sũ casus in quibus aliquis dispensari potest à reuelatione delicti? Resp. primò, ante reuelationẽ alterius, præmittẽda est regulariter correctio fraterna, modò speretur emendatio; præcipit enim Euangelium, vt antequam fratrem delinquentem Ecclesiæ deferamus, ipsum corripiamus secretò; & tunc si emendatus fuerit, & satisfecerit parti læsæ, vel ipsi satisfactionem obtulerit, non tenetur ampliùs reuelare; quia satisfecit intentioni Ecclesiæ, quæ tantum requirebat partis læsæ satisfactionem & emendationem delinquentis. Aliqui dicunt, quando iudex Ecclesiasticus insuper intendit punitionem delinquentis, exigì vlteriùs reuelationem; sed faciliùs dicerem cum Bonacina, iudices Ecclesiasticos, per excommunicationem, quæ est medicina spiritualis, magis intendere emendationem, quàm punitionem delinquentis emendati; & sic posita emendatione & satisfactione partis læsæ, non requiri reuelationem; sed tenetur quis reparare iniuriam cum proportionem ad partem læsam.

Respondeo secundò, neminem teneri ad reuelandum factum aliquod, quod scit sub secreto; siue hoc declaretur de amico ad amicum, siue declaretur sub ratione confidentiæ, qualiter fit Procuratoribus, Advocatis, Sacerdotibus extra confessionem, Medicis- & similibus, quibus fit consultatio ad remedium adhibendum pro salute animæ, aut corporis, aut defensione bonorum, imò in hoc peccaret. Ratio est, quia non potest aliqui præcidi nec fieri contra ius diuinum, vel naturale; ius autem naturale distat vt seruetur secretum, nisi iusta & rationabilis causa contrarium exigat; quæ duplex est, inquit Bonacina, & Canonicus Andegauen sis in Tractatu quem recentè edidit de excommunicationibus: Prima quando secretum est de crimine, non perpetrato, sed perpetrando, quod vergit in graue damnum reipublicæ vel personæ priuatæ, vt si quis v. g. confidentiam faciat amico, de intentione quam habet tradendi ciuitatem hostibus, regem occidendi, vel priuatam perso-

personam: amicus ille debet denuntiare, etiam extra monitorium, inquit D. Thomas, etiamsi mors denuntiati inde sequi debeat, & denuntiator sit clericus, modò protestetur se non intendere mortem rei. Sic *Nauarrus, super caput inter verba, numer. 222. Valentia tom 3, in summam sancti Thoma, disput. quest. 10. puncto 5. Bonacina disput. 2. quest 6 puncto 1. numer. 7.* Sic etiam *praefectus Canonicus, fol. 249.* In his tamen inquirunt, seruanda est prudentia Christiana, ita vt talis reuelatio non fiat, si aliter delictum queat impediri; & reueletur crimen, non persona, si hoc sufficiat; & semper correctio fraterna praecedat, excepto primò crimine laesae maiestatis ait Lopes, vbi est periculum in mora. Secunda causa est, si quis sciret impedimentum occultum Matrimonij, tunc ad reuelationem teneretur, non obstante secreto, etiamsi solus hoc cognosceret; quia in hac materia vnus testis sufficit, vt habet glossa in Cap. *praeerea 2. de sponsal.* sic omnes Doctores. Ratio fundans has exceptiones, petitur ex iure naturali, ex quo habemus, quòd obligatio minor de iure naturali, maiori cedere debeat; fortior autem est obligatio conseruandi bonum commune, aut impediendi graue damnum priuatum, quam obseruare secretum, cuius obseruatio cedit tantum in vitam ciuilem & aliud in vitam realem & physicam. Hi duo casus non intelliguntur de secreto Confessionis.

Resp. tertio, excusatur quis ab excommunicatione, & alij à reuelatione; quando in detentione boni alieni fit iusta compensatio; v.g. Petrus detinet decem nummos, qui sunt Ioannis; & Ioannes vi aut dolo detinet praedium Petri, vel aliam rem; Ioannes tamen obtinet excommunicationem in Petrum, (quem dicit esse detentorem boni alieni) & in non reuelantes: in tali casu Petrus excommunicationem non incurrit, nec etiam illi qui non reuelant; modò certò sciant, hoc fieri per iustam compensationem. Ratio omnium doctorum est, quia sententia fertur tantum in iniustum detentorem, & in non reuelantes illum, imò inquirunt, nulla esset excommunicatio: etiamsi Episcopus excommunicaret illos qui ad sui compensationem alienum detinerent; illa enim censura errorem intolerabilem contineret, ferendo poenam grauem in illos qui non deliquerunt; & Episcopus

scopus in hoc recaret, abutendo authoritate Ecclesie, quæ intendit præcipere, ut quisque habeat quod suum est. Caueri tamen debet, ne illa compensatio cum scandalo fiat, ne etiam fiat de bonis quæ depouuntur apud Ioannem, sed non sunt ipsius; nè eandem Petrus præuideat, quod sine periculo, & sine pena possit sibi reuendicare prædium à Ioanne usurpatum.

Resp. quarto, quando aliquis parti læsæ satisfacere non potest, pars lædens non subijcitur excommunicationi, nec illi qui factum aut debitum non reuelant, hanc impotentiam agnoscetes; quia *cognoscentes, de constituta culpa caret, in damnum vocari non conuenit*. Debitor tamen cautionem asserre debet, si possit; vel se obligare tenetur creditori, cum hac suppositione, quod si solutionis capax efficiatur in posterum, solutus sit reuer: ad hoc etiam precarandum tenentur illi qui debiti scientiam habent, aliàs & ille & isti excommunicatione ligantur.

Resp. quinto, illos à reuelatione dispensari, qui reuelare nequeunt sine graui damno, actuali vel imminenti; quod aduenire sæpissimè potest, quando excommunicationes feruntur in dominos iudices, & talis authoritatis viros, qui reuelantibus mortem, percussione grauem, aut bonorum vastationem minantur: si tamen hæc non immineant, subditi non excusantur à reuelatione contra dominos; contra illos enim recipiuntur in testes. Ratio huius exceptionis est, quia vnusquisque ad sui & suorum bonorum conseruationem tenetur, tum iure naturali, tum ex motiua charitatis cuius ordo exigit, ut Deum primò, nos postea, & proximum denique diligamus & sic non intendit quod nos exponamus periculo, ut utilitatem temporalem aliorum procuremus. Si tamen per illam reuelationem graue damnum rei publicæ impediretur; aut notabilis illi afferretur utilitas, tunc bonum publicum priuato præponderare debet, inquiunt Doctores.

Resp. sexto, à reuelatione excusari parentes intra quartum gradum inclusiue, siue illi gradus sine consanguinitatis, siue affinitatis: sic Doctores, qui cum loquantur indefinite, intelligendi sunt de excusatione reuelationis, tum in ciuili, tum in crimine, si ex

si excipiatur crimen hæreses & læsæ maiestatis in fieri. Ratio huius veritatis duplex offertur; primo, quia si parentes in se inuicem deponerent, ad familiæ suæ concurrerent detrimentum, quod est contra ius naturæ. Secundò, conseruanda est vniuersitas inter parentes, & vitanda est inter illos discordia, ex præscripto naturæ; contrarium autem fieret, si in se inuicem deponerent aut reuelarent. Hoc tamen intelligi vellem, si agatur de graui damno; secus si de leui. Excusantur etiam domestici, vbi imminet graue damnum herorum, nè pax domestica turbetur; non tamen filij spirituales; quia possunt esse testes in patres.

Resp. septimò, non tenentur reuelare illi qui non sunt subditi Episcoporum; à quibus emanant excommunicationes. Nec illi qui audierunt delictum ab illo qui iam denuntiavit; ad inutile enim nemo tenetur. Nec illi, qui sciunt probabiliter nullum remedium esse adhibendum à iudice, facta reuelatione; secus, si de hoc tantum sit dubitatio. Nec illi, qui certò sciunt delinquentem se emendasse, aut parti læsæ satisfecisse. Nec ille, qui solus vidit delictum, cuius probatio haberi non potest, quia *testis unus, testis nullus*; sed pro tunc tantum correctionem fraternam admittere debet, quia si reuelaret delictum occultum, sine spe illius utilitatis, infamia notaret proximum. Nec illi qui excommunicationem ignorant bona fide: non dicuntur tamen illi ignorare bona fide excommunicationem, qui absunt ex contemptu à Massa Parochiali, in qua monitiones excommunicationum publicantur nec illi, qui dicunt monitoria non fuisse publicata in sua Parochia; eo enim ipso, quo aliquis scit excommunicationem ferri, vt habeatur reuelatio delicti, tenetur reuelare, modo feratur infra Diocesim; Episcopus enim hoc præcipit omnibus sibi subditis, siue sint ex illa, vel illa Parochia. Nec illis qui non verè sciunt delictum illi: autem non verè dicuntur delictum cognoscere, qui illud audierunt à viris leuibus & fide non dignis, sed vt aliquis dicatur verè delictum cognoscere, illud vidisse debet, vel saltem audiuisse ab ijs qui ipsum viderunt.

Quæres

Quæres ultimò, quis possit ab Excommunicatione absoluerè. Duæ sunt Censurarum species; aliæ enim sunt à iure, aliæ ab homine; illarum quæ sunt à iure, aliæ sunt reseruatæ in ipso iure, aliæ non. Hoc posito.

Resp. primò, à censuris latis à iure, si reseruatæ sunt, nullus potest absoluerè, nisi qui eas tulit, aut eius superior, aut successor, aut ille qui de hoc per commissionem, aut priuilegium, specialem habet facultatem. Si sententiæ, quæ sunt à iure, nemini per ipsum ius reseruantur, ab illis absoluerè possunt omnes, qui absoluerè possunt à mortalibus; non quidem auctoritate propria, cum nullam habeant iurisdictionem externam, sed ex commissione iuris lata, *cap. nuper*. Excommunicationes denique quæ sunt ab homine, siue per generalem sententiam, quales sunt illa quæ per monitiones in illos feruntur, qui tale delictum perpetrarunt, siue per particularem; possunt tantum ab illo absolui, vel à successore, vel à superiore in dignitate.

Resp. secundò, in aliquibus casibus, illum qui excommunicauit, non posse absoluerè; delegatus enim qui excommunicauit inobedientem, post annum non potest eum absoluerè, sed ad illum est recurrendum qui delegauit. Incendiarius etiam excommunicatus ab Episcopo, post denuntiationem, à Papa absolui debet, *cap. tua nos, de sentent. excommunicat.* Quando Papa sententiam ab Episcopo latam certa scientia confirmauit, Episcopus non potest absoluerè. Pontifex alicui præcipiens, ut alium excommunicet sine cognitione causæ, illa censura reseruatür Pontifici, quia Episcopus in hoc casu est purus executor. Quando denique Episcopus denuntiat spoliatorem Ecclesiæ cum effractione illius esse excommunicatum, talis excommunicatus à solo Pontifice absolui potest.

Resp. tertio, alias esse censuras reseruatæ Papæ, alias Episcopo. Illæ continentur in Bulla Cœnæ, quæ sunt contra Hæreticos, Apostatas à fide, fautores eorum, Legentes libros ipsorum qui agunt de religione, vel retinentes, contra Schismaticos, appellantes ad futurum Concilium à sententijs Summi Pontificis, Iudices sæculares trahentes Ecclesiasticos à sua tribunaalia, contra Falsarios litterarum Apostolicarum, contra

contra Impedientes prælatos, nè Ecclesiastica iurisdictione utantur, contra surripientes Christianorum naufragantium bona, imponentes onera Ecclesiasticis, occupantes bona Ecclesiæ Romanæ, & similes, Aliæ excommunicationes, quæ Papæ reservantur, continentur in Decretalibus (nam in toto corpore decreti quod à Gratiano congestum est, inueniuntur tantum vna excommunicatio reservata Pontifici, quæ est contra clericorum percussiones) in Clementinis & in extrauagantibus. Quoad excommunicationes quæ reservantur Episcopis sunt illæ quæ feruntur in constitutionibus synodalibus, & quæ suiminantur ab ipsis Episcopis.

Resp. quarto, ex Concil. Trid. sess. 24, cap. 6. de Reformat. posse Episcopos absoluerè à censuris Papæ reservatis, quando orta sunt ex delicto occulto & non deducto ad forum contentiosum. In varijs etiam casibus possunt absoluerè ab excommunicatione contracta ob percussione[m] clerici: v. g. si quis sine periculo hostium non possit adire Summum Pontificem, si sint Pueri, si sint Monachi si Sine Mulieres, si sint Moniales, aut alij qui aliqua impotentia non abili Romam adire impediuntur; si tamen impedimentum est temporaneum, Episcopus absolvens debet iniungere reo, vt cessante impedimento, se præsentet summo Pontifici, eiusque pareat mandatis; alias in excommunicationem reincident, cap. eos, qui de sententia excommunicationis, in 5. Quando in iure reperitur excommunicatio reservata, & non exprimitur cui reservata sit; intelligi debet tantum reservata Episcopo; odia enim sunt restringenda. Quando etiam in Constitutionibus Synodalibus Episcopi aliquid præcipiunt sub pœna excommunicationis; & non sibi reservant talem excommunicationem, quilibet sacerdos approbatus in Diocesi absoluerè potest; quia est censura iuris non reservata.

Resp. quinto quod licet in foro conscientie ab Excommunicatione iuris occulta, non reservata, possit absoluerè omnis sacerdos approbatus; hoc tamen non impedit quin possit sic absolutus deduci in forum contentiosum, & pœnis à iure latis contra excommunicatos subiacerè. Superior etiam qui iurisdictionem externam habet, potest quidem, etiam si
non

non sit sacerdos, absoluerè à sententia Excommunica-
tionis, in foro externo; non potest tamen absoluerè à
delicto, nec à contumacia, ob quam contracta est Ex-
communicatio. Vt ergo in foro conscientiae & liti-
gioso absoluerè queat, debet habere vtramque iuris-
dictionem; internam scilicet, vt absoluat à peccato,
& à contumacia; & externam, vt absoluat ab Ex-
communicatione contracta per peccatum; sed debet
actus istius iurisdictionis præcedere, & absolui ex-
communicatus à censura, priusquam à peccato; nam
ille qui non est liber à censura, incapax est absolu-
tionis sacramentalis, & cuiuscumque alterius Sa-
cramenti; vnde in forma absolutionis, absolu-
tio censurarum præcedit absolutionem peccato-
rum.

Resp. sexto, Archiepiscopus non potest, nisi in
duobus casibus, absoluerè à censuris suffraganeo-
rum, quia licet sit illis superior in dignitate, non est
tamen in iurisdictione. Sic habetur canon. nullus, 9.
quæst. 3. nullus primas, vel metropolitani Diocæsani
Ecclesiam, vel Parochiam, aut aliquem de eius Parochia
presumat excommunicare, vel iudicare, vel aliquid age-
re absque eius consilio. Si autem non possit excommu-
nicare, neque absoluerè potest; cuius enim est ligare,
eius est soluere. Primus casus in quo absoluerè possunt
Metropolitani, est in casu suæ visitationis, in quo ca-
su Ordinarij vices gerunt, & absoluerè possunt à cen-
suris, & peccatis, cap. perpetuo de censuris, in 6. Indul-
gentiasque impendere, cap. nostro de pœnitent. & re-
miss. Secundus reperitur in causa appellationis; tunc
enim si sententia Ordinarij sit iniusta, ipsum absolue-
re potest Metropolitanus, cap. venerabilibus, de sen-
tent. excommunic. in 6 ff. sanè, si verò iusta sit, non per
ipsum absoluerè debet, sed remittere ad Diocæsana-
num, à quo concedatur absolutio, cap. per tuas, de
sentent. excommunic. si denique dubitetur, an senten-
tia Ordinarij iusta sit, vel iniusta, potest absoluerè
Archiepiscopus, ex eodem cap. venerabilibus, hone-
stius tamen est, si excommunicatori deferat in hoc
casu. Si in aliqua Diocesi esset aliquis Archidiaconus,
aut Archipresbyter, qui ex iure, vel privilegio
excommunicare posset, non minus tamen absoluerè po-
test Episcopus, inquit Glossa super can. nullus 9. quæst. 3.
quia Archidiaconus est Vicarius Episcopi,

Resp.

Resp. septimò quòd non obstante appellatione ab Ordinario ad Metropolitanum, Ordinarius appellan-
 tem adhuc absoluerè queat, sic Innocentius IV. super caput, *qua fronte*, ubi habetur, *licet iudex de-
 zulerit absolutioni, tamen adhuc se intromittit de iuris-
 dictione, scilicet quia absoluit*. Ratio est, quia appel-
 latio tantum impedit ea quæ sunt in præiudicium ap-
 pellantis, non verò illa quæ illius utilitati cedunt.
 Quando aliquis ab Episcopo excommunicatus est ad
 instantiam partis, consensus ipsius partis facultatem
 non confert, ut ab alio quàm à iudice, absolutio con-
 ferri valeat. Licet Vicarius Generalis commissionem
 generalem habeat gerendi vices Episcopi in omni-
 bus, non tamen excommunicationem ferre potest,
 neque absoluerè ab illa, nisi specialem habeat de his
 commissionem. Hoc habetur in Clementinis. *cap. non
 potest de procurat.*

Resp. octauò, ut aliquis possit absolui, debet prius
 læsæ parti satisfecisse actualiter. Sic habetur c. *ex par.
 1. de verb. signific. si offensa est manifesta, non credimus
 satisfieri congruè, ut relaxetur sententia: nisi prius sus-
 ficiens prætetur emendatio*. Si facultates satisfacien-
 di defint, intentio exigitur, & cautio satisfacien-
 di, antequam detur absolutio; & si qui absoluant abs-
 que his conditionibus, peccant mortaliter ad restitui-
 tionem tenentur, & per annum suspenduntur ab offi-
 cio, ex can. *peffimam. 23. quast. 8. Si quis Archiepisco-
 pus vel Episcopus hoc relaxauerit, damnum restituat, &
 per annum ab officio Episcopali abstineat*. Ibi fit quidem
 mentio de Incendiarijs, sed hoc etiam intelligi de-
 bet pro illis delinquentibus excommunicatis, quo-
 rum delictum vergit in damnum alterius. In extre-
 ma necessitate, non exigitur satisfactio præcedens,
 nec cautio, quæ reperiri sæpius non potest; sed exi-
 gendum est saltem iusiurandum quòd si aliquando
 satisfaciendi facultas suppetat, satisfactio fit reuera.
 In mortis articulo, si periculum sit in mora, sine
 præuia satisfactioe, à quocumque sacerdote potest
 absolui moribundus, modò intentionem satisfaci-
 endi & quantum fieri potest cautionem præbeat.
 Licet autem, morte imminente, quilibet sacerdos
 possit de omnibus censuris absoluerè, iniungere ta-
 men debet poenitenti, ut accedente conualefcentia,
 se, quamprimum commodè fieri poterit, iudici offe-

rat; non quidem, ut de nouo absoluator, quia censetur absolutus; sed ut mandatum ipsius recipiat, & satisfaciat, prout iustitia suadebit; aliàs in eandem censuram eo ipso reincident, ut hæc omnia habentur *c. eos qui de sentent. excomm. in 6.* Porro per articulum mortis intelligendi sunt alij casus, ubi mors probabiliter euenire potest, ut in ciuitate obsessis, mare conscendebus, iter agredientibus periculosum, se pugnae committentibus, parturientibus foeminis in partu periclitari solitis, &c.

Resp. nonò requiri voluntatem poenitentis, ut absolui queat. Hoc primò requiritur in foro interiori Poenitentiae, ubi peccator absolui nequit, nisi dolorem eliciat de peccato & absolutionem recipere velit. Hoc etiam in foro exteriori exigitur; debet enim Ecclesiae suam obedientiam & conuersionem manifestare, quod fit communiter per genuflexionem, & prostrationem; sic habetur, *cap. cum aliquis 11. quest. 3. terra prostratus veniam postulat, & de futuris cautellam spondet.* An autem aliquis possit inuitus absolui hoc insinuare videtur Diuus Thomas dist. 18. quest. 2. art. 5. sed hoc debet intelligi, modò cessauerit peccatum & contumacia, & praecesserit satisfactio partis, aliàs absolui non potest, quia censurae causa manet; nisi per talem censuram magis indurescat peccator, & prostuncillam relaxare potest iudex, sed discretè, inquit D. Thomas, loco praecitato.

Resp. decimò quòd si aliquis multiplicet excommunicatione innodetur, ab vnà absolui potest, & non ab alijs; quia ex Diuo Thomà hoc sentiente in 4. dist. 18. art. 5. nullam inter se excommunicationes habent connexionem: hoc ergo pendet ab intentione iudicis, & a formà pronuntiandi absolutionem. Vnde si poenitens pluribus excommunicationibus per eundem iudicem ligetur, sitalis iudex ab vnà absoluat. ab omnibus censetur absolvere; modò contrarium non constet, vel modò poenitens non celauerit aliquam ex causis pro quibus aliquam excommunicationem contraxit, vel modò omnes excommunicationes exposuerit; secùs enim faciens ab illis non censetur absolutus, nisi absoluens illas omnes agnoscat, aut etiam non cognoscendo eas, absolutionem ferat sub his terminis generalibus, aut illis æquivalentibus, *Absoluo te ab hac excommunicatione,*

zisi : & hoc fit ut pœnitens sit capax absolutionis Sacramentalis . Aliquando denique datur in electionibus , illis scilicet qui electuri sunt , nè electio illorum sit inualida , si aliquà excommunicatione innodarentur ; & in hoc casu absoluntur *ad cautelam* , & ad hunc tantum effectum , unde postea absolui debent simpliciter . Absolutio *cum reincidentia* est ea quâ aliquis absolvitur sub aliquâ conditione apponendâ , quæ si non apponatur , in illam statim reincidit , ut quando in mortis articulo Sacerdos absolvit sub conditione , quod postea pœnitens , si conualescat , accedat superiorem & legitimum iudicem , ut illi pareat .

Ex his omnibus quæ excommunicationis absolutionem concernunt , cognosci possunt quæ de aliarum censurarum absolutione sentienda sunt , unde pauca tantum de illis dicere supersunt .

Q V Æ S T I O III.

De Suspensione .

Suspensio est censura Ecclesiastica , quâ prohibetur personæ Ecclesiasticæ exercitium sui Ordinis, Officij , aut Beneficij , in totum vel in partem , in tempus certum , aut perpetuum , vel à iudice , vel à iure . Ex quo patet esse triplicem Suspensionem , Officij tantum , v. g. prædicationis, Beneficij tantum , & Officij & Beneficij simul ; quæ omnia possunt cognosci videndo tenorem censuræ . Quia Suspensio est censura Ecclesiastica , ferri debet ab habente iurisdictionem Ecclesiasticam externam ; unde , Parochus suspendens Sacerdotem , nè Missam celebret in sua Ecclesia , talis Suspensio non est propriè censura , & qui illam violaret , non fieret irregularis , sed est simplex prohibitio quæ limitatur ad locum , idest , ne talis Sacerdos Missam celebret in Ecclesia Parochi . Suspensio una non includit aliam , quia suspensus ab Ordine seu ab Officio , non suspenditur à Beneficio , nec è contra : Suspensus etiam ab vno actu , non suspenditur ab alio , & sic suspensus ab officio prædicationis , non suspenditur à celebratione Missæ ; suspensus etiam à maioribus , non suspenditur à minoribus , bene è contra . Violando suspensionem , committitur ,

peccatum mortale, & incurritur irregularitas. Quoad casus in quibus incurritur Suspendio, videndi sunt Casuistæ. Quoad absolutionem eius, dico quòd si sit lata ab homine, qui eam tulit, potest absolvere, vel superior, aut eius successor. Quòd si iudex tulerit censuram, donec peccator satisfecerit, vel penitentiam egerit, vel debitam ætatem attigerit, his impletis conditionibus, cessat. Quando etiam fulminatur Suspendio pro aliquo tempore, illo expleto, cessat. Quoad Suspensiones láticas à iure, à quibusdam potest absolvere Episcopus, v. g. si crimina sunt occulta; ab alijs solus Summus Pontifex potest, v. g. ubi crimina sunt notoria. Videantur ea quæ diximus de absolutione excommunicationis.

Q V Æ S T I O . IV.

de Interdicto.

Interdictum est pœna Ecclesiastica, quæ in aliquâ terra, vel Ecclesiâ, vel personis interdictur administratio Sacramentorum, celebratio diuinorum Officiorum, aut executio aliquorum spiritualium, v. g. prædicationis. Interdictum vel est locale tantum, vel personale tantum; vel locale & personale simul. Primum est, quando prohibetur celebratio diuinorum in tali, vel tali loco. Secundum est, quando celebratio diuinorum prohibetur Ecclesiasticis talis vrbs, vel talis Ecclesiæ. Tertium est, quando celebratio diuinorum prohibetur personis huius loci, & simul in hoc loco. Quicumque violant interdictum, peccant mortaliter; & si sint clerici in sacris Ordinibus incurrunt irregularitatem: si verò sint in minoribus Ordinibus, non incurrunt, quia lex fertur tantum in clericos maiores. Interdictum loci non includit interdictum populi; vnde solo loco interdicto populus potest audire sacrum alibi. Interdictum populi non includit etiam interdictum loci; vnde licet sacerdos & populus talis vrbs interdicantur, externi possunt audire sacrum in eodem loco, etiam ianuis patentibus. Interdicto clero, non interdictur locus, nec laici; nec interdicto populo, interdictur clerus. Quando interdictum fertur pro vrbe, fertur etiam pro suburbis. Quando fertur pro Ecclesiâ, fertur etiam pro

pro facellis & cæmeterijs contigujs, non tamen pro clero. Per interdictum prohibentur omnia diuina officia, sacramenta & sepultura Ecclesiastica. Plura non dicam de interdicto, quia conditiones eius communiter feruntur in literis in quibus fertur interdictum, deinde, non est saepe in usu.

QVÆSTIO V.

Quid sit Irregularitas.

Irregularitas non est censura Ecclesiastica, nec poena canonica; sed est impedimentum, seu inhabilitas inducta à iure canonico, impediens receptionem Ordinum, vel usum eorum, quia Irregularitas non est censura; ideo falluntur illi, qui in Iubilæo putant Confessarios posse absolvere ab irregularitate, quia in Bulla Iubilæi licentia datur absoluedi ab omnibus censuris. Falluntur, inquam, quia irregularitas non comprehenditur sub nomine censuræ, vnde nemo in Iubilæo potest absolvere ab irregularitate, nisi de eà fiat expressa mentio. Quoad diuisionem eius, quintuplex statuitur. Prima prouenit ex defectu Sacramenti. Secunda ex defectu corporis. Tertia ex defectu animæ. Quarta ex homicidio. Quinta ex ea quæ annectitur certo alicui crimini expresso in iure canonico. De illis sigillatim agemus.

Quæres, quid sit irregularitas procedens ex defectu sacramenti? Resp. esse eam quæ oritur ex bigamia: bigamia est autem status coniugati cum duabus coniugibus, siue simul, siue successiue. Qui ergo duas uxores duxit, sit irregularis, & non potest Ordines Ecclesiasticos, aut officia, aut beneficia recipere. Triplex est bigamia. Prima est vera, quando quis cognouit duas uxores successiue. Secunda interpretatiua, quando quis contraxit cum viduâ, vel cum aliâ cum quâ ipse commisit adulterium, vel alius. Tertia est similitudinaria, quando scilicet quis Ordine sacro insignitus, vel astrictus voto solemnî, contrahit cum aliquâ & consummat, licet sit Virgo. In his tribus speciebus bigamiæ contrahitur irregularitas de quâ solus Papa potest dispensare, imò in verâ bigamiâ, non solet dari dispensatio, nisi magna ex causa.

Quæres, quando contrahitur irregularitas ex defectu

corporis? Resp. in his casibus oriri. Primò, quando quis priuatur aliquo membro ob culpam suam, v. g. si sit in pœnam alicuius delicti, vel si ipse absciderit sibi membrum, ob indignationem, vt habetur *can. si quis absciderit*, dummodò hoc vltimum sit notorium. Si autem priuatio membri aduenit sine culpa, si ille defectus impediatur vsum Ordinis, aut importet notabilem deformitatem in vfu, irregularitas incurritur, si neutrum facit, non incurritur. Sic qui habet tantum vnum oculum, propter deformitatem est irregularis, qui autem caret, non oculo, sed visu vnus oculi, non sit irregularis, nisi fuerit oculus sinister, vt dicunt canones, quia cum dextro non posset legere canonem sine indecora conuersione faciei ad populum. Notat tamen Nauarrus, quòd si hec deformitas posset vitari, impeditur irregularitas. Secundò, quando quis habet membrum superfluum, aut nimis grande, sic Canones. Quod tamen intelligitur, si impediatur vsum Ordinum, aut afferat nimiam deformitatem, de qua solus Episcopus iudicare potest. Tertiò, quando quis est illegitimus, etiam occultissimus: si credat matri, debet occultè petere dispensationem, si non credit, non tenetur. In hac irregularitate ad minores & ad simplex beneficium potest dispensare Episcopus: ad maiores & curatum beneficium solus Pontifex. Dubium est, vtrum infans, de cuius legitimatione non constat, possit promoueri ad Ordines. Duo Casuistæ citati à Binsfeldio affirmant, alij negant, præsertim Contarruias, dicens quod nullus in dubio præsumitur legitimus, sed in tali casu potest dispensare Episcopus. Quartò, qui ante debitam ætatem Ordinem suscipiunt, suspensi sunt, & dum exercent, fiunt irregulares: Si quis tamen ex simplicitate & sine dolo hoc faceret, neutrum incurreret ex Nauarro. Qui infectantur leprâ, vel habent alias infirmitates scandalosas, vt epileptici, obsessi à dæmone, phrænetici, & abstemiij qui talenti vini habent horrorem, quod ne guttulam quidem deglutire possint sine vomitu. Sextò, tandem hermaphroditi, infames & serui fiunt irregulares, isti tamen possunt ordinari cum facultate domini sui, & tunc fiunt liberi.

Quæres, in quibus casibus contrahatur irregularitas ex defectu animæ. Resp. primò, quòd sit irregu-

laris qui caret scientia necessaria ad usum sui Ordinis, & hic defectus, quamdiu durat, tamdiu facit irregularem. Ad primam censuram requirit legere & scribere Concilium Tridentinum, & ad minores Ordines linguam Latinam. Secundò, hæc Irregularitas incurritur defectu iudicii, unde idiotæ non potest Ordinari. Tertio, non baptisati sunt irregulares, quantumvis aliunde fidem haberent. Catechumeni, Hæretici, & fautores hæreticorum, item filii hæreticorum, usque ad secundam generationem per lineam masculinam, & usque ad primam per lineam femininam, similiter, Iudæi, Saraceni, & Pagani, & in his solus Papa dispensat.

Quæres, quid sit irregularitas ex defectu homicidii? Resp. duplicem esse, una oritur ex homicidio iusto, & vocatur irregularitas ex defectu lenitatis, seu mansuetudinis: quia ille qui occidit & mutilat, etiam ex iusta causa, non censetur habere perfectam mansuetudinem, nec in hoc Christum imitari. Alia oritur ex homicidio iniusto, quæ vocatur irregularitas ex delicto. Irregularitas utraque non tantum contrahitur ex homicidio, sed etiam ex mutilatione alicuius membri, per membrum autem intelligitur ea pars quæ habet officium per se distinctum in corpore, ut sunt manus, pes, auris, unde qui alteri amputat digitum, non esset irregularis.

Homicidium duplex est, nempe voluntarium quod fit cum intentione occidendi, & involuntarium quod fit præter intentionem agentis. Voluntarium duplex est, nempe iustum, quale committere dicuntur iudex, testis, tortor, & similes qui sunt iusta causa, cur mortuus tradatur: & iniustum quod committunt illi, qui sine iusta causa aliquem trucidant, ex odio & perversa intentione.

Quicumque Christianus, usu rationis pollens, committit homicidium voluntarium iniustum, fit irregularis, amentes, ergo, furiosi, & infantes non sunt irregulares, concurrendo ad mortem, quia ratione uti nequeunt, nec etiam infideles, qui non sunt subditi Ecclesiæ à qua fertur & declaratur Irregularitas, nec etiam illi qui embrionem destruunt, quia embrio non est homo, nec destructio embrionis

hominis cades. Illi qui dant causam propriam iniuste occasioni aut mutilationi, illam committendo, vel consulendo, aut iuuando, aut imperando, sunt irregulares; nisi mandatum vel consilium reuocauerint, & illam declarauerint reuocationem mandatario. Faber qui arma cudit quibus mors illata est, non fit irregularis, quia est tantum causa remota homicidij. Permittens homicidium non fit irregularis, nisi teneatur illud impedire ex officio vel stipendio; si autem ad hoc tantum teneatur ex charitate, non fit irregularis, nec peccat contra præceptum, homicidium prohibens, sed solum contra charitatem.

Quoad homicidium iustum; modò contrahitur irregularitas, illud committendo, modò non. Non contrahunt illi qui alios occidunt à quibus innaduntur, modò hoc fiat cum moderamine inculpatæ tutelæ, etiamsi occasionem dederint inuasori, v.g. adulterando cum ipsius vxore. Quòd si fugere valens, non fugiat inuasorem, sed ipsum occidat, fit irregularis, quia non seruat moderamen inculpatæ tutelæ, nisi talis fuga ipsi cedat in notabilem infamiam. Idem dicendum est de illo, qui alium occideret ad deuicandam bonorum suorum deprædationem, vel proximi sui, maxime si sit ex amicis intimis: tunc enim deprædatorem occidere licere creditur sine irregularitate, si aliter furtum impediri non possit. Irregulares verò sunt illi qui extra causam conseruandi vitam aut temporalia bona, siue sine propria, siue amicorum, aliquem, etiam iuste, occidunt; vnde iudices, accusatores, testes, proferentes sententiam, consilium præbentes, Notarij, Aduocati & Procuratores accusatorum, sequuta morte, irregularitatem eo ipso contrahunt. Non tamen Aduocati loquentes in fauorem accusati, nisi per eorum patrocinium iniustum sint causa, cur accusator iniuste tradatur morti, aut mutilationi; aut nisi imperitia Aduocati sit causa, cur accusatus quem defendere suscepit, ad mortem damnetur: quod idem dicendum est de imperito medico, cuius ignorantia mortem ægroti causat. Prælatus Ecclesiasticus iurisdictionem habens temporalem, potest quidem iudicem laicum instituere, & mandare illi, vt suo fungatur officio: nequit tamen præcipere in particulari, vt aliquem condemnet ad mortem; nec assistere debet iudicio aut executioni, ne videatur approbare talem condemnationem,

nem, aliàs fieret irregularis. Clericis sine irregularitate conqueri possunt de suis malefactoribus; modò protestentur, se mortem illorum non intendere, siue illa sequatur, siue non. Clerici non habentes iurisdictionem, adesse possunt iudicio sanguinis, & executioni; hoc tamen indecens est, & eos non vellem à peccato veniali excusare. Qui sunt causa propria, cur mors acceleretur, sunt irregulares, sicut Confessor, qui obtineret à iudice, ut strangularetur ille qui comburendus erat, aut qui diceret patienti: ascende scalam citius, admoue caput stipiti, vel qui diceret tortoribus: fungere tuo officio; sicut etiam illi qui ligna ad comburendum hæreticos portarent, si illa ligna cooperata sint ad mortem. Non sunt tamen irregulares, qui ex accidenti mortem aliquando accelerant sine intentione, ut sunt illi qui infirmos mouent, aut vinum præbent ægroto, bona fide, licet ex utroque mors sequatur; nisi euidenter probabile sit, mortem ob hoc esse accelerandam. Si Læcus Medicinam aut Chirurgiam exerceat secundum regulas artis, non sit irregularis, etiam si propter sanitatem amputet membrum; quia non deest lenitas, quando præscinditur pars, ut totum seruetur. Si culpa Medici aut Chirurgi pereat ægrotus, contrahitur irregularitas, censentur enim causa iniusta mortis. Clericus in minoribus existens, licet sit beneficiarius, exercere potest Medicinam & Chirurgiam sine irregularitate, etiam abscindendo & adurendo: hoc enim talibus non prohibetur. Maioribus ordinibus initiati non possunt exercendo Medicinam aut Chirurgiam, amputare aut adurere, imò hoc faciendo, fiunt irregulares, nisi hoc faciant in extrema necessitate, v. g. tempore pestis, ubi alij desunt. Si tamen mors sequuta non fuerit, nulla est irregularitas, nam illa non consurgit ex quacunque mutilatione, sed tantum ex illa in qua est defectus perfectæ lenitatis, ut quando amputatio præcipitur à iudice. Medicus porrigens ægroto Medicinam dubiam, relicto certo remedio, sit irregularis, si mors sequuta fuerit. Si desit certum remedium, & salus infirmi desperata est, non sit irregularis qui porrigit dubium, etiam sequuta morte; quia prudentius agit qui tentat viam dubiam sanitatem restaurandi, quam qui infirmum deserit in statu inspectionis salutis. Si salus infirmi non est desperata, pharmacu

Quibium qui applicat, fit irregularis; nam fieri potest, ut agrotus propter illud decedat. Sacerdos, qui per regulas artis applicat emplastrum mollificativum ex quo mors sequitur, absque illius culpa, non fit irregularis; quia non dicitur mederi per abscissionem. Clericus consulens, aut præcipiens abscissionem; aut adiuvans Chirurghum abscindentem, non fit irregularis, modo hoc faciat ex peritiâ artis; etiam sequutâ morte; quia sus prohibet tantum abscissionem, & poena lata contra facientes aliquid, non ligat mandantes, nisi exprimatur. Clericus sacris initiatus aperiens venam ad emittendum sanguinem, fit irregularis, sequutâ morte, quia hoc est propriè incidere; aliqui tamen contrarium sentiunt, dicentes venæ apertionem pertinere ad officium tonsorum, quod clericis non prohibetur à iure, & non Chirurghorum; sed hoc immeritò dicitur.

Quartum ad homicidium casuale; duplex est. Unum simpliciter casuale, quod non est voluntarium in se, nec in causa, quale committitur ab ebrio; qui antequam se vino daret, nullo modo homicidium præuldit; tale homicidium nec directè, nec indirectè est voluntarium, nec in se, nec in causa. Non in se, quia quando ebrius occidit, hoc est sine advertentiâ rationis: nec in causa, quia cum se dedit vino, de homicidio non cogitabat: cum ergo illud homicidium sit purè casuale & nullo modo voluntarium, non est peccaminosum, nec irregularitatem inducit; unde amentes, furiosi, ebrii, infantes, dum occidunt, non sunt irregulares. Aliud homicidium est non purè casuale, quod scilicet est voluntarium in causa, licet sit involuntarium in se; quando v. g. aliquis ante ebrietatem statuit à inimicum occidere, deinde, cum ebrius est, ipsum trucidat, tale homicidium est quidem directè & in se casuale, quia est involuntarium, indirectè tamen & in causa voluntarium est, & sic qui illud committit, fit irregularis: modo ante ebrietatem diligentiam non præmiserit, ut impediretur homicidium, curando v. g. aliquos sibi assistere tempore ebrietatis, qui homicidium impedian; tunc enim homicidium redditur involuntarium. Qui dando operam rei licitæ, occidit, non fit irregularis; modo diligentiam adhibuerit. Dans operam rei illicitæ, censetur irregularis (licet diligentia adhibita fuerit) ex Sylvestro, Toletio, & aliquibus, contra communio-rem Docto-

rum sententiam. Quod si res illa illicita sit periculosa
 de se, vna pars Doctorum sentit contrahi irregularita-
 tem: qui dat enim operam rei illicitæ periculosa, cen-
 setur homicidium velle ex ea sequens: altera contra-
 rium tenet, quia periculum purgatur per diligentiam
 adhibitam: sed dicerem cum Bonacina irregularitatem
 contrahi reuerà, si ex tali actione mors communiter se-
 qui solet: secus si tantum raro. Conficiens arma, aut
 chartas lusorias, ex quibus mors sequitur, non fit irre-
 gularis, quia est tantum causa remota mortis. Tradens
 aliquid infirmo, vel tradi consulens contra praeceptum
 medici, fit irregularis, si mors acceleretur: secus, si
 quis hoc faciat bona fide, & non contra praeceptum
 medici. Pharmaci componentes medicinas ex rebus
 corruptis, incurrunt irregularitatem, si mors sequa-
 tur: quia dant operam rei periculosa illicitæ, nec di-
 gentiam adhibent. Qui alium casu occidit secans li-
 gnum in die festo, licet det operam rei illicitæ, non
 fit irregularis: quia illa actio non est periculosa in ra-
 tione homicidij. Magister occidens vel mutilans di-
 scipulum, excedendo modum correctionis, & non ad-
 hibendo diligentiam, fit irregularis: non verò si leui-
 ter tantum vulnerauit, etiamsi mortuus fuerit ex im-
 peritia Medici, vel ex intemperantiâ discipuli. Eccle-
 siasticus iudex præcipiens seculari, vt reum puniat de
 crimine quod non meretur mortem aut mutilationem,
 non fit irregularis: estò secularis iudex excedat in pu-
 nitione, & reus moriatur: quia est tantum causa casua-
 ris. Qui præcipit Petro, vt Paulum occidat, fit irregu-
 laris, si ipse Petrus à Paulo occidatur, quia præcepit
 opus illicitum periculosum, & non adhibuit diligen-
 tiam: Hostiensis contrarium sentit. Qui consulit alterâ
 actionem periculosam, ex qua mors sequuta est, dolose
 & non bona fide, fit irregularis: sic sunt illi qui duel-
 lum suadent, aut periculosum traiectionem fluminis pe-
 riculosi, vel via in qua inimici præparauerunt insidias.
 Qui projicit lapidem in Petrum, & Paulum occidit,
 Petro declinante lapidem, irregularis censendus est
 communiter, quia non censetur adhibuisse sufficien-
 tem diligentiam: Petrus verò declinans lapidem non
 censetur irregularis, licet illa declinatio sit causa mor-
 tis Pauli, quia utitur iure suo. Qui choream ducit cum
 muliere prægnante, si saltatio immoderata sit, fit irre-
 gularis, abortu sequuto: quia sufficientem diligentiam

non adhibet, vt vitetur abortus; sic & ille qui vxorem pręgnantem cognoscit, non addita pręcautione. Qui inter dormiendum infantem in lecto susceptum interimit, non adhibens diligentiam, redditur irregularis. Qui lapidibus, aut hastis, aut gladijs certant, aut niueis pillis, & oculum eruunt, non adhibita sufficienti diligentia, fiunt irregulares; sicut & illi qui tectum rescientes, tegulas proijciunt, nec transeuntes monent, qui mutilantur. Super irregularitatem ortam ex quocunque homicidio potest dispensare Summus Pontifex; Episcopi autem possunt quidem dispensare super homicidium casuale, non verò super homicidium voluntarium, nec super casuale publicum; quia ex Concil. Trident. sess. 14. cap. 7. facultas conceditur Episcopis dispensandi in irregularitate pro veniente ex delicto occulto, excepto homicidio voluntario. Episcopus ergo dispensare potest illum qui intendit leniter percutere, attamen accidit homicidium; potest etiam illum dispensare, qui mandauit seruo alterum percutere tantum leniter, attamen occidit; sicut & illum qui alium occidit occultè ad sui defensionem, licet non obseruauerit moderamen inculpatę tutelę, quia tale homicidium non censetur voluntarium; non verò potest dispensare cum illo qui alium ioco percutit leniter, sed postea seriò prosequitur, ex quo sequitur homicidium, licet sit occultum; quia voluntarium censetur. Nec potest etiam dispensare irregularem ex occulta occisione in bello iusto; sed dispensare potest illum qui fecit mutilationem iniustam, modò sit occulta; quia ex Concilio dispensare potest super irregularitatem ex delicto occulto prouenientem.

Quęres, quid sit irregularitas ex delicto. Resp. quòd sit illa quę oritur ex certis quibusdam delictis, quibus ex iure annexitur irregularitas, & hi casus principales sunt. Primò, quando aliquis deformat alium, id est, mutilat aut occidit, de quo antea diximus. Secundò; quando quis malè suscipit, aut exercet Ordines; ex primo irregulares fiunt excommunicationi Doctorum sententia qui ligati maiori Excommunicatione scientes recipiunt Ordines maiores, ex cap. cum illorum, de sentent. Excomm. in 6. non verò suspensi aut interdicti, quia iura loquuntur tantum de Excommunicato. Fiunt etiam irregulares qui eisdem die, inscio Episcopo, recipiunt Minores &

Subdiaconatum, vel duos Maiores, ex cap. 1. & 2. de eo qui furtivè ordinem recipit, de qua irregularitate dispensare potest Episcopus, modò delictum sit occultum: qui verò per saltum Ordines recipit, est quidem suspensus, sed non irregularis, nisi exerceat solemniter: sed ille qui furtivè recipit, irregularis censetur à pluribus, & ab alijs tantum suspensus, & furtivè ille dicitur recipere Ordines, qui ordinatur nesciente Episcopo, vel non examinante, aut qui alium sub suo nomine examinandum sufficit, deinde vocatus proprio nomine suscipit Ordines. Irregularis etiam fit, qui coniugatus Ordines suscipit sacros, ex Extravag. antiqua concertationi: sicut & ille qui Ordines maiores suscipit ab Episcopo, quæ sui iurisdictioni renuntiavit: aut qui suspensus, excommunicatus, interdictus, vel hæreticus est notorius, non verò ille qui sine Confirmatione Ordinatur nulla enim est irregularitas, si non sit in iure expressa. Ex secundo, seu ex Ordinum usu, fiunt irregulares, qui Excommunicati mai. excom. suspensi, vel interdicti, exercent solemniter actum maioris Ordinis, etiam si sint occulti, ex cap. Si quis Episcopus in Concilio; nisi excusentur ex necessitate, vel inadvertentia, aut occasione vitandi scandali. Qui cantat ergo ut Hebdomadarius in choro, (non alij) qui canit Epistolam aut Evangelium solemniter, hoc est cum manipulo vel stola, qui baptizat solemniter, qui consecrat aquam benedictam, qui absoluit sacramentaliter, qui benedicit sponsis, vel ministrat Eucharistiam, fiunt irregulares, quia exercent actum sui Ordinis, non verò sacerdos excommunicatus aut suspensus assistens Matrimonio, quia non exercet propriè actum Ordinis, nec iurisdictionis propriæ: si hæc delicta sint occulta, Episcopus dispensare potest. Porro exercens scienter actum solemnem Ordinis maioris, quem non habet, fit irregularis, cap. enim 1. & 2. de clerico non ordinato, habetur quod nunquam Ordinetur, & hoc sonat irregularitatem, & pro tunc, si delictum sit publicum, solus Papa dispensare potest, ut ad vltiores Ordines accedat, si verò sit occultum, dispensat Episcopus, & licet sit publicum, dispensare potest, ut exerceat susceptum Ordinem.

Tertium delictum ex quo incurritur irregularitas, est Baptismi reiteratio culpabilis, quæ posita.

prisans & rebaptisatus sunt irregulares, imò & Acoly-
thus ministrans solemniter in reiteratione Baptismi,
cap. *ex litterarum de Apostatis*. Non tamen incurritur ir-
regularitas ob reiterationem Confirmationis aut Or-
dinis: non incurritur enim nisi sit in iure expressa, & in
censuris non licet argumentum ducere à simili. Qui
differt baptisari vsque ad mortem vel ægitudinem, ir-
regularis censetur cap. *si quis dist. 57*. Irregularitatem
etiam incurrit qui baptisatur ab hæretico, modò hoc
cognoscat & patiatur.

Quartum delictum est Hæresis, ex quâ irregularitas
contrahitur: vnde Hæretici, Apostata à fide, eorumque
fautores, irregulares censentur, etiam si sint occulti:
cap. *saluberimum*, *quest. 1.* ad hoc tamen requiritur,
vt hæresim externè signo indicauerint: Ecclesia enim
non iudicat de internis. Qui exterius profert hæresim,
& interiùs benè sentit, irregularis non est, nec Hære-
ticus: sed Apostata à fide, qui interiùs benè sentit de
Deo, & exterius idolum veneratur, irregularitatem
contrahit, cap. *Presbyteros*, *dist. 50.* quia peccat con-
tra præceptum negatiuum Fidei. Pactum cum dæmone
incentes, irregulares fiunt, quia sunt suspecti hæresis,
& ex illâ suspitione oritur infamia, quæ facit irregula-
rem, Schismatici, quorum separatio non est coniuncta
cum hæresi, non sunt irregulares: quia ex cap. *is qui*,
de sent. excom. non incurritur irregularitas, nisi sit ex-
pressa in iure: Apostata à statu clericali, qui habitum
non habet, nec tonsuram, non est irregularis: sed be-
nè apostata à religione, quandiu manet in illâ quo
tempore ad ordines promoueri non potest. Filij hære-
ticorum sunt irregulares, cap. *statum 2. de hereticis*, sed
hoc non est in usu in pluribus locis.

Quintum delictum est infamia, siue sit infamia iuris,
siue sit infamia facti. Infamia iuris oritur quando im-
ponitur alicui à iudice pœna infamiz, vel quando quis,
per sententiam iudicis damnatus est crimine graui, in-
famiam inuolvente, vt sunt Furtum, Vsuræ, Simonia,
Hæresis, Sodomia, &c. vel quando aliquis crimen infa-
me confessus est in iudicio. Infamia facti oritur ex de-
licto commisso, infamiam inuolvente, modò sit publi-
cum & notorium maiori parte vicinaz. Vbi attendi de-
bet quod aliquis possit notari infamiâ iuris, licèt non
notetur infamiâ facti: si scilicet per falsos testes dam-
natur à iudice pro crimine non commisso, Stante in-
famia

famia qualibet, nullus potest ad Ordines promoueri : sed infamia auferri potest per emendationem, scilicet manifestam, si sit infamia facti : vel infamia iuris, per declarationem Summi Pontificis, aut Episcopi in minoribus criminibus, si sit infamia iuris canonici : vel per abolitionem principis, si sit infamia iuris civilis.


Sextum delictum erat olim Pœnitentia solemnis, seu potius crimen ob quod aliàs pœnitentia iniungebatur solemnis : triplex enim erat Pœnitentia : Sacramentalis secreta, quæ imponebatur à sacerdote : Publica non solemnis, quæ iniungebatur ab Episcopo ob crimen publicum, non tamen enorme aut scandalosum, & Publica solemnis quæ iniungebatur etiam ab Episcopo, initio Quadragesimæ, cum illis ceremonijs quæ continentur in Canone, quibus v. g. pœnitentes tenebantur, cereis accensis præ manibus, & diademate imposito capiti, stare in foribus Ecclesiæ, dum persolvebantur diuina officia. Illi, quibus talis iniungebatur pœnitentia, erant irregulares : sed non est ampliùs in usu.

Porro, ex bello potest interdum oriri irregularitas : sed hoc distinguendum est. Primò, quicumque occidit aut mutilat in bello iusto, vel iniusto, sit irregularis, modò non occidat ad conseruationem suæ vitæ, quam, nisi occidendo, conseruare non potest. Aduerte tamen quòd si bellum sit iniustum, illa irregularitas vocatur ex delicto, & si bellum sit iustum, vocatur ex defectu lenitatis. Secundò, pugnans in bello iusto, vbi fiunt homicidia, non est irregularis, modò ille non occiderit aut mutilauerit : nec à fortiori consulens bellum iustum : nec clerici qui in genere hortantur milites ad pugnandum : sicut nec illi qui hortantur aliquem vt moriatur pro fide vel patriâ, quia non est tam cooperari mortì alterius, quàm cooperari ipsius charitati, aut amorì patriæ. Tertiò, qui pugnat in bello iniusto aut illud consulit, aut hortatur milites, sit irregularis, si homicidium sequutum fuerit. Sic & illi qui suadent tentare periculum sine necessitate. In bello iusto contrahitur irregularitas ab illo qui suadet vt occidatur aliquis in particulari : non verò, si suadeat tantùm in communi. Quartò, qui dubitat probabiliter aliquem occidisse etiam in bello iusto, irregularis est, secùs si non dubitet ; *ex cap. peritè*

sua. Quintò, præbentes arma etiam offensiva, in bello iusto, non fiunt irregulares, ex cap. *petitio tua*, bene autem illi qui ea præbent in bello iniusto. Quando clerici se committunt bello ex consensu Summi Pontificis, non censentur irregulares etiam si occidant; censetur enim Papa illos dispensasse. Quoad absoluti-
onem irregularitatis contractæ in bello; solus Papa regulariter dispensare potest, quia licet hoc homicidium posset esse occultum, & possint Episcopi dispensare de irregularitate occulta; hoc est semper excepta illa quæ procedit ex homicidio voluntario.



Finis tertiæ Partis.





Handwritten text, likely bleed-through from the reverse side of the page. The text is illegible due to the quality of the scan and the nature of the bleed-through.



